

**BENEDICTI VVINCLERI  
SOLTQUELENSIS  
PRINCIPIORUM IURIS  
LIBRI QUINQUE. IN  
QUIBUS GENUINA...**

---

Benedikt Winkler, Giovanni Battista  
Coccini



25.4.6.



Ex Bibliotheca  
majori Coll. Rom.  
Societ. Jesu

C  
953







BIBLIOTECA NAZ.  
ROMA  
VITTORIO EMANUELE

In quibus genuina Juris, tam Naturalis quàm Positivi, principia, & firmissima Jurisprudentiæ fundamenta ostenduntur, ejusdem summus finis ob oculos ponitur, & Divina auctoritas probatur.



L I P S I Æ

Imprimebat LAURENTIUS COBER,

*Apud Johannem Thimium Bibliop. Francof.*

RECEIVED BY THE  
13

LIBRARY

THE UNIVERSITY OF CHICAGO  
DIVISION OF THE PHYSICAL SCIENCES  
LIBRARY

1938

THE UNIVERSITY OF CHICAGO  
DIVISION OF THE PHYSICAL SCIENCES  
LIBRARY



SERENISSIMI  
ELECTORIS SAXONIÆ,  
Domini mei Clementissimi,

Consiliariis intimis ac pri-  
mariis



*Magnificis, Nobilissimis, Virtute  
ac meritis præcellentissimis Viris*

Dn. CASPARO à Schönberg,  
in Püelsnitz & Gerikau, Electoralis con-  
siliæ Secretioris Directori, & summi Ap-  
pellationum judicii Præsidi dignissimo,

ET

Dn. ESAIÆ à Brandenstein,  
in Oppurg, Grunau & Knau, supremi  
judicii provincialis, quod Lipsiæ est,  
Præsecto vigilantissimo,

*Dominis Patronis & Promotoribus  
suis officiosè colendis*


S. P.

)(

2

MAGNIS

MAGNIFICI ET NOBILIS-  
SIMI VIRI,



Vi non nobis solis, sed  
Deo & communi ho-  
minum societati nos  
natos esse affirmant,  
nimirum id valent,  
nos quoque, qui nos Juris & Justitiæ  
studiosos profitemur, Justitiæ & ve-  
ritatem Dei pro viribus defendere, pu-  
blicè proclamare & docere debere. Sed  
cum autor Romana historia omnes, qui  
animum ad scribendum appellant, ad-  
moneat, ut aut in rebus certius quid  
afferant, aut scribendi arte vetusta-  
tem superent: ego autem considerare  
quod erudita antiquitas veritatis stu-  
diosum de omnibus sufficienter posset  
edocere, scripturientem hunc animum  
& cala-

Et calamum aliquoties inhibui. Vere-  
bar enim, cum illi, quorum ob eruditio-  
nem Et inveteratum nomen summa  
autoritas est, omnia ingeniose Et ele-  
ganter tractassent, suisq; lectoribus  
nullum mea institutionis desiderium  
reliquissent, apud negligentes autem  
nihil proficerent, ne ego discere cupien-  
tibus seram, recusantibus verò inanem  
operam prestarem. Veruntamen ubi  
animadverti non omnem prisca sapi-  
entia repetitionem fructu carere, Et  
nonnullos per ignobilem monitorem ad  
nobilissimorum autorum scripta tan-  
quam per rivulum ad fontes reduci,  
solâq; interpellatione denuò invalescen-  
tium errorum præscriptiones rumpi,  
putavi non desperandum, quin hac qua-  
licunque mea opera eruditiorum scri-  
pta quibusdam commendare, Et incau-  
tioribus periculosissimos aliquot erro-

rum gurgites ostendere possem. Atque  
utinam doctorum virorum scripta ea  
qua digni erant; fortuna intererentur;  
hoc certe monitore nemo indigeret; sed  
illis priorum seculorum nondum omni-  
bus exosa barbaries, nostrorum tem-  
porum contradicendi pruritus, & per  
vulgatam corrigendi licentiam recru-  
descens in incertitudine omnium rerum  
inscitia, officiunt, quò minus ab omni-  
bus maximi fiant. Aequiori animo  
ferri poterat hac calamitas, si in fun-  
dos steriles incideret; & ea tantum in  
dubium vocarentur, quarum vili re-  
ferret: at cum ipsa pietatis & iustitiae  
fundamenta labefactare conantur no-  
vatores, id verò etiam obstinatissimi  
silentij hominem ad obloquendum com-  
pellere posset. Quid verò indignius aut  
periculosius, quam nostro hoc tempore  
à plurimis salutaris iustitiae fontes; &

qui-



quibus solis beatitudo ad hominem derivanda est, vel ignorari, vel corrumpi & veneno falsissimarum nugarum tingi, ut citius inde mortem haurias, quam vitam, facilius quavis infanda scetera perpetrare & totum jus abjurare, quam Deum metuere & justitiam colere discas? Quid sibi vult illa juris naturae labefactatio, qua nec Deus sibi semper constare & justitiae eandem regulam observare dicitur, nisi ut nulum jus revera in Deo existere statuatur? Quid est, quod qui ex lege peccati vivunt, & ne beluinum quidem jus observant, sed promiscuas libidines exercent, & omne meum actuum è natura sublatum cupiunt, secundum jus naturae humanae vivere dicuntur? Alij jus naturae violari & amori injuriam fieri autumant, si cujusquam cupiditati ulla in re advenferis, nec

)?( 4 omnia

omnia omnibus prostituas. Quidam  
jus soli & poli sibi contradictoriè op-  
ponunt, & suum jus soli etiam invito  
jure poli defendere audent; atque ita  
justitiam Dei valere & à se facessere  
jubent. Quid verò querit illa omnis  
culpa in fatum & voluntatem Dei  
translatio; & humane voluntatis ab-  
negatio; nisi ut primum omnis boni  
autorem acerbissimè accusemus & in  
omnibus delictis damnemus? Finxere  
Poëta, Justitiam olim cum aliis virtu-  
tibus inter homines habitasse, sed tædio  
humane pravitatis migrasse hinc in  
cælum, ibiq; proximum à summo Deo  
locum occupasse, vel, ut alij interpre-  
tati sunt, in sinu & pectore Dei conse-  
disse. Negant nonnulli cum Epicu-  
reis, si non verbis expressis, ipsa tamen  
mente & vi argutationum suarum;  
justitiam Deo cordi esse. Alij cum  
Stoi-

Stoicis faciunt; & hisce etiam absur-  
diores sunt, qui licet tantam virtutum  
venerationem præ se ferant, ut ad eas  
unicè, tanquam ad summum bonum,  
anhelare videri velint, re ipsâ tamen  
virtutes & vitia, bonum & malum,  
eorumq; autores juxta habent; imò  
ipsum summum bonum causam omnis  
mali statuere non extimescunt. Vi-  
dentur utrisq; subscribere qui dicunt,  
jus tantum opinione esse, non re verâ;  
& perinde esse quicquid perpetremus;  
modò id justum esse vulgo persuadea-  
mus. Hinc etiam illa corrigendarum  
legum promptitudo; ut quidam non  
dubitent, jus naturæ eo ipso sublatum  
esse, quando civili lege vel erronea con-  
suetudine obruitur. Principibus &  
omni magistratui quidam potestatem  
in religionem & Deum ipsum conce-  
dunt, alij potestatem eorum nec in puris  
)?( 5      poss-

positivis liberam esse volunt, & legum  
civilium rationes naturales ab illis  
poscunt, quas si non invenerint, leges  
audacter corrigunt, derident, repu-  
diant, & legislatoribus totiq; antiqui-  
tati confidenter illudunt. Nimirum  
eò jam deventum est, ut quid naturale  
aut positivum sit vulgò ignoretur, ideò  
omnia ab indoctis miscentur & sine  
fronte etiam ad privatorum censu-  
ram vocantur. Quantum mali hi er-  
rores jam in respubl. invexerint,  
quantum damni ecclesia à pseudopoli-  
ticiis & jureconsultis istis acceperit,  
qua futura denique sit, si hac ulterius  
invalescant, magistratum & juris-  
antistitum autoritas, quantus occa-  
sus justitiæ & pietatis metuendus sit,  
cuius facile apparet. Annisi ergo  
sunt omnibus temporibus viri boni,  
ut ingruentem hanc calamitatem à  
rebus

rebus pub. averterent & juris autori-  
tatem illasam fervarent ; quorum  
scripta , si attentius legerentur , igo-  
rantes docere & contradicentes potu-  
erant compescere . Quia verò an-  
tiqui errores novis phrasibus vestiti  
subindè in lucem prodeunt & incau-  
tiores decipiunt , & animadverti no-  
stris temporibus nonnullos antiqua  
Stoicorum analec̃ta magno boatu eru-  
ctare , Cynicam impudentiam , Epicu-  
reamq; libidinem nobis in jus evome-  
re , & nescio quid non pro voluntate  
Dei & natura necessaria , magno  
scandalo & periculo publico vendita-  
re velle ; putavi me opera precium  
facturam ; si ostenderem vesanam  
istam impudentiam & peccandi neces-  
sitatem à voluntate Dei , à sanctissima  
Justitia & jure humano tam alienam  
esse , ut ne beluino quidem juri conve-  
niat ,

niat, imò ut tota natura ab illa ab-  
horreat. Repetitis itaque & novis  
phrasibus paululum illustratis sanio-  
rum philosophorum argumentis mon-  
strare volui Naturam, Rationem,  
rectam & Justitiam esse rem sanctif-  
simam, Dei filiam, ab omni peccato  
avocantem, delicta hominum serio de-  
testantem & gravissimis pœnis vindi-  
cantem: peccandi verò necessitatem,  
libidines, injurias, & similia, nec na-  
turali nec positivo jure introduci aut  
probari posse, & inter juris humani  
fructus falsissimo numerari, nec Ju-  
risconsultis tantum, sed & Deo atro-  
cissimam injuriam fieri, cum inter ef-  
fectus juris alicujus recensentur. Quæ  
cum legaliter tractari non possent,  
haurienda fuerunt ex theologia &  
philosophia, ut jurisprudentia nostra  
fundaretur autoritas, & adversarij  
sibi

sibi non cum edicto Pratoris, sed cum  
Deo & ratione litem esse perspicerent.  
Ita mihi emergere quinque hi libelli,  
quos PRINCIPIORUM JURIS  
inscriptione in lucem prodire volui.  
In quibus Justitiam & jus à sanctissi-  
mo Deo per rationem & naturam  
ad nos descendere, & nec naturali,  
nec gentium, nec positivo scito Deo re-  
pugnare, quâ possem perspicuitate  
& brevitate indicare volui. Non  
despero eos, quibus justitia Dei, pu-  
blica salus, & jurisprudentiæ auto-  
ritas cordi sunt, studium meum non  
omnino improbaturos, & mecum  
pro Deo & jure, tanquam pro aris  
& foris, pugnandum arbitraturos.  
Scripsere quidem etiam nostra etate  
alii de principiis juris, quanquam  
non omnes suos libros eo titulo indigi-  
tarint,

tarint, omnes tamen eo consilio, ut Jurisprudentiæ autoritatem sanctam rectam conservarent: sed videbatur illi nostræ diligentie aliquid indagandum vel colligendum reliquisse. Quapropter me non piguit ex scriptis theologorum & antiquorum philosophorum plura ad hanc materiam facientia colligere, & in hisce libellis uberio-rem gustum principiorum juris, ac demonstrationem errorum manifestio-rem exhibere, ut illi, qui ad gubernandas respubl. preparantur, à primis statim juris initiis discerent opiniones ecclesiæ Dei & politiis humanis exitiales nosse, detestari, & suâ aliquando operâ nostris à civitatibus prohibere.

Permagnam verò huic studio & voto meo robur accedet, si id à vobis,

Viri



*Viri Magnifici, Officiis, Genere, Eru-  
ditione & Autoritate Nobilissimi,  
probabitur. Cum enim vos Deus ju-  
stitia sua ministros esse voluerit; cum  
vos Serenissimus Princeps ac Elector  
Saxonia Dux, Dominus meus cle-  
mentissimus, omnium intimorum con-  
siliorum suorum arbitros, Academia-  
rum inspectores, docentium ac discen-  
tium patronos, justitiarū gubernato-  
res constituerit; meritò omnium oculi  
in Vos sunt conjecti, omniumq; au-  
res Vestrum de rebus arduis expectant  
judicium. Quapropter & ego hanc  
qualemcunque operam meam vestra  
censura subicere, & me meaq; studia  
favori ac patrocinio vestro commen-  
dare volui ac debui. Si sciam Vos opu-  
sculum hoc meum benigno vultu susce-  
pisse, meq; in numerum suorum clien-  
tum*

*rum retulisse, magni id muneris loco  
habebo, de hoc scripto meo & de omni-  
bus studiis meis benè sperabo, & ma-  
gnum me beneficium pro exiguo mu-  
nuscule accepisse fatebor. Valet.  
Dab. Lipsia. Kal. Decemb. Anna  
Christi 1614.*

**Vestræ**

**Magnif. & Excell.**

**Officiosiss. cliens**

**Benedictus VVincler, S.**

**PRIN-**



# PRINCIPIORVM JURIS

LIBER PRIMUS.

In quo agitur de lege omnia  
primò movente ac gu-  
bernante.



*Principia juris diligenter investi-  
ganda & cognoscenda esse.*

C A P. I.



Qui Jurisprudentiæ operam <sup>Principia</sup>  
daturi, veram solidamque sibi <sup>jura studio</sup>  
Juris cognitionem exoptant, <sup>se primò di-</sup>  
<sup>scenda.</sup>  
necessariò à primis principiis  
ordiuntur: cùm quia ratio docet omnia  
ordinè suis à principiis proficisci, tum  
quia fieri non potest, ut quis neglectis  
initiiis ad plenam alicujus rei cognitio-  
nem adspiret. Nam ut videmus opificum <sup>Ob ordi-</sup>  
discipulis, circa objecta in sensus incur- <sup>nens cogni-</sup>  
rentia manuariam operam præstantibus, <sup>tionis.</sup>

A                      gene-

*Ob periculum  
ignorantium.*

generalia quædam de objecta sibi materia, deq; appellatione & usu instrumentorum suorum præcognoscenda esse, priusquam ad operationem accedere, & aliquid arte dignum exhibere possint: ita multò magis id necessarium est iis in scientiis, quæ tantum acumine ingenii percipiuntur: siquidem operatio mentis, quò subtilior, liberior, pluribusq; objectis obvia, eo etiam citius vel rerum obscuritate, vel infinitâ particularium varietate implicata decipitur. Ex quo porro subsequuntur errorum fructus, periculum & dolor, qui nobilioribus in artibus tantò peiores semper, quò difficilior est correctio, quoq; magis interfuit non aberrasse. Quod ergo nautis accidit, si pelago se committant prius quàm clavem navis tenere, retinacula & funes adducere vel laxare didicerint, ut semper summo in vitæ discrimine natent: id ipsum in vastissimo juris civiliumq; negotiorum oceano evenit iis, qui in medias se leges & lites præcipitarunt, antequam principia juris degustarent, ipsumve jus quid sit, unde & quo fluat, explorarent. Quo etsi vix quicquam est frequentius, miranda tamen est auda-

audacia hominum, qui se civilibus negotiis, ne cogitantes quidem quam magnum & difficile mare ingrediatur, immergunt. Nam si quis mihi maris scopulos, brevia, gurgites, & quæ ibi sese offerre solent monstra, memoret, minusq; discriminis in hac legali navigatione esse putet, fallitur. Conferamus magnum fluvium, civitati copiosæ ac locupleti; mare, toti regioni ac vicinitati; marina monstra, improbis civibus; gurgites & scopulos, negotiis civium publicis privatisq;; procellas deniq; & tempestates, seditionibus & bellis: facile plus laboris in sustinenda republ. quam in gubernanda nave inveniemus. At præter hæc omnia in studio juris periculum animæ, quod summum omnium est, versatur, cum hîc non de rebus & mercibus tantum, sed de omnibus, quæ homines attingere possunt, agatur, nec humanarum rerum quicquam sit tam remotum à studio juris, ut nullam ejus in considerationem veniat. Sive enim de rebus & negotiis humanis loquamur; sive de cujusq; officio, statu & potestate; sive de recta civium institutione & ordinatione; seu deniq; de dissidiis eorum extri-

#### 4 DE PRINCIPIIS JURIS,

candis & delictis vindicandis: omnia hæc juribus personarum, rerum & actionum includuntur, & legibus consiliisq; publicis reguntur. Quid autem periculosius esse potest, quam in omnibus humanis gubernandis se ministrum Dei gerere, & tales ubiq; sententias ferre, quarum rationes Deo & civitati tuæ sis probaturus? Tanta periculi imminentis magnitudo meritò omnes, qui animum ad hoc studium appellunt, excitat, ut in essentiam veritatemq; juris diligenter inquirent, idque probè perspiciant, priusquam alios docere vel judicare tentent. Accedit alia investigandi principia juris necessitas, quod ex vulgari eorundem ignorantia tantus invaluit juris contemptus, ut quidam nobis omnem vitæ disciplinam, quæ in jure consistit, labefactare & evertere conentur. Quid enim toto in jure tutum extraq; controversiam positum affirmare ausimus, cum ipsa nobis juris & legum fundamenta, portus ac receptus nostri, hostiliter infestentur? Alii leges omnes simpliciter damnant; alii jus naturale ab æterna Dei justitia defluxisse negant; quidam leges nil nisi potentiorum placita

*Ob juria  
conservanda  
horum.*

placita esse arbitrantur; nonnulli inveteratas quasdam opiniones, & commenta virorum ingeniosorum ad gubernandas respub. adinventas, leges vocari autumant; quin & extiterunt qui affirmare non erubescerent, magistratus, judicia & leges penitus aboleri oportere, quod Christo initiatus homo lætâ conscientiâ iis uti non posset. Quæ quidem disputantur & refutantur à Theologis nostris, sed quia sunt legis, suo considerationis modo etiam ad Jurisconsultos pertinent, inprimis cum illi talibus effatis inscitiae, injustitiae & impietatis rei citentur, quasi servile & intolerabile aliquod jugum hominibus Dei & naturæ beneficio liberis imponant, humanisq; figmentis vitæ ac bonis miserorum insidientur. Qui modestius agere vel occultius pungere volunt, enarrare solent Juris consultis leges naturaliter hominum cordibus inscriptas, *non occides, non furtum facies &c.* rogitant deinde, quo jure, quâ conscientiâ huic vitam, illi bona auferenda pronuncient, talibus in causis, ubi ratio naturalis ipsis nil tale suadeat, imò in legibus Mosaicis præcepta & exempla sint diversa? Hic

omninò obmutescere & hæere, aut suæ conscientiæ vim facere oportet, qui principia juris ignorant: cum è contra vero Jurisconsulto ratio semper in promptu sit, quâ errantes doceat & calumniatorum argutias, veluti obverso clypeo, frangat. At rationes legum probas sola suggerunt juris principia, ex iis tanquam è quodam Copiæ cornu eas depromas licet, si non speciales, attamen generales, & ( quod non tam de hoc præsentì libello, quàm de ipsa principiorum juris efficacia affirmabo, ) inexpugnabiles, tuæ conscientiæ, alienæ cavillationi satisfaci-  
 cientes. Quod autem, cum de omnibus contractuum articulis, deq; methodo & arte juris certatim scribant autores, tam rari sint qui de principiis juris aliquid tradiderint, ut illorum utilitati non detrahit, ita nec magnopere est mirandum. Tritam enim viam omnibus in artibus pleriq; ambulant, & ad vendibilia gralatorio gradu contendunt, pulcherrima relinqui solent, quia difficillima, & vulgi iudicio sterilia. At superanda est difficultas labore, & opera danda ut hæc quoq; cum perspicua & plana fiant, tum utilita-  
 tem

*Ob ratio-  
 nes legum  
 assiguen-  
 das.*

*Princ. juris  
 cur vulgo  
 negligan-  
 ter.*



tem suam maximam palàm exhibeant.

Qu. Mucium refert Pomponius Servio *Turpe est*  
 objecisse, *turpe esse patricio, & nobili, & cau-* *luricom-*  
*las oranti, jus in quo versaretur ignorare.* l. 2. *sulto igno-*  
*rare princ.*

§. 43. *De orig. jur.* Id haud dubiè rectè oc- *juris.*

cantatur his, qui principiis juris aut peni-  
 tus ( ut ferè fieri solet, ) neglectis, aut vix  
 summo ore delibatis, se foro immiscere  
 & justitiæ antistites opinari audent. Hi  
 enim, licet verba legum scire, & alicubi  
 ad propositam quæstionem accommoda-  
 re posse videantur, tamen jus ipsum re ve-  
 rà turpiter ignorant, contenti opinionib-  
 us & exemplis. At in rationum concur-  
 su nec civilia à naturalibus separare, nec  
 rationes ipsas ponderare possunt. Quo  
 ergo nomine dignabimur illos, qui se ju-  
 stitiam administrare gloriantur, cum nec  
 ipsum jus quid sit intelligant, nec ullam  
 solidam rationem latæ sententiæ habe-  
 ant, quâ suæ ( si in eam descendant ) con-  
 scientiæ satis facere possint? Jurisconsul-  
 tus certè, qui honore tanti nominis di-  
 gnus esse, verà Philosophiâ reipub. saluta-  
 rem operam præstare, & Divinæ Justitiæ  
 Sacerdos esse cupit, ut ab Ulpiano *in l. 1.*  
*D. de Justit. & Jure* admonetur, primò sci-

# 8 DE PRINCIPIIS JURIS,

re debet quid tractet, utrum figmenta hominum & antiquas opiniones, an vero jus aliquod re verâ existens & Deo placens? Deindè opus est ut discat naturalium & civilium rationum pondera justo examine inquirere, ut secundum jus & æquitatem in omnibus possit rationabiliter judicare. Et quid homini jucundius esset, quam se ipsum, suam rationem & naturam nosse, ac in ea divinas virtutes intueri, quæ in principiis juris deteguntur? ut Cic. 1. de legib. inquit, *Sic habetote, nullo in genere disputandi magis patefieri, quid sit homini naturâ tributum, quantam vim rerum optimarum mens humana contineat, cujus muneris colendi efficiendiq; causa nati & in lucem editi simus, quæ sit conjunctio hominum, qua naturalis societas inter ipsos: his enim explicatis fons legum & juris inveniri potest.* In principiis juris discimus quomodo se Deus cum hominibus, & homines inter se mutuò, unâ societate juris devinxerit, & quomodo jus nostrum maxima sui parte immediatè, partim autem mediante magistratu, Dei ministro, ex ore & corde Dei sit depromptum, quo nihil Jurisconsulti studio dignius aut conscientiaruti

*Plac disci-  
mas nosmet  
nosse.*

*Et societa-  
tem juris  
quam cum  
Deo babe-  
mus.*

tutius esse potest. Quid porrò magni-  
centius, quàm Deum ipsum in jure de-  
prehendere, eo colloqui & præceptore  
uti? Hic videbimus quomodo Theolo-  
gia, Jurisprudentia & Philosophia, veræ  
Gratiæ, mutuis sese teneant amplexibus,  
unamq; in veritatem venerandam & tu-  
endam unanimiter conspirent. Hic de  
omnibus quæ in jure occurrere poterunt  
quæstionibus, ex genuinis & propriis di-  
scemus disputare & judicare principiis,  
quo nihil in conflictu argumentorum &  
collationibus opinionum est utilius.

*Et conso-  
nantiam ju-  
rispr. cum  
Theolog.  
& Philosof-  
phia.*

*Et vera &  
spuandi  
principia.*

Non ignorarunt id præceptores no-  
stri, ideoque hortantur nos, ut in hisce  
fundamentis ponendis vigilemus, tanquā  
ibi de dimidio totius, vel potissima parte,  
imò de toto agatur. Cajus noster, expli-  
cationem XII. tab. auspicaturus, his ver-  
bis suos auditores alloquitur: *Facturus  
legum veterum interpretationem, necessario  
prius ab urbis initiis repetendum existimavi:  
non quia velim verbosos commentarios facere,  
sed quod in omnibus rebus animadverto id per-  
fectum esse quod ex omnibus suis partibus con-  
staret. Et certè cujusq; rei potissima pars prin-  
cipium est. Deinde si in foro causas dicentibus*

*Ad princ.  
juris cogni-  
tionem ex-  
citant nos*

*Cajus.*

*As*

*nesas,*

nefas, ut ita dixerim, videtur esse, nullâ præfatione facta judici rem exponere: quanto magis interpretationem promittentibus inconueniens erit, omiſſis initiis, atq; origine non repetitâ, atque illotis, ut ita dixerim, manibus, proſinus materiam interpretationis tractare? namq; niſi fallor, iſtæ præfationes & libentius nos ad lectionem propoſitæ materiæ producunt, & cum ibi venerimus, evidentiorẽ præſtant intellectum. Quæ verba, ut nos ad fundamenta juris ſolida ponenda admonerent, in frontiſpicio tituli *De origine juris* poni voluerunt prudentiſſimi legum compoſitores.

*Aristot.* Et *Arist.* 1. *Eth.* 7. δοκει πλεον η το ημισυ τῶ παυτος εινε η αρχη, καὶ πολλὰ ἐμφανῆ γίνεσθαι δι' αὐτῆς τῶν ζητούμενων. *Videtur plus quam dimidium totius eſſe principium, & multa per illud manifeſta fieri eorum quæ in quæſtionem veniunt.*

*Plato.* Huc etiam *Plato* lib. 4. de legib. reſpexit, quando à legiſlatore præmium legis requirit, ne omnia imperare ſed quædam etiam perſuadere videatur. Nam hæ ſunt illæ præfationes, quæ in nobis juſtitia venerationem ac ſitim excitant, & ad intellectum legum faciem præferunt, ut *Cajus* modò dicto loco teſtabatur. Et 6. de legib. *Plato* iterum inquit:

ἀρχὴ

ἀρχὴ λέγεται ἡμῖν πάντων, ἐν ταῖς παροίαις,  
 ἔργα· καὶ τόγε καλῶς ἀρχαῖται, πάντες ἐγκω-  
 μιάζομεν ἑκάστοτε· τὸ δ' ἔστι τε (ὡς ἐμοὶ φαίνε-  
 ται) πλεον ἢ τὸ ἡμῖν· καὶ ἔδεις αὐτὸ καλῶς γν-  
 νόμενον ἐγκωμιάκεν ἱκανῶς. *Principium dimi-*

*diuum totius operis esse proverbio dicitur: atq;*  
*eum qui bene cæpit omnes ubiq; laudamus. Mi-*  
*hi autem hoc plus quam dimidium esse videtur,*  
*rectumq; principium nunquam ab aliquo satis*  
*laudatum fuisse. Cicero vero, quanti fa-*

Cicero

*ciat principiorum juris cognitionem, te-*  
*stantur ejus libri quos de legibus scripsit.*  
*Illud notabile, quod lib. 1. de legib. inquit:*  
*Qui aliter jus civile tradunt, non tam justitia*  
*quam litigandi tradunt vias: quod quidem*  
*ego credo verissimum esse.*

Age ergo, si non lites sed justitiam di-  
 scere placet, si cordi sunt ea quæ diximus,  
 principia juris diligenter investigaturi,  
 rem seriò aggrediamur.

Et autor  
libelli.

Te prius, qui JUSTITIA ipsa & fons  
 omnis boni es, sine quo nihil possumus,  
 te imploramus supplices: annue cæptis,  
 tuæq; veritatis radiis illumina mentes no-  
 stras, ne doceatur neve approbetur quic-  
 quam, nisi quod vergat ad nominis tui  
 gloriam, veritatis defensionem, ecclesiæ

Deus for-  
tunes stu-  
dium.

tuæ

12 DE PRINCIPIIS JURIS,  
tuæ utilitatem; omniumq; qui hæc no-  
stra lecturi vel usurpaturi sunt, salutem &  
honorem.



*Juris Principia unde hau-  
rienda.*

C A P. II.

*Principia  
juris legali-  
ter tractari  
non posse.*

**I**N tota Jurisprudencia nihil est quod  
minus legaliter tractari possit quam ipsa  
principia. Nam qui de contractu vel alia le-  
gali quæstione scribunt, simpliciter ad leges  
provocare possunt, & sufficit iis si vel ex verbis,  
vel ex ratione & mente legis quæ statuunt, pro-  
bent. Si alias præterea rationes ex politicis,  
ethicis aut theologicis scriptis depromptas ad-  
jiciunt, id fit ex superabundanti, ut lex, se  
ipsam suâ utilitate & prudentiâ commendans,  
magis placeat & observetur: alioquin latarum  
legum proprium non est persuadere, sed pro  
autoritate sua imperare, ut l. 1. D. de legib. dici-  
tur, *lex est præceptum*: & l. 7. *ibid. legis virtus est impe-  
rare, vetare, permittere, punire.* Quotiescunq; au-  
tem ita ad leges provocatur, præsupponitur le-  
gem esse tale præceptum cui, propter ratio-  
nem boni & auctoritatem præcipientis, sine re-  
luctatione obediendum esse omnes sciant. Et  
hoc est illud generale omnium legum præ-  
mium seu præsuppositum, quod in principiis  
juris

juris demonstrandum. Quia ergo ipsa natura & autoritas legum in dubium vocatur, cum quæritur quid sit lex? quæ ejus nativitas & essentia? cur eam amplecti & observare debeamus? & unde eam sibi vindicet potestatem, ut etiam invitos ad obedientiam vel ad pœnam trahat? confestim cuivis id ratio suggerit, non posse leges in hac status sui controversia sibi ipsis sententiam aut testimonium ferre, ideoq; probationes aliunde quam ex legibus sumendas fore: quod & Philosophorum axioma vult, cum dicunt *nullam artem sua principia demonstrare.*

*Com ipsa  
gestis pati-  
authoritate  
controver-  
am.*

Illa itaq; suscipienda nobis sunt ex communibus omnium artium fontibus, Theologia & Philosophia: Medicina enim, suum in finem declinans, à nostro longius recedit. A Philosophis hauriemus, quia tractabimus res quæ sunt rationis, quæq; Iureconsultis in Ethicis, Oeconomicis & Politicis præmonstrantur, & in forum intraducenda docentur. Aristot. *i. Eth. i.* docuit, finem civilis scientiæ summum ac perfectissimum esse, omnesq; alios fines illi sub-  
servire, idè enim præcepta philosophica tradi, non ut in scholis delitescant & emoriantur, sed ut eorum usus aliquis sit in vita civili. Civili vero scientiæ Aristot. legumtricem includit, propter magnam cognationem quam Politica cum Iurisprudencia habet. Et in doctrina de moribus sæpè facit mentionem legum, nec veretur interdum ex legibus argumenta  
duce-

*hæc princi-  
pia præsentia.*

*Ex Philoso-  
phia.*

## 14 DE PRINCIPIIS JURIS

ducere, ut 1. *Eth.* 13. 3. *Eth.* 1. & 5. *al.* 7. quo tēstetur ac monstret, quomodo omnia; quæ in philosophia practica traduntur, ad usum civilem & ad sanciendas leges spectent. Non potuit enim ignorare, præcepta de moribus & virtutibus; de potestate & officio parentum, maritorum, dominorum, magistratuum & privatorum, parum profutura, nisi à legislatore publicâ parendi necessitate armarētur & in usum vocarentur. Præterea noster considerandi modus id requirit, ut de legibus paulò aliter quam Theologi loquamur, nec vereamur etiam prudentium ethnicorū phrasibus, sententiis ac præceptis uti, siquidem obedientiam, quæ secundum rationem humanam nostrarumq; virium sit, à nostris auditoribus postulamus, & non moralia tantum, sed & civilia jura tradituri sumus.

*Et ex theologia.*  
*gna.* +

At theologiæ suffragio ideo nos uti oportet, quia de Deo & voluntate ejus, quæ summa lex esse apparebit, item de homine, ejus natura & ratione, deq; lege naturæ quam homo immediate à Deo accepit, acturi sumus, quod sine opera Theologiæ fieri nequit. Nemini ignotum est, Deum magistratui & omnibus qui se reipub. ad conservandam justitiam parant, utramq; legis suæ tabulam legendam & observandam dedisse, *Deut.* 17. v. 18. non modo ut homines secundum eas viverent, sed etiam ut legumlatores ac justitiæ divinæ ministri, omnia sua præcepta ad voluntatem & normam à summo



mo legislatore præscriptam componere disce-  
rent. Ideo quæstiones de lege & operibus ho-  
minum, paucis exceptis, Theologis & Iurecon-  
sultis sunt communes: & fallitur qui putat cu-  
ram harum rerum ad Theologos tantum per-  
tinere, nam & magistratum scire oportet, an  
quæ sancit & judicat recta sint, & quomodo ea-  
rum ratio coram Deo reddi possit. Est enim  
Iurisprudentia Theologiæ in doctrina legis fa-  
mula, & magistratus Dei est minister, qui of-  
ficio suo recte fungi nequit nisi voluntatem sui  
domini intelligat.

Quod autem lectorem non statim, ubi quid *Cur lectorem*  
ex Theologicis aut Philosophicis principiis *non remittatur ad illorum scripta.*  
probandum est, ad theologorum & philoso-  
phorum scripta remittimus, causa est quod  
cuiusvis suus est de lege considerandi & scriben-  
di modus, & nobis principia juris ita traden-  
da, ut paulatim ad studium legale declinemus.  
Non est autem omnib. initia juris hauriētibus  
tantum ingenii vel otii, ut perspicere possint,  
quomodo & quatenus quodq; studio jurispru-  
dentia applicari possit & debeat. Theologi e-  
nim & Philosophi varias in sectas discesserunt,  
eorum aliqui juri contraria docent, nonnulli  
juris nostri ignorantia nescio quas absurdita-  
tes jurisconsultis affingunt, à quibus etiam  
quidam illorum, qui juris interpretes se pro-  
fitentur, conturbati, sæpè contradictoria sta-  
tuerunt. Sic cogimur interdum in argumen-  
tis Theologicis & Philosophicis esse prolixio-  
res;

res, quod necessitati & susceptæ tractationis argumento condonandum. Habemus hujus rei exempla apud pisces Iurecōsultos, quos videmus studium juris ita auspicatos, ut cum jurisprudentia divinarum rerum notitiam veramq; philosophiam conjungerent. *l. i. & 10. D. de Iustit. & jurē.* Horum vestigiis nos non pœnitebit insilire, & quo magis id vulgò negligitur, cō diligentius naturalia juris principia explicare, si fortè quibusdam ostendere possimus, *IURISPRUDENTIAM* nostram non esse spuriam *OPINIONIS* filiam, ex variis hinc inde collectis erroribus natam; nec infelicem & subditiuum pravæ *CONSVETUDINIS* partum; sed genuinam prolem *VERITATIS*, quam *INSTITIA* ex Deo peperit, *PHILOSOPHIA* enutrivit, Deus hæreditate & autoritate suâ dotavit. Ita nostri studii conservabitur autoritas, & alii consideratius de eo judicare admonebuntur.



*Juris principia à Deo repetuntur,  
qui Iustitia fons, protector & gubernator  
esse præsupponitur.*

## CAP. III.

Dei & Deo  
recepti & Iustitia **D**E Iustitia & jure scripturientium quidam nescio quas de Diis & deabus gentilium fabulas, prudenti viro tantarumq; rerum exordio indignas, præfati sunt. Sed rectè judicat

dicat Philo, tantam rem non à figmentis, sed à Deo totius naturæ autore ordiendam, ut sciat homo unde sit lex cujus imperio ipse & totus mundus subjicitur. Verba ejus ex libro *ἡ τῆς Μόσεως κοσμοποιίας*, prout Gelenius vertit, hæc sunt: *Ceteri legistatores, partim nullo ornatu adhibito nudum jus præscripserunt: partim ad exaggerandam apud vulgus rem, fabulosis figmentis veritatem prætexerunt. Moses vero, utraq; ratione possibilibus, alterâ ut rudi ac ignavâ, parumq; decorâ philosopho: alterâ ut mendace plenaq; præstigiis, perpulchrum ac honestissimam legum suarum fecit initium: neq; statim quæ faciendæ, quæve non, admonens; neq; quoniam formandæ prius erant mentes accepturorum has leges, affingens fabulas, aut aliorum figmenta recipiens: &c.* Nos itaq; quos nec tantquam ignavos & rudes philosophos, (sic enim vides à Philone vocari qui nullo ornatu adhibito statim in jus irruunt,) nullâ præfatione factâ, illotis manibus, contra fas & decorum protinus ad leges accedere, l. 1. *D. de orig. jur.* nec mendaces præstigiatores, sed potius bonos philosophos & veræ theologiæ discipulos imitari decet, l. 1. & 10. *D. de just. & jure*, missis gentilium nugis, principium à vero ter optimo maximo Deo, qui solus principio & fine caret, ducimus, idq; duplici de causa. Primò ne cordatioribus ethnicis pietate inferiores fuisse videamur, qui legum suarum originem ad summum Deum referendam putarunt: *Cal. Rhodig. lib. 18. antiq. lect. cap. 19. Polyd. Virg. lib.*

2. de invent. cap. 1. Ant. August. de legib. cap. 2. Secundò quia necessitas hoc exordium requirit, cum ille solus primum ac certissimū principium sit & alius iustitiæ autor non detur. *Πᾶσα δόσις ἀγαθὴ, καὶ πάντοτε τέλειον, ἀναθίκεται, καὶ ἀναδίδεται ἀπὸ τοῦ πατρὸς τῶν φώτων.* Omnis donatio bona & omne donum perfectū ē supernū est, descendēs à patre luminum. Iac. 1. v. 17. Cum enim ratio suggereret ius nō posse aliunde quā à Deo iustitiæ omniumq; virtutū autorem descēdere, omnes qui accuratius de jure & legib. scripserunt, à Deo primordia capienda viderunt. Ac poetarum quidem de Dea Iustitia nemini ignotas fabulas mittimus, licet enim aliquid doctrinæ in se contineant, v. Gell. lib. 14. cap. 4. Bud. ad. l. Iustitia. 10. D. de just. & jure. huc tamen non pertinent, & ubi seria tractantur præstat figmentis abstinere, ut Philonem modò judicantem audivimus: Cicero lib. 2. de legib. putat hoc esse genuinum & proprium legum præmium, ut jam ab initio persvasum sit civibus, dominos esse omnium rerum ac moderatores Deos, eaq; quæ gerantur, eorum geri iudicio ac numine, eosdemq; optimè de genere hominum mereri, & qualis quisq; sit, quid agat, quid in se admittat, quā mente, quā pietate religiones colat, intueri, piorumq; & impiorum habere rationem. Platonis hæc sunt, oratore ipso non dissimulante; is libro 10. de legib. putat legislatorem, priusquam ad alia properet hoc minimè transilire, sed haud gravatim tanquam utile & necessarium primò persuadere debere, quod Dii sint iustitiæ

Proprium  
legum præ-  
mium Deus.



ποντας ἐς ἑρανὸν καὶ τὸν κόσμον, καὶ τὴν ἐν αὐτοῖς διακρίσκει-  
 σιν καὶ τάξιν. ἡ γὰρ τύχης, ἡ δ' ἀνθρώπων εἶναι δημιουργή-  
 ματα. σέβειν δὲ τέρας καὶ τιμᾶν, ὡς αἰτίαι ὄντας ἀπάν-  
 των ἡμῖν ἀγαθῶν, τῶν καὶ λόγῳ γινόμενων. ἕκαστον οὖν ἔχειν  
 καὶ παρασκευάζειν δεῖ τὴν αὐτῆς ψυχὴν, σάβην τῶν κακῶν  
 καθαρὰν. ὡς ἡ τιμᾶται θεὸς ὑπ' ἀνθρώπου φάβη, ἡ δὲ θε-  
 ραποῦναι θαπάντας, ἡ δὲ τραγοῦσαι τῶν ἀλισκομένων, κα-  
 θάπερ μοχλῆρος ἄνθρωπος : ἀλλ' ἀρετῇ καὶ σωφροσύνῃ τῶν  
 καλῶν ἔργων καὶ δικαίῳ. διὸ ἕκαστον δεῖ εἰς δύναμιν ἀγαθῶν εἶ-  
 ναι, καὶ τὰ εὖ καὶ σωφρονέειν, τὸν μέλλοντα ἐπιθεῖν θεο-  
 φιλίᾳ, καὶ μὴ φοβεῖσθαι τὰς εἰς χεῖματα ζήμιας μάλλον τῆ  
 καλῆς καὶ δικαῆς. ὅσοις δὲ μὴ ἔξῃδιον πρὸς ταῦτα τὴν ὁρμὴν πέ-  
 πεισθῇ, τὴν δὲ ψυχὴν ἔχουσιν οὐκ ἔνθεν πρὸς ἀδικίαν, ὥδ' ἡ-  
 μῖν παραγγέλλω, πᾶσι τοῖς τοιούτοις πολίταις, καὶ πολιτίσι  
 καὶ ξυνοικοῖς, μεμπτήν θυνὼν ὡς ὄντως, καὶ δίκας ὑποπεμπόν-  
 των τοῖς ἀδικοῖς, καὶ τίτεσθαι πρὸ ὁμμάτων τὸν καιρὸν τῆτον,  
 ἐν ᾧ γίνεσθαι τὸ τέλος ἐκάστω τῆς ἀπαλλαγῆς τῆ ζυγῆς. πᾶσι  
 γὰρ ἐμπίπτει μεταμέλεια τοῖς μέλλουσιν τελευτᾶν, μεμνημέ-  
 νοις ὅτι δικήκασσι, καὶ ὁρμὴ τῆ βέλους πᾶντα πεπράχθαι δι-  
 καίως αὐτοῖς. διὸ δεῖ ἕκαστον παρ' ἐκάστου παρᾶσιν αἰεὶ συνοι-  
 κεῖν τὸν καιρὸν τῆτον, ὡς δὲ παρόντα. ἔτι γὰρ ἂν μάλι-  
 στα τῆ καλῆς καὶ τῆ δικαῆς φροντίειν. ἐὰν δὲ τῇ σωφροσύνῃ δαίμων  
 κακὸς τρέπων πρὸς ἀδικίαν, διαίρειναι πρὸς τοὺς, καὶ βωμὸς καὶ  
 τιμὴν ἐσθλὴν τὴν ἀδικίαν, ὡς δὲ σκοποῦν ἀσβεσάτῃ καὶ  
 χαλκῷ πλάττειν, ἐκιδύοντα τὰς θεὸς συναπορέπειν αὐτὴν. ἔ-  
 ναι δὲ καὶ πρὸς ἀνδρας δόξαν ἔχοντας ἐπ' ἀνδραγαθίᾳ ἀκ-  
 σβυμῶς περὶ εὐδαίμονος βίου, καὶ κακῶν ἀνδρῶν τιμωρίας ἵνα  
 ἀποτρέπηται τῶν ἀδικῶν ἔργων. Omnes qui urbem ac  
 regionem inhabitant, persuasos esse oportet, existima-  
 reque Deos esse, quod manifestum fit ex cæli & totius  
 mundi inspectione, rerumque in ipsi dispositione pul-  
 cher-

cherrima, & ordine. Haud enim fortuita aut humana huiusmodi opera putare convenit. Deinde colendi honorandiq; dii sunt, ut bonorum omnium nobis auctores, quæ aliqua ratione fiunt. Singulos igitur habere, & comparare animam quemq; suam oportet, ut ab omnibus malis pura sit. Nam ab improbo homine non honoratur Deus, nec sumptibus colitur, nec tragædiis capitur instar hominis mali: sed virtute ac instituto bonorum operum ac iustorum. Quocirca opus est unumquemq; pro virili bonum esse, tum factis, tum voluntate, qui modo futurus sit Deo charus: & non metuere pecuniariam iacturam magis quam honestatis & iustitiæ. Cæterum illos, quorum voluntas non facile ad hæc persuaderi potest, & animos ad iniustitiam pronus est, viros & feminas cives, aliosq; cohabitatores, admonitos velim meminisse deorum, ut qui & sint & pœnas ab iniustis sumant: atque ob oculos ponere tempus istud, quod unicuiq; finis est vitæ futurum. Morituros enim omnes injuriarum, quas commiserunt, memores pœnitentia invadit, & vehemens cupiditas, quâ vellent exactam sibi vitam omnem fuisse iustam. Quamobrem singulos oportet semper in singulis actionibus illud tempus adeo suis cogitationibus familiare facere, ac si præsens esset. Ita enim maximè honesti iusti q; cura vigebit. Si quis vero à malo genio quopiam assistente sibi ad iniustitiam instigetur, is ad templa, aras, & delubra versetur, fugiens iniustitiam cœcæ dominæ impiissimam molestissimamq; & Deos oret ut opem ad propellendam ipsam sibi ferant. Accedat quoque viros probitatis nomine claros, ut de vitæ felicitate & maiorum



lorum hominum vindicta differentes audiens, ab injustis facinoribus animum avertat. Stob. serm. 42. Meminit hujus exordii Diod. Sicul. lib. 12. bibl. hist. Iurisconsultos etiam studium juris olim à Deo exorfos esse testantur Papinianus l. 1. Mar-  
 cianus l. 2. D. de legib. Vlpianus l. 1. D. de iustit. & jure. aliiq; quorum verba ibi referuntur. Deus ipse, cum suas tabulas promulgaret, à se incipit: *Ego Iehova Deus tuus &c.* Exod. 20.

Præsuppo-  
 nuntur tria.

1. *Esse Deum.*

Huc ergo nos quoq; respicientes, tria præsupponimus nostris lectoribus: primum, *Esse Deum.* Hoc, inquam, præsupponimus apud omnes certum & indubitatum, nec hujus loci aut opus esse opinamur contra atheos & gentiles disputare. Plato lib. 10. de legib. ait, Deum graviter irasci illis, qui dubitant an Deus sit: Cic. 2. de Nat. deor. Omnibus innatum est, & animo quasi insculptum, esse Deos: quales sint, vari-  
 um est, esse nemo negat. Iambli. de myst. Egypt. ante omnem rationis usum inest naturaliter insita Deorum notio, imò tactus quidam divinitatis melior quam notitia. Arnob. lib. 1. cont. gentil. quæstio-  
 nem an Deus sit, responsione dedignatur & inquit, *ajunt sana sentientes contradicere rebus stultis, stultitia esse majoris.* Et Paulus Rom. 1. v. 19. naturalem Dei certitudinem apud omnes gentes præsupponit. Secundo apud omnes cer-  
 tum ponimus, *Deum in summa perfectione esse ju-  
 stum, veracem, bonum, sanctum, beneficium, &c.* omniaque, quæ de Deo ad hunc modum prædicantur, illi essentialia, coætterna & immutabi-

2. *Deum es-  
 se justum,  
 bonum &c.*

lia.



lia esse. Nolumus hic in prolixam proprietatum divinarum probationē descendere, quam ea non inutilis foret ad probandam juris naturalis in Deo essentiam, de qua infra lib. 3. cap. 8. agemus sed non suspicamur lectorem quenquam tam rudem vel impium, qui de talibus Dei proprietatibus dubitare possit aut velit, nobis obtingere posse, cum & gentiles (ut loca supra citata testantur,) non diffiterentur Deum esse justum ac bonum, justitiamque multò magis colere quam homines. Apud Trismegistum Mens inquit, *quemadmodum homo nequit sine vita vivere, ita nec Deus vivere potest nisi bona producat.* Ergo totum esse Dei credimus nihil aliud nisi bonum & justum operari, nec posse Deum esse qui est, nisi summa & ineffabili perfectione bonus esset. Tertiò & illud præsupponimus; Deum, omnium rerum unicum creatorem & supremum arbitrum, mortalium rerum curam agere, quid quisq; agat vigilantibus oculis observare, & à nobis omnibus ut pietatē & justitiam colamus seriò requirere. Idem ut sibi præsupponere liceret lib. 1. de legib. ab Attico, qui Epicureus erat, postulabat Cicero, nolebat enim ibi repetere Deorum immortalium potestate ac numine humana regi, quod in libris de nat deorum satis probaverat Dasne igitur hoc nobis Pomponi, inquit Cicero, *Deorum immortalium naturā, ratione, potestate, mente, numine, sive quod est aliud verbum, quo planius significem quod volo, naturam*

3. Deum humanam respicere & iustam exigere.

*omnem regi? nam si hoc non probas, à Deo nobis cau-  
sa ordiendae est potissimum. A T. Do sanè si postulas,  
Et hæc tria sunt quæ Plato, Zaleucus & alii, in  
proæmiis legum hominibus primò persua-  
denda putarunt, quæ nos jam olim ipsâ vi ra-  
tionis ac naturæ omnibus persvasa & confir-  
mata arbitramur, eorumq; præfationibus, qui  
ad rudem populum leges promulgant, uberi-  
us explicanda relinquimus.*



*Divinam voluntatem esse sum-  
mam legem primò & propriè sic dictam, eâ-  
que omnia primò moveri ac gu-  
bernari.*

## CAP. IV.

*Legis divina  
voluntatis  
omnia regi.*

**Q**Uod nos usitatè dicimus, omnia Dei vo-  
luntate & providentiâ regi, alii ita pro-  
tulerunt, omnia gubernari *divinâ lege*. quia ve-  
ro philosophorum operâ nos uti oportet, reti-  
nenda est illa phrasis, sed quæ sit illa lex in Deo,  
quâ omnia administrari dicuntur, erit expli-  
candum.

*Legis signi-  
ficatio varia.*

Varia est apud Theologos legis acceptio, de  
quâ Chemnit. *in loco de lege cap. 1.* & alii Theo-  
logi docent, varia etiam apud Philosophos &  
apud Iureconsultos. *Ant. August. de legib. cap. 1.*  
nobis quæ ad nostrum institutum facere vi-  
dentur explicasse sufficiat. Communiter &  
usi-

usitatissimè lex accipitur pro juris præscripto, ut cum capita quæ sunt in XII. tabulis aut in corpore juris appellantur leges: hoc sensu lex consuetudini opponitur & in aliquot species dividitur §. constat. institur. de jure nat. Sed ex mente philosophorum hæc non est propria legis acceptio, ideoq; illam Cicero popularem vocat, lib. 1. de legib. inquit, populariter interdum loqui necesse est, & eam appellare legem quæ scripto sancit quod vult, aut jubendo aut vetando. de hac legis significatione hic non agitur. Secundo lex pro jure ponitur, ut l. 2. §. 12. de orig. jur. in civitate nostra aut jure, id est lege, constituitur; cum tamen lex & jus non sint idem, ut infra lib. 2. dicitur. Tertiò lex accipitur pro pacto, conditione vel modo aliquo, ut cum quis certis conditionibus vendit, hæc conditiones appellantur venditionis leges. ut in l. hanc legem. 22. l. cum in lege 33. D. de cont. empt. l. quo tutela. 73. §. ult. D. de reg. jur. Sic Terent. in Eunu. act. 1. sc. 2. lege hac tibi meam adstringo fidem. & Cic. pro L. Corn. Balbo: non gravior L. Cornelio, quam multis viris bonis atq; fortibus, constitui lex vitæ & conditio videtur. Quartò lex sumitur pro quavis præceptione, regula vel observatione, ut Plato in Minoe hortulanorum & coquorum observationes vocavit leges. Cic. 2. de legib. ait Coclitem (de quo Liv. lib. 1.) contra hostes in ponte, lege atque imperio fortitudinis pugnasse. & 2. Tusul. philosophis disciplinam suam non ostentationem scientiæ, sed legem

Secunda.

Tertia.

Quarta.

B s vitæ

Ultima, huius  
loci, &  
propria.

vita esse debere. Plin. lib. 2. nat. hist. cap. 7. naturalem nascendi ordinem vocat nascendi leges. Tandem etiam lex significat vim ac impetum rei motum imperantem, eumque pro naturæ suæ qualitate gubernantem; in qua significatione lex prior est eo quod præcipitur, quia est principium motus in agente, quod impellit ad præceptum aliquod faciendum; perinde quasi voluntatem constantem & perpetuam agentis alicujus describas. Differt itaque lex hoc modo sumpta à jure, ut præcipiens & præceptum, idque Plato vult in *Minoe* cum ostendit legem non esse id quod præcipitur, ut nec auditus id quod auditur. Hanc philosophi faciunt primam & propriam legis significationem, quæ describi posset quod sit *mentis verbum, regula, virtus & potentia voluntatis in movente, qua imperat & gubernat certum actionis modum*. In hac significatione nos quoque hic legem accipimus, ita tamen ut potissimum respiciamus illos actionum modos, qui ad justitiam pertinent. Ita usurpavit Cic. 1. de legib. cum ait, *Lex est ratio summa, insita in natura, quæ jubet ea quæ facienda sunt, prohibetque contraria*. & cum ibid. definit legem quod sit *naturæ* (puta divinæ vel humanæ) *vis, mens, ratioque prudentis, juris atque injuriæ regula*. & 4. de finib. *summi rectoris & domini ad naturam apta ratio vera illa & summa lex à philosophis dicitur*. Simili modo voce legis usus est apostolus Rom. 7. v. 23. *βλέπω δὲ ἐν τῇ νόμῳ τῷ τοῖς μέλεσίν μου, ἀπὸ τῆς σαρκὸς καὶ τοῦ νόμου τοῦ νόμου*. Hujus

Hujus significationis Plato legem facit quadruplicem, Divinam, Cœlestem, Naturalem & Humanam, ut eruditissimus Albertus Bolognetus in libello de lege, jure & equitate, cap. 3. ex Timæo, Phœdro & Gorgia Platonis observavit.

Divina lex Platoni est providentia illa æterna & ratio gubernandi in Deo, quâ omnia regit ac moderatur. de hac in Gorgia inter alia sic ait: δοκῆ δὲ μοι καὶ Πίνδαρος, ἀπὲρ ἐγὼ λέγω ἐνδείκνυσθαι ἐν τοῖς ᾄσματι, ἐν ᾧ λέγειν ὅτι νόμος ὁ πάντων βασιλεὺς διαίων τε καὶ ἀθανάτων. ἔτος δὲ δὴ (φησὶν) ἄγει βίαιως τὸ δικαίον τὰν ἐπὶ τὰ χεῖρ. Videtur autem mihi Pindarus hac eadem in quodam cantu ostendere, ubi legem ait omnium esse reginam, mortalium atque immortalium; eamque, jussu agere violenter, præpotenti manu. De ea etiam Cicero loquitur lib. 2. de legib. Hanc igitur video sapientissimorum fuisse sententiam, legem neque hominum ingenio excogitatam, neque scitum aliquod esse populorum, sed æternum quiddam, quod universum mundum regeret, imperandi prohibendique sapientia. Ita principem legem illam & ultimam mentem esse dicebant omnia ratione aut cogentis aut vetantis Dei; ex qua illa lex, quam Dii humano generi dederunt, rectè est laudata, est enim ratio mensque sapientis ad jubendum & ad deterrendum idonea. Vide similes aliquot theologorum hujus legis definitiones apud Chemnit. in loco de lege cap. 2: Et quamvis Platoni lex Cœlestis alia sit ab hac divina differens, ut infra dicetur, non ineptè tamen Cicero ibidem hanc de qua nunc

Lex in ultima significatione est quadruplex.

I.

Lex Divina.

Qua vocatur omnium regina.

Principi, ultima mens & ratio Dei, ex qua lex humana.

*Vocatur etiam  
lex celestis.*

nunc agimus legem, cœlestem vocat, quia  
Diis cœlestibus illam tantum attribuit: verba  
ejus sunt, sed antequam ad populares leges venias,  
vim istius cœlestis legis explana: ostendit subse-  
quens explanatio illum de lege divina loqui,  
cum inquit, quæ vis non modo senior est quam ætas  
populorum & civitatum, sed æqualis illius cœlum ac  
terras tuentis & regentis Dei. Neq; enim esse mens  
divina sine ratione potest, nec ratio divina non hanc  
vim in rebus prævisq; sancientiis habere. & paulò  
post: ratio profecta à rerum natura, & ad recte fa-  
ciendum impellens, & à delicto avocans, non tum de-  
niq; incipit lex esse cum scripta est, sed tum cum orta  
est: orta autem est simul cum mente divina. Quam-  
obrem lex vera atq; princeps, apta ad jubendum &  
vetandum ratio est recta summi Iovis. & iterum  
ibid. Divina mens summa lex est. Loquitur de hac  
lege Boet. de consol. phil. lib. 1. met. 5.

*Lex cælum  
& mundum  
gubernat.*

O stelliferi conditor orbis,  
Qui perpetuo nixus solio  
Rapido cælum turbine versas,  
Legemq; pati sidera cogis.

& lib. 3. met. 9.

O qui perpetua mundum ratione gubernas,  
Terrarum cæliq; sator, qui tempus ab ævo  
Ire jubes, stabilisq; manens das cuncta moveri.

*Cur sic, hanc  
legem tam  
varie appel-  
let.*

Ita videmus eandem esse legem quæ à Pla-  
tone divina, à Cicerone modo divina, modo cœ-  
lestis, item divina mens & ratio, vel ratio à rerum  
natura profecta vocatur: quod à Cicerone con-  
sulto factum suspicor. Cum enim videret Cœ-  
lestem

lestem & Naturalem legem, quas Plato sic vocat, ad constitutionem legis humanæ seu rationalis animæ nihil conferre, atq; eas ideo tacite præterire statuisset, legi divinæ attribuit omnia quæ Plato Cœlesti & Naturali adscripserat, ut capitib. proximè sequentibus manifestius apparebit.

Ab hac lege, ut à Deo, qui juri operam daturi erant antiquitus auspicabantur, ut iterum Cicero d. lib. 1. de legib. testatur, Non ergo à Prætoris edicto, ut pleriq; nunc, neq; à XII. tabulis, ut Superiores, sed penitus ex intima philosophia haurienda juris disciplina. Et mox: natura juris nobis explicanda est, eaque ab hominis repetenda natura. & post pauca: doctissimis viris placuit à lege proficisci. Cicero ipse à Deo incipit principia juris tradere, ut sup. cap. 3. in fine ostendimus, & ipsi libri ejus de legibus loquuntur. De eadem divina lege Marcianum in exoratio institutionum suarum, & Chrysippum in libro de legib. egisse, produnt verba in l. nam & 2. D. de legib. quæ hic reponimus: Sed & Philosophus summæ stoicæ sapientiæ Chrysippus, sic incipit libro quem fecit περὶ νόμων: οὐ μὲν γὰρ πάντων ἐστὶ βασιλεύς, θεῶν τε καὶ ἀνθρώπων πραγμάτων. δεῖ δὲ αὐτὸν πρὸς ἄτην τε εἶναι τῶν καλῶν καὶ τῶν αἰσχρῶν, καὶ ἀρχοῦ, καὶ ἡγεμῶνα. καὶ χεῖρ τέ τοι κανὼνα τε εἶναι δικαίων καὶ ἀδικιῶν καὶ τῶν φύσει πολιτικῶν ζώων, περὶ ὧν καὶ οὐ μὴ τῶν ποιητῶν, ἀπαγορευτικὸν δὲ, ὧν ἔστι πάντες οἱ. Lex est omnium divinarum atq; humanarum regina. Oportet autem eam esse præsidem, & bonis & malis, & principem & ducem esse: & secundum hoc regulam

*A lege divina olim studium iuris auspicabantur.*

lam esse justorum & injustorum, & eorum quæ naturâ civilia sunt, animantium, præceptricem quidē faciendorum, prohibetricem autem non faciendorum. Eari-  
dem definitionē Plato attribuit Findaro, cujus verba supra posuimus, & Plutar in lib. *ἠθικῶν* *ἑβδόμῳ*, ad principem ineruditum, cujus verba ibi legi possunt. Nihil autem per illam omnium divinarum humanarumq; rerum Reginam aliud indicare possunt, quàm divinam, de qua hic agimus, legem seu voluntatem. De qua, an Vlpianus & Cajus in exordiis suorum librorum tractarint, an vero eam præsupposuerint, ex l. 1. 6. & 10. D. de justit. & jur. & ex l. 1. D. de Orig. juris non immerito dubites: nām ut supra cap. 3. docuimus, omnibus ferē eruditis, qui de jure & legibus aliquid tradiderunt, præmium fuit de Deo ejusq; justitia, potestate, & vindicta contra injustos parata. Quod si tam expressē de lege divina non scripserunt, ut Marcianum d. l. 2. D. de legib. fecisse vidimus, de Vlpiano tamen ex d. l. 1. & 10. item de Pomponio ex l. 2. D. de just. & jur. non dubitem, eos auditoribus suis similia præfatos. Ipsa quippe res divinæ justitiæ mentionem in traditione initiorum juris efflagitare videtur. Nos quoq; ut exemplo eruditorum commoti, ita necessitate coacti, à lege divinæ voluntatis auspicari debuimus, ut fundamenta juristanto firmitiora jaceremus.

Lex divina  
ut Deus ipse

Est itaq; Divina Lex nihil aliud quàm æterna Dei voluntas, quâ omnia regit ac gubernat:

&c



& perinde est ac si dicamus, justitiæ principium, & fons juris primò ac propriè sic dictus est Deus ipse, ille summa lex, norma & regula est omnium humanarum actionum. Voluntatem enim & virtutes Dei, ab essentia ejus non differre apud omnes in confesso est. Vnde Lactant. lib. 1. instit. cap. 5. inquit, *Chrysippus naturalem vim, divinam ratione præditam, interdum divinam necessitatem Deum nuncupat. Item Zenon, naturalem divinamq; legem. Horum enim omnium sententia, quamvis sit incerta, eodem tamen spectat, ut providentiam unam esse consentiant. Sive enim Natura, sive Æther, sive Ratio, sive Mens, sive Fænalis necessitas, sive Divina lex, sive quid aliud dixeris: idem est quod à nobis dicitur Deus. Nec obstat appellationum diversitas, cum ipsa significatione ad unum omnia revolvantur.* & Boet. lib. 4. met. 6.

*Sedet interea conditor altus,*

*Rerumq; regens flellit habenas,*

*Rex & dominus, fons & origo,*

*Lex, & sapiens arbiter æqui.*

Quomodo autem Deus sit lex ipsa, & quomodo lex in Deo quæ omnia gubernantur, sit perfectio juris naturalis seu moralis, inferius apparebit.

Sic primum justitiæ principium, justitiam ipsam, fontem legum & omnis boni autorem invenimus, nempe Deum, de cujus æternitate, justitia & summa potentia dubitare nefas est. Nunc quomodo justitia & voluntas Dei nobis innotescat & communicetur: quomodo ea

*Primum  
principium  
iure DEVS.*

per

per omne creatum diffusa, in homine autem, summo quem creatura capere potuit gradu, perfecta & ad imaginem Dei effigiata fuerit, ostendemus. Primo autem inquirendum erit, an præter prædictam divinæ voluntatis legem, alia sit in cœlo & natura idearum, intelligentiarum, fatalis, vel deorum minorum lex, cui ratio humana subjiciatur, & quomodo Plato a-  
liq; philosophi eam statuere videantur.



## *De lege Cœli.*

### CAP. V.

11. *Lex cœlestis.* **C**Um Plato harmonicam omnium rerum consonantiam & continuationem contemplaretur, & à Deo omnia per gradus & media ad homines devenire videret: nonnunquam ita locutus est, quasi eadem media ad rationem hominis constituendam aliquid conferre opinaretur. Et cum omnia divina opera suspicienti, proximè à Deo præstantissimum & planè divinum cœli opificium, ornatu & virtutibus stupendum occurreret, divinæ justitiæ vel legi proximè subordinavit legem cœlestem. Cum item in Ægypto à præceptoribus suis audivisset, & accuratâ omnium rerum consideratione deprehenderet nihil à Deo vitæ, vel principiorum ejus, motus & appetitus expers esse productum, (de quo infra  
cap.

*Plato vitam  
eius us prin-  
cipia videt  
in omnibus.*

cap. 12. plura dicemus,) in *Timæo* & alibi omnibus & singulis rebus, toti mundo, cœlo, terræ, stellis & aliis inferioribus creaturis, suas ideas & animas attribuit, ut ex Platonis, item Plotini *enu. 4. lib. 4.* & alibi passim, Cæl. Rhodig. *lect. antiq. lib. 1. cap. 5. 12. 19.* Apuleii, *de doctr. plat.* & aliis, imprimis Platoniorum scriptis videre est. Ita Platoni mundus est animal anima-

Cælo animam  
& rationem  
tribuit.

tum, ut in politico inquit, Τὸ πᾶν τὸδε, τὸ τὸ μὲν αὐτῷ  
ὁ θεὸς ἑμποδίζει πορεύεσθαι, καὶ συγκυκλεῖ. τὸ δὲ δ' αὐτῷ  
κινῶν, ὅταν αἱ περίοδοι τῆ προσήκουσας αὐτῷ μέτρον εἰσέλθω-  
σιν ἡδὴ χρόνῳ. τὸ δὲ πάλιν αὐτόματον εἰς τὴν αὐτὴν περιά-  
γειται, ζῶν ὄν, καὶ φρόνησιν εἰληχρὸς ἐκ τῆ συναρμύσεως αὐτῷ  
κατ' ἀρχῆς. *Universum hoc; aliàs Deus ipse regit,*

*agitat atq; rotat, aliàs vero dimittit, cum mundi cir-  
cuitus competentia sibi curricula temporis expleve-  
runt. Mundus vero ultrò ac libero tum motu contra  
reflektitur, uam & vivit & sapientiam ab eo, qui ab  
initio construxit illum, est sortitus. Plato, ut hîc &  
in Timæo videre licet, cœlo non summam Dei,  
sed proximam à Deo potentiam ac gubernationem  
adscribit: quem sequitur Balbus apud  
Ciceronem in 2. de nat. deor. qui Deum agnoscit  
summum & primum omnium gubernatorem,  
dico igitur, inquit, providentiâ deorum mundum &  
omnes mundi partes ab initio constitutas esse, & o-  
mni tempore administrari: & paulò post, nihil est  
nec majus nec melius mundo, necesse est ergo eum  
deorum consilio & providentiâ administrari: Sed  
nihilominus Mundo quoq; mentem, volunta-  
tem & divinam potestatem tribuit, adeò ut*

C

putet

putet mentis expertem esse qui negare aufit mundum mentem habere. Aristoteles quoq; 2. de cælo. t. 13. οὐδὲ ἐκείνους, inquit, ἐκφυλῶν, καὶ ἐκ τῶν κινήσεων ἀρχῶν. cælum animatum est & habet motus principium. v. Iavell. 12. Metaph. q. 15. & 16. Scallig. exerc. 6. & 7. & alios qui physica vel metaphysica tractant. Ita Platonici & aliis quibusdam philosophis prima lex omnia gubernans erat Deus, secunda vero statuebatur cælum seu lex cœlestis, voluntas & operatio cœli, quæ mediante lex divina ad homines devenire putabatur. Hoc primum constituto, postea alii mundum, cælum, planetas, stellas, & tandem quicquid ibi videbant aut fingeant Deos appellare cœperunt. v. Lactant. lib. 2. insit. cap. 5. & lib. 7. cap. 3. & quia, ut ipsi opinabantur, summus rector constituisset ac factus esset, se omnia per media administraturum, ex eo fato, (hoc est decreto & voluntate, sic enim Nonius cap. 4. & 15. fatum interpretatur,) nunc omnia, mediantibus & auxiliantibus Diis cœlestibus, in vita humana regi tradiderunt. Si vero Trismegistum in Pæmandro, Platonem in Timæo, Macrobi. in somn. Scip. lib. 1. cap. 12. Augustin. lib. 8. 9. & 10. de civit. Dei. Plotin. en. 2. lib. 3. accuratè inspicimus, Platonis & antiquorum philosophorum opinio non fuit, humanam rationem à Diis illis cœlestibus produci, sed tantum corpora nostra cœlesti influxu & planetis auxiliantibus componi arbitrati sunt, animas vero, in quibus ferè solis veram homi-

Alii ex cælo  
Deos produ-  
xerunt.

Et fatum.

Et putarunt  
omnia huma-  
na vi cæli  
regi.

Vnde & quo-  
modo hic er-  
ror natus.

nīs essentiam posuere, à solo summo Deo esse statuerunt. Cum vero talibus de rebus obscure & indistinctè loquerētur, seipsos & lectores suos confuderunt, ut fato per corpus & temperamenta non in vegetativam & sensitivam tantum, sed etiam in rationalem animam aliquid imperii concessisse viderentur: unde fati & deorum cœlestium crevit autoritas, & legum divinarum ac cœlestium, quibus homo regi putabatur, nata est multitudo.

Et hoc videtur esse commune principium plurimorum, ferè dixerim omnium errorum, quod discipuli, dum scire festinant, præceptorum suorum verba & mentem non satis percipiunt: sed arreptis in sua præjudicia quibusdam generalioribus primò obviis, cum postea in applicatione specialium hærent, suo ex cerebro quæ nesciunt affingunt. Hi etiam vocabulorum ambiguitate, quæ ex rerum obscuritate ac varietate, verborumq; penuria nascitur, facillimè decipiuntur: & quando priscam simplicitatem magnifico figuratoq; dicendi genere superare student, aliis plures aberrandi occasiones relinquunt. Sic quæ propriè & impropriè de rebus dicuntur, sic laudes & vituperia rerum, per continuatas & cumulas à pluribus auxeses mensuram veritatis excedere, & tandem ingentia in mendacia procumbere solent. Ut cum ab initio sancti patriarchæ de uno Deo & pluribus in una deitate personis, vel de angelis Dei in ecclesia loqueren-

*Principia errorum, negligentia.*

*Et impropria verba.*

*Sic ignorantia Dei & angelorum.*

tur, quod essent spiritus cœlestes, incorruptibiles, incorporei, magnæ potentia, ministri Dei, flammæ, stellæ &c. atq; etiâ varia nomina & officia illis distribuissent. *Pf. 104. v. 4. Apoc. 1. v. 20. Coloss. 1. v. 16. Eph. 1. v. 21. Gen. 2. v. 24. & 32. v. 1.* & plurimi auditorum hæc negligentius discerent, errores statim subrepsere. Zo-roaster primò effinxit *Iynges. v. Rhodig. lect. antiq. lib. 9. cap. 4. & 23.* de quibus antiquissimi philosophi in Ægypto plurima tradiderunt, ut reliquæ scriptorum evincunt. Sed cum lapsu temporis hæc omnia obscuriora fierent, & Plato Ægyptiorum oracula non satis perciperet, nec tamen à recepta Magorum omnium opinione recedere auderet, ex incorporeis istis spiritibus nobis Ideas formavit: Aristoteles, suo ingenio plus quam autoritati tribuere assuetus, Ideis loco pulsas substituit Intelligentias, ut hæc omnia ex imperfecto doctrinæ de angelis intellectu nata esse videantur. Cum enim angeli ab initio non malè spiritus divinæ (puta finitæ & à Deo acceptæ) potentia vocarentur, paulò post illa phrasis essentialiter intellecta, ipsiq; angeli Deorum in numerum recepti sunt. Sic cum pii Deum soli comparassent, vel solis magnam virtutem quam divinitus accepit prædicassent, cœpit deinde sol pro Deo coli: qui porro, cum variis nominibus honoris ergo appellaretur, ferè infinitos Deos genuit, ut *Macrob. 1. Saturn. 17. & sequentib.* putet, per omnes ethnicorum Deos & Deas u-

nicum

*Iynges.**Idea.**Et Intelli-  
gentia.**Pro angelis  
essentia.**Sol pro Deo  
& omnibus  
Dii cultus.*

nicum solem significari. Simili modo alii <sup>Hominis inter Deos rebus.</sup> mentem humanam & divinam ejus originem celebrarunt, usq; dum tandem ex hominibus tam defunctis quàm mortali in corpore viventibus Deos facerent. Sic enim apud Cicero-  
nem in *somn. Scip. Africanus*: Sic habeto, te non esse mortalem sed corpus hoc: nec enim is es quem forma ista declarat, sed mens cujusq; is est quisq; non ea figura qua digito demonstrari potest. Deum igitur te scito esse, siquidem Deus est qui viget, qui sentit, qui meminit, qui praevidet, qui tam regit, & moderatur, & movet id corpus cui praepositus est, quàm hunc mundum princeps ille Deus. Et ut ipsum mundum ex quadam parte mortalem ipse Deus aeternus, sic fragile corpus animus sempiternus movet. Sic <sup>Quid celli Musica sit.</sup> cum Plato & ejus praeceptores duplicem facerent musicam, aliam sonoram, aliam numeralem & mutam, quæ in numerorum congruentia consistit, & prædictam coelestium spirituum harmonicam cooperationem vocassent. Musicam, Cicero in *somn. Scip. & ibid. Macro- lib. 2.* intellexere musicam sonoram, quasi astra magnum sonum & strepitum ederent dum circumaguntur. Sed nos missis hisce gentili- <sup>Cum hac mag- nanda.</sup> um erroribus unum tantum verum Deum agnoscendum & colendum scimus, quapropter etiam unius Dei unam voluntatem seu unicam tantum divinam legem, de qua in capite præcedenti locuti sumus, ponimus, plures leges aut potestates vitam humanam gubernantes non agnoscimus, quocunq; tandem nomine

*Cur hac monenda?*

illæ venditentur. Scimus enim angelos non correctores, sed ministros Dei & piorum hominum familiares esse; at idearum vel intelligentiarum imperio hominis vitam subicere impium est: de stellarum vi ac gubernatione inferius plura dicemus. Hæc autem hoc loco monenda fuere, ut lector videret quid Plato per legem cœli voluerit, & quomodo eam in opinionem deveniret: ut item præpararet iudicium suum ad illam de fato disputationem, de qua infra plura erunt dicenda. Nec videbatur alienum ab hoc loco, ubi principia veritatis & veræ rationis humanæ inquirimus, simul principia errorum, circa Deum, cœlum, naturam & hominem, seu circa legem divinā, cœlestem, naturalem & humanam occurrentium, detegere. Sed priusquam de lege cœli quæramus utrum & quatenus ad gubernationem humanæ vitæ ac naturæ aliquid conferat, de natura elementari & humana agemus, ut quid ea sit, quidve hisce appellationibus significatum velimus, intelligatur: postea repetita quæstione, an lex humana talis sit, ut ad ejus constitutionem cœlum aliquid operari possit, videbimus.

*Cur inferius absolvenda?*



## *De lege Naturali seu elementari.*

### CAP. VI.

III.  
Lex Natu-  
ralis.

**T**ertia legum gubernantium Platoni est  
Natu-



Naturalis. Sunt autem variæ Naturæ significationes, quas prolixè explicare non est nostri instituti. Illas tantum quæ ad intellectum legum de quibus hic agimus faciunt; quæq; ad evitandam confusionem phrasium nostrarum pertinere videbuntur, breviter attingemus.

Primò itaque natura dicitur de omni quod est & aliquid operatur, quo sensu etiam Deo tribuitur natura, ut apud Senec. 4. *de benef. cap. 7. Natura, inquit, hæc mihi præstat: non intelligis tecum hoc dicis mutare nomen Deo? quid enim aliud est natura quam Deus & divina ratio toti mundo & partibus ejus inserta*: de hac natura, seu de Deo diximus supra cap. 4. Secundò natura sumitur pro tota universitate rerum creatarum, ut cum dicimus naturam à Deo creatam esse; Deum esse supra naturam; quo modo Cicero 1. *de legib. ait, Deorum immortalium naturâ naturam omnem regi.* locum integrum supra *in fine capitis 3.* posuimus. Tertiò natura specialiter tribuitur cœlo, cum de materia & forma cœli ejusq; virtutibus loquimur, quò spectat caput præcedens. Quartò natura etiam dicitur de elementaribus, ut cum quid naturaliter generari aut corrumpi dicimus. Quintò natura tribuitur speciebus rerum creatarum, ut cum loquimur de natura hominum, equorum, leonum. Cic. 1. *de legib. de homine inquit solus est ex tot animantium generibus atq; naturis particeps rationis & cogitationis.* Variæ sunt præterea acceptiones naturæ, sed hæc ad nostrum institu-

tum sufficiunt, 7. *Conimb. 2. phys. cap. 1. qu. 1. Zabarel. de natura cap. 4.*

*Quam natu-  
ram hic in-  
telligamus.*

Quamquam vero tanta sit cœlestium cum elementaribus conspiratio, ut quemadmodum corpus & anima unum hominem, ita cœlum & elementa unam tantum naturam constituent, & ob id plerumq; appellatione legis naturalis tam cœlestium quam elementarium virtus & operatio intelligatur, ut & nos infra sub uno fati nomine utramq; significabimus, nunc tamen Platonem sequimur, qui legem cœlestem à naturali distinxit. Sic & Cicero naturam quandam agnoscit, in hisce elementaribus operantem, influxus cœli non quidem expertem, attamen à lege cœlesti distinctam, ut in *Philip. 1. multa impendēre videbantur, præter naturam etiam, præterque fatum.* In ea significatione etiam Plato legem naturalem à lege cœlesti distinguit, ut per legem naturalem intelligat seriem causarum elementarium & operationem naturæ, quæ se in elementaribus, quæ alterationi obnoxia sunt, perpetuò conservat & regenerat. Hæc natura homini communis est cum omnibus corporibus elementaribus, quapropter illam melioris intellectus gratia communem seu elementarem appellare placet. Cic. 5. *de finib. nihil prohibet quædam esse & inter se animalibus reliquis, & cum bestiis homini communia, quoniam omnium est natura communis.* Aliàs cum de homine verba fiunt, appellatione naturæ humanam tantum intelligi cuius notum est.

Putat-

Putabat itaq; Plato legem divinam gradatim per legem cœlestem ad hanc naturalem, & ab ea tandem ad hominem descendere. Id si eo sensu dictum interpretabimur, quod Deus omni naturæ & creaturæ inclinationem quandam ad idem bonum, quod in homine beneficio rationis perficitur, cognoscitur & appetitur, indiderit, & quod tota natura perfectionem hominis pro viribus juvet, omni caret vitio: si vero ita accipiatur, quasi cœlum & natura aliquid cooperentur ad necessitatem actionum humanarum, & regendam ipsam humanam rationem, erroneum est, ut infra videbimus cum de virtutibus cœli & naturæ in refutatione fati agemus. Cum vero ethnici historiam creationis, & quod Deus homini rationalem animam inspirasset, ignorant seipso sepè confuderunt, & de homine, modò quasi à Deo creatus, modò quasi à natura productus esset, locuti sunt. Ita nonnulli, cum de hominis origine, natura & anima dicturi essent, de natura communi aliquid præfati sunt. Ut Cic. 1. de legib. inquit: Cum de natura omni quaritur, disputari solent nimirum ista, sicut disputantur: perpetuis cursibus, conversionibus cœlestibus extitisse quandam maturitatem serendi generis humani, quod sparsum in terras atq; satum, divino auctum sit animorum munere: cumq; alia quibus cohærent homines, è mortali genere sumpserint, quæ fragilia essent & caduca, animum tamen esse ingeneratum à Deo.

*Quidam illi,  
à natura  
communis ex  
oritur*

Iurisconsultorum nonnulli studium juris à Deo & lege divina incœperunt, ut sup. cap. 4. docuimus. Legem cœlestem, *de qua cap. 5. dictum fuit*, vel quod ad studium juris minus facere videretur, vel quod cum naturali conjungeretur, Cicero *in libris de legibus* specialiter non attigit : nec ulla ejus apud Iureconsultos invenio vestigia, nisi quod in disputationibus de fato & voluntate hominis nonnulla latent, quæ tam ad legem cœlestem quam ad naturalem spectant. Ergo alii juris autores exorsi sunt à lege naturali, & horum quidam ab ea naturali lege, quæ hominibus cum omnibus animalibus in terra vel mari viventibus est communis, quod Ulpianum fecisse *ex l. 1. D. de iust. & jure*. infra docebitur. Alii vero propius, à lege humanæ naturæ incœperunt, ut Pomponius & Hermogenianus. *l. 2. & 5. D. de iust. & jure*. fortè etiam Cajus, *l. 1. D. de orig. jur.* nam de iis, qui legem cœlestem & naturalem communem expressè non attigerunt, nihil certum est, utrum à lege divina an vero ab humana fuerint auspicati, cum propter materiæ coherentiam, tum propter scriptorum superstitum brevitatem ac mutilationem. Cuivis ergo suas cōjecturas relinquo, an Pomponius, Hermogenianus, & Cajus de Deo & lege divina aliquid præfati fuerint, ut supra cap. 4. suspicabar, an vero statim ab homine ejusq; ratione incœperint. Cum enim integra illorum scripta nō extent, impunè conjectare licet. Quod autem

autem & apud Philosophos & apud Iureconsultos consuetum fuerit à natura communi incipere vel de ea aliquid præfari, nobis observandum, ut deinceps, cum legis naturæ mentio fiet, rectè percipiatur de qua natura sermonem habeamus. Sola enim hæc confusio videtur disputationes illas, quæ de jure naturali cum brutis communi *ad l. i. D. de iust. & jure* repeti solent, peperisse. Quod vero ulterius de lege naturæ communis quærendum erat, an ea ad actiones humanas aliquid conferat, vel an lex divina per hanc ad homines descendat? ad disputationem de voluntate hominis in hujus libri finem reservamus. Lex humanæ naturæ propria à Platone vocatur lex humana, de qua nunc porro erit agendum.



## *De lege natura humane.*

### CAP. VII.

**L**egem humanam, quam Plato quartum IV.  
Lex humana. locum obtinere voluit, cò oportet explicare diligentius, quo ad nostrum institutum accedit propius. Et quia nihil non controversum fecere philosophi, verà opinio, quâ ex re homo & natura humana constat, brevissimè proponenda est. Gentiles, cum depravationem humanæ naturæ negare non possent, & Homo constat  
anima & corpore. partem spiritualem hominis, *rationem*, semper  
sursum

fursum & ad bonum, terrestrem vero partem, corpus, per vitia quædam rationi contraria deorsum ad malum vergere videret, putarunt id quod verè ac propriè homo vocari possit, merè spirituale esse. Ita verum hominem solâ rationali animâ constare, & purè intelligibilem esse opinabantur, cui sensibile corpus, quasi vestimentum vel habitaculum ignobilius & veri hominis essentia indignum, ad tempus aptaretur. *Vide Trismeg. in Poemandro. Platon. in Alcibiade I. in Convivio & in Phadone. Plotin. enn. 6. lib. 7. enn. 1. lib. 1. Ciceron. in somn. Scip. & ibi Macrob. lib. 2. cap. 12. & alios, imprimis philosophiæ Platonice sectatores.* Arrisit id ipsum recentioribus nonnullis, qui phrasés quasdam de subigendo & occidendo per spiritum homine carnali in ecclesia receptas, huc applicare voluerunt. *ut 1. Corinth. 2. v. 15. 2. Cor. 4. v. 16. Eph. 4. v. 24. Rom. 6. v. 6.* At non opinor à nobis refutationē hujus erroris expectari, cum hæc opinio peccatum tantum in carne, & animam incorruptam ponat, & sacræ literæ expressè doceant hominem duabus ex partibus essentialibus, animâ & corpore compositum esse, quarum neutra separatim homo vocari possit. *Gen. 2. v. 7. Mat. 10. v. 28. Thess. 5. v. 23.* Ergo anima rationalis & corpus unam hominis naturam componunt: & quanquam anima rationalis ad naturam & formam hominis constituendam præstantior pars sit, *Zabar. in Phys. lib. de natura: & de mente humana. Conimbr. 2. Phys. cap.*

cap. I. non tamen decet eam ita prædicare ut corpus abnegemus. Fovent etiam & occulunt eundem errorem, qui in quæstionibus theologicis, aut philosophicis ita loquuntur, quasi actiones vel passionēs quædam *humanæ*, & tamen ita alterius tantum partis esse possint, ut ad alteram nullo modo pertingant. Sunt quidem nonnulla quæ vel corpori vel animo primò & propriè competant, & videntur humana omnia ejus conditionis esse; verum omnia ista secundiò per naturalem unionem partium etià alteri parti competunt, aut non competunt *homini*, quia pars hominis nō est homo, & quod essentiali hominis parti non competit, quomodo dici potest homini competere? Universaliter in omnibus verum est, ut humanum non sit quod ad alterutram partem nullo modo pervenit, quia humanitas est totius compositi & naturæ humanæ, non partis unius tantum.

Nunc, quia *natura juris à natura hominis repetenda* erit, ut Cicero 1. *de legib.* docuit, ne nos naturæ humanæ ignoratio seducat, qua in re illa consistat videndum. Natura humana non consistit in iis quæ homini cum brutis sunt communia, nam ita bruta quoq; essent homines: nec in corruptione illa, quæ post lapsum corpus & animam pervasit, sed in bonitate & perfectione formæ ac materiæ hominis: cum utraq; pars, anima & corpus, consideratur in propria & vera sua essentia, in qua Deus hominem

*in quo consistat natura humana.*

nem primò composuit ac perfecit. Deus enim humanam naturam in Adamo constituit integram, & Adam antè lapsum humanam naturam habuit: peccatum verò nec Deus creavit, nec Adam antè lapsum habuit: ergo peccatum non est de essentia naturæ humanæ. Quapropter cum de natura humana loquimur, non intelligimus legem carnis, pravos affectus, malitiam cordis humani vel quid simile, sed veram naturam humanam, qualis à Deo corpore & animâ rationali in primo homine est creata. Quæ vero ex peccato sunt, per accidens sunt in homine, & ad essentiam humanæ naturæ non faciunt. Arist. 2. *Phyf.* t. 3. naturam definit quod sit *principium & causa motus & quietis in eo in quo inest primò, per se, & non secundum accideos*: unde Th. Aquin. in 1. sec. qu. 10. art. 1. *naturale illud esse dicitur rei, quod ei convenit secundum suam substantiam, hoc est, quod per se inest rei*. Ex quibus elicimus, humanæ rationi id naturale esse quod ratio agit per se, vi suæ essentiæ, non vi peccati per accidens in hærentis. Omne naturale, ut Arist. 2. *Phyf.* docuit, est substantiale: peccatum ergo nobis non est naturale, quia de essentia animæ vel corporis non est, cum nec ante lapsum fuerit, nec post contractum reatum anima aut corpus in peccatum transsubstantiatum sit, sed est qualitas accidentalis quæ nostræ naturæ ut morbus inhæret. Ut vero nemo unquam naturale dixit quod naturam destruit, & per accidens



cidens constituta jam & completa naturali essentia supervenit, ita nos id tantum homini naturale esse dicimus, quod de illius essentia & per se inest, quodq; ad bonum & conservationem naturæ tendit. Augustin. *de civ. Dei* lib. 11. cap. 17. *Vitium contra naturam est, ut non possis nisi nocere naturæ. Non itaq; esset vitium recedere à Deo, nisi naturæ, cujus id vitium est, potius competeret esse cum Deo. Quapropter etiam voluntas mala grande testimonium est naturæ bonæ.* vide eund. lib. 12. cap. 1. 3. & alibi, quia vitia de essentia naturæ non esse, sæpius inculcat. Apparet ex hisce, quando legem humanam, hoc est, principium ac normam motus & quietis actionum humanarum, & ex ea jus homini naturale quærimus, ubi ea indaganda sint: nempe non in iis quæ ex corruptione contra naturam & per accidens in homine hærent, sed iis in partibus quæ hominem essentialiter constituunt. Harum duæ sunt, anima rationalis & corpus, in quarum alterutra principium motus statui oportet. At vero apud Physicos extra controversiam ponitur, formam non moveri primò à materia, sed materiam à forma; nec posse primum principium motus in accidenti aliquo poni, sed in substantiali, ea enim quæ movent & substantia non sunt; non esse prima moventia, sed secundi moventis vel instrumenti habere rationem, ut calor in animalibus, gravitas in lapidibus. Erit itaq; principium & regula motus ac quietis, & lex actio-

num

*Lex humana  
ubi queritur,*

*Motus homi-  
ni ab anima*

num humanarum ipsa anima, quæ est actus purissimus & forma hominis. vide *Piccolom. gr. mor.*

2. cap. 41. & sequentib. *Zabar. de mente hum.*

*Anima rationalis  
qualis est lex  
humana.*

anima rationalis facultates suas proprias & perpetuas habet, intellectum & voluntatem, è quibus intellectus semper cum ratione conjunctus inter honesta & utilia, dijudicando præstet, ut voluntatem instruat ac regat; quod quia legis est, statuimus legem quâ homo regitur esse rationem humanam. Quo sensu *Cic. 1. de legib.* accipit quod Græci νόμον à νόμειν vel ἀπὸ τοῦ νοῦς, latini legem à legendo vel delectu rationis, quod de omnibus prudenter iudicet, & cuiq; suum conveniens tribuat, denominatam volunt. Eodem respexere stoici de quib. *Plutarch. lib. de virtute morali*, κοινῶς δὲ πάντες ἔτοι τὴν ἀρετὴν τῷ ὑγεμονικῷ τῆς ψυχῆς διάθεσιν τινα καὶ δύναμιν γεννηθεῖσαν ὑπὸ λόγου, μᾶλλον δὲ λόγον ἔσσαν αὐτὰν ἐμολογούμενον, καὶ βέβαιον, καὶ ἀμείδιπλον καὶ ὀλίθιον. Coinmuniter autem omnes isti virtutem constitutionem quandam, & vim ejus animi partis in qua principatus inest, ratione comparatam, aut ipsam potius rationem sibi consentientem stabilem atq; immutabilem existimant esse. nec ipse *Plutar.* inficiatur legem esse vivam rationem in homine, lib. πρὸς ὑγεμόνα ἀτακτοῦτον. cum ait. τίς ἐν ἀρετῇ τῷ ἀρχοντικῷ ὁ νόμος, ὁ πάντων βασιλεὺς θυγαῖν τε καὶ ἀθανάτων, (ὡς φησι Πίνδαρος) ἐκ τοῦ βιβλίου ἔξω γεγραμμένοις, εἰς τίσι ξύλοις, ἀλλ' ἐμψυχῶν ἐκαστῷ λόγῳ ἀεὶ συναικῶν καὶ ἀναφυλάττων, καὶ μηδὲ ποτε τὴν ψυχὴν ἐὼν ἐρημὸς ὑγεμονία. Quis ergo imprecabit principi? *Lex, omnium rex mortalium atq; im-*  
mor-

mortalium, (ut ait Pindarus) non ea foris scripta in libris, aut lignis insculpta : sed viva in ipsius corde ratio, semper una habitans atq; excubans, & animum nunquam sinens esse principatus vacuum. & Philo inquit, ἡμῶν ἀφυσῆς, ὁρθὸς λόγος, ἐκ τῆς τοῦ θεοῦ ἐν τῇ φθαρτῇ ἐν χαλκίδις ἢ σίλαις ἀψυχῶν ἀψύχοις, ἀλλ' ὡς ἀθανάτου φύσεως ἐν ἀθανάτῳ διανοήσας τοιοῦται. Vera lex recta est ratio, non ab hoc aut illo mortali mortalis in chartula aut lapide in anima inanimis notata, sed ab immortalī natura in mente immortalī impressa & insignita. Sic & Cicero rationem pro lege humana agnoscit lib. 1. de legib. cum inquit : Lex est ratio summa, insita in natura, quæ jubet ea quæ faciendæ sunt, prohibetq; contraria : eadem ratio cum est in mente hominis confirmata & confecta, lex est. Itaq; arbitrantur prudentiam esse legem, cujus ea vis sit, ut recte facere jubeat, vetet delinquere. Subjicit statim : A lege ducendum est juris exordium, ea enim est naturæ vis, ea mens ratioq; prudentis, ea jurum atq; injuriæ regula. & paulò inferius. Quibus ratio à natura data est, iisdem & recta ratio data est, ergo & lex quæ est recta ratio in jubendo & vetando. & iterum. Est enim unum jus, quo devincta est hominum societas, & quod lex constituit una : quæ lex est recta ratio imperandi atq; prohibendi. Et lib. 2. de legib. est enim lex nihil aliud nisi recta & à numine deorum tracta ratio, imperans honesta, prohibensq; contraria. Idem sentit Clem. Alexand. lib. 1. pedag. cap. ult. Cum Cicero ait, ratio insita est in natura : data est à natura : rationem homini vult esse naturalem :

D

quan-

quando vero ait, à numine deorum tracta est: indicare vult, rationem non esse tale quid, quod influxu cœli & operatione elementaris naturæ generari potuerit, sed nobiliorem habere originem.

Tollitur  
dubio.

At dixerit aliquis, quæri à nobis legem quæ semper bona & superior sit, æmulam divinæ legis à qua ad nos descendat: rationem vero, etsi à Deo data sit homini, non tamen semper regere, quia sæpè fallatur, frequentius affectibus abripiatur, interdum totis viribus in malitiam incumbat, non posse ergo legem humanam statui rationem. Respondeo hominem quidem semper lege aliquâ regi, sed non semper solâ lege bonâ humanæ rationis. Est enim in homine una *lex rationis*, quæ bona & à Deo naturæ insita est, vocaturq; naturalis, quia est de essentia ejus naturæ quâ homo est homo: ea est vera & prima lex humana, ad gubernationem vitæ humanæ homini naturaliter à Deo data: quæ etiam rectè præesset & regeret, nisi per legem peccati infirmata esset, nunc autem, etsi propter inhærentem pravam qualitatem nullum purè bonum opus præstare possit, nihilominus est in homine, & adhuc præstare potest naturaliter opera non purè bona, ad vitam tamen coram homine politicè degendam non inutilia. Peccatum vero in culpa est quod nos hodiè sola recta ratio non regit, habet enim hodiè homo plures leges in sese. Et quidem ipsa anima humana duas habet par-

Multa leges  
in homine.

Lex humana,  
rationis.

partes, quarum una rationis particeps, altera  
 expers est, in qua sunt affectus homini cum  
 brutis communes. Quando ergo rationem  
 negligit, & parti animæ rationis experti se re-  
 gendum tradit, tum regitur *lege naturæ com-* Lex natura  
communis.  
*munis, non lege naturæ humanæ: At natura vult,*  
*ut ratio quæ divina est, imperet brutæ parti quæ ex*  
*ipso corpore ortum habet, ideoq; in illud demersa &*  
*contemperata simul ejus fit, corporeisq; referta affe-*  
*ctibus.* Verba sunt Plutarchi ex lib. de virtute  
 morali, ubi vide plura ad hanc questionem pertinen-  
 tia. Est præterea in homine *lex carnis* seu Lex peccati.  
 peccati, quæ ex accidenti, contra naturam &  
 mala est, & tamen hominem infestat. Confl-  
 gentibus igitur hisce legibus, quatenus lex ra-  
 tionis est superior, eatenus homo movetur ve-  
 rā naturali & propriā suā lege, agitq; ut homo:  
 at ubi affectus imperant rationi, regitur lege  
 irrationali, agitq; ut brutum animal: cum ve-  
 ro, ut plerumq; lex carnis sese legi irrationa-  
 li adjungit & imperium occupat, tum nullā  
 naturali sed accidentali lege regitur, & agit ut  
 peccator. At nos supra diximus, quæri hîc à  
 nobis naturæ, non cum brutis communis, sed  
 humanæ legem, eamq; considerandam esse na-  
 turaliter, non qualis est ex accidentali morbo,  
 sed prout est in vera essentia. Hoc ergo volu-  
 mus, hominem, cum verā suā naturali lege so-  
 lâ ut homo regitur, tum regi ratione, & ratio-  
 nem esse veram ac propriam humanæ vitæ le-  
 gem. vide Piccolom. gr. morali. 2. cap. ult. & gr. 5.

cap. 29. Apparet hæc legum in homine diversitas ex obliuione rationis, quæ carni etiam summa in scelerum delectatione delictum exprobrat, ut Iuven. Sat. 13: inquit.

*Exemplo quodcunq; malo committitur ipsi  
Displices auctori, prima hæc est ultio, quod se  
Iudice nemo nocens absolvitur.*

Et Persius Sat. 5.

*Stat contra ratio, & secretam gannit in aurem  
Ne liceat facere id quod quis vitiabit agendo:*

Cum autem homo, acquisito jam peccandi habitu, totâ animâ suâ ad malum abutitur, tum non amplius agit ut homo, nec ullâ lege naturali gubernatur, sed lege peccati, anima sese in servitutem ejus mancipante. Ipsa alioquin ratio pura & natura humana per se, quia à Deo est, nunquam ad malum tendit, sed cum voluntate Dei consentit, ut Plutarch. *de auditu* inquit ταύτων ἐστὶ τὸ ἐπειδὴ θεῶν ἐν τῷ πείθειν ἀγαθόν, *idem est Deum sequi, & parere rationi*, quod capitibus sequentibus paulò fusius explicabimus. Removendæ prius sunt aliæ objectiones, quibus quidam negare volunt rationem esse naturalem hominis legem. Dicunt itaq; aliud esse legem imperantem, aliud id cui imperatur: at si ratio statuatur lex, eadem imperaret sibi, essetq; simul agens & patiens. Sed nihil nobis officiant hæc, statuimus enim rationem imperare non sibi, sed voluntati & corpori. Intellectus hominis primo intelligit, actionem autem deinde voluntati & corpori

impe-

*Cui imperat  
ratio.*

imperat & in iis regit. Quamvis enim homo ita à Deo conditus sit, ut naturaliter intelligere & agere possit, non tamen propterea primò & propriè purus intellectus vel mera actio est, ut opinabantur illi quorum opinionem supra rejecimus, sed manet in homine distincta corporis & facultatum animæ officia, quorum semper quodq; uni parti competit primò, alteri vero secundariò per unionem naturalem. Quapropter nihil impedit quo minus ratio sibi ipsi lux, voluntati vero & corpori gubernator esse possit. Tandem & illud nihil proficit, quod obijcitur legem esse jus, at rationem non esse jus cum ipsa constituat jus, *l. omnes 9. D. de iust. & jure. §. 1. Instit. de jure nat.* quamvis enim lex nonnunquã pro jure sumatur, revera tamen ab eo differt, ut *lib. 2.* ostèdemus. Quod vero ad illorum argumèta attinet, qui nullam actionum humanarum legem internam in homine agnoscunt, & rationem vitamq; hominis juxta negant cum omnia necessariò ex facto aut decreto Dei immutabili evenire docent, ea inferius refutabuntur. Constet itaq; legem actionum humanarum, & regulam vitæ humanæ naturalem esse ipsam hominis rationem. An vero tota ratio lex sit dubitari poterat, cum multa sint in intellectu quæ tamen primò non præcipiant vel gubernent: sed quia omnia quæ in intellectu sunt præceptionem informant, & actionibus humanis facem præferunt, rectè dixeris hominem totâ men-

*Ratio est lex  
at non ius.*

*An tota ratio  
sit lex.*

te cum omnibus virtutibus suis pro lege & regula vitæ uti, licet non omnis actus mentis æquè propè ad præceptionem accedat. Verum de actu mentis & operatione intellectus inquirant metaphysici, nos ad alia progrediemur, & quomodo per legem humanam lex divina nobis communicetur ac innotescat, inquiremus, ut agnitionem voluntatis Dei, quæ est primum humanum juris principium, in homine demonstremus.



*An lex rationis humana consentiat cum lege voluntatis divina.*

### CAP. VIII.

*Probandum  
quod ratio  
intelligat ius  
verum.*

**D**Ari legem aliquam in homine, & rationem ipsam esse regulam vitæ humanæ præcedenti capite dictum est. Quia vero cōspectat omnis hæc disputatio, ut evincamus verum illud jus, quod originaliter & essentialiter in Deo esse nemo negat, ab homine cognosci, nostramq; rationem & jurisprudentiam inde natam cum iustitia Dei consentire, probandum est rationem humanam jus Dei intelligere & actiones hominis ad voluntatem ejus dirigere posse. Difficilem & periculosam hanc quæstionem fecerunt theologorum dissidia, quorum nonnulli rationem omnem damnant eamq; etiam in vero suo usu Deo ini-



micam esse imprudentius asserunt, alii eam in corruptione sua, vel in iis quæ fidei tantum sunt nimium prædicant & extollunt. Necessarium tamen est ut rationis usum per se bonum & Deo nullo modo contrarium esse probeamus, ne totam Iurisprudentiam repudiare cogamur. Iustitiam Dei dupliciter revelari & homini contingere docemur in ecclesia, nempe vel ex lege & operibus, vel ex gratia & fide. De iustitia fidei nos hoc loco non agimus, eam enim supra rationem esse & fidei tantum revelari fateamur *Ioh. I. v. 17. 18* De iustitia legis quæstio est, eaq; duplex; prima, an homo iustitiam legis Dei naturaliter per rationem cognoscat? secunda, an eæ cognitio ejusq; usus patio Deo per se sit invisus? nam si alterutrum concedatur, vel quod ratio nostra Deo per se in vero suo usu inimica sit, vel quod ea verum jus quod in Deo est non apprehendat, totam Iurisprudentiam pessum ire necessum est. De utraq; quæstione ordine agemus, ubi prius lectorem iterum monuerimus nos loqui de puris naturalibus rationis, eamq; in suo vero usu considerare. Nam quid peccatum agat, quidve ratio peccato corrupta cognoscere & agere velit aut nolit, & quid pleriq; agant homines, nihil ad nos attinet: non quid faciat ratio corrupta, sed quid naturaliter facere possit & debeat quæratur.

Quod intellectus intelligat & ratio naturaliter ratiocinetur, de eo neminem dubitare posse

*Intellectus hominis verè intelligit viam.*

posse certum est. At si intellectus verum nunquam intelligit, aut id quod reverâ est apprehendere nequit, non est intellectus. Rationem enim non rationem & intellectum nihil veri intelligentem statuere, id implicat contradictionem. Est etiam absurdum opinari rationem ita à Deo constitutam esse, ut naturâ suâ falsum citius cōcipere possit ac velit quam verum, cum tota natura à falso & à nihilo abhorreat. Intellectus itaq; naturaliter ita creatus est à Deo, ut res intelligibiles verè intelligere possit. Fuisse deinde in primo homine imaginem Dei, hoc est ut saniores theologi accipiunt, voluntatis ac iustitiæ Dei cognitionem sufficientem ac veram, ejusq; appetitionem & operationē quatenus creaturæ competere potuit, perfectam, sacræ literæ docent. Illo integritatis in statu, si homo verum bonum & justū quod essentialiter in Deo est nō cognovit, imaginem Dei nunquam habuit, siquidem illa in falso veri conceptu consistere non potuit. Nam quod homo post lapsum bonum & malum cognovisse dicitur, scimus non ita accipiendum esse quasi per lapsum sapientior & in mente sua perfectior factus fuerit, (eā enim ratione nec Christus tam sapiens fuerit quam homo peccator) sed quod magnā pietate in solo bono occupatus, inq; eo unice ut in Deo ipso cum delectatione acquiescens, malum sibi & Deo inimicum quærere ac tentare noluerit. Quemadmodum enim illos vide-

*Homo ad imaginem Dei factus necessarius intelligit verum.*

demus, qui toti sincero amore ardent nihil mali machinari posse; nec quicquam contra dulcedinem amoris velle, sed acquiescere in iis solis quæ amoris sunt, à tristibus autem ita abhorrere ut nefas putent ejus suspicionem aut mentionem habere: ita multo magis homo ante lapsum totus amore Dei & proximi sui ardens, in ea sancti amoris abundantia acquievit, & omnes vires suas in hoc amore occupatas tenuit, nec quicquā mali (quippe cuius nullus usus esset amanti) quæsit. Nemo ergo dubitat hominem ante lapsum, quo magis se totum indagationi veritatis & operationi justitiæ devovit, eò etiam in ejus cognitione & operatione fuisse perfectiorem. *Natura hominis in lapsu non extincta, sed corrupta.* Hanc rationem & cognoscendi facultatem in homine per peccatum penitus extinctam esse negamus, quia non desit homo esse, & nec corpus mutavit nec animam, sed eandem naturam priorem retinuit. Corrupta est natura, non deleta, manserunt ergo priora naturalia. Ideo Deus *Gen. 3. v. 22.* de homine lapsso inquit, *Ecce Adam quasi unus ex nobis factus est, sciens bonum & malum*, ubi peccatum in homine arguitur, ratio illi non denegatur. Et Paulus *Rom. 1. 2. & 7.* justitiam Dei nobis adhuc naturaliter per rationem notam esse fatetur. *Homo itaque legem adhuc intelligit naturaliter.* Intelligit itaq; adhuc ratio, & quidem eandem justitiam Dei quam cognovit homo ante lapsum. Ut enim per lapsum ipsa natura hominis mutata non est, ita nec duplicem justitiam habet De-

us, sed eadem nota erat homini ante lapsum, quæ postea in tabulis Mosaicis est conscripta, *Exod. 20.* ut vel unicum illud colloquium, quod Adam *Gen. 2. v. 22. & seq.* cum Deo & conjugē sua habuit testatur. Sed manifesta non egent probatione, ideo non opus censeo argumentis in medium prolatis evincere, quod homo adhuc per rationem cognoscat justitiam & voluntatem legis Dei. Duplex tamen dubitandi causa hic poterat occurrere, sed quæ nullo negotio tollitur. Primò, cum Deus in lege se ipsum suamq; sapientiam, voluntatem, justitiam & veritatem patefecerit, quæ in divinitate omnia sunt infinita & essentialia, finitus autem noster conceptus infinitatem divinitatis exhaurire non possit, videtur etiam fieri non posse ut justitiam Dei quæ in lege lucet assequamur. Lex enim in sua essentia est lux illa inaccessibilis in qua Deus habitat, & altitudo divinitatis quā nulla mens humana comprehendit. Sed respondemus, non requiri infinitam sapientiam ab homine ut justitiam Dei quantum homini sufficit cognoscat, ut nec à sensibus requiritur ut totum mare & omnia quæ in mundo sunt videant, ut sciant terram & mare esse. Infinitas non est de essentia cognitionis rei præsentis. Altera dubitatio huic ferè similis est, quā dicitur ideo legem Dei ratione cognosci non posse quod non sint omnia ratiocinationis, sed quædam revelationis & præsuppositi. Nam cum demonstrationum

hu

*Respond. ii  
qui putant  
hominem non  
posse intelli-  
gere infinitam  
legem.*

humanarum processus in infinitum non detur, ratio semper in extremis & naturâ primis principiis subsistit, ibiq; præsupponit vel autorem de cuius fide, vel notitiam de cuius certitudine dubitare nefas esse putet, atq; ita evenit ut summi rationis apices non sint demonstrationis sed præsuppositi. Verbi causa: præsupponitur apud omnes homines esse Deum, cumq; justum, veracem, &c. *Rom. 1.* & tamen nulla ratio assequi potest quid sit Deus? videtur itaq; lex Dei sine speciali revelatione divina intelligi non posse. Hac ratiunculâ quidam interdum ita utuntur, ut ignoracionem juris naturalis in seipsis excusent, Deum è contra accusent quod eos non creavit Deos omniscios, vel quod illis specialia miracula, raptus, revelationes & similia non dederit, cum tamen dubitatio nullius sit ponderis. Nam ut intellectus humanus infinitus sit, id ad cognitionem veritatis non requiritur, ut nec ad conspectum cœli tanto opus est oculo. Nec opus est circa res naturâ intelligibiles novas revelationes expectare, siquidem naturaliter ita comparatum est, ut semper ubicunq; intellectus noster subsistit, ibi infinitatem ratiocinationis nostræ præcidat & suppleat rerum evidentiâ, quæ ulterioris demonstrationis necessitatem ita tollit, ut sol meridianus sub sudo cœlo lumen ardentis candelæ. Idq; universale est in omnibus homini scitu necessariis, quapropter nihil est ut quis causetur se omniscium.

scium non esse, aut revelationes à Deo speciales non habere, ergo jus naturale intelligere non posse. Vanæ sunt istæ excusationes & ineptæ, cum iustitia legis Dei quatenus supra rationis nostræ captum est, jam sit tam manifesta, ut ratio ideo desinat ulteriores probationes quærere quia soli faciem nequit præferre. Utuntur hoc argumento nonnulli qui seipsum vel barbaros populos excusare volunt quasi naturaliter ita constituti non sint ut possint jus Dei nosse, in quo Paulo *Rom. 1.* expressè contradicunt: Sed apparebit hujus excusationis vanitas capite sequenti, ubi eandem naturam humanam in omnibus hominibus esse ostendemus.

*Cur iustitiam  
legis intelli-  
gamus imper-  
fectè,*

Id tamen negari non potest jus Dei hodiè ratione solâ imperfectè intelligi, sed ea culpa non est Dei aut naturæ, quæ nullam unquam imperfectionem intendit, verum aliæ sunt nostræ ignorantie causæ, quarum præcipuas brevissimè enumerabimus. Prima & principalis est *lex peccati*, quæ rationem obfuscet, à veritate avocat, & in iis etiam quæ novit diffidentie imbuat. Videmus ethnicos, licet Deum esse non ignorarent eumq; justissimum & optimum faterentur, tamen dubitare ausos esse an sit Deus, an curet res humanas, an velit etiam mala fieri, an sit summè bonus, an sit liberri- mum agens? in hisce & similibus ponitur & negatur Deus, quorum illud rationis est, hoc contra rationem ex lege peccati. Qui vero  
ipsi

ipsi rationi & vero ejus usui hasce dubitationes imputant, injuriam faciunt Deo creatori, quasi nos naturaliter contrapugnantiam rationis in sui contumeliam depravasset. Putant nonnulli evacuari usum evangelii nisi ratio illi statuatur contraria: sed nihil periculi est, si modo probè attendamus ut fructus legis, quem ratio sola ex ea percipit per se, distinguatur ab eo legis fructu quem evangelium ex ea extruit, quando peccatori salutem promittit & satisfactionem legis in Christo ostendit rationi per se ex lege non notam. Nullum fere video vitium quod ethnici philosophi non reprehenderint, & mirandum quosdam in cognitione legis naturæ tantum præstitisse: sed tamen propterea solâ ratione resipiscere, & verum legis fructum qui in ecclesia traditur percipere non potuerunt. Est enim id observatum dignum neminem omnium Dei misericordiam implorasse pro peccatorum suorum remissione. Nempe agnitio justitiae rationis, at resipiscentiam impedit lex peccati, spes salutis vero est ex evangelio. Ratio enim nullam justitiam novit nisi ex operibus, ubi vero eam non invenit ibi salutem non sperat, sed damnat, minuitur & metuit poenam. Verum lex peccati persuadet non esse metuendum periculum, & blanditur rationi ut statuatur Deum nostris peccatis tam graviter non irasci, ratio autem, etsi metuat & nihil boni sibi præfagiat, tamen spem & remedium salutis non videt.

Quam-

Quamvis itaq; ethnici rationis usum non contemnendum habuerint, non tamen assecuti sunt eum quem ecclesia percipit fructum legis, nempe ut ad salutem resipiscerent, quia lex peccati rationi obstabat, & quia resipiscencia talis quâ peccatorum remissio petatur & speretur non potest ex sola lege proficisci, sed elicitur ex lege per evangelium & annunciationem gratiæ, contra desperationem ex agnitione peccati ex lege sola per se existentem. Idco Lactant. *lib. 5. iustit. cap. 15. & lib. 6. cap. 8.* rectè putat profanâ ratione solâ non posse percipi legem Dei, sed jungendam esse cum philosophia pietatem, illiq; rationem esse immergendam, ut quæ rationi desunt pietate suppleantur, si veram legis cognitionem ejusque fructum percipere velimus. Altera causa ignoratæ legis Dei est quotidiana operatio & approbatio mali, quia lex peccati in homine non tantum resistit bono, sed etiam exercet malum. Quod vero quisq; exercet & in quo semper occupatus est, id maximè novit. Hanc causam designat Cic. 3. *Tusc.* ubi conqueritur nobis cum lacte nutricis errores instillari, & simulatq; editi in lucem & suscepti simus, in omni continuo pravitate & summa opinionum perversitate nos ita versari, ut tandem extinctis bonis naturæ igniculis vanitati veritas, & opinionibus natura ipsa cedat. Tertio nos in lege Dei rudes efficit communis oscitantia, quod nemo cordi habet justitiam in-

qui-



quirere, sed quisq; in alienis est occupatus & in vanitatibus. Quousq; vero excitata ratio in cognitione legis progredi posset, ex scriptis ethnicorum qui in iustitiam paulò diligentius inquisiverunt licet conicere. Nec dubium est, si se totos serio & indefesso studio indagationi iustitiæ devovissent, eos multo altius ascendere potuisse, cum tantum obiter inter alias suas occupationes præstare potuerint.

Quarta causa esse potest quod plurimi tacitâ præsumptione omnia credenda & imitanda esse statuunt, quæ majores tradiderunt, de quo Lactant. lib. 2. instit. cap. 7. satis graviter conqueritur. Hisce accedunt impedimenta corporis & vitiorum moralium, cum corpora nostra ita corrumpimus intemperantiâ, ut anima nullas bonas operationes in iis exercere possit, de quo vide Platon. in Phædone. porro princeps hujus seculi varias nobis obducit errorum nebulas, & tantas humanis in negotiis præstigias facit, ut possibile non sit hujus Protei dolos omnes animadvertere. Hæ & similes causæ sunt quod legem Dei non satis intelligimus, non Deus aut natura. Quando vero hæ ignorationum causæ invalescunt, ibi homines tandem brutis similes vel etiam depravatiores redduntur, sed nec illi rationis essentiam accusare possunt, cum ea per se semper bona sit, & depravatio non arguat rationis defectum sed corruptionem. Inprimis vero de exterio-

*De iustitia  
politica recte  
indicas ratio.*

un-

unquam dubitavit, rationem in iis non abluere à voluntate divina, quapropter tanto confidentius affirmare possumus, ea quæ ratio in Iurisprudencia tradit à Deo non improbari. Attendendum modo ut recta ratione utamur nec errorem pro veritate arripiamus, quod fiet si rationem excitemus, sobriè de rebus meditemur, brutæ animæ parti ratione impereamus, pravis affectibus & legi carnis resistamus, viros prudentes consulamus, & Dei auxilium imploremus. Habet præterea ecclesia Dei lapidem Lydium, decalogum, qui nostræ rationi facem præfert, & docet quid verum aut falsum, quidve insufficiens coram Deo.

*Error quomodo vitatur.*

*Ratio manere potuit, amissa imaginis Dei.*

Sed dubitaverit fortè aliquis, an amissa imagine Dei ratio manere potuerit, & anne concessa ratione aliquid imaginis divinæ adhuc agnoscamus in homine? Cui respondemus humanam naturam non extinctam esse in lapsu sed corruptam, alioquin à lapsu nemo amplius homo esset. Imago Dei autem non fuit substantia sed qualitas secundum naturam, quæ tota perire potuit salvâ substantiâ hominis. Et nos tanto recessimus longius ab imagine Dei, quod justum bonumq; scimus, & tamen operamur malum eoq; delectamur, *Rom. i. v. ult.* Successit enim in locum bonæ qualitatis amissæ alia huic contraria & prava qualitas, cujus instinctu malum amplectimur & cum delectatione agimus. Non autem qui norunt tantum, sed qui observant etiam legem, placent Deo,

Deo, Rom. 2. v. 13. & cap. 7. Gal. 3. v. 10, Ioh. 13. v. 17. quia lex non tantum scire sed multo magis facere requirit, & servo voluntatem domini scienti nec tamen facienti adauctas plagas denunciat. Luc. 12. v. 47. Potuit itaq; salvâ rationis essentia nihilominus non tantum imago Dei tota periisse, sed & pessima qualitas illius in locum successisse.

Cavendum vero ne ratio ullo modo per se & <sup>Ratio Dei</sup> in vero suo usu Deo inimica statuatur, neve lex <sup>per se non</sup> <sup>est inimica</sup> Dei in honorem Evangelii ulla minima contumelia afficiatur, non tantum quia ea ratione Iurisprudentia & tota philosophia repudiantur, sed quia contradictio legis & evangelii Deo est injuriosa. Nihil Deus creavit contra se, nec unquam ullo modo sibi ipsi fuit contrarius, non potest itaq; in ratione ipsa & in lege aliquid esse quod Deo per se sit invisum. Loquuntur nonnulli imprudenter, quasi ratio per se sit inimicitia contra Deum, & ita legem evangelio contradictoriè opponunt, quod tantum de abusu rationis, cum ea lege peccati decepta nimium sibi tribuit, accipiendum est, alias enim pulcherrima harmonia est legis cum evangelio. Nam quod lex & ratio volunt, justos esse nos & beatos fieri per observationem ejus legis ad quam facti sumus, id Christus nunquam negavit, si modo, ut præsupponitur, lex integrè observetur. Pergit vero theologus & docet, quia hæc conditio naturæ depravata facta sit impossibilis, aut nullam nobis ex lego-

E

com-

competere iustitiam, aut merito & munere illius tantum qui legem observavit. Hunc esse unicum Christum, in eo humanam naturam satisfecisse eidem divinæ iustitiæ & humanæ naturæ legi, quam ea olim in Adamo violaverat. Hujus totam satisfactionem nobis ex gratia annunciari, offerri, omnibusq; qui ei fidem habeant imputari. Iustitiam itaq; humanæ naturæ contingere non in Adamo, cum ille contra legem peccarit; nec in nobis ipsis & operibus nostris, cum neq; nostrum quisquam observet legem; sed in Christo solo, ut qui solus sit in quo natura humana legi suæ satisfecerit. Hæc est connexio legis cum evangelio, ubi ego certè nihil contrarii video. Quin potius contra legis contemptores id constanter assero, legis usum evangelio esse necessarium, ut ex ea cognoscat homo quid sibi desit, quæ pœne injustos maneant, & quam omninò nulla salus ex lege contingere possit peccatori. Præclarè Paulus *Rom. 3. v. ult.* docet legem non destrui per evangelium sed *stabiliri*, quia evangelium est testis perfectæ iustitiæ legi præstandæ, & annunciatio gratiæ, humanæ naturæ ex impletione legis partæ. Et notabile est, Christum omnesq; prophetas & apostolos primas conciones suas à lege incœpisse, ut auditores suos per ipsam rationem & propriam conscientiam convincerent eos iustos non esse, & misericordia Dei indigere. Errant ergo Antinomii qui rationis & legis usum per se damnant,

cum

cum lex non modo evangelio nihil obsit sed plurimum proffit, imò sit necessaria. Illi vero qui legem à malo dæmone ortam opinantur, ut Manichæi, Cajani, Simoniani & Carpocratiani, de quibus August. *de hæres. cap. 18. 46. lib. 2. contra advers. legis cap. 12.* Iren. *lib. 1. cap. 24.* Niceph. *lib. 4. cap. 3.* & alii testantur, illi omnino insaniunt & seipsos rationem à diabolo habere dicunt. Damnata itaq; & ad diabolum detrusa anima rationali, quomodo illi verbum Dei intelligere & evangelium, cujus in honorem se legem calumniari arbitrantur, ejusve causam & finem explicare possunt? Simili modo & illi errant vehementer, harmoniam legis & evangelii (quam Paulus *Rom. 3.* ponit quando legem per evangelium *stabiliri* dicit) tollunt, legem evangelio contradictoriè opponunt, & unum per alterum destruunt, qui opinantur Deum unquam quid contra legem suam fieri voluisse, & hominem non sponte contra voluntatem Dei, sed ex immutabilis decreti divini necessitate lapsum esse, ut Deus posset manifestare gratiam & evangelium. Eâdem ratione dixerim tollendos esse magistratus, politias. evertendas, & homines rationali anima privandos esse, ut ministri Dei evangelium tanto melius explicare possent. Si enim Evangelii fructus ex violatione legis nascuntur, nihil magis fructuosum erit evangelio, quam quod maximè est contra legem & rationem. Eâdem etiam ratione vellet Deus nos

E 2

omnes

omnes per incredulitatem peccare contra evangelium, ut esset locus & usus aliquis legi, & ut fructus ille damnationis, quem Deus ex lege voluisse statuitur, ad omnes pertingeret. *Unicus finis est legis & evangelii, nempe hominū salus*: si finem legis obtinisset Deus per nostram obedientiam, impletionem legis per Christum non fuisset opus, & alieno merito non indiguissimus. Si noluit hunc finem ex nostra obedientia, ne vult eum ex aliena. Si voluit nos omnes perire ex lege in Adamo, vult etiam neminem salvati per impletionem legis in Christo. Nam quos per legem perire vult, eos non potest per impletionem legis salvos velle, nisi perpetua contrarietas in Deo, & Christi totum opus redemptionis voluntati Dei directo repugnare statuatur. Non video quomodo ab eo Dei potuerit velle legem impleri in se & humanitate assumpta pro nobis, si immutabilis voluntas Dei voluit legem in tota humanitate nostra violari & nos perdere in nobis. Alterutrū est necessarium: aut Deus voluit neminem peccare, & omnes homines per legem salvos fieri; aut si voluit omnes perire per legem & neminem debere salvum fieri juxta legem, vult etiam omnes petire per redemptionem quæ est impletio legis. Idq; unitas & conformitas voluntatis divinæ evincit, & forma redemptionis, quæ tota in satisfactione legis consistit. Dicant illi quo fine Christus legem pro nobis impleverit, si Deus vult omnes homines

mines vi legis damnari? Præterea redemptionis finis est restitutio in integrum: at si ea fuit hominum conditio ante lapsum, ut illis necessum fuerit peccare & cum tota posteritate à Deo deficere, eosdemq; ex immutabili decreto Dei vicissim redimi, in eandem conditionem Christus redemptos restituit, & sic peccando redimendoq; procedetur in infinitum. Sin autem Deus vult quosdam tantum salvos fieri per impletionem legis in Christo, voluit etiam quosdam tantum peccare contra legem in Adamo, & ita nec iustitia nec misericordia Dei erit infinita, & statuatur contrarietas quædam in omnibus actionibus Dei sese mutuo terminans. Fuerit etiam Adam simul peccator & non peccator in una eademq; actione, ut & Christus in una redemptione simul redemptor, & non redemptor cum tamē nihil inveni-ri possit, quod contrariā hanc voluntatē in Deo cōstituatur & terminet. Calvin. *lib. 2. Instit. cap. 7. n. 5.* inquit legis impletionē ex æterno & immutabili Dei decreto semper impossibilem fuisse & esse. Ibi legem & evangelium (quod est annunciatio gratiæ ex impletionē legis partē) sibi contradictoriē opponit, & statuit Adamum non potuisse non peccare, nec Christum potuisse pro nobis legem implere, nisi uterq; contra Deum ejusq; immutabile decretum agere voluerit. Quocunq; ergo nos vertamus, manet id quod diximus, aut voluisse Deum omnes homines salvos fieri per observationem

E 3 legis

legis naturæ ad quam conditi sumus, & velle omnes salvari per redemptionem quâ amissam legis iustitiam hominibus reparavit; aut si voluit omnes in Adamolabi, & neminem obtinere finem legis, vult etiam neminem obtinere finem redemptionis, quia idem utriusq; est finis, legis & evangelii, creationis & redemptionis. Damnatio vero peccatoris secundum legem, non est proprius finis & fructus legis à Deo ordinatus, sed est fructus peccati contra legem commissi, qui non ex fructu legis fructuum sequitur, sed ex eorum privatione. Iustitia non potest causa esse delinquendi, sed causa justæ pœnæ esse potest delicti jam per iniustitiam commissi, alioquin etiam nostræ leges & tota jurisprudentia tanquam principalis causa scelerum eradicanda esset, & nemo pœna dignior foret quam lex & magistratus iustitiam docens. Si vero hæc & infinita talia inconvenientia effugere volumus, cavendum est ne legem & evangelium in voluntate divina ullo modo sibi repugnare statuamus, neve legem propter evangelium, aut evangelium propter legem violemus. Non Theologiæ modo, verum etiam Iurisprudentiæ res hîc agitur: ut enim concessa contradictione legis & evangelii, unicus utriusq; finis mutuâ repugnantia è theologia tollitur; ita ex iisdem fundamentis necessum est nos aut nullum iustum jus, aut evangelio contrarium (quod idem est ac si nullum dicas) jus habere. Sed  
ab-



abrumparamus istas absurditates, quarum nullum exitum invenire licet. Quæret autem aliquis, si ratio voluntatem Dei apprehendit, <sup>Rationis ab-  
usum accen-  
sat theologi.</sup> cur apud Theologos & apud Paulum 1. Cor. 2. 7. 14. & 3. 2. 19. Coloss. 2. 7. 8. vapulet? Respondeo rationem ibi non damnari simpliciter, sed quatenus se opponit justitiæ fidei, & arrogat sibi iudicium de rebus quæ supra rationem sunt. Cum vero id fiat per abusum & ex seductione legis peccati, non reprehenditur ibi ratio ipsa in se & vero suo usu, sed lex peccati arguitur quæ rationi fraudem facit: ipsa vero ratio accusatur per accidens, quatenus legem peccati sequitur. Nec repugnat nobis <sup>Quæ lex Dei  
opponatur.</sup> quod Paulus Rom. 7. legem quæ in homine est opponit legi divinæ, quandoquidem ut supra diximus plures sunt in homine leges Ambros. ad d. cap. 7. inquit, *Quatuor ibi leges nominat apostolus: primam legem spirituales, quæ est etiam naturalis, reformatam per Moysen, ipsa est Dei lex. Deinde legem mentis consentientem legi Dei. Tertiò legem peccati, quam ex prævaricatione primi hominis in membris habitare dicit. Quartam vero quæ in membris videtur, dum suggerit mala & recedit.* Nos supra duplicem in homine posuimus legem, unam naturalem & bonam rationis, alteram accidentalem & malam peccati. Lex rationis à Deo est & ad Deum tendit, lex carnis per peccatum à diabolo est, cui & servit: nostra vero jurisprudentia ex lege rationis est, quod probè inculcandum propter illos qui omnem legem

nostramq; Iurisprudentiam ut sapientiam carnalem repudiant, quive rationem in vero suo usu Deo imprudentius opponunt. Meminerit autem benevolus lector, si quid inferius probabimus non esse contra rectam rationem, (ut usuras, usucapiones & similia) eo ipso probatum jam esse, id neq; contra voluntatem Dei aut doctrinam evangelii esse, cum recta ratio legem Dei intelligat, lex Dei autem ejus voluntati & evangelio non repugnet. Evincemus etiam inferius ex hisce principiis, malè constitui duplex jus, aliud soli aliud poli, cum jus poli sit id ipsum quod homini in solo per rationem est revelatum. Tales enim usus prævidentes paulò copiosius de rectæ rationis usu agere, & lectorem ea de re monere volumus.



*An omnes homines legem rationis  
seu naturæ humanæ habeant.*

### CAP. IX.

*An lex ratio-  
nis sit, in o-  
mnibus ho-  
minibus.*

INquirendum ulterius est, an lex illa humana, quam naturalem hominis rationem esse diximus, sit in omnibus hominibus, an vero in quibusdam sapientioribus vel selectis populis tantum? Quod idem est ac si quæramus, an eadem natura humana omnibus hominibus sit communis? Tractat hanc quæstionem Bologn. in eruditissimo suo quem *de lege jure, & equita-*

re scripsit libello, *cap. 4.* cujus utilitas est, ut re verâ aliquod naturale jus in natura humana, & jus rationis omnibus hominibus verè naturale esse probemus: ut omnes homines unâ societate juris naturaliter devinctos esse, & justitiæ Dei cognitionem ad omnes naturaliter per rationem devenisse ostendamus. Primo

*De verbis hominibus quædam*

autem observabit lector quæri de *hominibus*, non de talibus animalibus quæ membra quædam corporis humani similia habent, & tamen reverâ homines non sunt, ut Simiæ & Satyri, quibus præter figuram nihil moris humani: Item Atlantes & Trogloditæ, de quibus Plin. *lib. 5. cap. 8. lib. 6. cap. 30. lib. 7. cap. 2.* quanquam Strabō *lib. 1. & 2. Geogr.* dubitat an omnia de iis gentibus relata vera sint, vide etiam Augustin. *de civ. Dei lib. 16. cap. 8.* Nec quæritur de abortibus & monstrosis molis in quibus humana natura propter materiæ malignitatem operationis suæ finem assequi non potuit. Neq; etiam de illis quæritur qui olim homines fuerunt, nunc autem non sunt, propterea quod formam hominis quæ à brutis & stultis distinguitur non habent, ut sunt furiosi & mente capti: hi enim omnes, quo magis à ratione quæ forma hominis creditur deficiunt, eo minus inter homines numerari possunt. Nec dices Deum tamen &

*Cor omnes naturaliter perfectissimè sine.*

naturam hos tam stupidos esse voluisse, alioquin iis rationem meliorem dedisse. Respondeo, si Deus illis per naturam rationem & formam hominis seu legem naturæ humanæ dare

noluit, nec humanam jus ab iis voluit postulare. Sin vero Deus illos inter homines censeret voluit, non Deum sibi ipsi contrarium, sed aliam causam obstitisse oportet, quo minus eam rationis legem quam Deus ab iis requirere voluit assequerentur. Cum vero in Dei voluntate talis contradictio, quæ consequens sine antecedente, effectum sine causa, & rationis fructum ex denegatione rationis posceret, inveniri non possit, necessum est causam esse extrinsecam Deum. Ea duplex esse potest, vel in causis secundis naturalibus, vel in nobis ipsis. In causis secundis inest hoc modo, cum illæ propter finitam suam potentiam non possunt materiam cogere, sed ex subjecta materia conficiunt optimum quod possunt, non tamen perfectum quid, quia materia perfectius quid capere nequit. Ubi tamen natura per se accusanda non est, cum ea semper summo nisu in perfectissimum tendat, sed illi arguendi qui naturalibus bonis per imprudentiam, intemperantiam aliamve culpam aut fraudem mala immiscuerunt, quibus operatio bona corrumpetur. Ipsi vero qui alienam culpa tales nascuntur ut veri homines non sint, nec in jure & philosophia, nec in theologia pro hominibus habentur. Omnia enim bene & male facta æstimantur ex animo, qui nemini imputatur nisi quatenus adest, aut suo facto adesse potuit: qui citra suam culpam miseri sunt & naturali impedimento non possunt agere, à Deo & prudentibus hominibus pro-

propter impossibilia non accusantur. Neq; etiam obijcies Deum cum causis secundis concurrere, ergo suo concursu. & potentiâ divina id quod causis secundis ad actionem bonam perficiendam deerat debuisse supplere & obstacula remove. Nam concursus Dei causas secundas in naturalibus suis virtutibus tantum conservat, novam autem virtutem supernaturalem illis non affert, nisi ubi Deus vult miracula facere. Quod autem concursus Dei, seu conservatio naturalium causarum à Deo pendens ipsis naturalibus causis ordinariè & citrà intentionem miraculi nullam novam virtutem superaddat, causa hæc est; quia si Deus semper supra causas naturales agere vellet, natura esset frustra & causæ secundæ essent inanes. Ea ratione Deus non conservaret naturam sed eam quotidie & indefinenter mutaret, corrigeret, actiones ejus destrueret, & tandem omnipotenti sua præsentia totam naturam in omnibus actionibus suis depopularetur. Frustra ergo creasset naturam & causas secundas, imo nec creatione semel defungi & creaturas bonas suumq; ad finem & usum perfectas facere potuisset, si ille in omnibus actionibus divinâ suâ potentiâ specialiter operari voluisset. Quod cum fieri non posset ob causas gravissimas, quas in divina sapientia melius suspicari & tutius credere, quam nostro intellectu assequi nostrisq; argumentis demonstrare licet, sequitur Deum causas secundas semel bonas & ad usum suum per-

perfectas fecisse, easq; nunc tantum in naturali virtute sua conservare, novas autem vires illis non affundere nisi cum miracula existere debent. At mera miracula facere, est naturam tollere. Quæres tamen iterum, cur ergo Deus non prohibeat & in totum impediatur pravas illas naturalium causarum usurpationes, ut concederet illas tantum in quibus nihil mali est, & quæ finem suum bonum operatione expedita rectè assequi possent? Respondeo, hoc iterum fieret per miracula, nam posita causa secunda in naturali suo esse, effectus ejus prohiberi nequit nisi miraculosè, ut cum Deus igni imperat ne urat *Dan. 3.* & soli ne luceat *Mat. 27. v. 45.* Deus nec addendo nec detrahendo naturalibus causis sine miraculo agere potest, quia quod præter naturales causas fit aut non fit id est id ipsum quod mirum & miraculum vocamus. Sic itaq; natura cum suis causis & virtutibus earum iterum frustra esset, ex argumentis prædictis. Deinde, si omnes actiones causarum secundarum earumq; modi & qualitates è Deo esse deberent, tolleretur è natura appetitus, motus & vita, quod fieri non potuit *ut infra cap. 12. & 16. docebitur*, nisi Deus naturam non naturam, & Vita creaturas nullas vivas creare voluisset, quod erat contra essentiam Dei. Natura dicta est quod aliquid nasci faciat, pro ut etiam *philos.* dicitur à *philos.* & causa à causando, quia causæ secundæ eo fine à Deo

Deo constitutæ sunt ut sint causæ, & ut agant aliquid motu suo naturali, quod fieri non posset si omnes actiones immediate à voluntate Dei inciperent & desinerent. Hæc autem observanda sunt propter illos quibus decretum Dei semper in ore est, ut ubiq; in omnibus imperfectionibus & pravitatibus se & suam culpam excusent, naturam ejusq; autorem accusent. Si quid ergo ab hominibus conceptum & natum, culpâ hominum contra voluntatem Dei & naturæ votum homo non est, & rationis usum habere nequit, de tali animato vel inanimato nulla hic instituitur quæstio. Altera causa stupiditatis dicebatur in nobis ipsis esse, cum quis ipse in culpa est ut ratione suâ uti non possit, vel ratione suâ uti, & benè uti posset, & tamen non vult. Hanc causam Deo & naturæ nemini imputaverit, nisi qui seipsum vitæ & motu carere, omniaq; mala à Deo fieri asseverare velit, quod infra cap. 11. & sequentib. refutabitur. De his itaq; hominibus quæritur, qui naturaliter salva sensuum organa sanumq; mentis domicilium habent, qui non modo corpus humano simile, nec vegetationem & sensus tantum, sed & illam animæ facultatem habent, ob quam homo à brutis distinguitur, an & hi omnes naturaliter veram humanam habeant rationem, & an Deus velit ut eâ omnes eo fine quo naturam humanam rationabilem fecit utantur? Hominum naturaliter constitutorum quidam regenerati & pii sunt, de quibus an ratio-

*De quibus  
hominibus  
quæritur.*

ratio-

rationem habeant & mentem divinæ legis intelligant neminem dubitaturum arbitror. Meditantur enim pii in lege Dei die ac nocte. *Pf. 1. os iusti meditatur sapientiam, & lingua ejus loquitur judicium. Lex Dei in corde ipsius est. Pf. 37. v. 30.* Concedetur nobis id quoq; Platonem, Aristotelem & alios, quorum de virtutibus & vitiis proba extant judicia, habuisse veram rationem humanam. Vile est quod de hypocritis afferri poterat, qualis nobis proponitur Ananias *Act. 5.* & ille apud Horat. *lib. 1. epist. 16.* qui clara voce Deos virtutum largitores compellabat, petitionem vero ad Deam furum directam tacitè murmurabat,

*Iane pater clare, clare cum dixit Apollo,  
Labra movet metuens audiri, pulchra Laverna  
Da mihi fallere, da iustum sanctumq; videri,  
Noctem peccatis & fraudibus objice nubem.*

Cum enim omnes hypocritæ fugiant lucem, eo ipso indicant se non ignorare qui honestum iustumq; sit, & ratione nequaquam ceditui, si ea uti velint. Ad eos ergo tandem devolvitur quæstio qui vitiorum sibi acquisiverunt habitum, qui parti animæ irrationali & legi peccati se tradiderunt, & ut Paulus *Eph. 4. v. 19.* ait οἱ τῆς ἀπληγκχῆς ἐαυτοὺς παρέδωκαν τῇ ἀσελγίᾳ, ἢς ἐργασίᾳ ἀκαθαρσίας πάσης ἐν πλεονεξίᾳ qui dolere desierunt & tradiderunt semetipsos lascivix, ad patranda omnem immundiciam cum aviditate. & ut *Rom. 1.* loquitur, Qui Deum non curant, ideoq; à Deo vicissim traditi sunt eis ἀδίκιμοι τῷ, παρ

ειν



ἔν τῳ μὲν καθήκοντι, πικρυνώσιν πάσῃ ἀδικίᾳ qualis  
 erat Iulianus apostata, Iudas Christi proditor,  
 Commodus, Nero, Heliogabalus: quales eti-  
 am sunt barbari, hostes Dei, & anthropopha-  
 gi qui seipsum mutuo devorant, *Solin. in polyhist.*  
*cap. 25. 43. Mela lib. 1. in descript. Cyrenaicæ.* item  
 qui liberos suos Diabolis immolabant, *Levit.*  
*20.* habentne hæc monstra hominum veram  
 legem humanam seu rationem? Si habent,  
 qui fit quod eam non utuntur? si non habent,  
 cur affirmatur legem rationis hominibus na-  
 turalem esse? an fortè desperati isti aliam ha-  
 bent rationem & naturam humanam quam  
 pii & prudentes viri? an vero Deus & natura  
 volunt eos homines esse, & tamen naturalia  
 humanitatis illis non competere, quemadmo-  
 dum alibi à quibusdam statuitur Deum con-  
 dere quosdam homines, quibus tamen ea quæ  
 totius humanæ naturæ æqualiter sunt (ut audi-  
 re, sensibus & ratione uti, humanum esse, &  
 similia) competere nolit? Videri poterat  
 Ciceronem talibus deploratis legem huma-  
 nam denegare, nam *lib. 1. de legib. ait, Lex est*  
*ratio summa insita in natura &c.* id autem statim  
 sic explicat: *eadem ratio, cum est in mente homi-*  
*nis confirmata & confecta, lex est.* Itaq; arbitrantur  
 prudentiam esse legem, cuius ea vis sit ut rectè face-  
 re jubeat, vetetq; delinquere. & *lib. 2. de legib. Ergo*  
*ut illa divina mens summa lex est, item cum in homi-*  
*ne est perfecta & in mente sapientis.* Sapientibus  
 ergo & prudentibus tantum legem naturalem  
 tri-

*Vident depho-  
 rates non ha-  
 bere rationē.*

tribuit Cicero : prudentia autem bonorum virorum propria est, *Aristot. 6. Eth. penult. & ult. Cic. 3. Offic.* Theophilus quoq; idem sentire videtur. *Instit. de jure nat.* cum ait, ἐθνικὸν νόμον ἐστὶ τὸ κατὰ τῶν ἀνθρώπων, ἢ κατὰ τῶν λελογισμένων βίῃ ἐπιλόγων περικλειόμενον. *Ius gentium est quod ad omnes homines, aut eos saltem qui ratione vivere volunt,*

*Omnes homines eandem habere naturam & rationem legunt.*

*extenditur.* Sed non ita est : aut enim non sint homines, aut rationem & eandem quæ ab Adamo in omnes derivata fuit naturam humanam habeant oportet. Si facultatem animæ rationalem quâ homo à brutis distinguitur non habent, nostram in quæstionem non veniunt; si habent, oportet eos homines esse, siquidem statuitur eos formam & materiam habere humanam. Si materiam & formam hominis habent, oportet eos essentialia humanitatis non frustra habere, quia Deus & natura nihil faciunt frustra, cum frustra agere sit ineptire & nihil agere, seu eo fine facere ut tandem nullo fine & nihil feceris. Cum autem talis contradictio in Deum non cadat, sequitur velle Deum ut verè homo sit qui homo est, & ut rationis usum habeat sine quo homo esse non posset. Nec potuit talis à Deo constitui natura quæ generaret hominem rationis usum non habentem, aut quæ faceret ut ipsæ virtutes naturales causarum secundarum per se facerent hunc minus rationis habere quam illum. Deus unam creavit humanam naturam, nec ea generat hominem qui homo non sit, contradicto-

dictoria enim operaretur. Quapropter Paulus Rom. 1. & 2. neminem excipit; sed ex innata naturali cognitione legis omnes dicit esse inexcusabiles, siue legem à Mose promulgatam audierint siue non. Et Cicero affirmat omnibus hominibus unam naturam & rationem esse communem, nam 1. de legib. ait. *Nihil est unum uni tam simile tam par, quam omnes inter nosmet ipsos sumus. Quod si depravatio consuetudinum, si opinionum vanitas, non imbecillitatem animorum torqueret ac flecteret quocumq; cepisset, sui nemo ipse tam similis esset quam omnes sumus omnium.* Itaq; quaecumq; est hominis definitio, una in omnes valet, quod argumenti satis est nullam dissimilitudinem esse in genere &c. paulò post concludit: quibus ratio naturâ data est, isdem etiam recta ratio data est, ergo & lex quæ est recta ratio in iubendo & vetando: si lex, jus quoq;: at omnibus ratio, jus igitur datum est omnibus. & inferius: *Unum est jus quo devincta est hominum societas, & quod lex constituit una.* ubi unam eandemq; rationis legem omnibus hominibus communem intellige, ideo enim addit: *quæ lex est recta ratio imperandi atq; prohibendi.* Si hæc verba superioribus conferamus, mens Ciceronis hæc apparebit: nemini naturâ absurdam rationem ingenerari, sed omnibus dari æqualem. Si vero de lege humana qualis in sua essentia est loqui velimus, spectandam esse rationem prudentium & bonorum virorum potissimum, qui igniculos rationis naturâ datos excitaverunt & rationi imperium dederunt: quod

F autem

autem tanta sit dissimilitudo humanorum animorum, non naturâ sed pravâ assuefactione & hominum perversitate evenire, & eos solos qui ratione suâ rectè utuntur vere dici rationem habere, qui autem rationis verum usum non habent, eos quasi sine ratione vivere. Rationem igitur omnes habent, at non omnes eâ utuntur, quod & Theophili verba superius posita volunt. Non enim dicit quosdam jus gentium non habere, sed non omnes ratione & iure gentium uti velle. Huc respiciens Paulus *Rom. 3. v. 3.* docet, iudæis credita esse eloquia Dei, & legem Dei illis traditam esse, nec referre quod quidam eam non cognoscant, imò si nullus homo crederet, veritatem Dei tamen mansuram, omnes autem homines simul aberraturos, naturalem enim veritatem à Deo constitutam pravorum opinionibus non posse tolli. *Credita sunt illis*, inquit, *eloquia Dei*: quid enim, si quidam illorum non crediderunt? nunquid incredulitas illorum fidem Dei evacuabit? Absit, quin potius Deus verax, omnis autem homo mendax. Sed ne putes Deum nolle quosdam homines ratione & sensibus uti *Isa. 6. v. 9. Mat. 13. v. 14. Ioh. 12. v. 39.* respondeo hæc dicta in illis ipsis capitibus & *Rom. 1.* aliisq; innumeris locis satis luculenter explicari. Non enim istis in concionibus Deus seipsum accusat, quod ipse cogat homines nec audire nec intelligere, sed perversitatem accusat hominum, quod ipsi sponte audire & intelligere nolint ut doceri & resipiscere possent.

sent. Si ea culpa Deo imputabitur, impia & absurda contradictio in istis concionibus & in tota theologia statuetur. Deus nemini aures dedit ut non audiat, & mentem ut non intelligat, sed naturalia dona omnibus hominibus eodem fine, nempe ut iis ad salutem suam bene utantur, est largitus. Qui vero naturalibus mediis, sensibus & ratione uti nolunt, hos nec Deus vult iis frui, verum id non effective quasi Deus faciat ne possint recte agere, nec finaliter quasi hoc fine eos creavit, sed materialiter & formaliter, quod cum vitam & motum proprium è natura tollere non possit, nolit tamen causas secundas quicquam boni operari, nisi in materia & forma sibi à Deo constituta usurpentur. Nihil itaq; ad rem facit utrum Iulianus, Nero & anthropophagi ratione utantur vel non, negari non potest quin rationem habeant, beneficio humanæ naturæ ipsis innatam, quâ uti possent si vellent. Idq; sapius ipsâ demonstrant corrupti, nemo enim, (nisi furore perpetuo laboret, de quo hic non loquimur) vitam suam ita instituere potest, ut vel ipse sua in conscientia non sentiat se rationem habere, vel eam opere aliquo externo non exerat. Nam ut nemo nascitur scelestissimus, sed quisq; qualis est diuturnâ assuefactione & assiduâ rationis cum carne luctâ evasit: ita Nero, Heliogabalus & alii, unâ die ad infimum impietatis gradum non descenderunt. Nec vi-

*Optimorum  
ingeniorum  
abusus possi-  
mus.*

sine sunt abusi. Plato lib. 6. de repub. copiose & eruditè disserit, neminem naturâ deterio-  
 rem aut meliorem nasci, sed omnes ex assuesc-  
 tione fieri. Inter alia sic ait ἔχει δὴ (οἱμοί) λόγον, τὴν  
 αἰετὴν φύσιν ἐν ἀλλοτρίω ἔχει ἔσθαι τροφὴν κακίαν ἀπαλλάττειν  
 τὴν φωνήν. Ἐχει. Οὐκ ἔστι, (ἢ δ' ἐστὶ) ὁ Ἀδύμαντις, καὶ τὰς  
 ψυχὰς φθιμώτερας εὐφροσύνας, κακὴς παιδαγωγίας τυ-  
 χούσας διαφερόντως κακὰς γιγνέσθαι ἢ οἷον τὰ μέγιστα ἀδι-  
 κήματα, καὶ τὴν ἀκραίαν πορνείαν ἐκ φωνῆς, ἀλλ' ἐκ ἐκ-  
 νεστικῆς φύσεως τροφῇ διολυμμένης γιγνέσθαι, ἀδύμη δὲ φύσιν  
 μεγάλων ἔτε ἀγαθῶν ἔτε κακῶν αἰτίαι ποιεῖ ἔσθαι; Εἴστι  
 igitur ut arbitror, consentaneum naturam optimam,  
 si diverso alimento nutriatur, deterio-  
 rem evadere quam ignavam. Εἴστιν ἰσχυρὰ. Hac itaq; ratione dici-  
 mus, Adimante, animos præstantissimo ingenio præ-  
 ditos, si malè fuerint educati, pessimos fieri. An puras  
 infanda scelera & extremam nequitiam ex ignavo  
 potius ingenio, quam generoso, educatione corrum-  
 pro, procedere, imbecilem vero naturam ingentium vel  
 bonorum vel malorum quandoq; causam fore? Non  
 licet ergo argumentari, quo quis nequior est  
 eo minus habere rationis, sed contrarium sta-  
 tuendum est, minimum rationis usum esse apud  
 stupidissimos & mente captos. Præterea  
 non est dubium, iis qui se legi peccati tradide-  
 runt die nocteq; a ratione monstrari & occan-  
 tari sua scelera, siquidem id ne diabolis qui-  
 dem qui extremè mali sunt desit, Mat. 8. v. 29.  
 nec deerit damnatis in inferno. Audiamus  
 quid Tacitus de epistola Tiberii ad senatum  
 scripta 6. annal. His verbis exorsus est: Quid scri-  
 bam

*bam vobis P.C. aut quomodo scribam, aut quid omni-  
 no non scribam hoc tempore, di me dea q; peius per-  
 dant, quam perire quotidie sentio, si scio. Ad hoc e-  
 pistolæ exordium ita Tacitus: adeo facinora atq;  
 flagitia suavis quoq; in supplicium verterant. Neq;  
 frustra præstantissimus sapientia firmare solitus est,  
 si recludantur Tyrannorum mentes, posse adfici la-  
 miatus & iclus, quando ut corpora verberibus, ita  
 sævitia, libidine, malis consiliis animus dilaceretur.  
 Quippe Tiberium non fortuna non solitudines prote-  
 gebant, quin tormenta pectoris suusq; ipse penas fa-  
 teretur. Illud facile concedimus lucem ratio-  
 nis non æquè fulgere in omnibus, & multos i-  
 gnorare quid facere oporteat, ut Aristot. 3. Eth.  
 2. ait, omnes pravos ignorare quid facere dece-  
 at: sed hic ad distinctionem superius indica-  
 tam recurrendum, ut excusemus qui ætatis  
 aut morbi impedimento hallucinantur, non  
 excusemus qui sibi ipsis ignorantiam acqui-  
 siverunt, ut ebrii & iracundi, vel qui ingenia sua  
 cum possent non excitarunt, aut habitus vitio-  
 sos sibi acquisiverunt: de hisce enim loquitur  
 Aristoteles quod depravati sint, eos qui nullâ  
 suâ culpâ mentis usum non habent commise-  
 ratione dignos judicavit, non pœnâ. Quod au-  
 tem ratione sua non omnes æquè utantur, &  
 quod inter eos qui nullo sensuum aut corporis  
 morbo impediuntur tanta sit in rebus dijudi-  
 candis differentia, causa non est quod duplex  
 sit humanitas & humana natura, alia rationa-  
 bilis alia irrationabilis, nec quod Deus hos ra-*

*Qua hebetu-  
 do ingenij ex-  
 cusando.*

*Eandem na-  
turam & ra-  
tionem esse in  
omnib. homi-  
nibus.*

tione suâ melius uti velit quam illos, sed quod alii aliis in veritate indaganda sunt diligentiores. Unica tantum est humana natura, corpore & animâ rationali, tanquam ex materia & forma constans, ea æqualiter & tota, modo adhuc physicis ignoto, per individua propagatur. Quidam unam tantum humanam naturam & formam fatentur, & tamen in singulis individuis singularem naturam & formam hominis specificam statuunt, eo ipso quod animam hominis faciunt ex parte divisibilem & propagabilem ex alia parte non. Facultatem vegetativam & sensitivam propagari concedunt, at de ratiocinativa id negant, quam cælitus cuiq; infundi opinantur. Quo posito, præterquam quod anima in seipsa dividitur, & animæ duæ propagabiles à tertia in homine vivo & in momento concubitus separabiles ponuntur, sequitur non esse unam naturam & formam humanam omnibus speciebus communem: quia natura & forma hominis non consistunt in materia, nec in iis animæ facultatibus quæ nobis cum beluis sunt communes, sed in facultate ratiocinandi. Si vero hæc cuique nova creatur & cælitus datur, sequitur quemq; habere peculiarem formam specificam hominis, nec esse inter omnes homines, quæ homines, unam communem naturam & formam. Quod puto Ciceronem dicto loco voluisse cum dicebat, *Quæcunq; est hominis definitio, una in omnes valet, quod argumenti satis est,*  
nul-



nullam dissimilitudinem esse in genere : quæ si esset, non omnes una definitio contineret. Vidit Cicero ad foundationem juris humani naturalis pertinere, ut unam omnibus hominibus communem naturam statuamus, ideo plurimis argumentis evincit eandem naturam humanam esse in omnibus hominibus, nempe ex æquali omnium humanorum ingeniorum ad virtutes & vita addiscenda habilitate: ex notitiis omnibus hominibus æqualiter innatis: & ex æquali sensuum, phantasie & mentis in omnibus operatione. Et licet in quibusdam particularibus homines dissentire videantur, ostendit in iis ipsis tamen esse aliquid in quo consentiant. Etenim ratio, inquit, quæ unâ præstamus beluis, per quam conjectura valemus, argumentamur, refellimus, differimus; conficimus aliquid, concludimus, certè est communis, doctrina differens, discendi quiddè facultate par. Nam & sensibus eadem omnia comprehenduntur, & ea quæ movent sensus, itidem movent omnium: quæq; in animis imprimuntur, de quibus ante dixi, inchoata intelligentiæ, similiter in omnibus imprimuntur, interpretq; est mentis oratio, verbis discrepans, sententiis congruens. Nec est quisquam gentis ullius qui ducem natus ad virtutem pervenire non possit. Nec solum in rectis sed etiam in pravitatibus insignis est humani generis similitudo. nam & voluptate capiuntur omnes, quæ etsi est illecebra turpitudinis, tamen habet quiddam simile naturalis boni: lenitate enim & suavitate delectans, sic ab errore mentis tanquam salutare aliquid adsci-

scitur. Similiq; in seipso mors fugitur quasi dissolutio naturæ: vita expetitur, quia nos in quo nati sumus continet. Dolor in maximis malis ducitur, cum suâ asperitate, tum quod naturæ interitus videtur sequi. Propterq; honestatis & gloriæ similitudinem beati, qui honorati sunt, videntur: miseri autem qui sunt inglorii. Molestia, lætitiæ, cupiditates, timores, similiter omnium mentes pervagantur. Nec si opiniones aliæ sunt apud alios, idcirco qui canem & felem ut deos colunt, non eadem superstitione, quâ cetera gentes, conflictantur. Quæ autem natio non comitatem, non benignitatem, non gratum animum & beneficij memorem diligit? quæ superbos, quæ maleficos, quæ crudeles, quæ ingratos non aspernatur? non odit? Quibus ex rebus, cum omne genus hominum sociatum inter se esse intelligatur, illud extremum est, quod recte vivendi ratio meliores efficit. 1. de legib. Sed qui indivisibilem statuunt animam rationalem ab aliis satis confutati sunt. Nos interim, dum illi probent animam rationalem propagari non posse, nisi ipsis de modo constet, & scitum suum de invisibilitate animæ rationalis, quod priusquam hunc nodum de propagatione solverent nimis citò divulgavit, certius demonstrarent, statuemus unam naturam humanam, materiâ & formâ seu animâ rationali & corpore in Adamo compositam, in omnia individua descendere, & ipsam etiam ratiocinandi facultatem consequenter ac secundario per unionem omnium humanarum partium naturalem, quemadmodum alias anima seipsam

psam movere solet, propagari. Quod si una natura humana est in omnibus hominibus, sequitur non tantum materiale, sed etiam formale primi hominis, tanquā principale quod dat esse rei in omnes æqualiter propagari, ut ita dubitari non possit rationem cum natura omnibus hominibus esse communem. Sic eadem natura humana est bonorum & malorum; & ita etiam homines improbi participes sunt ejusdem legis naturalis, qua nihil est divinius, cum sit Deus ipse *ut lib. 3. cap. 8.* ostendamus: & communionem habent ejusdem naturæ humanæ quam Christus assumpsit, licet fructu ejus careant. Quia enim donis sibi à Deo ad bonum datis ultrò pessimè abutuntur, ergo etiam fructus percipiunt contrarios, nempe malum quod amplectuntur & operantur: quod ex verbis Pauli *Act. 17. v. 27. 28. Rom. 1. 2. & 7. 1. Cor. 6. v. 15. 20.* & aliis locis plurimis, ubi de usu legis naturæ & humana natura à Christo assumpta verba fiunt, copiose posset illustrari. Idq; universale est, ut semper quo nobilior cujusq; rei usus, eò nocentior ejus neglectus, quia privat præstantissimo veti usus fructu; eoq; pestilentior ejus abusus, quia habet indignationē & detestationē Dei tanto severiorem. Et neglectum per se satis malum abusus multo pejor subsequi solet, ut plerumque neglectus virtutum earundem pariat contemptum, contemptus facinorosum abusum; qui est communis ad exitium progressus. Qua-

propter ex eo, quod quis ratione suâ abutitur vel omninò non utitur, colligi nequit quod ille ratione naturaliter destituatur, quodve Deus velit naturalia, quatenus in illo sunt, eatenus bona non esse, aut cum naturalibus bonis non posse uti frui ut bonis : sed statuendum est in tali homine naturalia bona interno quodam principio motus pravo corrumpi, malè applicari & suffocari. Quemadmodum enim multi, quiescente vel peregrinante alibi phantasiâ, apertis & sanis oculis nihil vident, ita ratio in multis præsens absens est, quia non excitatur. Unde sæpius fit ut vel belua, cum intendit vires animæ sensitivæ, longè superet hominem rationem suam non suscitantem. Sunt etiam, qui licet contentur de rebus judicare, tamen non possunt, quia non sunt assueti. Datur hoc observare in omnibus universæ naturæ rebus, quod omnia ex minimis incipiant initiis, & frequenti minutissimarum accessione tam latenter crescant, ut quamvis augmentum palpes, tamen ipsum crescere vix rationis acumine assequi possis. Hoc idem in acquisitione habituum, & in judicandi facultate evenit : qui seipsum ut sapere assuecat non acuit, ne tum quidem cum volet sapere poterit, quia omnes tam boni quam mali habitus, crebris actionibus & continuatis exercitiis acquiruntur. Patet itaque cur non omnes simus æquè sapientes, cum tamen omnes simus homines naturæ humanæ participes, & cur qui-

*Diffimilia  
hominum in-  
dicia modo.*

quidem bestiis sint stupidiores? Quia ratione uti non assuescunt omnes, & multi vigilant in corpore animum sopitum gerunt. Constat etiam cur nonnulli beluis sint depravatiores, ut magnâ cum aviditate & delectatione peccent? quia sibi vitiorum habitus acquisiverunt. Pro ut vero habitus acquisitus est, ita actio & iudicium ex eo sequitur, ut apud Plut. in *Gryllo*, introducitur Græcus quidam Gryllus à Circe in porcum mutatus, qui nihil mavult quam porcus esse, & cum Ulyssæ disputat porcos hominibus virtute & fortunâ præstare, cum virtutes in porcis falso fingeret, easq; vitiis hominum tantum opponeret, non naturalia naturalibus, ut oportuit, conferret. Sed nos inde discimus ita evenire solere, ut beluinum & porci habeat iudicium qui exuta humanitate sibi habitum vitæ porcine acquirat. Consuetudo tandem imitatur vel etiam suffocat naturam. Boni viri ita assuescunt veritati, ut loquantur verum et si in præsentia de mandacii turpitudine non cogitarant: & pravi ita assuescunt mentiri, ut ipsi ignorent quoties & quam turpiter mentiantur. Hoc voluit Aristot. cum dixit pravos ignorance peccare, & tamen excusandos non esse, quia sibi ipsi sint ignorance causa: & Cicero 1. *de legib.* cum docuit eandem bonam naturam communem esse omnibus hominibus, at consuetudine malâ depravari multos, eo quod ratione non utantur. Atq; hoc, inquit, in omni hac disputa-

ta-

tatione sic intelligi volo, quod dicam naturam esse :  
tantam autem esse corruptelam malæ consuetudinis,  
ut ab ea tanquam igniculi exstinguantur à natura da-  
ti, exorianturq; & confirmantur vitia contraria.

*Falso à qui-  
busdam ac-  
cusari Deum  
& naturam.*

Hic quidam Deum, vel (ut rectius loquan-  
tur,) cœlum & naturam accusant, quasi nunc  
post lapsum suo fato & temperamento non  
possint non pravi esse. Sed illi veram deprava-  
tionis humanæ causam, quam modo ostendi-  
mus, dissimulant, falsam frustra comminiscun-  
tur. Deus & natura semper & ubiq; æquali-  
ter in bonum tendunt, & ad perfectionem ni-  
tuntur, & cum malè agere nec velint nec pos-  
sint, nihil habent quod homini invito habitum  
aliquem vitiosum obtrudere conetur. Et in-  
primis id memoriâ tenendum, quod Deus, na-  
tura, fatum, temperamentum, & quicquid est  
in natura, ipsam qualitatem facti, ex qua actio  
bona vel mala cognominatur, non constitu-  
unt, sed illa qualitas pendet à nostro naturali-  
um bonorum usu vel abusu. Omnia quæ faci-  
mus nostro assensu in actum producuntur, &  
cum tot sint virtutum magistri, Deus, cœlum,  
natura, ratio & sensus, nihil est quod ad malum  
incitet nisi sola lex carnis, cui beneficio ratio-  
nis ac sensuum in externis, & auxilio Dei (quod  
virtutum cultoribus non denegatur,) eousq;  
poteramus resistere, ut secundum præscriptum  
rationis quemadmodum homines decet vive-  
reimus, Gen. 4. v. 7. Mat. 5. Rom. 1. & 2. Sed de  
fato & ejus vi agetur inferius: hoc loco tantum  
pro-

probare volumus, rationem naturaliter esse in omnibus hominibus, & eandem naturæ legem justitiam Dei cognoscentem omnibus esse innatam, non obstante quod magna pars hominum suâ culpâ rationis vero usu & fructu caret. Et ita ratio est alter & quasi proximus fons juris humani, vel potius ostium per quod justitia Dei illabitur in vitam naturamq; humanam: nam voluntas Dei in lege patefacta nobis naturaliter per rationem innotescit.

*Ratio est rivulus, iuxta divini, seu fons humanus prior.*

*Legem humanam duplicem esse, naturalem & civilem. Quid sit naturalis & quod sit civilis. Quid item sit lex civilis.*

## CAP. X.

Cum omne jus, quo utimur homines, ex naturali rationis lege oriundum naturæ conveniens sit, & tamen in quibusdam ab invicem differat, videndum quot modis lex rationis suum officium exerceat in homine. Homo rationabiliter consideratur à nobis duplici modo, naturaliter & civiliter: ideo ratio in homine duplicem constituit vitæ regulam, unam quâ utitur cum hominem regit ut vivat naturaliter, alteram quâ facit illum vivere civiliter. Vita civilis non aliena est à natura, sed maximè secundum naturam, cum quod homo societatis naturaliter amans est, tum quod à

*Regula vitæ duplex in homine.*

ratione homine naturali instituitur ac gubernatur. Sed quia prout nunc est humana natura & societas, pro civili ordine constituendo & conservando quædam ab hominibus prudentibus observata & adinventæ sunt, hæc rationis pars specialius nomen sortita vocatur ratio civilis, ut inferius apparebit. De naturalibus prius differendum. Primò ratio hominem regendum naturaliter considerat ut totum, illiq; secundum naturam vivere suadet. Naturam cum dico, non intelligo naturam communem omnibus animantibus, nam edere & bibere est legis naturæ, at sensitivæ non rationalis, de qua nos loquimur. Lex rationis gubernat hominem ut secundum naturam rationis participem seu humanam vivat. Nec per naturam humanam intelligimus eam naturæ nostræ corruptionem, quæ post lapsum in natura hæret, nam ea nec est de natura ut in præcedentibus docuimus, nec naturæ consortio digna est, & ita vocatur natura ut pomi putredo fructus arboris aut graveolentia defuncti appellatur homo. Sed naturam humanam accipimus, qualem Deus in sua perfectione creavit. Ergo secundum naturam humanam vivere est piè, modeste, sobriè, castè & rationabiliter vivere: vera enim natura humana & ratio semper ad bonum tendunt. At libidinose vivere & peccatis sese involutare, est ex lege & natura peccati juxta morbum naturæ & contra veram naturam vivere. Perinde enim  
ut

*Quomodo  
homo secundum  
legem  
naturæ suæ  
vivat.*



ut medici naturaliter sentire negant, qui ex morbo omnia amara aut flava pronunciant, aut qui indefinenter potando perpetuū tamen sibi laborant: ita nos qui verā naturali ratione rectē non utuntur, negamus secundum naturam rationalem vivere. Ambulare vero, edere & similia non quidem sunt contra naturam hominis, sed quia homini competunt non ut homini verum ut animali, pertinent ad legem homini cum brutis communem, non ad legem rationalem hominum propriam. Homini itaque lex vitæ naturalis est ea ratio, quæ gubernat hominem ut secundum naturam homini à Deo datam cum ratione vivat ut homo. Hæc cum hominem ut totum extra civilem societatem considerat, in duas se findit partes. Prima directæ est ad Deum, & eos qui tales esse creduntur quales nos omnes esse oportuit, seu quales vera natura humana per se citra peccatum exhiberet, si posset. Ea hæc in vita aliquo modo videtur & usurpatur inter veros amicos, quando vitæ ratio & lex est AMOR. Nulla ibi status inæqualitas, nulla prælatio, nulla dominiorum distinctio, nulla ullius mali suspicio: sed ingenuus candor & officiosa benevolentia quæ nihil cupit quod alteri molestum esse possit. Talis vitæ regula vocatur *lex vitæ naturalis* quam definitio quod sit *ratio coram Deo pietas, & inter amicos recte vivendi*, seu *regula vitæ cum Deo & bonis recte agenda*. Dei mentionem hic fieri oportuit, quia ratio nos naturaliter ad Dei

*Regula vitæ  
perfectissima  
cum Deo &  
bonis.*

co-

cognitionem, amorem, cultum ac venerationem vocat, ut infra videbimus, *lib. 3. cap. 3.* Quicquid hæc ratio seu rationis lex facere jubet vocatur *jus naturale*, ut *lib. 2. cap. 5. 9.* dicemus. Hac lege & regulâ vitæ pauci utuntur, quia tantum inter veros amicos & perfectos locum habet: at nos ab illa perfectione quam *jus naturale* & vera amicitia requirit longissimè recessimus, quapropter post lapsum hominem nemo hac vitæ regula perfecte usus est, solo Christo excepto quem corruptio naturæ non tetigit. Quando vero cum conjuge, liberis, amicis & familiaribus nostris amicitiam quam possumus maximam colimus, tum ad hanc legem & regulam vitæ aliquo modo revertimur, & ratio nos lege vitæ naturalis quantum possumus uti jubet.

*Regula vitæ  
inter imper-  
fectos & pra-  
vos.*

Alio modo ratio totum hominem extra civilem societatem considerat, non in incorrupta & propria sua natura, sed qualis jam est in naturæ depravatione, & tenorem vitæ observare jubet qualem prudentia inter homines non purè bonos custodire docet. Et qui juxta hanc rationis legem vivunt, non agnoscunt omnes æquales, bonos & amicos, sed vident omnes gentes esse corruptas, ideo discrimen aliquod constituunt personarum & rerum, suamq; vitam ita moderantur ac muniunt, ut ab aliorum injuriis minus lædi possint. Et quod ratio ob talem vitæ conditionem agendum dicitur jubetq;, vocatur *jus gentium* seu *jus naturale*

*rale posterius ut lib. 2. cap. 9. dicetur. Hujus vitæ rationem seu legem definire possis quod sit ratio inter homines, quales in natura depravatione sunt, benè prudenterq; vivendi.* Homo itaq; extra civilem societatem consideratus, alterutrâ harum vitæ regulam & legem naturali ratione observat: vivit enim cum alio vel ut cum amico, vel ut cum non amico.

Sed adhuc aliter ratio considerat hominem, *Lex civilis vitæ.* nempe ut partem seu membrum civilis societatis. Cum enim naturaliter abhorreat solitudines, & sit animal sociale magis quam reliqua animantia, eò quod corpore & anima ita est constitutus, ut dulcedinem amicitiae & societatis fructum magis percipiat quam omnia bruta animalia, naturaliter appetit in societate vivere. Ratio autem docet, quia homines inæquales sunt, non posse societatem constare si quisq; sibi suo ingenio & commodo vivere velit, ideoq; ordinem aliquem esse introducendum, ut omnia congruè & concinnè gubernentur. Sic ratio constituit personas & leges publicas, & humanas societates ordinat, quarum perfectissima est civilis, ut quæ omnes alias in se complectitur. Eo modo lex civilis vitæ nascitur, quam definitio quod sit *recta ratio civilem societatem benè constituendi, & rectè in ea vivendi.* Quod hæc rationis pars pro tali societate jubet vocatur *jus civile*, ut item *lib. 5. cap. 1. & ff.* docebitur. Interdum autem civilis vitæ regulæ, tanquam perfectissimæ & summa,

me, omnes vitæ regulas includimus. Ut enim omnes societates simplices insunt civili, & quæ cum amicis & quæ cum non amicis, tam quæ cum paucioribus quàm quæ cum multis, unus aut plurium collegiorum sociis contrahuntur; ita in regula civilis vitæ inest ratio cum omnibus, qualicunq; loco illi à nobis habeantur rectè vivendi, quæ causa est ut non inconvenienter appellatione juris civilis interdum etiam jus naturale vel gentium complectamur; vide *infra lib. 5. cap. 11.* Sunt itaq; hæ tres vitæ humanæ rectè transigendæ regulæ omnes bonæ, rationales, secundum naturam, & inter se in una ratione & natura cognatæ. Et hæc est illa natura quam Philosophi certatim tantis extollunt laudibus, secundum quam nos vivere jubent, & quâ duce neminem errare posse affirmant. Corruptionem vero naturæ inhærentem nunquam laudarunt, ut vulgus opinatur. Stoici dixerunt finem hominis summum esse secundum naturam vivere, at hoc idem esse quod secundum virtutem, naturâ enim nos ad virtutem duci. Intelligendum autem per naturam communem illam vitæ legem, quæ sit recta ratio omnibus hominibus cum Iove communis: *v. Laert. in Zenone. Cic. 1. de legib.* Certè ita res se habent, ut ex natura vivere summum bonum sit, id est, vita modica & apta virtute perfrui: aut naturam sequi & ejus quasi lege vivere, id est, nihil quantum in ipso sit prætermittere quo minus ea quæ natura postulet, consequatur: quod

*Ha vitare  
gula omnes  
bona & na-  
turales.*

*Quomodo  
inbeatur  
secundum na-  
turâ vivere.*

quod inter hæc velit virtute tanquam lege vivere. Ab hac natura putat Cicero d. lib. 1. de legib. naturam juris hauriendam, cum inquit, Natura juris nobis explicanda est, eaq; ab hominis repetenda natura. & superius in eod. lib. repetam stirpem juris à natura, quæ duce nobis omnis est disputatio explicanda. AT. rectissimè, & quidem istâ duce errari nullo pacto potest. Similes naturæ commendationes in libris Cic. de finibus & apud alios Philosophos habes frequentissimas. Dixere etiam nos in hac ratione & natura Deo cognatos esse, ut Cicero iterum in 1. de legib. Est igitur, quoniam nihil est ratione melius, eaque & in homine <sup>Legis & iuris cum Deo communio:</sup> & in Deo, prima homini cum Deo rationis societas. Inter quos autem ratio, inter eosdem etiam recta ratio communis est: quæ cum sit lex, lege quoque consociati homines cum Diis putandi sumus. Inter quos porro est communio legis, inter eos communio juris est. Quibus autem hæc sunt inter eos communia, & civitatis ejusdem habendi sunt. Si vero isdem imperiis & potestatibus parent, multo magis parent, huic cælesti descriptioni, menti q; divinæ & præpotenti Deo. Unde etiam universus hic mundus una civitas communis Deorum atq; hominum existimanda. Et quod in civitatibus ratione quadam, de qua dicitur idoneo loco, agnationibus familiarum distinguuntur status, id in rerum naturâ tanto est magnificentius, tantoq; præclarus, ut homines deorum agnatione & gente teneantur. Arium Didymum imitatus esse videtur, cujus verba referente Turnebo ad

*Cic. lib. 1. de legib. sunt ὁ κόσμος αἰανὲι πόλις ἐστὶν ἐκ θεῶν καὶ ἀνθρώπων συνιστάσα, τῶν ἰσθ' θεῶν ἡγεμονίας ἐχέτωσαν, τῶν δὲ ἀνθρώπων ἰστέλα γούρων. κοινωρίας δ' ἰστέρεται ὡς ἀλλήλους διὰ τὸ λόγῳ μέλειχεν, ὅς ἐστι φύσει νόμος.*  
*Mundus tanquam civitas est quæ ex Diis & hominibus constat, è quibus Dii imperium habent, homines subiecti sunt. Societate inter ipsos existente ex commercio rationis, quæ naturalis lex est. Idem voluere Poëtæ qui nos Deo cognatos esse dixere. act. 17. v. 28. 29. Senec. docet Deum esse in nobis, & nos in Deo per rationem : eumq; à nobis agnoscere & coli si nos ipsos, rationem & naturam nostram cognoscamus, & secundum illam vivamus. epist. 41. Et Iohannes cap. 1. docet per verbum Dei creata esse omnia : id esse vitam & lucem omnium hominum, quod illuminet omnes homines in hunc mundum venientes. Nihil vetat hæc verba etiam ita accipi, quod Deus omnibus hominibus rationis lucem dederit, ut eam ad salutem suam & ad cognitionem Dei utantur. Rom. 1. licet enim ratio non comprehendat ea quæ sunt fidei, negari tamen non potest eo fine datam esse hominibus ut ex lege & operibus Dei creatorem suum agnoscat, & vitam suam juxta voluntatem ejus gubernet. Hinc Stoici & Pythagorici quidam rationem humanam usq; in cælum & divinitatem extollere cœperunt, affirmantes animum humanum esse quoddam ἀπόσπασμα Dei. Cicero de senect. Audiebam Pythagoram Pythagoreosq; incolas penè nostros, qui essent Italici Philosophi quondam*

no-

nominati, nunquam dubitasse, quin ex universa mente divina delibatos animos haberemus. & de divinar. Naturale quod animus acciperet aut exciperet extrinsecus, ex divinitate, unde omnes animos hausstos aut acceptos, aut libatos haberemus. Hosce porro superare studuerunt, qui homines planè inter Deos retulerunt, de quibus sup. cap. 5. diximus. At nimia laus naturæ humanæ desit in mendacium, ut dici solet *omne nimium vertitur in vitium*. Homo nec est Deus, nec partem divinitatis habet pro anima, quia sic non esset totus creatus, aut pars divinitatis esset creata, ipsaq; divinitas foret divisibilis, mutabilis, & ex parte peccati particeps, quod falsum. Qui Piccolominei ethicam legent, observabunt ejus errorem, quod sapius hinc inde, *ut gr. 2. cap. 32. 33. 34. 39. & manifestius gr. 3. cap. 1. 5. 8. & 9.* ponit vitia & internam rationis cum carne pugnam etiam de essentia naturæ esse, eaq; requiri naturaliter ob mundi perfectionem, & ut virtus exuperans appareat splendidior. Fallitur ille: nam malum, quia est defectus & corruptio boni, ad perfectionem nullam requiritur, alioquin etiam ad essentiam Dei primò ac unicè requireretur: & ibi virtus magnificā victoriā refulget, ubi malum ita vincit ac repellit, ut omninò nihil cum eo habeat commune. Malum itaq; non est de vera natura hominis, nam sic immediatè à Deo esset in nobis principium omnis mali, sed est contra

naturam ex peccato, quod in nobis est per accidens.

*Fontes iuris  
duo, divinus  
et humanus*

Atq; ita duos juris fontes invenimus, nempe legem divinam, quæ est ipsa Dei iusticia, *sup. cap. 4.* & humanum, quæ est ratio immediate à Deo profecta. Harum duarum legum inprimis mentionem facit Cicero: legem cœlestem & naturalem communem vix obiter attingit, nos Platonem & alios philosophos simul explicaturi, & disputationibus subsequuturis faciem prælaturi, etiam cœlestis & communis naturæ legis mentionem fecimus, sunt enim quedam in jure de fato, de voluntate & consilio hominis, deq; natura universali ex istis fundamentis explicanda.

*Ratio capiti  
sum sequens  
signa.*

Inprimis vero, priusquam de lege humana dicendi finem faciamus, extricanda est quæstio an talis ratio sit in homine quæ legis officium subire, & (quod legis est) hominem gubernare possit. Hæc erit illa de voluntate hominis disquisitio cujus supra aliquoties mentionem fecimus, ad eam igitur nunc accingimur.



## *Jureconsultum de viribus humane rationis inquirere debere.*

### CAP. XI.

*Videndum an  
ratio hominis  
sua libera sit  
ut gubernare  
possit.*

**Q**Uam graves & prolixæ sint apud Theologos de libero arbitrio, apud Philosophos de



de spontaneo & invito disputationes, nemo est qui ignoret. Eorum ego lites meas facere non gestio, malimq; hoc labore omnino superfedere, ni mihi multis nominibus quæstionis huius repetendæ, & studio nostro juridico applicandæ necessitatem impositam esse viderem. Locuti sumus hæctenus de ratione humana, quam causam proximam seu unicum humanum legum fontem esse docuimus. Necdum excidit nobis, quod *supra cap. 4.* statuimus legem humanam ex earum numero esse, quæ cum ratione imperant & gubernant; quo etiam *cap. 7. & aliis sequentibus* respeximus. Sed nonnulli lege cœlesti & elementari de quibus *cap. 5. & 6.* tractavimus decepti, opinati sunt hominem non habere actionum humanarum principium & facultatem in sese, verum omnia humana cum influxu fiderum, tum elementari contemperatione regi. Alii persuadere conantur, omnia à Deo seu lege divinâ trahi regi; adeò ut nullam prorsus humanæ animæ agendi facultatem reliquam faciant, vaferrimè inter alia abutentes lege peccati, quasi post lapsum Adæ natura & ratio hominis non tam corrupta sit, quam potius homo omnem vitam & rationem amiserit, totusq; in exanime cadaver & legem peccati degenerarit. Videndum itaq; an ratio in homine tam libera sit, ut quæ nos legis gubernantis esse docuimus præstare, hoc est actiones humanas imperare, vetare & gubernare possit? Libertatis nomen varia si-

gnificare *gr. mor. 2. cap. 30.* notavit Piccolom. nobis cum ipso tantum de eo quæstio est, an homo eousq; habeat liberum arbitrium, ut ex sese præscriptis legum nostrarum obedire vel repugnare possit; an vero ab alio motore externo, ut à Deo, fato, cœlo, natura, temperamento, fortuna vel casu ita regatur, ut sine principio motus interno proprio agat vel omittat quod agit vel omittit? Habet hæc quæstio alias utilitates plurimas generaliter ad totum jus spectantes. Nam si nulla est voluntas aut facultas agendi in homine, frustra de jure loquimur & inanem laborem suscipimus. Quid refert leges ferre, facienda imperare, omittenda prohibere, de præmiis & pœnis differere, si nulla est agendi facultas in homine? quomodo facta hominum distinguemus, utrum ex proposito & dolo, an ex culpa, ignorantia vel metu profecta fuerint, nisi didicerimus quatenus quodq; voluntati hominis imputandum sit? Quapropter utur quæstiones de voluntate hominis suo modo in Theologia, & item alio in Philosophia ventilentur, pertinent etiam ad generalia præcognita juris, ut sciamus an in potestate hominis sit quod volumus, & in quo obtinendo totius jurisprudentiæ cardo vertitur. Quæ à Theologis de libero arbitrio disputantur, illorum ex scriptis petit qui volet, at illi uno ore omnes fatentur quæstionem de libero arbitrio ad legem pertinere. Si est legis, non aliena est à nostro studio: nam Iurif-

risconsultus, nisi legem probè intelligat, & in-  
 primis tales quæstiones in quibus totum jus re-  
 cumbit rectè percipiat, officio suo fungi ne-  
 quit. Versamur præterea adhuc in generali-  
 bus quæstionibus, quæ speciali legum explica-  
 tioni præcedunt, & Iureconsultis cum Theo-  
 logis ac Philosophis circa indagationem juris  
 sunt communes. Quod vero in ethicis de vo-  
 luntate hominis seu de spontaneo & invito di-  
 sputatur, nihil impedit quo minus eadem  
 consideratio ad nos pertineat, cum ethicæ &  
 politicæ quæstiones magnam affinitatē habe-  
 ant cum Iurisprudentia, & eo fine in scholis  
 doceantur ut usum aliquem habeant in vita ci-  
 vili. Rectè Aristot. *in princ. ethic.* docuit finem  
 legumlatricis scientiæ esse summum, qui reli-  
 quos omnes sub se complectatur: & *in princ. 3.  
 ethic.* specialiter de spontaneo & invito monuit,  
 eam considerationem spectare ad hos qui le-  
 ges sanciunt, præmia & pœnas distribuunt:  
 quod & Plato fecit *lib. 9. de legib.* & pertinent  
 huc disputationes Piccolom. *gr. morali 2. cap. 30.  
 & sequentib.* ubi Iureconsulto facem præfert &  
 fundamenta locat, quas propterea studiosi ju-  
 ris eo libentius & attentius legent, ut actiones  
 humanas accuratius distinguere possint. Cum  
 vero cuiq; scientiæ suus sit considerandi mo-  
 dus, nobis sufficiet si legē rationis humanæ  
 tam liberam in nobis esse ostenderimus, ut  
 quod legis est præstare, quodq; nostra jurispru-  
 dentia in homine præsupponit ac requirit effi-  
 cere

cere possit. Observabit autem lector simul, quomodo Iurisprudentia cum Theologia & Philosophia consentiat, & quomodo errores alicubi recepti per omnes scientias reptent. Plura de voluntate hominis qui volet, Theologos & Philosophos adire poterit. Quæstionem non sine causa paulò altius repetemus, & primò videbimus, an sit aliqua rerum creaturarum voluntas, quâ quid velle vel nolle possint.



*Appetitum & voluntatem esse in  
natura creatorum, idq; manifesto conspici  
in beluis & hominibus.*

## CAP. XII.

*Vitam & ap-  
petitum esse  
in omnibus.*

**Q**Uamvis vitam & voluntatem in rebus à Deo creatis dari adeo manifestum sit, ut insanire dici possit qui dubitet, quia tamen opinio quorundam omnia vi naturæ communis, fati, vel deniq; voluntatis divinæ trahi rapiq; asserentium huc tandem redit, ut nullam in rebus creatis vitam agnoscat, paulò altius exordientes ostendemus in omni creatura vel inchoatam vel perfectam vitam inesse, nihilq; à Deo factum esse quod vitæ omninò sit expers.

Sacræ literæ rebus loco se non moventibus voluntatem aliquam tribunt, ut *Pf. 104. 148. Ios. 10. v. 13. & ult. v. 27. Rom. 8. v. 19. Luc. 19. v. 40.*

v. 40. & alibi passim : de ventis, arboribus, mari & montibus dicitur quod obediant Deo *ut* Mat. 21. v. 21. Mat. 17. v. 20. Luc. 17. v. 6. ubi obedientiæ verbum exprimitur. Quæ non omninò metaphoricè accipienda, sed quod omnibus in rebus sit aliquid pro viribus suis movens se ad voluntatem Dei. Philosophi *appetitum* vocant, quem omnibus rebus concedunt, ut nec materiam primam sine appetitu ponant.

Antiqui ita ratiocinati sunt, Deum, cum sit optimus, non potuisse creaturas facere nisi valde bonas, in quibus manifesta suæ bonitatis relinqueret vestigia : & cum sit sapientissimus, res creatas non potuisse non testari & oculis palam objicere sapientiam artificis. Item, cum sit vita & liberrimum agens, non potuisse à Deo prodire res, nisi in quibus vitæ & voluntatis semina ostenderentur. Deum enim nec malum nec inconveniens facere, nec mortem aut planè mortuum quid operari posse. Omnia hæc tamen quatenus res creatæ capere poterant, & pro usu suo ad quem destinabantur indigebant. Hunc etenim finem sibi propositum habuisse creatorem, ut ab omnibus rebus sua cum delectatione honoraretur & glorificaretur. Fecisse itaq; res omnes (quamq; tamen suo in genere & usu) perfectas, bonas, utiles, appetitum & vitam habentes, ut finem suum assequi posset. Nam si nulla esset in rebus vita, voluntas vel appetitio quâ creatori suo honorem exhibere possent & vellent, dedecori po-

*Quicquid à  
vita est, vita  
particeps est.*

potius fuisse Deo, non potuisse aut noluisse nisi brutos & mortuos abortus edere, nec invitos nec volentes volutandos, & de loco in locum trudendos: multo magis convenisse æternæ bonitati & vitæ, vitam omnibus communicare, & inenarrabilem creaturarum viventium, appetituumq; sese moventium varietatem introducere, ut bonitatem suam infinitis modis in omnia quæ ejus capacia erant effunderet, & gloriam in omnibus assequeretur. Mercur. *in sermone communi ad Tatium* inquit, nihil esse in toto mundo quod motu & vita careat, nec posse quicquam vitæ expers à Deo produci. Virgil. *eccl.* 3. *Iovis omnia plena.* & 6. *Æneid.*

*Principio cælum ac terras, camposq; liquentes  
Lucentemq; globum lunæ, titaniaq; astra  
Spiritus intus alit, totamq; infusa per artus  
Mens agit at molem, & magno se corpore miscet.  
Inde hominum pecudumq; genus, vitæq; vol-  
lantum,*

*Et quæ marmoreo fert monstra sub æquore  
pontus :*

*Igneus est ollis vigor & cælestis origo  
Seminibus, quantum non noxia corpora tardant  
Terreniq; hebetat artus, moribundaq; membra.*

vide Augustin. *de civ. Dei lib.* 4. *cap.* 12. & 13. *lib.* 7. *cap.* 6. 23. Iohan. in sua evangelica historia *cap.* 1. v. 3. inquit, omnia creata esse per vitam & in vita: quod confirmat Paulus *Rom.* 11. v. ult. Plato in *Tim.* Dicamus igitur quam ob causam ille rerum autor generationem & hoc universum con-

con-

constituit : Bonus erat. Bonus autem nulla unquam aliqua de re invidia tangitur. Ergo cum livor ab eo alienissimus esset, omnia sibi quantum fieri poterant similima fieri voluit. & mox : fas autem neq; erat neq; est, quicquam nisi pulcherrimum facere eum qui est optimus. Habes in d. libro plurima talia, quæ Plato ab Ægyptiorum sacerdotibus hausit, ut ipse ibidem fatetur. Hoc idem voluit Plato cum mundum, cælum, naturam & alia mentem vitamq; habere docuit ut sup. cap. 5. & 6. innuimus, nam in *Timæo* ex eo quod Deus omnia optima, perfectissima & sibi similima facere voluerit, statim ad mundum argumentari incipit, ergo mundum quoq; & optimum esse & vitam, mentem voluntatemq; habere. Sed lectorem plura de hisce desiderantem ad scripta Platonis remittimus, qui volet etiam Plotin. en. 4. lib. 4. cap. 24. & sequentib. Morn. de verit. relig. Christ. cap. 5. legere poterit. At in rebus anima sensitiva carentibus abdita & re-<sup>Quomodo  
si exeat vi-  
ra.</sup>trusa est voluntas, ita ut vix appareat nisi ubi natura ad perfectiores gradus ascendit. Motus, calor, vegetatio & appetitus, quæ vitæ principia sunt, nulli creatæ rei à Phÿsicis denegantur. In plantis anima & vita se erigere, in spongiis, conchis & testudinibus se ad sensum oculorum movere incipit : in reptilibus & aliis perfectioribus ubi corpus loco movet planè se exerit. Hinc porro natura incipit sensus perficere & corpora simul elaborare, usq; dum ad summum quod sensibus competere potest ascen-

*Vita in ani-  
malib. mani-  
festa est.*

ascenderit. Tum ad hominem progrediens, extremâ vi nititur omnè quicquid ignobiliores creaturæ capere non poterant in eum effundere, in quo tandem ratione omnibus cœli & elementorum virtutibus nobiliore superata & absoluta cogitur acquiescere. Cum itaq; in corporibus se moventibus vitam nullo negotio probare & sensibus videndam palpan-damq; obijcere possimus, turpe est de nobilissima & absolutissima creatura, de homine dico, dubitare. Moventur animalia aut à se ipsis, aut ab alio: si à se, habent vitam, voluntatem & principium motus internum: si ab alio, moventur aut invita aut volentia, & sic quoq; habent voluntatem; aut moventur neutro horum modorum, & tum nulla erit vita, nullus motus in universa natura sensibilium, in immobilibus multo minus. Homo vero præterea nec imaginem Dei habere potuisset nec jam rationem haberet, imò nec peccare posset, si nullam haberet propriam voluntatem & agendi facultatem *vide Piccolom. d. gr. mor. 2. cap. 32.* Inanes essent omnes doctrinæ legis & evangelii, & quicquid tandem est, imò ne essent quidem omninò, si nulla esset in homine vita, voluntas & facultas. Ineptum esset precari *fiat voluntas tua*, Mat. 6. si nulla in homine esset voluntas, & nihil fieri posset nisi volente, movēte & agente Deo. Paulus expressè inquit *velle habeo*, Rom. 7. & voluntatem in homine plus millies ponunt Sacræ literæ. At ineptire forte vide-



viderer, si nec brutis ignota hominibus probanda putem, nisi extitissent, qui & brutis & hominibus omnem vitam abnegare tentarent. Dicæarchi Pherecrates, refert Cic. i. Tuscul. quæst. olim disputavit, Nihil esse omnino animum, & hoc esse nomen totum inane, frustra; animalia & animanteis appellari, neq; in homine inesse animum vel animam, nec in bestia: vimq; omnem eam quæ vel agamus quid, vel sentiamus, in omnibus corporibus vivis æquabiliter esse fusam, nec separabilem à corpore esse, quippe quæ nulla sit, nec sit quicquam nisi corpus unum & simplex, ita figuratum ut temperatione naturæ vigeat & sentiat, Quam opinionem utrum ille ex Platonis Timæo malè intellecto hauserit, ubi mundum unum animatum & omnia in se continentem esse disputat, an ipse effinxerit, ambigo, certè falsissimam & vix refutatione dignam esse scio. Unicui tantum opponimus illi argumentum: Si natura vel influxus cœli omnia agitarer, quia unicus est influxus & motus, nulla esset in natura varietas, & catuli qui uno tempore concepti, uno utero gestati, uno calore & alimento nutriti, & tandem uno partu fusi sunt, quia haud dubiè eundem habent siderum influxum, omnia similia haberent & agerent, essent ejusdem sexus & coloris, simul ederent, biberent, dormirent, moverentur &c. quod sine ullius contradictione falsum & experientiæ contrarium est. vide Augustin. de civ. Dei lib. 5. cap. 1. & aliq. sequenrib. Plotin. en. 2. lib. 3. en. 3. lib. 1. en. 4. lib. 3. 4. & 9.

*Quidam negant vitam in animalibus.*

Alii

Alii putant Deum omnia in omnibus agere & nihil ab homine sine voluntate Dei fieri, qui in eadem incidunt absurditates. Primò enim homini eo modo ratio & vita negantur, & Deus mortuorum statuitur Deus esse, non viventium, *contra illud Mat. 22. v. 32.* Deinde, si dicant Deum movere humana omnia per media, ut per naturam & fatum, idem dicunt quod Pherecrates: Si vero statuant omnia à Deo immediate regi, in alias plurimas incidunt contradictiones, ut in sequentibus capitibus videbimus. Concedamus ergo vitam, voluntatem, & facultatem propriam aliquam agendi dari in animalibus & in homine, nisi omnem vitam & sensus abnegare, & nos ipsos maris scopulis stupidiores facere placet.



*Quomodo Philosophi & Iureconsulti voluntatem hominis statuant in omnis generis actionibus.*

CAP. XIII.

*Voluntas apparet in omnib. actionib.*

*Omnes actiones in particularib. sunt.*

Cum igitur voluntas & facultas agendi in natura, in primis vero in homine, de cujus actionibus nobis propositum est agere, detur, videndum quibus modis & actionibus illa se exerat, & quomodo voluntas hominis à philosophis & Iureconsultis in omnis generis actionibus agnoscatur & distinguatur. Primò sciendum

endum & in tota Iurisprudencia semper in memoria habendum est, omnes actiones in particularibus & circa particularia esse. Verbi gratia, facultas ambulandi, edendi, loquendi &c. universaliter quidem est in natura, at in actionem non producitur nisi particulariter, per individua operantia. Cato natura potuit ridere, at quia noluit, mansit ἀγέλας: possent omnes homines ratione uti, *Rom. 1.* at quia multi nolunt, sine ratione vivunt; illiq; soli ratione suâ utuntur, qui volunt. Hæc primo & universaliter apparet voluntas cuiq; homini singularis, quod ea quæ naturâ sunt possible, ut edere, ambulare, actu existere non possunt, nisi cum speciali alicujus voluntate in actum producuntur. Deinde voluntas & facultates hominum agnoscuntur ex dissimilitudine & qualitatum diversitate. Cum enim, ut diximus, omnis voluntas sit circa actiones particulares, dignoscitur voluntatum dissimilitudo ex iis quæ circa unamquamq; actionem in considerationem veniunt. *Aristot. 3. eth. 1. al. 2.* docuit hæc esse quæ circa singula considerentur, quis, quid, circa quid: in quo agat, quo instrumento, cujus causa & quo modo. Hæc si ponderaverimus, dicemus cum Aristotele actiones humanas esse aut voluntarias, aut invitæ, aut mixtas. Voluntariæ sunt vel absolute & ex se voluntariæ, ut cum quis motu proprio sine prævia causa incitante agit; vel ex affectuum invitatione, ut cum irâ impulsus vel amore

*Et in iis videtur voluntas.*

*Voluntas varia & libera cernitur in dissimilitudine.*

*Voluntaria sunt duplicia.*

H. pro-

provocati aliquid agimus. Dicuntur etiam quædam voluntaria propter se, cum quid ideo, quia placet, volumus, quædam voluntaria ex *causa* seu propter aliud, cum quid eligimus volumusq; ut aliud evitemus. Executiamus singula breviter, tantum ut appareat quomodo hæc omnia hominis voluntatem & facultatem in actionibus liberam confirment.

*Spontanea  
quæ*

Quæ ultrò & propter se volumus agimusq; à Philosophis vocantur spontanea. Spontanæ definit Aristot. *cujus principium in eo est qui agit, & particularia, in quibus actio consistit, cognoscit*: ut si quis nullâ causâ impulsus ex pura benevolentia alicui munus offerat, ut Deus, ex mera bonitate sua nos creavit & redemit, is dicitur sponte fecisse, & quia actio bona est, maximè laude ac præmio dignus est. Vel si quis venenum paret eo consilio & fine ut aliquem extinguat, idq; sine ulla causa ex pura malitia faciat, ut diabolus à Deo defecit & hominem seduxit, is dicitur spontè fecisse, & quia actio improba est, maximè dignus est vituperio ac pœnâ. Philosophi utrumq; in hominis pote-

*Spontanea est  
se in nostra  
potestate.*

state ponunt, quotidiana ad exempla provocantes. *vide Piccol. gr. mor. 3. cap. 5. & seq.* Consentiant Iureconsulti, qui agnoscunt donationes ex mera liberalitate profectas, quas puras ipsi vocant, vel proprias & simplices, *l. 1. & 29. in princ. D. de donat.* & puniunt etiam in homine malevolum ac dolosum animum, seu ut illi indigetant *dolum malum*. Laudantur & præmiis digni

digni judicantur studiosi qui se ultrò patriæ offerunt, *auth. habita. C. ne filius pro patre.* & gravissimè puniuntur qui dolo malo deliquerunt. Nam & omnia quæ licita fuerant, dolo malo ita corrumpi possunt ut capitalia fiant: ut si quis alterius in perniciem cum telo ambulet, ignem accendat, veritatem prodat, & similia. Item, si dolus malus in contractum incidat, viat omnia, ut tituli D. *de dolo malo.* & *de doli mali except.* de pœnis & aliæ leges passim docent. Aliàs spontaneum in jure etiam vocatur *consulto, deliberato animo, ex proposito factum,* & similiter. Cum vero eadem phrasès etiam de mixtis actionibus usurpentur, prudentis est non tam ad verba quam ad rem ipsam respicere, & ex circumstantiis facti, an spontè vel alio modo commissum sit, judicare. Ita Philosophi & Iureconsulti spontanea appellant, & in hominum potestate ponunt.

Invita sunt aut vi aut ex ignoratione. Violentum describit Aristot. *cujus principium extrinsecus est ejusmodi, ut ei nec qui agit nec qui patitur quicquam conferat,* quemadmodum si ventus aliquem præcipitet, aut potentior nostram nobis manum infligat: hisce actionibus nihil conferimus, sed omnia vi agere vel pati cogimur. Iureconsulti violenta ab homine fieri & ferri agnoscunt, D. *de vi, de Injuriis,* & *alibi,* & vim, si sit vera non simulata, in patiente excusant, in inferente accusant, eamq; vi justâ repellendam docent. Hoc ipso etiam confirma-

*Invita duplicia.*

*Invita ex vi ponuntur in homine.*

tur voluntas & facultas agendi in homine : si enim quædam patimur inviti, ergò quædam agimus parimurve volentes.

*An iucunda  
& molesta  
sint violenta.*

Opinabantur olim nonnulli omnia iucunda & molesta pro violentis habenda, quia extrinsecus essent & nos ad actionem cogerent, quod Arist. refellit, docens iucunda & molesta nos tantum invitare ad actionem, nihil autem proficere, nisi rationes quibus nos tentât à nobis intrinsecus approbentur & in actum promoveantur : violenta vero ea dici quæ ita sunt extrinsecus, ut nihil ad ea conferat qui agere cogitur, ipsamq; actionem prorsus improbat ac omitteret si posset. Quod observatione dignum, ad evitandam consequentiam quæ non latuit Aristotelem. Si enim concesserimus iucunda & molesta violenta esse, omnia delicta excusari & in alium transferri poterunt, excusabitur libido & privata vindicta quæ vitâ iucundior ipsa videtur, item furta erunt violenta, quia iucundum videtur de alieno saginari, laborare autem molestum est. Et hisce culpæ translationibus nihil frequentius est in foro, sed Iureconsulti, veram non simulatam philosophiam affectantes *l. 1. D. de iust. & iure*, illas non attendunt. Licet enim objecta moveant sensus & sæpè vehementer irritent, tamen vim nobis nullam faciunt, nec invitos ad actionem compellere possunt. Quia vero magistratus finem suum assecutus est si politicam disciplinam conservet, interdum humanę imbec-

imbecillitati aliquid condonatur, si videlicet delicta non sint enormia, & salvâ disciplina publica dissimulari possint. Sequimur interdum divinam longanimitatem, quod & ipsum veræ philosophiæ est, quæ nos docet finem officii nostri considerare, & humanitatem crudelitati semper præferre.

Priori similis est quæstio, an quæ ex ira vel cupiditate fiunt sint invita? negat Arist. 3. *eth.* 1. al. 3. & *magn. moral. lib. 1. cap. 13. 14. Piccolom. gr. moral. 2. cap. 19.* quos lector consulere poterit. Iureconsulti vero iram & privatam vindictam juxta puniunt, eo ipso declarantes, se etiam hac in parte negativæ philosophorum sententiæ accedere.

Sequitur invitum ex ignorance. Qui se- Invitum ex  
ignorantia  
ponitur in  
hominem. cit ignorans universalia, ut si quis ignorasse vellet homicidia & furta non esse committenda, non dicitur invitus fecisse, nam qui talia prætendunt ab hominibus vituperantur, & omnium judiciis, quasi scientes volentes deliquerint damnantur, qui vero inviti fecerunt excusantur. Iureconsulti hic tantum mutant phrasin philosophorum, cum enim illi dicunt, neminem ignorare posse aut debere quæ naturalis ratio & notitiæ omnibus hominibus universaliter innatæ suggerunt, nostri hanc vocant ignorantiam juri naturalis, quâ nemo, qui legem humanam seu rationem habet, excusetur, cum perinde hoc sit ac si quis asserat se hominem esse, & tamen rationem non habere. Quod

supra *cap. 9.* tradidimus, non excusari qui rationem suam non excitant cum possent, huc applicari potest. Non putatur etiam invitus fecisse qui ignoravit quid conduceret, cum talis ignoratio præsupponat dubitationem & electionem, & non invitus sed pravus sit qui malè eligit. Is ergo invitus fecisse potuit qui particularia, quæ circa actionem & in ea sunt, ignoravit. Ut si quis domi suæ vel in hæreditate alienum quid inveniatur, & alienum esse sciens, dubitet an reddere vel occultare velit, si non restituit, malè elegit & pravus est, & alienum non invitus contrectasse dicitur: at si ignoret esse alienum & consumat, dicitur invitum quid fecisse ex ignoratione. Iureconfulti hanc vocant *ignorantiam facti*, eamq; nisi post agnitionem erroris approbata & ultrò continuata fuerit, excusant, ut ita etiam in hisce actionibus cum philosophis velle & nolle hominis agnoscant. Qui se ad forum præparant hic iterum admonendi sunt, reos sæpe ignorationem universalium prætere, quasi non fuerint tam acuti ingenii ut inter bona & mala potuerint dispicere: ut si hæres se rem alienam invitum retinuisse dicat, quod dubitarit an justius esset defuncti famam suspitione furti gravare, quam domino rem ablatam restituere, & audisse se quidem olim talem anulum esse amissum, at non attendisse eum hunc esse, nec hæredem jure ad restitutionem rerum furtivarum cogi credidisse. Tales universalium  
juri-



jurium ignorationes in jure vocantur, ignorationes juris naturalis, quia naturale præceptum rationis est *non furtum facies*. Interdum hæc vocatur *ignorantia affectata vel lata culpa*, eaq; dolo comparatur & non excusat. Iudex ergo hic attendet, utrum qui ignorantiam allegat in particularibus facti aberrare potuerit, & si potuit, an debuerit, an vero potius rationem suscitari oportuerit. Particularia vero quæ *Ex ignorantia ne facta proprie nec spontanea nec invita.* verè ex ignoratione fiunt, propriè nec spontanea sunt nec invita, at ex iis quæ factum subsequuntur ad alterutrum referri solent. Nam si agentem postea facti non simulatò pœnitet, videtur invitus fecisse, conjicitur enim ex pœnitentia quid factururus fuisset, si particularia in quibus aberravit ante commissum factum cognovisset: quem non pœnitet, volenti similis fit, propter subsequentem facti approbationem. Diversum quoq; esse docuit Arist. *Ex ignorantia ne & ignorantem agere differens.* ex ignoratione & ignorantem agere. Ex ignoratione facit qui nescit malum esse quod agit, nec id scire potuit: at ignorans facit qui scire posset quod agit, seipsum autem irâ, ebrietate vel alio suo facto eò redegit ut nesciat, & illo ignorantie in tempore agere festinat, quod alias omittendum esse non dubitasset. Atq; hi interdum dupliciter puniuntur, primò ob tantam ebrietatem, pro operationem vel vehementiam irâ, deinde ob delictum ipsum. Iure- *Ignorantia vel habitudo vel temporaria.* consulti videntur adhuc ulterius distinguere, considerant enim utrum quis ignorans fuerit

ex habitu sua culpâ acquisito, an ex speciali actû, ut si quis ex consuetudine semper ebrius & mentis impos sit, is quasi datâ operâ & studiosè ignorat, diciturq; fecisse ut *ebriosus*, qui vero speciali quadam imprudentia lapsus sese nimium invitavit, dicitur fecisse *ebrius*. Senec. 1. de ira cap. 4. *Quid esset ira satis explicatum est: quo distet ab iracundia, apparet: quo ebrius ab ebrioso, & timens à timido. Iratus potest non esse iracundus: iracundus potest aliquando iratus non esse.*

Voluntaria  
mixta.

Voluntarium ex ~~voluntate~~ est, cum de duobus pluribusve malis unum eligimus. Has actiones. Aristot. vocavit *mixtas*, & definivit, quæ timore & fuga malorum majorum vel ob honestum aliquod aguntur. Mixtæ actiones simpliciter in se consideratæ sunt invitæ, ut cum nauta merces, divitias suas & præmia laboris in mare ejicit, at respectu finis & principii motus quod in agente est, sunt voluntariæ, mavult enim merces abjicere, quam totâ cum nave mergi. Ideo Aristot. actiones mixtas spontaneis magis similes esse dixit, & Augustin. de spirit. & lit. cap. 31. *etiam quod quis invitus facere cogitur, si facit, voluntate facit.* Iureconsulti dicunt *etiam coacta voluntas est voluntas.* v. Cujac. 6. obs. ult. Cum vero difficile sit in actionibus mixtis dijudicare quid pro quali eligendum, difficilior in iis quæ decreta fuerint persistere, in hoc quasi cardine vertitur prudentia & intellectus judicantis, ut examinet quid laudandû aut vituperandum, faciendum vel omittendû.

Quomodo  
homini im-  
putentur.

Lau-

Laudantur qui pro magnis & honestis rebus turpe vel inhonestum quid sustinuerunt : vituperantur qui turpia perpessi sunt ob nullam honestam aut gravem causam : excusantur & veniâ digni putantur, qui quod fieri non debuit egerunt ob tale, quod humanam naturam excedit & à nemine sustineretur : accusantur qui perpetrarunt ad quod nullo modo commoveri debuissēt, etiā si omnia extrema fuissent perpetiēda, *Arist. 3. eth.* Apparet itaq; quomodo eadē mens sit philosophorū & jurisconsultorū in omnis generis humanis actionibus, in quibus nolendi aut volendi voluntatem & facultatem in homine ejusq; ratione ponunt. Aristot. ex prædictis ita differit : voluntarium est ex electione : electio non est ipsum spontaneum, nec voluntas, cupiditas, ira, aut opinio sed spontaneum quid præconsultatum : consultamus non de æternis, necessariis, impossibilibus, aut fortuitis, sed de iis rebus agendis quæ sunt in nostra potestate : de talibus feruntur leges atq; in talibus consistunt virtutes ac vitia. Consequentia ex mente Aristot. nectitur talis : In homine sunt sensus & ratio eo fine ut res cognoscat atq; de iis judicet : consultatio est de rebus quæ sunt in nostra potestate : hanc sequitur electio ejus quod bonum videtur : electionis pedissequa est voluntas, ut hoc velimus illud nolimus : ex voluntate appetitus ejus quod placuit : ex appetitu, quia sem-

*Ex diffis col-  
ligitur actio-  
nes in nostra  
potestate esse.*

per ad finem tendit, motus & operatio: operationum frequentia acquiratur habitus. Hæc omnia dicit esse ex principiis quæ sint in nostra potestate, ergo etiam bonas malasq; actiones, & habitus virtutum vitiorumq; in nostra potestate esse, vidè huc Piccolom. *gr. mor. 2. cap. 4 l.*

43. De omnibus hisce, ut apparet, ex principio actionis & motus judicatur, ut actio retineat nomen quod ab initio est sortita: ideo voluntaria facta, etsi quis ea postea infecta vellet, voluntariorum nomen retinent, ut si quis sibi habitum vitiosum compareret vel delictum perpetret, licet postea doleat se fecisse, tamen sic voluisse dicitur, & factum voluntati ejus imputatur: perinde ac si quis sibi spontè vulnus infligens, postea dolere & saucius esse nollit, nihilominus dicitur spontè fecisse ac saucius esse, quia poenitentia factum non reddit infectum. Ita actiones bonas & malas, quique ex iis sequuntur habitus virtutum ac vitiorum, in nostra potestate ponunt Philosophi & Iureconsulti. Subjicit Aristoteles, eodem modo nostra in potestate esse habitus quosdam corporis: veluti cum quis ebrietate, libidine vel alio modo sibi morbum contrahit, ut usum sensuum & membrorum quorundam amittat, vel sobrietate & temperantia sanitatem suam confirmat, hæc merito homini imputantur ut voluntaria bona vel mala. Hæc sunt quæ ex 3. *Ethic. Aristot.* hoc capite repetere visum fuit, quæq; Arist. 3. *eth. 5. al. 7.* jureconsultis scitu

ne-

*Etiam habitus corporis in nostra potestate esse.*

necessaria putavit. Nos autem tironibus juris & studium ethices commendare, & ostendere volumus eam rationis legem, quam *supra cap. 7.* in homine statuimus omnium Philosophorum, (veram philosophiam profitentium,) & Iureconsultorum consensu in homine poni. Plura ex Piccolom. *gr. 2. morali*, & ex aliis ethi-  
cis peti possunt:



*Theologos quoq; homini ad exter-  
na opera legis præstanda rationem & vires  
concedere, licet liberum arbitrium  
negent.*

## CAP. XIV.

**Q**UAM cum philosophis in homine statui-  
mus rationem, voluntatem & agendi fa-  
cultatem, Theologia non negat: nec ullum ca-  
put est totis in bibliis, ex quo non possit ali-  
quoties evinci voluntatem & rationem dari in  
homine. Sive enim nostra delicta agnoscere,  
peccatis abstinere, rationem in fidei obedi-  
entiam captivare, & Deo credere jubeamur; sive  
a Deo ad patientiam & spem excitemur; sive  
ob boni aliquid laudemur; semper vita, ratio,  
voluntas & facultas aliqua in nobis præsuppo-  
nitur. *Gen. 4. v. 7. Mat. 5. 6. 7. Item II. v. 16. &  
seq. 21. v. 28. & seq. 23. per tot. Rom. I. v. 20. & seq.  
& 2. per tot. & 12. cum seq. I. Tim. 5. & 6. Tit. 1.  
1. Pet.*

*Theologi  
agnoscunt le-  
gem humanam.*

1. Pet. 2. 3. & alibi innumeris locis. Nullibi de  
 lege & operibus agitur, nusquam quid facere  
 vel omittere jubemur aut juberi possumus, ni-  
 si iis quæ diximus præsuppositis. Non ta-  
 men propterea liberum arbitrium, ut vocant,  
 seu libera voluntas & facultas, quâ totam le-  
 gem implere nostrisq; viribus Deo nos inson-  
 tes restituere possumus statuitur in homine.  
 Primò enim diximus hominem totam legem  
 Dei propter impediementem peccati legem non  
 intelligere, *sup. cap. 8.* Et licet homini hac in  
 parte aliquid tribueremus, (ut certè Paulus  
*Rom. 1. & 2.* rationi humanæ quo ad cognitio-  
 nem legis permultum tribuit, quod & gentili-  
 um scripta ita efflagitant,) non tamè propterea  
 liberum arbitrium statueremus. Est enim se-  
 cundò hoc probè notandum, liberum arbitri-  
 um non consistere in aliqua etiamsi illustri &  
 præclara cognitione legis, sed in absoluta & spon-  
 tanea praxi, ut item *d. cap. 8.* docuimus. Cum  
 vero ne ethnici quidem sui ipsius tam ignari  
 fuerint, ut naturam incorruptam suâq; facta o-  
 mnia justa, & Diis suis facinorosis grata affir-  
 mare auderent. *Rom. 2. v. 14. 1. Cor, 5. v. 1.* quis  
 nostrum tam insaniat, ut se suis viribus cam-  
 quæ in ecclesia explicatur legem coram justis-  
 simo Deo implere posse confidat? Quamdiu  
 itaq; homini potestatem legem Dei integrè ex  
 sese præstandi non dabimus, nullum in eo li-  
 berum arbitrium asseremus. Et si quæstio-  
 nem de hominis lapsi viribus ac arbitrio libe-

ro rectè concipiamus, apparebit minimè opus esse ut in laudem & honorem meriti Christi rationis nostræ verum usum despiciamus; nec quicquam Christo derogari nostrisve viribus quo ad redemptionem tribui posse, etiamsi rationis nostræ usum in cælum usq; extollamus: sed potius è contra, quo magis extollitur ratio, eo magis accusari peccatores contra rationem & conscientiam delinquentes, & quo magis ea acuitur, eo minus spei ad salutem superesse. Videamus tantum quid quæratur à theologis de viribus hominis lapsi, ut eo cettius constet nos laude & exercitio rationis nostræ merito Christi nihil adimere posse aut velle. Non quæritur autem an homo post lapsum adhuc homo sit, & rationis verum usum naturaliter habere possit? id enim negari non potest, nisi humanitatem in lapsu amissam & hominis naturam transsubstantiatam asserere velimus, sed hoc quæritur, an homo corpore & anima per peccatum depravatus, sine præveniente gratia & sine commotione Spiritus sancti, ex sese motu proprio omnia sua peccata agnoscere, in seipso accusare, seriò detestari & constanter fugere velit, & sine interpellatione legis peccati libere pro suo arbitrio id facere possit? an item ille per se norit verum modum sua delicta coram Deo expiandi, illumq; possit exequi? Hoc negatur. Homo enim corruptus verè est corruptus, ergo ex sese non potest alias nisi peccati qualitate infectas actiones habere. Deinde  
nulla

nulla ratio per se hunc fructum ex cognitione legis & iustitiæ Dei assequi potest, ut sciat sibi propter iniustitiam suam ad misericordiam & satisfactionem Dei esse confugiendum, sed tremat potius, fugit, & desperat, quo magis Dei iustitiam & suam iniustitiam intelligit. Præterea non est virium humanarum invenire modum quo Deo satisfiat & amissa iustitia recuperetur. Nam quod & quomodo in universali totius humanæ naturæ corruptione unus immaculatus homo existere debeat, qui legem naturæ pro omnibus impleat, ut huius meritum omni credenti prosit & in propriam solutionem imputetur, id nullo philosophico principio potest indagari. Ponatur homo peccator acutissimi ingenii, qui totam legem tam perfectè intelligat ac Adam ante lapsum eam intelligere potuit; quæro an ille propterea legem Dei totis viribus observaverit & observare velit possitq;,, ut *Mat. 22. 7. 37.* requiritur? negabimus certè, quia eâ ratione peccator non esset. Sed ponatur eum ex naturali virtutum amore & salutis appetitu toto pectore velle justum & beatum esse; quæro an ille propterea per solam rationem suam sciat modum quo justus & beatus fiat? Quod iterum negatur. Quin præterea, etsi Adam post lapsum & alii prophetæ docente Deo sciverint quomodo redimendi essent, & ipsum redemptionis opus quasi oculati testes descripserint, tamen consilium Dei sibi revelatum suis viribus exequi non



non potuerunt. Nam si Deus illis omnia in tabula descripta exhibuisset, quâ ratione illi efficere potuissent ut virgo conciperet filium eumq; pareret exsortem ejus qualitatis quâ tota humana naturâ jam erat infecta? & quomodo effecissent ut ille homo etiam Deus esset & pro omnibus mori vellet? Id quidem nec omnibus angelis erat possibile, & rationi Deo fidem non habenti ridiculum erat expectare. Tollamus ergo & extollamus rationem licet in cœlum usq; & supra omnes angelos, nihil hic adimi potest merito Christi, quia nec inventio nec executio modi redemptionis humanæ rationi contingere potest, sed quo magis acuitur ratio ut justitiam Dei peccatiq; magnitudinem & naturæ vires intelligat, eo magis de omni salute jubet desperare. Exoptabant sancti in veteri testamento ut liceret sibi videre diem Christi *Matth.* 13. v. 16. & precabantur ut perrupto cœlo tandem descenderet, *Esai.* 45. v. 8. & 64. v. 1. & scrutabantur quando id eveniturum esset? *1. Pet.* 1. v. 11. & quando id ex revelatione divina resciverant, *Gen.* 49. v. 10. *Dan.* 9. v. 24. vehementer gaudebant *Ioh.* 8. v. 56. interim tamen non erat hoc opus volentium aut currentium, sed cogebantur expectare tempus à Deo constitutum. Cum itaq; nihil unquam fuerit humanarum virium, nec consilium nec auxilium redemptionis, sed ea solius sapientiæ & misericordiæ Dei opus sit, nihil est ut vereamur ne viribus humanis nimium tribuamus.

buatur, aut merito Christi injuriosum sit, si dicamus hominem etiam post lapsum veram rationem ejusq; præclarum usum naturaliter habere, legem Dei intelligere, & opera legis naturaliter, (infecta tamen eâ qualitate quæ ex peccato in natura est,) præstare posse: manet nihilo minus inventio & executio redemptionis solius Dei. Nec illa cognitio aut operatio, quæ homini juxta legem naturæ post lapsum reliqua est, aliquid immaculati in humana natura mansisse probat, sed potius contrarium testatur. Cum enim videmus pravam concupiscentiam & peccandi pruritus non tantum in corpore, sed & in anima & voluntate nostra hære, evincit conscientia non modo corpus sed & animum esse corruptum, nec materiale tantum sed formale hominis multò magis peccasse, & totam naturam nostram depravatam esse. Sic imperfecta cognitio & operatio legis testatur injustitiam nostram, quod gentiles ipsi dissimulare non potuerunt. Nec sequitur, legis opera quæ adhuc præstare possumus, quia aliquatenus & ad politicam disciplinam bona sunt Deoq; non displicent, ideo absolutè bona & peccato non infecta esse; nam Deus utramq; à nobis requirit obedientiam, internam & externam. Externam bonitatem facti aliquo modo etiam ob temporalia bona præstare possumus: at interna bonitas qualitatis requirit plenum cordis assensum, per verum, purum & constantem er-

ga Deum & homines amorem, quem nemo sibi arrogaverit, nisi lapsum negare, imaginem Dei in se agnoscere, & totam se legem implere posse fingere velit. Naturalia bona & quæ ex iis sequuntur facta Deo non per se displicent, sed quatenus redolent qualitatem peccati. Sic ergo cum Paulo & Theologis nostris ponimus, gentes naturaliter ea quæ legis sunt cognoscere & facere posse, non obstante quod totus homo per lapsum corruptus sit, nullumq; integrum bonum opus quod coram Deo peccatum non redolet suis ex viribus præstare possit: peccatum enim in anima & actionibus humanis omnibus nihilominus manet ac operatur, ut mutata qualitas in eadem substantia vini. Qui vero homini omnem rationis facultatem denegant, eumq; suâ ratione post lapsum nihil secundum naturam cognoscere & facere, imò sese sine voluntate Dei ne movere quidem posse, & omnia volente ac agitante Deo fieri opinantur, hominem in lapsu omnem vitam & rationem amisisse, naturamq; ejus non corruptam, sed totam extinctam vel in peccatum transsubstantiatam esse, statuere cogentur. Sed de his satis pro nostro instituto: uberiores de libero arbitrio & viribus humanis tractatum lector apud theologos inveniet. Nobis satis sit legem humanam, & vires ad præstanda ea quæ nos ab hominibus requirimus opera, philosophorum & theologorum consensu in homine poni, ostendisse.

*Cur lex hinc,  
mana negari  
nequeat.*



*Refutantur qui omnia necessario  
fieri putant, & primo agitur de Fato.*

CAP. XV.

*De fato tra-  
stant omnes.*

*Etiam Iure-  
consulti.*

CONFUTANDA nunc restat illorum opinio, qui omnes humanas actiones fato, vel alia Dei dispositione existere auzumant, atq; ita omnem hominis rationem, voluntatem ac facultatem agendi tollunt. Nullus ferè extat antiquus scriptor qui Fati mentionem non fecerit: ubicunq; de humanis negotiis agunt, ibi rationum in medium prolatarum fundamentum aut supplementum inveneris Fatum. Sic ethici, politici, & theologi de fato disputant, à quibus, tanquam à suis præceptoribus etiam Iureconsulti de fato loqui didicerunt. Nam detrimentorum fatalium meminit *l. 3. D. de Instr. vel inst. leg.* fati infelicitas furiosum à delicto excusare dicitur. *l. infans. D. ad l. Cornel. de sicar.* & qui fato fecit non putatur obtemperasse voluntati. *l. 2. D. de condit. & demonstr.* pertinet huc explicatio tituli de maleficis & mathematicis, & alias fati crebra apud interpretes mentio, ut apud Tiraq. in *l. connub. 8. n. 5.* & de retr. gent. §. 26. gl. 1. n. 20. Coras. ad *l. 1. C. de jure emphyt. n. 14.* Vasq. 1. cont. 20. n. 3. 4. Tholos. in Syntagm. lib. 34. cap. 1. & copiose lib. 21. de republ. Bodin. 4. de republ. cap. 2.

Per-

Perutile autem fuerit ad refutationem fatalis necessitatis, si ostenderimus quibus erroribus fatum primò sit conceptum ac nutritum, quapropter de ejus generatione, quæ in seipsa refutationem continet, paucula præmonebimus. Figmentum fatalis omnium rerum necessitatis, extra ecclesiam apud illos primò natum est, qui nec quid Deus, cœlum aut natura esset, nec quomodo hæc operarentur intellexerunt, nec quid vel unde humana ratio esset unquam perceperunt. Cum enim profani homines omnipotentiam Dei mente sua complecti non possent, quomodo Deus omnia & singula bona & mala gubernaret, & tamen tantis in laboribus miserrimus non esset, *v. Plut. de placit. phil. lib. 1. cap. 6. & 7.* sinxerunt Deum fabricato Fato hac molestiâ semel defunctum esse, & nunc, postquam profatus sit se omnem administrationem virtutibus cœli & cœlestium concedere, omnia Fato regi. Decepit hæc opinio postea etiam doctiores, ut solet communis error invalescere, & interdum eruditis imponere. Seneca de provid. cap. 3. Ille ipse omnium conditor ac rector, scripsit quidem fata, sed sequitur, semper parei, semel jussit. Plin. nat. hist. lib. 2. cap. 7. Irridendum vero, agere curam rerum humanarum illis qui quid est summum. Anne tam trilli atq; multiplici ministerio non pollui credamus dubitemusve? & paulò post. Pars altera & hanc (Fortunam) pellit, astroq; suo eventus assignat, & nascendi legions: semelq; in omnes futuros un-

I 2

quam

quam Deo decretum, in reliquum vero otium datum. Sedere cœpit sententia hæc, pariterq; & eruditum vulgus & rude in eam cursu vadit. Apud Cicero- nem 1. de nat. deor. C. Vellejus Epicureorum sententiam ita proponit. *Quæ nobis Natura in- formationem deorum ipsorum dedit, eadem insculpsit in mentibus ut eos æternos & beatos haberemus. Quod si ita est, vere exposita sententia illa est ab Epi- curo: Quod æternum beatumque sit, id nec habere ipsum negotij quicquam nec exhibere alteri. Itaq; ne- que ira neq; gratia teneri, quod quæ talia essent, imbe- cilla essent omnia. Et post aliqua. Quærere à nobis Balbe soletis, quæ vita Deorum sit, quæq; ab iis dega- tur ætas? ea videlicet, qua nihil beatius, nihil omni- no bonis omnibus affluentius excogitari potest. nihil enim agit: nullis occupationibus est implicatus: nul- la opera molitur: sua sapientiâ & virtute gaudet: habet exploratum fore se semper cum in maximis tum in æternis voluptatibus. Hunc Deum ritè bea- tum dixerimus, vestrum vero laboriosissimum. Epi- curus dixerat τὸ μακάριον καὶ ἀφθάρτου ὅτι αὐτὸ πρᾶγ- ματα ἔχει ἔτι ἄλλω παρέχει. Ita Epicurus Deum om- nibus curis liberare studens omninò sustulit, & primum motorem à quo omnia vitam ac motum accipiunt planè otiosum fecit. Alii Deum causis secundis alligarunt: cum enim viderent eas rarò præteriri, putarunt summum numen absq; causis naturalibus agere vel nol- le vel non posse. Hæc omnia ex ignorance omnipotentis divinæ, quam quia ratione ex- haurire non poterant, figmentis obscurabant.*

Se-

Secundò hanc opinionem foverunt & enutrierunt Stoici. Nam cum summum bonum, omnibus aliis rebus humanis despectis in sola virtute, (ut apud Cic. 3. *de finib.* videre est) summum vero malum in vitio, mendaciis ac erroribus ponerent; si liberam in homine concessissent voluntatem, coacti fuissent se quoq; omnium errorum ac vitiorum suorum autores agnoscere, quod alienum videbatur ab iis, qui se cum virtute summum bonum assecutos esse opinabantur. Propugnarunt itaq; fatum, ut delictorum culpam in id transferre possent: & quia magnæ autoritatis erant, multos solo nomine suam in sententiam pertraxerunt. Atque hic error multos adhuc, etiam nil magni de se prædicantes, occultè dementat; cum enim justitiæ & innocentiae amor sit naturalis, difficillimè ratio sui ipsius accusationem à se impetrare potest, sed quærit varios prætextus, ne se contra honestum & utile delinquere fateri cogatur. Est autem hic prætextus totus vanus, si id quod superius dictum est perpendimus, humanas actiones earumque qualitates non existere per se ex universalibus naturæ, sed nasci ex aliquo principio motus & actionis interno, quo individuum illud agit & actioni sue qualitatem tribuit. Natura & fatum per se nullam producant actionem, nec faciunt ut actio bona sit vel mala, sed id totum pendet ab individuo agente. Tertiò hunc errorem auxit falsa collectio, quod ex particularibus & mani-

festioribus quibusdam cœli in corporeis operationibus, universaliter ad omnia corporea & incorporea conclusum fuit, quasi omnia eodem modo à cœlo regerentur, ut nonnulla manifestè à sole & luna gubernari videmus. At si hic iterum considerassent ipsas actiones & earum qualitates bonas malasve ab ipsa natura rerum differre, & tantum à voluntate utentis proficisci, nihil ex hoc argumento contra veritatem colligere potuissent. Et tandem ad fati tantam potentiam persuadendam perutile fuit commentum de dæmonibus, ideis, & intelligentiis, *de quo sup. cap. 5. monuimus.* Postquam enim spirituum cœlestium ingentem numerum, cœli rectores, stellarum motores, Dei coadjutores & concreatores fecissent, verisimiliter persuaserunt hac cœlesti spirituum harmoniâ & musicâ facilius omnia regi quam ab uno Deo. *Laëtant. lib. 1. instit. cap. 3.* Hisce ex erroribus natum & educatum est superbum illud fatum, quod sibi postea in cœlum & terram, in homines & Deos arrogavit imperium.

*Fatum quid?*

*Fatum pro  
virtute cœli.*

Nec tamen inter omnes de natura & imperio ejus convenit, ut videre licet apud Plutar.  
*de placit. philos. lib. 1. cap. 25. & seq.* Quidam fatum pro virtute cœli & astrorum in corporea influente acceperunt, ut Cic. 1. *de divinat.* *Fatum id appello quod Græci εἰσπραγμα, id est, ordinem seriemq; causarum, cum causa causæ nexa rem ex se signat. Ea est ex omni æternitate fluens veritas sempiterna. & paulò post. Ex quo intelligitur ut fatum*

NON



non sit quod superstitiosè, sed id quod physicè dicitur. Chrysippum imitatus est cujus de fato opinionem vide apud Gell. lib. 6. noct. attic. cap. 2. Notavit etiam Laërt. in Zenone quomodo cordati-ores stoici fatum definierint, ἐστὶ τὸ εἰμαρμένον αὐτῶν τῶν ὄντων εἰρημένον, ἢ λόγος καθ' ὃν ὁ κόσμος διατάσσεται. *Fatum est connexa rerum series, seu ratio per quam mundus administratur.* Si Platonem in Timæo & Trismeg. in Poemandro accuratè inspexerimus, statuerunt illi animas rationales à solo Deo creatas, corpora vero mediante fato & virtute septem planetarum esse composita, ut ita ex illorum opinione tantum corpus & contemperatio elementorum fato subjiceretur. Sic enim expressè Trismeg. in Poemand. *Septem deinde fabricavit gubernatores, qui circulis mundum sensibilem complectuntur, eorumq; dispositio fatum vocatur.* & ad Ammon. *Fatum ministrum est providentiæ & necessitatis, fati vero ministræ sunt stellæ, neq; enim fatum fugere quis potest, neq; se custodire ab istius vi magna, arma namq; fati sunt stellæ.* Sic & Plutarch. in lib. de fato accepit, & omnes eruditi qui distinctius de fato sunt locuti. Et hæc non omninò improbari potuissent, si modo fati prædicatores hic substitissent. Nam si stoicorum & aliorum fati assertorum opinionem hanc fuisse statuemus, quod voluerint Deum raro immediatè agere, sed ideo causas secundas & naturam creasse quod velit omnes humanas actiones ab iis proximè pendere & gubernari, ipsum vero, nisi miracula edere velit, à causis

secundis non recedere, nec suâ præsentia virtutes causarum secundarum mutare, (quam sententiam eruditiorum verba non invita concedunt,) illa opinio nullo laborat vitio. Et hoc videntur Stoici quoq; ab initio tantum voluisse.

*Fatum pro  
Deo ipso ac-  
ceptum.*

Postquam vero alii confusius & magnificentius loqui, & quæ solius Dei sunt etiam facto adscribere cœperunt, fatum pro voluntate Dei & Deo ipso acceptum fuit, unde Seneca 4. de benef. cap. 7. *Natura, inquit, hoc mihi præstat. Non intelligis te cum hoc dicis mutare nomen Deo? quid enim aliud est natura quam Deus & divina ratio toti mundo & partibus ejus inserta? quoties voles tibi licet aliter hunc autorem rerum nostrarum compellare, & paulò post hunc eundemq; & fatum si dixeris non mentieris. Nam cum fatum nihil aliud sit quam series implexa causarum, ille est prima omnium causa, ex qua cetera pendent. Quæcunq; voles, illi nomina propriè aptabis, vim aliquam effectumque cœlestem continentia. Tot appellationes ejus esse possunt quod munera. Sic & Chrysippus naturam, fatum, Deum & voluntatem Dei confudit ut Plin. in lib. de Stoic. repugn. notavit. Quod confirmat Cicero 1. de nat. deor. inquiring. Idemq; (Chrysippus) etiam legis perpetuæ & æternæ vim, quæ quasi dux vitæ & magistra officiorum sit, Iovem dicit esse, eandemq; fatalem necessitatem appellat, sempiternam rerum futurarum veritatem vide etiam Lactant. lib. 1. instit. cap. 5. Augustin. de civ. Dei lib. 5. cap. 1. At hic primò aberrare cœperunt stoici quod Deum cum natura, & causas in-*

inferiores cum prima confuderunt. Tandem ipse Iuppiter fatali Parcarum necessitati subiectus fuit: adeò summam majestatem obtinuit fatū, ut ne summus Deus fato se eripere posse crederetur, nedum ut homini ulla spes reliqua esset. vide Senec. *nat. qu. lib. 2. cap. 35. 36.* & Plut. *de Stoic. repugn.* Apud Lucian. *dialogus* est qui inscribitur *Ζεύς ἰσχυρότατος*, Iuppiter confutatus, in quo Cyniscus Iovem exagitat quod fati miser servus & instrumentum sit, ut ascia & terebrum sint instrumenta fabri. & apud Quintil. *declam. 4.* introducitur filius, qui patre reclamante à iudice postulat, ut liceat sibi seipsum occidere ne parricida fiat, quod fatale esse mathematicus illi prædixerat: satis stulta petitio, præsertim ab illo, qui fatum evitari non posse contendebat. Hic iterum erratum est triplici modo: primò, quod causam primam secundis contra rationem subjecerunt: secundò, quod causas proximas actionem immediate regentes, ut voluntates hominum, omiserunt: & tertio, quod ipsas factorum qualitates per se ex natura, sine respectu agentis necessario existere opinati sunt: cum Deum, cælum, & voluntatem hominis non confunderet; ipsumq; agens à qualitate actionis ejus distinguere debuissent.

Nunc igitur, siue fatum sit virtus cœli, ut eruditiores accipiunt, siue sit aliquid in Deo vel Deus ipse, (nam de tertio, an supra Deum sit, impium est querere,) videamus utrum in

*Fatum supra Deum, & Deum, & Deum.*

*An fatum, quod est virtus cœli, vel voluntatem*

cœlo & astris; vel in Deo sit aliquid quod libertatem humanæ voluntatis tollat, nobisq; invidis actiones extorqueat, & eas qualitati alicui imbuat? Et primò agemus de virtute cœli seu de natura, an lex cœlestis, *de qua sup. cap. 5. vel naturalis, de qua cap. 6. egimus*, actionum humanarum impediant libertatem? Pherocratis opinionem *supra cap. 12. audivimus*, qui naturam adeo omnia in omnibus operari putabat, ut nec in brutis nec in hominibus animam aut vitam concederet. Idem statuebat Chrysippus, ut *Plut. de stoic. repugn.* refert: Nihil, inquit ibi Chrysippus, *singularum rerum, ne minimum quidem fieri potest aliter quam secundum communem naturam & ejus rationem.* & paulò post ejusdem hæc verba ponuntur: *Communi natura in omnia penetrante, necesse erit omne quod fit in ratione & quacunq; ejus parte, secundum eam fieri ejusq; rationem, ac deinceps procedere sine ullo impedimento, cum nihil foris sit quod impedire possit administrationem, neq; pars ulla aliter moveri queat, quam secundum communem naturam.* Ita Stoici nihil in nostra potestate, imò nec animas in corporibus, sed naturam universalem omnia in omnibus esse affirmarunt, & tamen summum bonum in virtute ponere, hominesq; ad eam excolendam hortari non dubitarunt. At si nullæ animæ sunt nostris in corporibus, cogitarent inanem esse omnem admonitionem, nec posse nos agere aliter quam in nobis agentem pateremur naturam: tantummodo expectarent cor-

corpora nostra operationem & influxum naturæ. Seneca interrogatus quis usus sit philosophiæ, si omnia fato fiant? nequit se extricare, sed petitione principii respondet philosophiæ operam dandam, quia sit utilis, *epist.* 16. Non est quod solos Stoicos tam turpis contradictionis acculemus, siquidem omnes quotquot necessitate aliquâ, seu divinâ seu fatali, omnes actiones & earum qualitates existere arbitrantur, huc tandem compelluntur, ut Deum & naturam omnia in omnibus agere, nullam animam, vitam, voluntatem ac operationem in creaturis esse, statuere cogantur. Atqui id palam falsum est, ut *sup. cap.* 12. evicimus, nec affirmari potest nisi ab eo qui sua ipsius confessione animâ ejusq; motu caret, hoc est, qui nec sensus habet nec rationem. Si dixissent Stoici naturam ita constitutam esse à Deo, ut elementa tanquam causæ inferiores invito & repugnante cœlo nihil agere possent, & deinde in vivis creaturis vitam causâq; proximas immediatè agentes relinquendas meminissent, nullam incurrissent reprehensionem. Sed nimia prædicatio virtutum cœli & confusio omnium causarum inferiorum eos deceperunt. Quod Fatum quæ  
tenus agat vero ad fatum seu virtutes cœli attinet, nemo negat evidentem solis & lunæ operationem, nec dubium est cœlo & omnibus stellis virtutem quandam inesse: attamen influxus cœli tantum remota & generalis causa est, quæ determinatur à subjectis recipientibus, ut videmus

mus

mus uno eodemq; calore solis hæc indurari, illa liquefieri, hæc albescere, illa nigrescere, quæ differentię causâ necessariò statuitur in subiecta materia. Una itaq; virtus cœli diversos sortitur effectus pro qualitate materiæ recipientis, & operatur tantum universaliter qualemcunq; inclinationem & contemperationem, ut Plut. *de fato* concludit, ἡ πάντα καθαρῶς ἐστὶ διαγένηται ἢ εἰμαρυσμὸν περιέχει, ἀλλ' ὅσα κελύου. *non omnia simpliciter & expresse fato continentur, sed tantum universalia*, de singularibus disponere solius divinæ omnipotentię & sapientię est. Atq; ita cœlum non agit omnia suo arbitrato, cum materiam objectam mutare nequeat. *Fatum non agit liberè in materiam.* Observare etiam licet, virtutes cœli suarum operationum finem sæpè non assequi, etsi materia tali formæ recipiendæ naturaliter objecta fuerit, quod inde evenire credibile est, cum quia cœlum vim facere nequit, tum quia elementaria, postquam terra divinâ maledictione percussa, & innumeris hominum inquisitionibus conspurcata est, suâ malignitate virtutibus cœli resistunt, ut Iamb. *de myst. Egypti. cap. 14.* docuit. Nam si materiæ malignitas nunquam resisteret, natura finem suum semper assequi posset & pulcherrimè operaretur, molæ, abortus, monstrosi partus & similia non conspicerentur. Ex quibus apparet, fatum nec in ea quidem liberè agere, quæ infimæ conditionis & virtutibus cœli maximè objecta sunt, cum non possit ex quavis materia quodvis producere,

re, imò cum ejus tota operatio solâ qualitate  
 materiæ alias sequacis possit vitiari, Multò *In formam*  
 minus dominabitur in animas & voluntates, *multo minus.*  
 rebus corporeis visibilibus subtiliores & libe-  
 riores: quod evictum arbitramur iis argumen-  
 tis, quibus *supra cap. 12.* ostendimus, sensus &  
 vitam nulli creaturæ frustra datam, nec uni-  
 versali naturâ omnia in omnibus agi. Inpri- *In rationem*  
 mis vero in animas rationales fatum agere ne- *non agit su-*  
 quit, quæ nobiliores, liberiores & minus mate- *cipium.*  
 riales sunt quam cœlum. Ratio non ex mate-  
 ria producta fuit, nec elementari contempera-  
 tione constat, sed à Deo immediatè est inspi-  
 rata. Ergo nobilitatè & libertatè suam à  
 vi cœli semper defendit, nec passa est sibi fata-  
 les compedes injici, vide Plotin. *lib. 1. en. 3. lib. 3.*  
*en. 2. Mercur. in serm. ad Tatium. Iambl. de myst.*  
*Ægypt. cap. 40.* quos secuti innumeri alii tan-  
 dem fatum, quasi cœlo deturbatum, rationis  
 pedibus subjiçere. Virg. 2. *Georg.*

*Felix qui potuit rerum cognoscere causas  
 Atq; motus omnes & inexorabile fatum  
 Subjecit pedibus.*

Boet. *de consol. phil. lib. 1. met. 4.*

*Fatum sub pedibus dedit superbum.*

Si Platonem ita interpretabimur, quod le-  
 gem cœlestem ac naturalem ad facultates ani-  
 mæ ignobiliores aliquid conferre putarit, qui-  
 bus postea facultas ratiocinativa, tanquam su-  
 mus gradus & rector à Deo adjiceretur (quam  
 Platonis mentem, ut & *sup. cap. 5.* innui, fuisse  
 opi-

opinor) reprehendi non potest. At si cœlo imperium in rationalem animæ facultatem; vel in facultates animæ inferiores fato plus potestatis quam rationi tribuitur, erroneum est. *vide Piccolom. gradu mor. 2. cap. 34. 35.* Huc ergo tandem omnis de fato disputatio redit, ut concedamus universalem & generalem aliquem cœli in corpora influxum, qui tamen materiæ vim nullam afferre, multò minus voluntatem animalium cogere possit. Immutabile & inevitabile est fatum, quo ad generalem istum virtutum cœlestium in corporea influxum: mutabile est & evitabile, quo ad particularia & definitas animalium actiones. Cum autem omnes actiones viventium à voluntate proficiantur, & circa particularia sint ut supra docuimus, certum est nullas actiones vi fati imperari aut prohiberi posse. Si motus & gubernatio animalium penes corpus & materiam, vel penes facultates animæ ignobiliores esset, & si actiones humanæ cum suis qualitatibus necessario ex ipsa substantia sequerentur, tum nos aliquo modo regeret fatum, at nemo unquam dixit principium & regulam motus in materia esse, ipsasve actiones naturâ per se sine agente aliquo speciali existere *v. sup. cap. 7.* Apud illos vero fatum aliquid potest, qui lege corporis reguntur, & animæ suæ facultatibus uti negligunt: & quia quidam sunt qui animæ imperio non utuntur, negandum etiam non est fatum apud illos homines efficaciter operari,



ri, & se etiam in actionibus humanis exérere. sed tamen etiam in his naturalia illa, quæ ex fato solo sunt & citra actionem considerantur, nec bonam nec malam actionem producant, sed simpliciter, in naturali suo esse citra actionem manent. Quod autem actiones nullæ per se sine motu agentis existere velint, in eo hos suam ignaviam, non fati obstaculum accusare oportet.

Nam quod quidam hic iterum ex contingentibus ad necessitatem concludere volunt, & quod lege cæli evincere non poterant lege naturæ elementaris obtinere opinantur, cum hominum mores temperamentum corporis sequi asserunt, vix contingenter verum est. Natura nostrorum corporum temperamenta liberè non constituit, cum materiam suo arbitratu mutare & cogere nequeat, & si id posset, optima nobis constitueret temperamenta, quia contra Deum à quo immediate pender non agit, nec ullo modo ad vitium aliquod animi vel corporis inclinare potest, cum sit optima & optimum semper intendat. Et non inclinarent sed necessitatem nobis imponerent astra ac elementa, si actiones necessario sequerentur corporis temperamentum, quodato, vicissim relaberemur in abnegationem vitæ & alia absurda superius indicata. Videmus etiam exempla planè contraria: quidam naturâ calidiores, assuefactione, doctrinâ & nutrimento mansueti & placidi; alii naturâ tardiores, corporis & animi alimento pravo,

*An lex natura faciat mores temperamentum corpori sequi.*

importuni & iracundi evadunt, ut cum omnium admiratione naturam quasi exuant & immutent. Sed quicquid illi de fato & temperamento disputent, hoc tamen probari non potest, actiones humanas cum suis qualitatibus ex fato & temperamento sine interno aliquo agentis principio necessariò sequi. Constituant astra temperamentum calidum aut frigidum; an propterea necessum est homines hoc temperamento benè, illo malè uti? an non calidi & frigidi benè & malè agere possunt? Si exempla inspexerimus, nihil datur invenire in naturis calidis quod non sit item in frigidis, & temperamenta neminem per se faciunt pejus aut melius agere, sed id ubiq; relinquunt agentis applicationi. Si quis de aliis stellis dubitare velit, negare tamen non potest solem & lunam efficaciter operari in elementis & hominum corporibus, sed quia videmus omnis generis virtutes & vitia omnibus in regionibus & temporibus, inde satis liquere potest actiones nostras à calido aut frigido cœlo non pendere. Sit ergo vis quædam vegetandi & vivificandi in cœlo, modo non negetur creaturam viventē iis quæ motu cœli producta sunt motu proprio & arbitrio suo interno benè vel malè uti posse. Nemini ignotum est quid Cicero de hac quæstione judicet, cum in lib. de fato inquit: *Stilponem Megaricum philosophum, acutum sanè hominem & probatum temporibus illis accepimus. Hunc scribunt ipsius familiares & ebriosum &*

mulierosum fuisse : neq, hoc scribunt vituperantes , sed  
 potius ad laudem. Vitiosam enim naturam ab eo sic edo-  
 mitam & compressam esse doctrinâ , ut nemo unquam vi-  
 nolentum illum , nemo in eo libidinis vestigium videris.  
 Quid ? Socratem nonne legimus quemadmodum notarit  
 Zopyrus physiognomon , qui se profitebatur hominum mo-  
 res naturasq, ex corpore , oculis , vultu , fronte pernoscere ?  
 Stupidum esse Socratem dixit & bardum , quod jugula  
 concava non haberet : obstructas eas partes & obturatas  
 esse dicebat : addidit etiam mulierosum , in quo Alcibiades  
 cacinnum dicitur sustulisse. Sed hac ex naturalibus  
 causis vitia nasci possunt , extirpari autem & funditus  
 tolli , ut is ipse qui ad ea propensus fuerit , à tantis vitiis  
 avocetur , non est id positum in naturalibus causis , sed in  
 voluntate , studio , disciplina. Et talia quotidie vi-  
 demus exempla : Terent. putat solo amore homi-  
 nes adeò immutari posse , ut non agnoscas eundem esse.  
 Quid de hominis disciplina loquimur ? summa-  
 mus fortiora argumenta à beluis , in quibus ra-  
 tio non cooperatur : equi , leones , tigrides , ani-  
 malia generosa , animosa & crudelia , disciplinâ  
 & assuefactione naturam ita exuere possunt ,  
 ut ab imbelli puero tandem sub jugum mit-  
 tantur. Mores ergo temperamentum corpo-  
 ris necessariò non sequuntur , sed contingen-  
 ter cum facultatibus animi uti negligimus , ut  
 supra dictum est. Fortè etiam hæc causa à  
 physicis tantum fingitur & à posteriori verifi-  
 militer persuadetur , per se autem tota nulla est ,  
 cum eadem vitia sint in omnibus tempera-  
 K mentis.

mentis. Plura de his vide apud Piccolom. *gr. moral.* 1. cap. 28. & seq.

Est autem & hoc observatione dignum, eos qui fato omnia tribuunt non modò usum rationis ex homine tollere, sed etiam operationem legis peccati cum operatione fati confundere. Et quidem hoc solo fine defendunt fati violentiam, non ut inde evincant astra efficaciter operari ad bonum, & testes esse malitiæ hominum, sed ut sese in omnibus delictis excusare, & culpam scelerum in fatum Deumq; possint transferre. Magna verò hic fit injuria Deo creatori, qui præsupponitur creasse & conservare cælum tale, quod sit causa omnium malorum. Si verò distinxerimus operationem fati seu cæli naturalem ab operatione legis peccati, quæ non in cælo sed in homine habitat & contra naturam est, apparebit nihil magis esse contra fatum, quam illud quod vulgò ad excusationem delictorum fato imputatur. Quid ergo? si concederemus mores aliquo modo sequi temperamentum corporis, & fatum per facultates animæ inferiores etiam ad rationem accedere, quid illi obtinuissent? nihil certè nisi hoc tantum, naturalia bona in homine naturaliter quatenus possint constitui. Quod verò illi inde evincere conantur, ergo etiam ipsas individuorum actiones & earum qualitates à natura sola proficisci, id ex hisce argumentis non sequitur. Distingvamus res  
ipsas

## LIBRI I. CAPUT XVI. 117

ipsas ab earum actionibus & harum qualitatibus, & nihil illos excusabit fatum.

Nihil ergo esse in coelo & universa natura, quod nobis usum rationis eripere vel actionibus nostris modum dare possit, stat sententia. *Concluditur rationem à natura non tolli.*

Quapropter & Cicero, ut supra monuimus, legem coelestem & naturalem vix attigit, quia coelum & elementa ad actiones humanas nihil conferre vidit. Nos etiam Platonem audire, illis qui fato nos subjiciunt respondere, & Iureconsultis à natura communi incipientibus lucem afferre voluimus. Puto autem Ciceronem eodem, quo nos, consilio contra fatum disputasse, cujus libellum lector hoc loco percurrere poterit, plurima enim utilia illic invenerit quæ nos huc reponere noluimus. Nunc videamus, quandoquidem omnia quæ de fato & natura dicuntur, tandem ad ipsum Deum naturæ autorem & primum motorem ita pertingunt, ut multi idcirco fatum cum voluntate & operatione Dei immediata confuderint, an sit aliquid in Deo, quod nobis adimat vel impediatur rationem & voluntatem?



*Non omnia à Deo fieri quæ fiunt,  
sed multa hominis voluntati relinqui.*

### CAP. XVI.

**D**E iis quæ in Deo humanæ voluntati officere putantur paucula repetituri, distinguemus.

guemus Dei voluntatem, præscientiam, providentiam & prædestinationem, ut de singulis explicatius loqui possimus. Distinctionem hanc docendi tantum gratia facimus, ne conceptus turbetur humanus, quam nemini nisi fraudem in confusione humanarum apprehensionum quærenti molestam fore speramus. Alioquin in confesso est, omnia in Deo essentialia & unum esse, & quæ Dei essentiæ non conveniunt, nullo alio appellationis titulo illi adscribi posse. Loquamur ergo de voluntate Dei copiosius, ut de reliquis appellationibus brevius agere possimus.

*De esse &  
velle est bonum.*

Est in essentia Dei omnipotentis voluntas, quæ tamen nihil novi in Deo constituit, sed est essentia ipsa. Ut ergo Deus infinite & purè bonus est, nec quicquam à Deo alienius quam ut mali sit particeps, ita etiam nihil Deo indignius dici potest, quam voluntatem ejus aliquid mali probare posse. Malum nemo vult, nisi errore aut malitiâ; utrumq; à Deo alienissimum, qui Mens ipsa, omnis erroris expers, & purè bonus est: nec quicquam certius habemus, quam in Deo extremam detestationem & ineffabilem abominationem omnis mali esse. Voluntas Dei, vel est de propriis vel de hominum actionibus. Quæ Deus à se fieri vult, nemo dubitat quin necessario & statim fiant, nihil enim impedire potest omnipotentem; Mercur. in Asdep. inquit, *Voluntas Dei summa est perfectio, utpote cum voluisse & perfecisse uno eodemq; tempore*

*Actiones  
divine.*

temporis puncto compleat. Et mox: Placitum Dei necessitas sequitur, voluntatem comitatur effectus; neque enim credibile est Deo displiciturum esse quod placuit, cum & futurum id & placiturum multo antè sciverit. Et hæ actiones, quæ immediatè à Deo proficiscuntur, vocantur divinae, suntq; (quando Deus illas fieri vult) necessariae & paratae executionis. Cum verò nobis propositum sit de voluntate & actionibus hominum agere, at in actionibus divinis Deus immediatè sine ullo cooperatore agat, divinae actiones ad nostrum institutum non pertinent.

Alia est itaq; voluntas Dei de iis quæ ab hominibus fieri vult. Docuimus supra ideò conditum esse hominem ut vitam & voluntatem haberet, quâ Deo obedire & in gloriam creatoris sui aliquid agere posset. Nam si Deus in vivis creaturis omnia citra earum voluntatem agere, easq; ut ventus caduca folia agitare voluisset, vitam & voluntatem, & homini præterea imaginem Dei, rationem & usum ejus donare non potuisset. Et si Deus res naturales fecisset tales quæ per se sine nova speciali virtute Dei nihil potuissent agere, illæ tantum inchoatae & non perfectæ fuissent in creatione, fuissent inutiles & nullæ causæ, & creaturæ non bonæ. Sublatis causis secundis tollitur natura, sublata natura tollitur creatio: at naturam Deus creari & esse voluit, quapropter causas secundas tollere non potuit: & quamdiu manebunt creaturæ vivæ, manebunt etiam voluntates in-

*Actiones  
humanae.*

feriores, & libertas earum in actionibus naturalibus. Vult itaq; Deus non omnia à se immediate sed quædam ab hominibus fieri: nempe omnia quæ in lege & verbo suo faciunda præcepit. Has actiones, quia à voluntate hominis pendent, à causa proxima & immediate operante vocamus *humanas*. De his quæstio est, an quia Deus hominibus quid facere debeant præcepit, & quid facturi sint præscivit, illæ propterea fiant necessario, an verò facere & non facere sit in hominis potestate? vide de ea quæst. Augustin. *de civ. Dei lib. 5. cap. 9. & 10. Piccol.*

*Si Deus omnia ageret, hominem vitam frustra haberet.*

*gr. morali 2. cap. 33. 36.* Tradidimus supra principium motus, legem & regulam actionum humanarum proximam non esse legem divinam, cœlestem, aut naturalem, sed aliud quid ipso in homine existens, nempe animam ejus seu rationem. Huic vitam & motum proprium inesse asseruimus, ad evitanda absurda quæ ex vitæ voluntatisq; denegatione secutura jam sæpius ostendimus; vindicavimus præterea ejus libertatem ab imperio fati: quæ omnia in memoria esse oportet. Præbent enim nobis primum argumentum, quod nempe Deus homini vitam, sensus & rationem non frustra dedit, eumq; potestate fati solverit, sed eo fine ut motu proprio aliquid agere posset. Alterum

*Si Deus frustra præciperet.*

argumentum huic simile ex modo dictis sumimus, quod Deus non semper immediate agat, sed sæpè mediate, atq; ideo quæ ab hominibus fieri



fieri vult non frustra illis præcipiat. Sequitur *Si omnia a Deo fiunt, ergo & mala.* tertia & inexpugnabilis probatio, quod plurima mala fiant vel omittendo vel committendo, quæ cum à Deo nec fieri nec adjuvari nec probari possint, sequitur necessariò aliud esse actionum humanarum principium extra Deum, quod motu proprio benè & malè operari possit. Et cum maxima pars actionum humanarum mala, atq; adeò propter indefinitam rationis cum carne lucram nulla purè bona sit, nulla etiam Deo soli adscribi poterit. Præclare Plato 2. de republ. ἐκὼν ἀγαθὸς ὅγιός τις τῷ ὄντι τις, καὶ λεπτὸς ἔτω; τί μὴν; Ἀλλὰ μὴν ἔδει γὰρ τῶν ἀγαθῶν βλαβερὸν ἢ γὰρ; Οὐ μοι δοκεῖ. Ἀρ' ἔτι, ὃ μὲν βλαβερόν, βλάπτει; Οὐδαμῶς. ὃ δὲ μὲν βλάπτει, κακὸν τι ποιεῖ; ἔδει τῦτο. ὃ δὲ γὰρ κακὸν ποιεῖ, ἐδ' ἂν τιθῆται κακῶς αἰτιῶν; πῶς γάρ; τί δὲ; ἀφ' αἰτίας τὸ ἀγαθόν; Ναί. Αἵτιον ἄρα εὐπραγίας. Ναί. Οὐκ ἄρα πάντων γὰρ αἰτιῶν τὸ ἀγαθόν, ἀλλὰ τῶν μὲν εὖ ἔχοντων αἰτιῶν, τῶν δὲ κακῶν ἀναιτίων. πάντες κῶς γὰρ ἴφρ. ἐδ' ἄρα (ἢν δ' ἐγὼ) ὁ θεός, ἐπειδὴ ἀγαθός, πάντων ἀνέη αἰτιῶν, ὥς οἱ πολλοὶ λέγουσιν, ἀλλ' ὀλίγων μὲν τοῖς ἀνθρώποις αἰτιῶν, πολλῶν δὲ ἀναιτίων. πολλὸν γὰρ ἐλάττω τ' ἀγαθὰ τῶν κακῶν ἡμῖν· καὶ τῶν μὲν ἀγαθῶν ἔστιν ἄλλος αἰτιατὸς, τῶν δὲ κακῶν ἄλλ' ἄπῃ δὲ ζῆτον τὰ αἷτια, ἀλλ' ἐ τὸν θεόν. ἀληθίστατα (ἴφρ) δοκεῖ μοι λέγειν. Nonne bonus & ipse Deus est, & ita dicendum? proculdubio. atqui nullum bonum noxium est, annon? nullum, ut arbitror. quod innoxium est, nunquid nocet? nequaquam. Quod non nocet, nunquid malum facit? neq; istud quidem. quod autem nihil mali facit, nullius mali est causa, nullius. Item, nonne conducibile bonum

est? prorsus. ergo bene feliciterq; agendi causa est. est. non igitur omnium causa bonum est, sed eorum qua bene se habent causa, eorum verò qua malè, nequaquam. Sic est omnino. Non igitur Deus cum bonus sit omnium causa est, ut multi dicunt, sed paucorum quidem hominibus in causa est, multorum verò extra causam, multò enim pauciora nobis sunt bona quam mala. Et bonorum quidem solus Deus causa est dicendus, malorum autem quamlibet aliam præter Deum causam querere decet. Verissima loqui mihi videris.

*Epicuri  
maluerunt  
Deos otiosos  
fingere, vel  
omninò ne-  
gare, quam  
malos fa-  
ctori.*

Hanc consequentiam, quod videlicet subla-  
ta voluntatis humanæ libertate Deus omnium  
malorum principium & finis constituendus es-  
set, viderunt & exhorruerunt omnes: ideoque  
hic sudant necessitatis propugnatores, & cum  
nemo Deum malum esse palàm affirmare au-  
deat, in varias sese vertunt formas, nec tamen  
adhuc inuenère quâ phrasi Deum peccatorum  
autorem esse persuadere possint. Epicurum,  
quia non auderet Deum malorum autorem as-  
serere, Deos potius otiosos finxisse, humanasq;  
actiones fortunæ & casui adscripsisse dicit Plu-  
tarch. de Stoic. repugn. Sed cum Epicuri opinio,  
ut Cic. de nat. deor. inquit, verbo quidem relin-  
queret Deos at re ipsâ negaret, (siquidem deos  
nullius rei curam gerentes, & quasi æterno le-  
thargo stertentes agnoscere, nihil aliud est  
quam Deum primum omnium motorem &  
actum simplicissimum omninò negare, Plut. de  
plac. phil. lib. 1. cap. 7.) nec tamen discipuli ejus  
cum ab adversariis urgerentur aliud effugium  
noscent,

noſſent, plurimi ex illis manifeſtè athei facti ſunt, & potius quam Deo mala imputarent, Deum eſſe palam negarunt. Inter quos meritò numeratur Lucianus, apud quem Soſtrates quidam cum iudice infernali Minoe expoſtulat, ſe immeritò damnari, qui Deo ita volente & fato cogente malus fuerit: quem cum Minos refutare non poſſet Mercurius ſolvit, ſed eâ conditione ne alias animas ita diſputare doceat. metuebat opinor Minos, ſi hæc diſputatio invaleſceret, ne damnati cauſam obtinerent, ipſe verò propter injuſtum iudicium æternas pœnas lueret. Iudicent alii, utrum Epicurei & athei rectius & rationabilius deos ſuos omninò abnegarint, quam eos cum Stoicis omnium impietatum, parricidiorum, mendaciorum, & quicquid perpetrari potuit delictorum, autores ſtatuiffent. Plutarchus certè putat Stoicos Epicuro abſurdiores fuiſſe, ideò Chryſippo vehementer indignatur in lib. de Stoic. repugn. cum inquit. *Quomodo ergo hæc coherent? Deum nullius turpis rei quovis modo cauſam eſſe, & nihil vel minimum ſecus fieri poſſe, quam ſecundam communem naturam ejusq; rationem? nam cum omnia Diis adſcribuntur quæ ſiunt, utiq; etiã turpia in iis ſunt. Enimverò Epicurus utcuq; torquet ſe & argutias meditat, à ſempiterna motione machinatus liberare & abſolvere voluntatem, ne inculpabilem relinqueret malitiã. Chryſippus ſolutiſſimam libertatem huic concedit, ut non modo neceſſario & fataliter, ſed etiã ſecundum rationem Dei & naturam vitia ſiant optimam.* & paulo poſt, *ἐστὶ μὲν*

ἔν τούτῳ δένει, το καὶ γίνεσθαι τὴν κακίαν καὶ κολλᾶσθαι κατὰ  
τοῦ ἑ Διὸς λόγον, indigna verò res est, & fieri mala &

*Deum non  
agere mala  
quia non sit  
sibi contra-  
rius.*

puniri secundum Iovis rationem. Et quia Chrysi-  
pus dixerat etiam mala, quæ Deus facit, mala  
non esse, & non inutiliter homines furari, mar-  
suptia amputare, calumniari, insanire, inutiles,  
damnosos, infelices esse; querit, *Qualis ergo est  
Iuppiter (de Chrysippe loquor) rem puniens neq., ultro neq.,  
inutiliter factam? nam Chrysippi ratio efficit vitia omni-  
nò culpanda non esse sed Iovem, sive is fecit vitia quæ nihil  
proderent, sive punit cum fecisset nò inutilia. & in libello  
ἑ δεισιδαιμονίας, de superstitione, oratione terroris  
& aculeorum plenâ, gravissimisq; argumentis  
evincit, multo melius esse nullum omninò,  
quam crudelem & malorum autorem credere  
Deum. Boët. de consol. phil. lib. 5. prosa 3. easdem  
absurditates abominatur, cum inquit: Quo  
(puta fato) semel recepto, quantus occasus humanarum  
rerum consequatur, liquet. Frustra enim bonis malisq;  
premia pœnæ proponuntur, quæ nullus n. eruit liber ac  
voluntarius morus animorum. Idq; omnium videbitur  
iniquissimum, quod nunc æquissimum judicatur, vel pu-  
niri improbos, vel remunerari probos; quos ad alterutrum  
non propria minus voluntas, sed futuri cogit certa necessi-  
tas. Nec vitia igitur nec virtutes quicquam fuerint; sed  
omnium meritorum potius mista atq; indiscreta confusio.  
Quoq; nil sceleratius excogitari potest, cum ex providen-  
tia rerum pœnis ordo ducatur, nihilq; consilium liceat hu-  
mani, sit ut vitia quæq; nostra ad bonorum omnium re-  
ferantur autorem. Igitur nec sperandi aliquid nec depre-  
candi ulla ratio est. Quid enim vel speret quisquam, vel  
etiam*

*etiam deprecetur, quando optanda omnia series indeflexa connectis? Auferetur igitur unicum illud inter homines Deumq; commercium, sperandi scilicet ac deprecandi &c. Putant nonnulli se ita elabi posse, si cum Chrysippo dicant mala non esse mala si ea Deus faciat, seu quod idem est, Deo legem non esse scriptam: ac non vident Deum esse legem ipsam, & eo ipso quo statuitur Deum contra legem moralem agere posse Deum non modo negari, sed & quovis sui ipsius hoste & corruptore deteriorem statui. At si Deus omnia facit in nobis, & omnia mala idè coram Deo bona sunt quia Deus malè agere nequit, sequitur nulla omninò esse peccata, quia ponitur nos nihil agere posse nisi volente Deo, quod autem Deus vult bonum esse non negatur. Si nullum est peccatum, ergo neque lex aut Deus contra quem peccari posset. Id quidem certum est, si peccata volente ac iuvante Deo fiunt, & ipsi Deo injusta non sunt, justitia ipsa nihil est nisi opinio hominum vana. Etiam si verò poneretur illud, posse Deum contra jus morale agere, tamen eo ipso non crepta esset homini voluntas, quia Deus nobis suum jus servandum præcepit: vel certè iterum vehementer accusandus esset legislator, quod præcepta vitæ nobis daret, jurans hanc esse voluntatem suam ut secundum ea omnia hominum opera judicentur, & tamen ea ipse nec respiceret, nec homini ullam facultatem boni vel mali unquam concederet. Paulus Rom. 3. conclu-*

*dit*

dit, Deum si mala vellet non posse judicare mundum. Sed argumenti hujus absurditas patēbit inferius, cum ostendetur legem moralem esse ipsam essentiam Dei, contra quam nullo modo agere possit aut velit.

*An Deus  
velit prava  
actiones.*

Verum ut certum relinquamus, actiones pravas à Deo proficisci non posse, & esse omnino aliud principium actionum humanarum quæ purè bonæ non sunt, attingenda sunt breviter quædam dissentientium argumenta, quarum pleniorē refutationem ad theologos remitemus. Dicunt ergo, Deum etiam mala velle posse, quia creavit hominem qui labi posset, voluisse ergo lapsum : quibus respondemus Deum, si hominem voluisset creare talem qui omnino peccare non posset, aut nullam vitam & voluntatem homini dare, aut novos Deos creare debuisset. Quid enim creatura amplius capere potuit quam imaginem Dei ? quidve est supra imaginem Dei nisi Deus ipse ? & si creari potuisset novus Deus, quæro an illi libertas voluntatis potuisset adimi ? si libertatem voluntatis non habuisset homo, nec imaginem Dei habuisset, nec Deus finem suæ creationis in ipso fuisset assecutus, ut *sup. cap. 12.* indicavimus. Vita & libertas, quæ sunt de essentia Dei, non patiuntur ut Deus stoicam necessitatem, & vitam essentialibus vitæ proprietatibus destitutam creet. Consideratius ea de re loquitur Seneca, 2. de benef. cap. 29. quem benevolus lector inspicere poterit.

Quod

Quod autem Deus putatur cum pravitati- *An Deus*  
 bus actionum cooperatione naturali concur- *jur et pra-*  
 rere, negamus verum. Concurrit quidem *va actio-*  
 Deus per conservationem naturæ semper cum *num.*  
 naturalibus, sed ea per se bona sunt, mala au-  
 tem existunt circa hæc per accidens ex pravâ  
 applicatione, cum qua Deus non concurrit.  
 Verbi gratia: Deus naturalia media propaga-  
 tionis humanæ ordinavit per se bona, ad acti-  
 ones verò indifferentia, ea sustentat & bona  
 per illa operatur. At quando malè applican-  
 tur tum existit peccatum, non quod ipsa mem-  
 bra eorumve usus peccatum fiant, sed quod  
 illa qualitas pravi usus peccatum sit, quam De-  
 us non constituit. Deus & natura nemini tale  
 corpus dederunt, ut cogatur cum hac persona  
 concumbere ut existat adulterium, nec incitat  
 nos vera natura talia ad facta, sed lex peccati  
 & naturæ depravatio: vera natura semper cum  
 ratione conjuncta est, quæ operationem perfic-  
 ere & finem suum assequi potest in tali obje-  
 cto in quo non peccet. Utile & bonum est  
 nos naturaliter mobilia prehendere, pecuniam  
 loco movere & loqui posse, & cum hisce con-  
 currit Deus, sed nec natura nec Deus cogit nos  
 hisce naturalibus donis ad furta & mendacia  
 abuti. Plato in Conviv. inquit: Actionis cujuslibet  
 hæc est conditio, ut suapte natura neq; honesta sit neque  
 turpis, ut ea quæ nunc agimus, bibere, canere, disputare.  
 nullum ex his seipso turpe vel inhonestum. Sed agendi  
 modus actioni certum tribuit cognomentum. Quod enim  
 benè

*bonè rectèq; agitur, honestum, quod non rectè, turpe resultat.* Hæ sunt applicationes illæ, quas in nostra potestate esse & à voluntate Dei nostræ facultati relinqui dicimus, ex quib. actiones bonæ malæve existunt. Nam ut supra docuimus actiones per se non existunt ex universalibus, multo minus illæ qualitates ex quibus actiones bonæ vel malæ cognominantur ipsæ naturæ in factis hærent, sed omnia hæc, ut ex naturaliter possibilibus actio existat, utq; ea spontanea vel invita, amica vel dolosa sit, hæc unicuique in omnibus actionibus contingunt particulariter ex aliquo speciali principio motus, quod in agentis potestate est, illiq; actionem bonam vel malam efficit. Hanc universalium applicandi facultatem si nobis adimeret Deus, tolleretur humana vita, & tum omnia fierent à Deo. Rectè dicimus omnia volente Deo fieri, puta quæ verè & rectè fiunt, veròq; suo usui applicantur, nam quæ non rectè fiunt, quatenus malè fiunt, verius dicuntur non fieri & suo usu privari, quam fieri. ut Augustin. *de civ. Dei lib. 12. cap. 7.* docuit, peccati causam non esse efficientem, sed deficientem, & tum fieri peccatum, cum non fit quod debet. Quia autem raro quid rectè fit ab hominibus, rectè etiam dicimus non omnia fieri volente Deo, hoc est qualia Deus vult, & qualia ratio recta postulat, quia semper factis nostris prava qualitas adhæret.

*An Deus pravas ap-* Sed quæritur ulterius, cur ergo Deus pravas applicationes non prohibeat? respondeo, Deus homi-



hominem ante lapsum non indifferentem <sup>plicationes</sup> fecit, sed in possessione suæ imaginis constituit, <sup>prohibere</sup> eumq; ratione munivit & præceptis specialibus <sup>possit.</sup> instruxit : post lapsum verò reliquit illi rationem, boni & mali judicem : ut ita ante lapsum posset omnibus, post lapsum multis peccatis abstinere. Libertas autem agendi homini in totum adimi non potuit, siquidem viva creatura esse debuit. Quo autem modo poterat, peccandi facilitas illi adempta erat, primò quia homo erat in possessione imaginis divinæ; deinde quia acutissima ratione præditus erat, quæ fructum peccati prævidere poterat; tertio, quia Deus naturam constituerat ex appetitu boni, qui omninò non potest exui; *Piccol. gr. mor. 2. cap. 38.* & tandem homo à Deo specialiter præmonitus, & denunciatione pœnæ territus erat. At vi divinæ omnipotentis totaliter prohiberi non potuit, quia etiam dubitandi facultas & minima peccandi cupiditas, hoc est intima vitæ & voluntatis principia fuissent delenda, cum verè dicatur etiam eos qui deliberant jam peccasse & descivisse, & justitia Dei non patiatur hominem absolutâ vi divinâ justum esse cogere, qui si suæ voluntatis esset, noller justus esse, sed vellet malè agere. Ut justitia non operatur injustiam, vita non efficit mortem, ita nec libertas & liberum agens operatur talem coactionem. Amarum est & invisum omne invitum. quæ vita, quæ ratio, quæve ejus delectatio esse posset in tali prohibitionem? Nam si  
**Deus**

Deus mala violenter prohibere veller, nihil esset quædam impedire, omnia omnino quæ à nobis pravè perpetrari possunt essent prohibenda: atq; ita iterum delenda esset vita & tota natura hominis. Non enim est ut quis cogitet hoc & illud quod ipse observavit & de quo nunc fortè specialiter loquitur malum impediendum fuisse, omnes actiones & cogitationes nostræ aliquid mali habent & tota natura est corrupta, ergo ut dicimus vita & natura humana penitus fuerat abolenda. Verum hoc modo justitia Dei nullum locum reliquisset misericordiæ, nec ipse finem creationis suæ esset assecutus. Sic relabimur subinde in easdem refutationes, & rursus ut adversarii in easdem absurditates, & cogimur tandem homini voluntatem relinquere, Deumq; à pravis actionibus alienum fateri. Pleniorẽ refutationem petet lector à Theologis. simul autem consideret, quæso, quam necessarium sit studioso juris, sanæ doctrinæ philosophicæ & theologicæ, non adspergi modo, sed benè imbui. Profecto qui verbo quidem Deum justum bonumq; vocant, at re ipsâ eum omnium malorum autorem statuunt, veri Iureconsulti existere nequeunt, sed totam jurisprudentiam nobis funditus everunt. Iurisconsulti nomine dignus non est qui tantum verba legum novit, *l. scire 17. D. de legib.* nec qui turpis quæstus causa ut lingvæ & conscientiam venalem habeat litigare didicit, *l. præses. §. proinde. D. de extraord. cognit.* sed qui rerum

*Studiosi juris  
cognitio  
theologia  
necessaria.*

rerum divinarum & humanarum notitiam  
conjunxit, eo fine ut sit justitiæ sacerdos & mi-  
nister Dei, & qui concives suos metu pœna-  
rum & exhortatione præmiorum bonos effi-  
cit, ut Ulpianus *l. 1. §. 1. & l. 10. D. de iustit.*  
& *jure* docuit. At quomodo ministri Dei sunt,  
qui neminem nisi Deum in hominibus accu-  
sant & puniunt? quomodo sunt philosophi,  
qui nesciunt se homines esse, rationem & vi-  
tam habere? Ut Stoici nimia prædicatione fa-  
cti Dei ipsius & causarum inferiorum obli-  
ti sunt, ita nostro seculo multi in eo decipiuntur,  
quod putant Deo primo motori injuriam fie-  
ri, si statuatur causas secundas & creaturas vi-  
vas virtutibus suis naturalibus per se moveri, &  
sine speciali instinctu Dei aliquid agere posse,  
ideo Deum hic ita prædicant ut causarum se-  
cundarum prorsus obliviscantur. Atqui id po-  
tius Deo injuriosum est, quod hac ratione po-  
nitur Deum noluisse aut non potuisse creatu-  
ras vivas tam perfectas facere, ut se ultrò mo-  
vere & naturalibus suis facultatibus sine infusa  
nova vi Divina aliquid agere possent. Si me-  
minerint creaturarum vitam & causas secun-  
das negandas non esse, inconvenientia illa quæ  
nunc Deo imputantur facile evitabunt. Deus  
in natura naturaliter agere vult, nihil autem a-  
git naturaliter sine causis secundis: miracula  
vero, cum supra naturam sint, nisi natura de-  
struatur semper fieri non possunt: nec quic-  
quam proficiunt apud eos qui naturalibus non

L

mo-

moventur, quia nec observari nec intelligi possunt quæ supra naturam sunt, nisi prius intelligantur ea quæ sunt secundum naturam. Ideo videmus Deum miraculis nihil profecisse apud eos qui rectum usum naturalium nondum habuerunt, nisi ut ea frustra ederet, vel ut homines obstupescerent. Cæterum nobis conclusum esto, nihil esse in essentia & voluntate Dei quod humanam vitam extinguere aut voluntatem tollere velit, sed omnino velle Deum ut quædam à voluntate hominum proficiantur, eoque fine homini vitam esse largitum.

*Præscientia  
Dei non tollit voluntatem hominis.*

Expedita nunc est ad omnia responsio, nam si nihil est in voluntate Dei quod voluntatem hominis tollat, nihil erit in Deo quod agendi facultatem nobis deleat, quocumque tandem nomine appelletur. Præscientia Dei falli nequit, at nullam importat actionibus humanis necessitatem, quia Deus non vult omnia præscire tanquam immediatè à se facienda, sed vult actiones humanas ut humanas, & contingentes ut contingentes præscire. Hæc fuit ab æterno Dei voluntas ut in tempore quædam contingenter per homines fierent, eo enim fine hominem creavit vivum, & præcepta vitæ illi præscripsit. Augustin. de civ. Dei lib. 5. cap. 9, inquit, *Qui omnes rerum causas præscivit profecto in eis causis etiam nostras voluntates ignorare non potuit, quas nostrorum operum causas esse præscivit.* vide Picc. gr. mor. 2. cap. 36. propriè autè loquendo

do nulla est in Deo præscientia, quia videt omnia in uno instanti. vide Boët. *de consol. phil. lib. ult. profa ult.* Chemnit. *de causa peccati cap. 6. & 7.*

Providentia Dei quid sit, idem docuit Chemnit. *in loco de creatione cap. 6.* quo lectorem remitto. Qui volet, Plutarchi definitiones providentiæ *ex libro de fato* petere poterit. Susten-  
tat autem Deus providentiâ suâ omnes creaturas in naturalibus suis conditionibus, illis quam optimè prospiciens. Concurrit eadem cum essentia & voluntate Dei, nam talis est Dei providentia, qualis est voluntas & essentia, & quod Deus non vult id etiam non providet. Nec providentia.

Restat prædestinatio, quæ & ipsa nihil aliud est, quam æterna & iusta Dei voluntas, quâ perpetuò præsentet, non ex antiquo aliquo immutabili decreto, sed liberè secundum essentialem libertatem & bonitatem suam, vult benè esse omnibus piis, impios vero qui bonis sibi donatis & oblati uti nolunt, vel iis in contumeliam creatoris sui abutuntur, bonitatis suæ fructus non percipere. Non est in Deo prius aut posterius, nec concludit Deus antè quod post facere velit, quia nulla est in Deo mutatio, nec libertas ejus ullâ lege aut sanctione tolli potest. Cum autem Dei voluntas relinquat actionum humanarum libertatem, non tollit eam prædestinatio, alioquin statueretur contrarietas in Deo. Seneca *lib. 6. de benef. cap. 21. 23.* docet Deum non posse homini-  
L 2 bus

bus malè velle quia illis tam præclara corporis & animi dona largitus sit, & semel decreverit illis per ea benè facere: mutationem autem voluntatis in Deo non esse, & homines non fortuito aut incogitato & tumultuario opere excidisse Deo, sed ex eo immutabili proposito quod ab initio statuerit nostri non ultimam curam habere: hanc voluntatem nobis benefaciendi non posse mutari in Deo, non quia sit impotens, sed quia eum boni consilii nunquam pœniteat.

*Nec aliud  
quidquam.*

Si cui aliud quid in mentem veniat, quod pravæ actiones nostras à Deo esse persuadere tentet, cogitet quæso, nullam posse fingi causam cur Deus mala velit aut promoveat. Si peccato delectaretur, secum dissideret, quod nec Sathanas ipse facit. *Matth. 12. v. 25.* Si per delicta hominum Dei justitia & misericordia inclarescerent, ne filius Dei quidem tam præclare de patre suo ab æterno meritis fuerit, quam peccati autor diabolus, quia sine hujus operæ gloriam & justitiam Dei nemo intellexerit: non homo, licet imaginem Dei habuerit. *Gen. 1. v. 27.* non λόγος, licet sit Dei mens & gloria ab æterno. *Ioh. 1. v. 1. & 17. v. 5.* Si Deus patefactionem suæ gloriæ & justitiæ peccatis acceptam referre debet, nec ab æterno fuerit qui est, nec cuiquam plus debuerit quam peccatorum autori. At Deo hoc iudice & prædicatore non est opus. *Marc. 1. v. 24.* Nec optat Deus nobis mala evenire ut nobis beneficia sua exhibe-

hibere possit. Seneca, quem toties miror Stoicorum errores defendere potuisse, *lib. 6. de benef. cap. 25. & sequentib.* reprehendit & detestatur illorum vota, qui optant alicui tristitia evenire ut necessum illi sit amici beneficiis recreari. Hoc votum inimici esse dicit, amicum vero, tam tristem beneficii necessitatem non optare, sed malle nobis omnia tam feliciter succedere ut imploratione alieni auxilii non sit opus, cum bene faciendi occasio alias nunquā desit, & beatissimi etiam sincero egeant amico. Quanto rectius ille de Deo loquitur, quam qui putant Deum nos æternos in cruciatus præcipitasse, ut posset nobis ereptam beatitudinem reddere! Meminerimus deinde, omnia in Deo essentialia, perfectissima, efficacissima, immutabilia & æterna esse: ergò si Deus malum vellet, necessario secuturum illum essentialiter ab æterno esse summum malum, idq; perpetuò efficacissimè operari. At quia Deus tantum purè bona operatur, dandum est aliud actionum humanarum principium, quarum hodiè vix ulla purè bona est. Possent hic allegari loca ubi Spiritus S. contingentiam expressè ponit, ut *Mat. 18. v. 13. Luc. 2. v. 1. & 10. v. 31.* Sed relinquo ea theologis. Si itaq; nihil est in Deo & natura, quod humanas actiones necessitet, relinquitur nobis actionum humanarum legem, regulam & gubernatricem esse rationem.



*De Fortuna & Casu pauca subi-  
ciuntur, & liber primus con-  
cluditur.*

CAP. XVII.

*Non regi nos  
Fortuna,*

**N**escio an digna sit Fortuna ut ejus mentio-  
nem faciamus, sed utatur cœcâ suâ felici-  
tate. Ethnici, cum ignoratione Dei nullum  
certum rerum humanarum gubernatorem  
haberent, nec summum Iovem malorum o-  
mnium autorem cum Stoicis facere auderent,  
huc illuc in tenebris oberrantes, & mala ex la-  
psu hominis esse nescientes, maluerunt Iovi  
abrogatum imperium ad Fortunam deferre,  
quam Iovem omnium scelerum fontem fateri.  
Epicurus hanc opinionem non parum promo-  
vit, quod Iovi & Parcisi aliisq; Diis, quos ab a-  
liis crudelissimi fati, furti, adulterii, & omni-  
um infandorum criminum accusari audiebat,  
ne prorsus abolerentur, suasit foro cedere, atq;  
alicubi æternâ quiete obdormire. Laertius  
vult illum consideratius de Diis & Fortuna lo-  
cutum, quod nos suo nunc loco relinquimus.  
Illud certum est, Cicerone *in lib. de nat. Deor.*  
Laertio, *in Epicuro*, & Plutarcho *de Stoic. repugn.*  
attestantibus, Epicurum vehementer contra  
Stoicos pugnasse, & ideo Fortunæ plus quam  
Fato tribuere maluisse, quod Deum accusare  
nol-



nollet. Refert enim hæc verba Epicuri Laerti-  
 us κρείττον ἢ τῶ πρὶ θεῶν μύθος καλοκαθεῖν, ἢ τῇ τῶν φο-  
 σικῶν εἰμαρμένῃ δαλεῦειν. ὁ μὲν γὰρ παραιήσεως ὑπογράφει  
 θεῶν διὰ τιμῆς, ἡ δὲ ἀπαραιτύλος ἔχει τὴν ἀνάγκην. Præ-  
 staret fabulas quæ de diis traduntur sequi, quam phy-  
 sicorum fato servire. Illud enim speciem quandam  
 excusationis fingit in honorem Deorum, at hæc opinio  
 inexorabilem seu diram statuit necessitatem. Fortu-  
 na itaq; licet temeraria & cæca mulier esse  
 crederetur, tamen quia plus humanitatis & ra-  
 tionis sperabatur habitura quam crudele Fa-  
 tum, magno applausu totius orbis regina pro-  
 clamata fuit. Testatur id Plin. lib. 2. nat. hist.  
 cap. 7. Invenit, inquit, medium sibi ipsa mortalitas  
 Numen, quo minus etiam plana de Deo conjectatio es-  
 set. Toto quippe mundo & locis omnibus, omnibusq;  
 horis, hominum vocibus Fortuna sola invocatur, una  
 nominatur, una accusatur, una agitur rea, una cogi-  
 tatur, sola laudatur, sola arguitur, & cum  
 convitiis colitur, volubilis, à plerisq; vero &  
 cæca etiam existimata, vaga, inconstans, incerta, va-  
 ria, indignorum faulrix. Huic omnia expensa, huic  
 omnia feruntur accepta: & tota in ratione morta-  
 lium sola utramq; paginam facit. Adeoq; obnoxie su-  
 mus fortis, ut fors ipsa pro Deo sit quæ Deus proba-  
 tur incertus. Plutarch. de fortun. Rom. & Alex.  
 ab Alex. gen. diæ. lib. 1. cap. 13. laborant in enu-  
 merandis Fortunæ templis, quæ Romæ tan-  
 tum possedit. Nos talem Deam ignoramus,  
 quæ ad gubernacula positâ Deum abnegari o-  
 portet. Arist. 1. eth. 10. & 11. negat fortunæ

locum esse in actionibus virtutum & vitiorum.  
*Piccolom. gr. mor. 8. cap. 40. & seqq.* eam pro-  
 lixâ disputatione confutat & solio deturbat. vi-  
 de *Plut. de Fortuna. Morn. de veris. rel. Christ.*  
*cap. 13.*

De Casu apud eosdem autores agitur, nec  
 opus puto ea hic repetere, cum nemo ignora-  
 re possit, si cœcâ fortunâ aut casu omnia fieri  
 statuantur, nullum consilio & voluntati locum  
 relinqui, & Deum ipsum humanamq; ratio-  
 nem negari.

Hucusq; ergo quasi causas efficientes, du-  
 os juris fontes invenimus. Primum & præstan-  
 tissimum, legem divinam seu justitiam & vo-  
 luntatem Dei, aut si ita mavis Deum ipsum :  
 hic est fons juris limpidissimus & sanctissimus,  
 Secundum seu primum & unicum humanum  
 fontem diximus esse rationem humanam, quæ  
 tamen hodiè est instar turbati putei. Ex divi-  
 no securè, quantum mortali ore licuerit,

ex humano providè, quantum  
 profuerit, hauriemus.



PRINCIPIORUM  
IURIS

LIBER SECUNDUS.

In quo agitur de Iure, primò ac  
propriè sic dicto.

*Quomodo jus cum lege confunda-  
tur & quomodo differant.*

CAP. I.



Superiore libro quid lex in Videndum  
an ius & lex  
sint idem.  
propria sua significatione sit ex-  
plicitè philosophorum explicavi-  
mus : in hoc vero quid sit jus,  
quomodo ex lege nascatur, quid

ab ea differat & quoruplex sit erit docen-  
dum. Priusquam nunc ad definitiones juris  
descendamus, videndum est an quod hic ap-  
pellamus jus sit aliquid à lege diversum, an ve-  
ro sit idipsum quod supra vocavimus legem.  
Nam si lex & jus idem sint, non opus fuerit e-  
andem cramben recoquere & inanibus in tau-  
tologiis defatigari.

Quemadmodum omnibus in artibus eve-  
nit, ut artifices de rebus magis quam de ver-  
bis

Quomodo ius  
cum lege  
fundatur.

L. 5

bis solliciti tam curiosè ad phrasin non attendant, vel etiam verborum penuriâ iis quæ usus offert vocabulis uti cogantur : ita etiam jure-consulti voce juris ac legis variè & promiscuè usi sunt. Ut in l. 1. de legib. *lex est commune præceptum* : hic intelligendum est carmen legis publicè proclamatum, alioquin lex in propria sua significatione non est præceptum sed id quod præcipit ut lib. 1. cap. 4. & seqq. indicavimus. Ulpianus in l. 1. D. de just. & jure inquit *Ius est ars equi & boni.* at Harmenop. lib. 1. tit. 1. §. 17. ait *lex est ars equi & boni.* ἡ δὲ ἐστὶ τέχνη τοῦ καλοῦ. Sic in l. 9. D. de legib. l. 2. §. 9. D. de orig. jur. dicitur senatum jus facere posse : at senatus non facit jus sed legem, §. 5. Instit. de jure nat. nec quisquam dici solet juris lator sed legis lator, in l. 2. §. 12. De orig. jur. jus & lex expressè pro uno eodemq; ponuntur, cum dicitur in nostra civitate aut jure, id est, lege constituitur. In l. 2. D. de legib. lex sumitur primò pro ratione præcipiente & dirigente, cum vocatur βασιλεὺς, ὑπερσάτης, ἄρχων, ἡγεμὼν & κένων : secundò pro jure & præcepto, cum vocatur δόγμα & ἐπανόρθωμα : & tertio sumitur pro lege seu formula præcepti conceptis verbis publicè sancita quæ juris species est, cum describitur quod sit κοινὴ σωθήκη τῆς πόλεως, καθ' ἣν ἅπαντες ὑποσέκει ζῆν τοῖς ἐν τῇ πόλει.

Ius à lege distinguui.

At aliis in locis jus à lege expressè distinguitur, ut in l. diuturna 33. D. de legib. diuturna consuetudo pro jure & lege in his quæ non ex scripto descendunt, observari solet. l. 2. §. 1. De orig. jur. ini-

tio civitatis nostræ populus sine lege certa sine jure certo agere instituit. & §. 23. de capite civis Romani in jussu populi non erat lege permissum consulibus jus dicere, v. l. Si is qui, 44. D. de adopt. Id volunt etiam distincti tituli, unus *De Iustitia & jure*, & alter *de legibus*. Ius naturali ratione constituitur & ex præceptis naturalibus gentium & civilibus colligitur, l. 1. §. 2. l. 9. D. de iust. & jure. at ratio hominis seu lex ita non constituitur. lex est id quod constituit, imperat, regnat, l. 2. & 7. D. de legib. at jura constitui & regi dicuntur. l. 2. 3. 4. 8. & 9. D. eod. l. 2. §. 13. D. de orig. jur. Sic & Cicero jus à lege distinguit lib. 1. de legib. cum inquit, *Quibus ratio à natura data est, iisdem & recta ratio, ergo & lex quæ est recta ratio in jubendo & vetando: si lex, jus quoque: at omnibus ratio, jus igitur omnibus datum est.* Et ibidem. *Est enim unum jus quo de vineta est hominum societas, & quod lex constituit una.* Et 2. de legib. *lex est ratio mensq; sapientis ad jubendum & æterrendum idonea.*

Juven. sat. 2.

*Quod si vexantur leges & jura.*

Et sat. 8.

*Qui jura nodos & legum anigmata solvat.*

Ex quibus omnibus liquet jus à lege distinguui. Quâ vero ratione id fiat, etsi ex sequentibus apparere possit, ne tamen lectorem diu detineamus summatim indicabimus. Diximus supra lib. 1. cap. 4. legem, cum propriè & in prima sua significatione accipitur, esse rationem quæ certum motum imperat ac gubernat:

*Jus & lex  
quomodo  
differant.*

nat : quod hæc ratio verbo interno agendum præcipit ac jubet, primò ac propriè vocatur *Ius* : ut item *lib. 1. cap. 10.* innuimus. Quia vero *jus* non alienum est à ratione, sed ejus decretum, pars, & apex quo se exerit, ob hanc intrinsecam conformitatè etiam *lex* vocatur *jus*, & è contra *jus* vocatur *lex*, sed improprius. Porro, *jus* primò ac propriè sic dictum expriment nobis verba à legislatore publicè proposita, quia sunt quasi pictura & imago jussus, mentis ac rationis legislatoris : ideo hæc verba propter internæ legis ac jussionis externam representationem vocantur *lex*, vel etiam *jus*; sed tamen communius appellantur *lex* : & hæc est secunda legis appellatio. Quod vero talia verba jubent ac volunt, id ipsum iterum vocatur *jus*, quæ est secunda juris appellatio. Porro, ut se habet *jus* ad legem in prima & propria significatione, ita se habet etiam *jus* secundariò sic dictum ad legem secundæ significationis. Sic evenit ut & hæc interdum confundantur, & senatus modo *jus* modo legem facere dicatur. Hinc illa promiscua juris legisq; usurpatio, quam lector & phrasi & mente loquentis facile discernere potest. Dicemus ergo legem à jure differre ut constituens à constituto, causam ab effectu, & tamen interdum effectum pro causa, constitutum pro constituyente poni. Modestinus paucis verbis rem definire videtur *l. legis virtus 7. D. de legib.* quasi ibi dicat *Ius est legis virtus*. Sed quia legis virtus etiam

etiam est vetare, permittere, punire. d. l. 7. item cogere, vim propulsare, &c. l. ut vim. D. de iust. & jure, videamus cur legis virtus magis & potius dicatur jus quam vis vel aliud quid tale.



*Quid per Ius intelligamus hoc loco,  
seu quid propriè vocetur Ius, & unde.*

## CAP. II.

**Q**Vandoquidem ergo jus à lege differt, & in hoc libro de jure primò ac propriè sic dicto acturi sumus, videndum erit quidnam illud sit quod primò ac propriè jus vocari volumus, & unde eam denominationem sumamus. Aberrarunt enim hac in parte nonnulli, & unica voculâ alios de vera via avocarunt.

Ius quibusdam dictum videtur quasi vis: <sup>suo non vel quod sit vis.</sup> quâ derivatione abutuntur qui humana omnia vi legum superiorum, seu divinæ voluntatis seu fatalis necessitatis, trahi fingunt: quomodo & ille apud Platonem lib. 1. de repub. disputabat, legem nihil aliud esse nisi vim potentioris. male omninò: vis enim omnis aut est injusta, aut justa: Si vim injustam intelligunt, respondeamus cum Cicerone pro Cæcio. *Vis juri maxime est adversaria*, & cum Florentino, *Ius vim atq; injuriam propulsat*. l. ut vim. D. de iust. & jure. Quod vero illi ad antiphrasin confugiant, quasi jus dicatur vis, quia nihil minus sit quam vis, suo modo

modo & loco ferri potest, nobis autem hic recipiendum non est, quia non figuratam sed propriam & genuinam juris denominationem quærimus, in qua nulla nobis improprietas locutionis est ferenda. Si vero vim justam intelligere placet, dico vim non esse aliquid jure prius unde jus denominari possit, sed esse effectum jure posteriorem, nempe facultatem & potestatem quâ quis voluntatem juris legitimè exequitur, ut colligitur *ex l. factum 155 §. 1. De reg. jur.* cum inquit, *non videtur vim facere qui suo jure utitur.* excusatur hic à vi injusta, qui vim justam ex jure natam exequitur. & *l. continet. 3. §. 1. D. quod met. ca.* dicitur: *Sed vim accipimus atrocem & eam quæ adversos bonos mores fiat, non eam quam magistratus rectè intulit, scilicet jure licito, & juris honore quem sustinet.* Vis ergo legitima jus sequitur, at vim illegitimam jus non agnoscit, tanquam bonis moribus contrariam. Ipsa quoq; obliquorum utriusque vocis casuum consideratio, ostendit eas à se mutuo non denominari. Non negamus virtutem legis imperantis, quæ nobis jus dicitur, etiam vim legis appellari, ut Cic. 2. *de legib.* loquitur *videamus vim naturamq; legis.* Item, vim istius celestis legis explana, & iterum, *ne ignoremus vim sermonis,* sed illæ phrasæ metaphoricæ sunt, quibus Cicero virtutem legis quam jubendo exercet indicat, & ponunt eam vim legitimam quam jure posteriorem esse modo diximus. Lex enim imperans nihil potest nisi primo jubeat,



beat, vel appetat hunc jussum vis seu virtus utriusq; tam legis quam jussus, sequitur. Præterea, etsi legis virtus modo jus modo vis appellatur, non tamen inde sequitur jus à vi denominari, perinde ut jus à voluntate, facultate, potestate, virtute & similibus, quæ de lege æquè ac vis dicuntur, derivare non possumus.

Aliis jus dictum videtur quod *juxta sit*, <sup>ius non dici</sup> quo verbo latini interdum utuntur cum simile <sup>quod sit iuxta.</sup> vel æquale quid indicare volunt, ut Liv. lib. 1. *absentium bona juxta atq; interemptorum divisa fuisse*, & lib. 3. *in re juxta manifesta atq; atroci*. putant id confirmari posse autoritate Thomæ Aq. qui in sec. 2. qu. 57. art. 1. ait, *iustitiæ proprium est inter alias virtutes, ut ordinet hominem in his quæ sunt ad alterum*. Importat enim æqualitatem quandam, ut ipsum nomen demonstrat, dicuntur enim vulgariter ea quæ adequantur, iustari. Et Aristotelis, qui 5. eth. 4. al. 7. *dicuntur* dictum putat quasi *dicuntur* seu divisum, cum jus sit medium seu æquale inter duo. Non displicent hæc Connano, lib. 1. com. jur. civ. cap. 2. at mihi hæc derivatio officium juris qualicunque allegoria innuere, aliàs vero nec ad literam nec ad rem accedere videtur. Persuadere enim mihi non possum ex illa acceptione verbi *IUSTA*, quâ posterioribus seculis tantum eruditissimi viri elegantiae causa & rarò usi sunt, jam olim  
ab

ab initio natam & invulgatam esse denominationem juris. Nec quicquam moveor barbara alusione D. Thomæ, quam rudi ejus seculo adscribi oportet non sermonis proprietati. Aristotelis vero græca verba ad nostram latinam denominationem nihil faciunt. Id facile concesserim, officium juris aliquo modo adumbrari, cum dicimus jus in rebus seu juxta res existere, & in eo versari ut justa ab injustis dividantur vel discernantur. Sed cogitemus etiam non omne jus esse juxta, nec jus semper circa dubia vel duo extrema consistere. Est aliquod jus simplicissimum & in se absque collatione rerum absolutum, quale fuit in Deo ante mundum conditum. Sic in ratione hominis est jus aliquod per se constans, quod juxta collationes & considerationes rerum non primò nascitur, sed tantum exeritur & usurpatur. Interdum etiam ratio in sese reflectitur, ut cum intelligit ratione uti jus esse, & sic concipit jus aliquod sine rerum collatione.

le à ut en-  
ant.

Rectius ergo & convenientius statuimus jus à jussu dici, quod sit jussus legis seu rationis gubernantis. Omnes leges, quas propriè sic dicamus libro primo explicuimus, primò ex se gignunt jussum; hoc est habent voluntatem, appetitum motumq; ad aliquid; is vocatur jussus, ex quo operatio procedit. Hac derivatio rei convenit, nam legis prima & propria virtus est

est jubere. *l. 7. D. de legib.* at exequendi vis, voluntas, potestas, facultas & similia, post imperatum motum ex legis & jussus virtute ac mente sequuntur. Adstipulatur nobis Festus, qui jussa ait jura esse, & Isidor. *lib. 5. cap. 3.* qui tamen jus & justum confundit, item Donell. *l. 1. com. 4.* & alii plures non postremi Iureconsulti. Verbi causa: cum divina lex aliquid jubet, id vocatur jus divinum: & cum ratio humana quid jubet, id humanum jus dicitur. Respicit autem humana jussio vel naturam tantum, vel etiam civilem societatem, unde melioris intellectus gratia jus humanum vel naturale vel civile cognominatur. Utramque significationem tradit Iureconsultus *l. penult. D. de iust. & jure*, cum ait, *Ius pluribus modis dicitur: uno modo cum id quod semper æquum & bonum est jus dicitur, ut est jus naturale: altero modo quod omnibus aut pluribus in quaque civitate utile est, ut est jus civile, &c.* reliqua ibi sequentia ad jus secunda in significatione sumptum pertinent, de quo alibi.



## *Quid jubeatur à lege.*

### CAP. III.

**P**RIUSquam ad peculiariora & propria juris divini vel humani accedamus, explicanda sunt generalia omni legi ac juri communia. Quia ergo audivimus jus esse legis voluntatem,

M

tem,

tem, motum, appetitum, vel jussum, considera nobis etiam est qualitas illius jussus, ut sciamus quale sit id quod leges præcipere vel appetere soleant. Aristot. 1. Eth. 1. inquit τὰς ἐν τῇ ψυχῇ καὶ πᾶσι μέθοδον, ὁμοίως δὲ πρᾶξις τι καὶ πραί-  
 ρεις, ἀγαθὴ τινὲς ἐφικτὴ δοκεῖ διὸ καλῶς ἀπεφάνηται  
 τὰ γὰρ θέναι πάντα ἰφίσταται. Si omnis ars, scientia,  
 appetitus & actio ad bonum tendunt, multo  
 magis Deus, natura & homo, in quibus hæc o-  
 mnia sunt, nil nisi bonum appetunt. Inter-  
 dum quidem malum ab homine, sed per erro-  
 rem tanquam bonum eligitur, idq; reverâ jus  
 non est, ab errantibus autem pro jure & bono  
 habetur usq; dum error deprehendatur.

*Bonum  
 consistit ho-  
 nesto &  
 utili.*

Bonum honesto & utili, duabus essentiali-  
 bus partibus constat, quo omnes quæ in hu-  
 mana vita occurrunt actiones & delibera-  
 tiones referuntur Arist. 5. polit. 2. Duo itaq; sunt ad  
 quæ omnia tendunt, honestum & utile, quæ  
 sibi mutuo ita insunt, ut nihil possit esse utile  
 quod non sit honestum, nihil item honestum  
 quod non sit utile, ut Cic. in lib. de finib. & 3. offic.  
 probat. Quæ verò de collatione plurium bo-  
 norum & utilium, item de occurru utilium ac  
 honestorum ibi moventur quæstiones, duobus  
 hisce capitibus includuntur. Utrumque cum  
 uno verbo complecti volumus appellamus bo-  
 num: & Cicero, Aristoteles, Plato, aliq; phi-  
 losophi omnes, cum bonum eligendum esse  
 docent, tale intelligunt quod sit honestum &  
 utile. Lex ergo jubet & appetit bonum, hoc  
 est,

est, honestum & utile. Iureconsulti id non obscure docuerunt, sed ut bonum iustitiæ significantius exprimerent, plerumq; æquitatis mentionem adjecerunt. Ergo dicere solent legibus præcipi æquum & bonum, ut in l. i. D. de Iust. & Iure Ius est ars boni & æqui, cuius merito quæ nos Sacerdotes appellet. Iustitiam namq; colimus, & boni & æqui notitiam profiteamur, æquum ab iniquo separantes. Primo conjunctim posuit æquum & bonum, deinde disjunctim cum ait, & boni & æqui, & deinceps æqui tantum mentionem fecit, ut ita quasi digito monstraret quidnam per bonum, æquum, vel æquum & bonum intelligeretur. Paulus l. 11. D. de Iust. & Iure inquit Ius pluribus modis dicitur, uno modo, cum id quod semper æquum ac bonum est, jus dicitur. Vides ergo quid Iuris autoribus sit Ius, quidve putent à lege juberi, nempe bonum, seu æquum & bonum, quod iidem per honestum & utile interpretantur.

Fit autem ut interdum honestatis, interdum utilitatis tantum mentionem faciant, non quod hæc divellant aut alicubi inhonestam utilitatem probent, sed quia unum alteri inesse per se putant manifestum. ut idem Paulus d. l. 11. D. de Iust. & Iure ait, altero modo (jus dicitur) quod omnibus aut pluribus in quaq; civitate utile est, ut est jus civile. & Ulpian. l. nam ut Papius 13. Modestin. l. nulla juris. 24. D. de legib. utilitatis tantum mentionem faciunt: non quia honestum à jure civili excludant, sed quia utile honestum includant. Quæ enim inhonesta sunt jure civili nō inutilia

*Ita plerumq; æquum & bonum conjungunt.*

*Bonum intelligitur sola utilitatis mentione.*

modo, sed planè factu impossibilia habenda docentur. *Quæ facta lādunt pietatem*, inquit Papi-  
nianus, *existimationem, verecundiam nostram, & (ut*  
*generaliter dixerim) contra bonos mores fiant, nec facere*  
*nos posse credendum est.* l. filius. 15. D. de condit. instit.  
& Imperator, Instit. de legatis §. ult. impossibilia,  
legibus interdicta & probrosa, tanquam idem  
sint, conjungit, unâq; sententia damnat.

*Vel solâ  
mentionē  
honestatis.*

Alibi honestatis tantum mentio facta, ut in  
l. 10. D. de iust. & jure. *Iuris præcepta sunt hæc, honestè*  
*vivere, alterum non lādere, suum cuiq; tribuere, non*  
*quod liceat sibi ipsi damnosum esse, ut prodigi*  
*famæ & vitæ suæ corruptores, quia id ne honestè*  
*quidem fieri potest, sed quod Ulpianus non*  
*ignoravit honestati utilitatem inesse.* In eam  
ergo sententiam apud Ciceronem omnes phi-  
losophi disputant, ut Epicurei lib. 1. de finib. *Clam-*  
*mat Epicurus, is quem vos nimis voluptatibus deditum*  
*esse dicitis, non posse jucunde vivi, nisi sapienter, honestè*  
*justeq; vivatur: nec sapienter, honestè, justè, nisi jucun-*  
*dè.* & Stoici 3. de finib. *Gravissimè & verissimè defen-*  
*ditur, nunquam æquitatem ab utilitate posse sejungi, &*  
*quicquid æquum justumq; esset, id etiam honestum: vi-*  
*cissimq; quicquid esset honestum, id justum etiam atque*  
*æquum fore.* Voluntas ergo juris & legum est,  
ut obtineant bonum, seu æquum & bonum,  
hoc est, honestum & utile.

*Iuris mate-  
ria est ho-  
num, æquū,  
vel æquitas.*

Bonum, quod universaliter omne jus vult, &  
particulariter ubicunque potest applicat, est  
quasi scopus & objectum, seu ut cum logicis  
loquamur generalis materia juris, ex qua à ra-  
tione

tione formantur & conficiuntur præcepta, quæ deinde à causa proximè informante specialiora nomina accipiunt, ut leges, constitutiones, statuta vel aliquo tali modo appellantur. Ex eadem latenter subintrant & invalescunt consuetudines. Quapropter omnes leges & consuetudines non bonas rejicimus, tanquam ex genuina juris materia non factas, easq; ut spurias & informes errorum abortus, juris hæreditate excludimus. Vocatur hæc legum materia, ut ex prædictis liquere potest, *bonum: bonum & æquum: honestum: utile: honestum & utile: æquum: & æquitas*: quæ ultima appellatio apud Iureconsultos est frequentissima, & ex illorum mente omnia complectitur, rationem, honestatem & utilitatem. *arg. l. nulla 25. D. de legib. l. placuit. C. de Iudiciis.* ea enim quæ alibi æqua appellata sunt, mox honesta, utilia, rationabilia vel bona vocantur, ut exempla ubiq; obvia docent. Neq; id aliter esse potest, quia ratio quæ tanquam pater jus gignit, non potest non esse rationalis, æqua, honesta, utilis, & bona: & è contra æquitas non potest esse sine ratione: hæc enim se mutuo ponunt & tollunt. Quicquid ergo ex hac generali juris materia conficitur, & publicâ auctoritate animatur, à causa proximè informante & efficiente peculiare nomen juris scripti aut non scripti fortitur, & apud Iurisperitos specialiori suâ appellatione gaudet, ut lex, senatusconsultum, plebiscitum, consuetudo &c. nominetur: quod remanet, id ipsum generale

nomen materia retinens vocatur **AEQUITAS**;  
de qua forte alibi copiosius agemus.



*Ostenditur omnes leges bonam jubere.*

#### CAP. IV.

**Q** Vanquam fatis fuerat hoc capite de lege divina & humana tantum egisse, certis tamen de causis etiam de coelesti & naturali loquemur, ut de singulis, eo quo superiori libro proposita sunt ordine, doceamus omnes leges bonum velle ac jubere.

*Lex divina  
jubet bonum.*

Primò ergo de lege divina agendum, de qua, quia est ipsa Dei voluntas, ut *lib. 1. cap. 4.* tradidimus, nefas est dubitare, an quae Deus jubet honesta sint & utilia. Si quis leges Israelitarum ceremoniales, rituales & forenses, (quae tamen propriè ad civiles & humanas pertinent) idèò quod à Deo latae sunt, ad divinas referre velit, dicimus illas etiam bonas esse. Omnes ceremoniae suam doctrinam & utilitatem habuerunt: nec inhonesta fuit circumcisio, leproforum inspectio & similia, si quis rationem legum & mysteriorum finem consideret. Aestimanda sunt omnia ex pietate & modestia, non ex petulantia depravatorum ingeniorum. Et si rectè consideraverimus leges Mosaicæ, de male affectis, de cibo & vestitu latae, deprehende-



hendemus Deum non tantum ad elegantiam & ornatum, sed etiam ad valetudinem populi sui tam accuratè respexisse, ut omnium celsorum & physicorum diligentiam in eo superárit. Lex ergo divina quæ præcipit, omnia sunt bona.

Legi cœlesti quidam talia tribuunt, qualia si *Lex cœlestis* civitas quædam humana perpetraret, ut *Aut operatur ad bonum.* Augustin. *de civ. Dei lib. 5. cap. 1.* ait, fuerat evenienda, quod nempe incitet ad furta, homicidia, libidines, & similia, quæ superiori libro, cum de fato ageremus, confutavimus. Juvat nos lex & virtus cœli nostris membris uti, at ut eo modo utamur, ut inde existant furta, adulteria vel alia delicta, non jubet, quia tantum imperii in nos non habet, & si haberet, contra creatorem suum non ageret. Oportet operationem cœli naturalem & bonam, distingvere ab operatione legis peccati, quæ non in cœlo sed in homine est, & mala agit contra naturam. Cœlum per sensum & temperamenti formationem juvat ratione & corpore, bene uti: sed abusus eorundem, in quo solo peccatur, est ex lege peccati. Quia autem lex cœli cum lege elementari semper concurrat, ostendamus naturam benè, hoc est, honestè & utiliter agere in omnibus.

Sequitur ergo lex naturalis, seu natura communis, de qua *Gen. 1. v. 31.* dicitur, *vidit Deus omnia que fecerat, & erant valdè bona.* Hæc ergo natura, ut à Deo in omnibus creata est bona, ita

etiam ex voluntate Dei in omnibus bona operatur. Non potest Deus, qui mala abominatur, naturam malorum operatricem creasse vel conservare. Noti sunt philosophorum aphorismi, *naturam nil facere frustra: naturam semper intendere optimum, &c.* quos nemo in dubium vocare tentat. Removit ab oculis nostris natura ea membra quorum officia ignobiliora sunt, & docuit etiam beluas regere quod inhonestius ostenditur. Honestatis vestigia in brutis ostendit Aristot. 9. de hist. anim. cap. 47. De elephantis Plin. lib. 8. cap. 5. pudore nunquam nisi in abdito coeunt. & paulò post, nec adulteria novère, nullave propter fornicas inter se praelia, ceteris animalibus pernigialia. Leones etiam adulteria ulcisci docet Plin. d. lib. 8. cap. 16. idem de columbis testantur Aristot. 9. de hist. anim. cap. 7. & Plin. lib. 10. cap. 34. Cicero etiam pietatis indicia in animalibus esse putat, lib. 2. de finib. cum ait. Videmus in quodam volucrum genere nonnulla indicia pietatis, cognitionem, memoriam, in multis etiam disciplinam. Exemplo iterum sint elephanti. Plin. lib. 8. cap. 1. Dio lib. 39. lectu digna sunt quæ idem Plin. de canibus notavit. lib. 8. cap. 40. & de equis Solin. in polyhist. cap. 57. Et si naturæ arcana penitus introspicere possemus, plurima hisce manifestiora deprehenderemus. Tam profundè mersum est in ipsa natura honestorum & turpium, utilium atq; inutilium discrimen, ut in hisce discernendis ipsa essentia, motio & anima naturæ dici possit consistere. Ab ipsa materia  
prima,

prima, quâ nihil imperfectius norant philosophi, incipit appetitus boni, & ipsa natura nihil aliud est quam bonum & appetitio melioris: eò omnes instinctus diriguntur, v. *Piccolom. gr. mor. 3. cap. 3.* Aristot. 8. de hist. anim. cap. 1. ait: *Sunt in plurimis ceterorum animalium vestigia morum animi humani: quanquam hac apertius in homine discernantur. Inest urbanitas, feritas, clementia, acerbitas, fortitudo, ignavia, metus, fidentia, ira, malitia, atque etiam prudentia imago inest in multis.* Et lib. 9. cap. 1. habere vim quandam naturalem animantes in quavis animi affectione videntur, hoc est, prudentia, stultitia, fortitudine, ignavia, clementia, acerbitate, & reliquis habitibus generis ejusdem in nonnullis etiam commune aliquid disciplina eruditionisq; habetur, &c. Novit præterea quodq; animal ubi commodissimè habiteret, quo cibo vesci suamque valetudinem tueri debeat, ut & homines nonnulla à brutis didicisse putentur. *Plin. lib. 8. cap. 27. Arist. 9. hist. anim. cap. 6.* Quo faciunt & Ciceronis verba ex 1. Offic. cum inquit, *generi animantium omni est à natura tributum, ut se, vitam, corpusq; tueatur, declinetq; ea qua nocitura videantur, omniaq; quaecumq; ad vivendum sint necessaria, inquirat & patet, ut pastum, ut latibula, ut alia ejusdem generis.* Quod autem quædam animalia degenerant & inhonesta vel inutilia agunt, naturæ bonitatem non tollit, nec est à natura sed ex defectu judicii & prava assuefactione. Bruta enim ideò dicuntur bruta quod ratione destituuntur: sæpè etiam sensibus, quantum possent, non utuntur. Nam si homines

nonnunquam contra rationem & sensus agunt, & errore vel impetu decipiuntur. credendum est id multo magis brutis posse evenire. Si hæc naturæ bonitatem tollerent, nihil boni esset in quavis creatura. Seducuntur etiam bruta pravâ assuefactione, nam quæ vident imitari & addiscere solent & habent in sese facultatem quandam motu proprio bene malève agendi v. *Piccol. gr. mor. 2. cap. 40.* Præterea differentia victus & habitationis efficit, ut bruta alibi sagaciora sint, alibi crudeliora. *Arist. 8. de hist. anim.* Verisimile etiam est malignos spiritus beluis interdum ad mala exempla abuti, ut *Gen. 3. v. 1. Mat. 8. v. 31.* quod confirmant etiam Egyptiorum præstigiæ. *Exod. 7. & 8.* Hæc Deo & naturæ imputanda non sunt, sed iis qui naturalibus bonis pravè abutuntur. Ethnici viderunt naturam tanto nisu in bonum tendere, ut putarent Naturam esse Deum ipsum, omnis boni autorem v. *Lactant. lib. 1. instit. cap. 5. Cic. 1. de nat. deor.* Augustin. de civ. Dei lib. 12. c. 6. inquit, Si natura causa est voluntatis male quid aliud cogimur dicere, nisi a bono fieri malum, & bonum esse causam mali: siquidem a natura bona fit voluntas mala? quod unde fieri potest, ut natura bona, quamvis mutabilis, antequam habeat voluntatem malam, faciat aliquid mali: hoc est, ipsam voluntatem malam? & cap. 7. Nemo quærat efficientem causam male voluntatis, non enim est efficiens sed deficiens.

Lex humana  
non jubet  
bona

De natura & lege humana minus jam est dubii, si modo per naturam humanam non naturæ

## LIBRI II. CAPUT IV. 187

turæ depravationem ac morbum, sed veram naturam nostram intelligamus. Primò non potest natura communis in homine, ubi appositissimum corpus nata est, deteriora operari quam in belua. Deinde humanæ naturæ accedit lux rationis, quæ nunquam probat vel appetit malum, sed semper honesta atque utilia laudat, inhonesta verò à conspectu removeri, inutilia evitari suadet. Et de naturali quidem jure, quod nobis à Deo per rationem revelatum est, nemo quin bonum sit dubitaverit: civilia, qui non intelligunt, vocant interdum in dubium. Objiciuntur enim Servitutes, Usucapiones, Usuræ & similia, quæ naturaliter mala esse videntur, & tamen legibus civilibus probantur. At civiles leges hominum iniquitatem non probant, sed tantum modum statuunt alienæ, quam extirpare non possunt, injuriæ. Sæpè plura utilia in deliberationem veniunt, sæpè etiam publica utilitas cum privata certat, ut Cic. 3. offic. docuit. ut cum quaeritur, utrum melius sit argenti defossione hominum avaritiam & invidiam nutrire, quam lucrativis usuris illos ad mutua beneficia provocare: utrum præstet usucapionibus & præscriptionibus aliquem litium finem facere, quam immortales in repub. lites alere? De talibus quaestionibus vulgus aut nihil novit, aut absurde pro cupiditate sua privata judicat, est enim boni publici negligens, & putant insulsi isti præclarè jus administrari, si modo aliis facere quædeant.

*Inter actus istos  
respicimus  
utile;*

nonnunquam contra rationem & sensus argunt, & errore vel impetu decipiuntur, credendum est id multo magis brutis posse evenire. Si hæc naturæ bonitatem tollerent, nihil boni esset in quavis creatura. Seducuntur etiam bruta pravâ assuefactione, nam quæ vident imitari & addiscere solent & habent in sese facultatem quandam motu proprio bene malève agendi v. *Piccol. gr. mor. 2. cap. 40.* Præterea differentia victus & habitationis efficit, ut bruta alibi sagaciora sint, alibi crudeliora. *Arist. 8. de hist. anim.* Verisimile etiam est malignos spiritus beluis interdum ad mala exempla abuti, ut *Gen. 3. v. 1. Mat. 8. v. 31.* quod confirmant etiam Egyptiorum præstigiæ. *Exod. 7. & 8.* Hæc Deo & naturæ imputanda non sunt, sed iis qui naturalibus bonis pravè abutuntur. Ethnici viderunt naturam tanto nisu in bonum tendere, ut putarent Naturam esse Deum ipsum, omnis boni autorem v. *Lactant. lib. 1. instit. cap. 5. Cic. 1. de nat. deor.* Augustin. de civ. Dei lib. 12. c. 6. inquit, Si natura causa est voluntatis malæ quid aliud cogimur dicere, nisi à bono fieri malum, & bonum esse causam malis: siquidem à natura bona fit voluntas malæ? quod unde fieri potest, ut natura bona, quamvis mutabilis, antequam habeat voluntatem malam, faciat aliquid malis: hoc est, ipsam voluntatem malam? & cap. 7. Nemo querat efficientem causam malæ voluntatis, non enim est efficiens sed deficiens.

Lex humana  
in subes  
bona

De natura & lege humana minus jam est dubii, si modo per naturam humanam non naturæ

turæ depravationem ac morbum, sed veram naturam nostram intelligamus. Primò non potest natura communis in homine, ubi appositissimum corpus nacta est, deteriora operari quam in belua. Deinde humanæ naturæ accedit lux rationis, quæ nunquam probat vel appetit malum, sed semper honesta atque utilia laudat, inhonesta verò à conspectu removeri, inutilia evitari suadet. Et de naturali quidem jure, quod nobis à Deo per rationem revelatum est, nemo quin bonum sit dubitaverit: civilia, qui non intelligunt, vocant interdum in dubium. Objiciuntur enim Servitutes, Usucapiones, Usuræ & similia, quæ naturaliter mala esse videntur, & tamen legibus civilibus probantur. At civiles leges hominum iniquitatem non probant, sed tantum modum statuunt alienæ, quam extirpare non possunt, injuriæ. Sæpè plura utilia in deliberationem veniunt, sæpè etiam publica utilitas cum privata certat, ut Cic. 3. offic. docuit. ut cum quaeritur, utrum melius sit argenti defossione hominum avaritiam & invidiam nutrire, quam lucrativis usuris illos ad mutua beneficia provocare, & utrum præstet usucapionibus & præscriptionibus aliquem litium finem facere, quam immortales in repub. lites alere? De talibus questionibus vulgus aut nihil novit, aut absurdè pro cupiditate sua privata judicat, est enim boni publici negligens, & putant insulsi isti præclare jus administrati, si modo aliis facere aut deant.

*Inter alia  
respectum  
utile,*

*Publica bona  
privatis  
preferenda.*

deant quod ipsi nunquam ferrent, etiam si ob  
suum lucellum tota civitas esset everrenda. At  
qui ad gubernacula reipub. sedent, sciunt per-  
eunte reipub. quasi nave mersa, omnes qui in  
ea sunt simul interire, ergo publica bona pri-  
vatis semper antiquiora habent. Sic Moses in-  
domitæ plebi cogitur divortia indulgere, quan-  
quam non ignoraret quâ lege conjugium pri-  
mò esset institutum *Gen. 2. Mat. 19.* David Gi-  
beonitis tradit filios Saul ut totam civitatem  
pœnæ eripiat. *2. Reg. 12.* & p: silentiam præfert  
famæ ac bello. *2. Reg. ult.* Optandum erat, ait  
*Aristot. 5. eth. 1. al. 2.* ut quæ absolute bona sunt  
nobis semper contingerent, ad sperandum id  
non est, utamur ergo ut possumus iis quæ ha-  
bemus. Quibusdam solennia legum civilium,  
ut testamentorum & iudiciorum, inutilia vi-  
dentur; at si huius loci id esset, facile ostende-  
remus quibus fraudibus Romani olim delusi  
testamentorum jura tam curiosè descripserint.  
Iudiciorum verò formulæ & solennia summam  
habent utilitatem, propter imperitum vulgus,  
quod inter essentialia causæ & ritualia iudicio-  
rum discernere nequit, sibiq; injuriam fieri au-  
tumat quoties paululum ab antiqua consuetu-  
dine declinatur. Et quamvis priscæ quædam  
ceremoniæ nostris temporibus & moribus mi-  
nus convenient, tamen illæ olim cum consti-  
tuerentur moribus hominum congruæ & uti-  
lissimæ fuere, & adhuc eam habent utilitatem,  
ut præstet illas tantisper observari dum facitò

eva-



evanescent, quàm imperitos judices civesq; legum contemptui & mutationi adsuescere. Repentinæ & impetuosæ mutationes rebuspub. semper sunt periculosæ, quia ad minimum aliquot cives offendunt: meliores sunt quæ latenter & prævia inclinatione ita sese insinuant, ut communi consensu prius recipiantur quam propositæ persuadeantur. Peccant in hac re nonnunquam ipsi magistratus, quod putant hoc & illud utiliter abrogari, constitui & persuaderi posse, nec cogitant quam multorum capitum belua sit vulgus. Isti præsupponunt omnes cives prudentes, justos, bonos, boni publici amantes &c. obliti imperitorum & improborum numerum semper esse majorem, & ab horum insania magis cavendum quam à prudentum modestia. Solennia testamentorum, fatalia actionum, usuras & similia facile aboleremus si cum bonis tantum & perfectis hominibus vivere liceret, at nunc custodienda sunt propter imperitos, & propter improbos legum insidiatores. Plato putavit uxorum communionem in rempub. posse introduci, & cives tum amicissimè victuros: sed præsupposuit omnes cives fore tam modestos, castos & prudentes philosophos qualis ipse erat, in quo vehementer aberravit. Qui ergo putat esse quædam in legibus civilibus inutilia, eaq; mutanda suadet, videat primò quid vulgus de tali mutatione judicaturum sit, ne intempestivâ suâ prudentiâ pereat, & quæ inutilia putaverat, postea

postea magno publico damno experiatur tam utilia fuisse, ut in illis publica tranquillitas requieverit. Aristot. alicubi inquit, alimenta nimis pura nostris corporibus nocere: & videmus medicos, qui omnia mala expurgare volunt, vitam simul exturbare: quod perpendendum est iis qui opinantur nos omnia, quæ respectu bonorum & prudentum civium supervacua sunt, è jure & foro ejicere posse. Utatur jure naturali solo qui volet, relinquat nobis civilia propter improbos in officio continendos.

*Iura civilia  
respicimus  
honestum.*

Præterea non tantum utile sed & honestum considerandum, idq; utili semper est præferendum, *Cic. 1. parad. & 3. offic.* Ergo etsi in repub. aliquid utiliter fieri posset, nec tamen honestè, aut omnino id omittendum, aut tempus commodius expectandum. Sunt & civilibus in legibus quædam quæ lascivientibus ingenii minus honesta videntur, ut corporum illa inspectio quæ prisca simplicitas ula putatur, *Inst. quib. mod. iur. fin. D. de vent. insp.* Dubitare autem cum Ræcardo 4. var. 10. utrum antiqui tali pubertatis probatione unquam usi fuerint? Nam si tempore Ciceronis antiqua legum XII. Tab. verba à multis non intellecta fuere, (ut ipse 2. de legib. testatur etiam eruditos ignorasse quid lessus esset) quis dubitet inspectionem à Triboniano aliam potuisse intelligi quam legislator voluerit. v. Rævard. d. cap. 10. Similis error (ut hoc obiter explicem) videtur mihi commissus esse à Gellio, qui lib. 20. nost. attit.

*De sectione  
debitorum,  
obiter.*

cap. 1.

cap. 7. putat legibus XII Tab. licuisse debitoris corpus, si solvendo non esset, in partes secare. At mihi statum illius rei pub. democraticum & usurarios tumultus consideranti, verisimile non sit decemviros unquam legem tam cruentam ferre ausos fuisse, præsertim cum nulla ratio suaderet debitorem qui vendi poterat occidere, & omnem solutionis spem simul delere. Nam quod Gellius pro excusatione sui erroris assert, legem ad terrorem tantum latam, ideoq; nunquam usurpata esse, mihi non probatur. Non solebant Romani leges ad terrorem ferre sed ad usum. Imprimis verò XII Tabulæ, quæ publicè propositæ & à toto populo approbatæ sunt, non potuere aliquid ad terrorem tantum sancire. In monarchiis id fortè fieri possit, ut arcanum consilium in legibus occultetur, nam ibi leges à paucis viris prudentibus concipiuntur & principi suggeruntur, ipsiq; cum principe legibus semper assident & arcanam mentem legis sub aliquo clementiæ, æquitatis vel boni publici prætextu fovere possunt. Sed in democratiis, cum leges à toto populo feruntur, approbantur, & jurato alicui judici, quicumq; ille è populo lectus fuerit, ex mente civitatis usurpandæ dantur, talia arcana consilia in legibus regi non possunt. Nec ullum, ipso Gellio teste, dari potest exemplum quod quisquam debitorum dissectus fuerit, aut creditorum aliquis id à iudice postularit, cum tamen irritati creditores non soleant esse clementio-

res legibus, & arcanum illud, si quod in mente legis latuisset, brevi divulgari fecissent. Quoties plebs novas tabulas poposcit? quoties agrariis legibus rempub. concitavit? vix defunctus erat Tarquinius cum egena plebs seditionem contra patres excitaret, solutionem debitorum recusaret, & sibi Tribunos contra patres crearet. *Halic. lib. 6.* Ex illo tempore Tribuni leges publicas examinarunt, prohibuerunt, plebiscitis fregerunt, consules & dictatores exagitarunt, ut nemo plebeium in foro contingere auderet, ne dum dissecare, *v. Halic. lib. 7. & sequentibus.* Post aliquot annos, cum Tribuni plebem libertati, & seditionibus jam adfuecissent, latae sunt leges XII. Tab. quarum singula capita populus accuratissime examinavit. *Halic. lib. 10. Liv. lib. 3.* Si quis unquam Livii lib. 2. & 3. vel *Halic. lib. 5. usq. ad 10.* legerit, & historiam à regibus exactis usq; ad promulgationem legum 12. tab. consideraverit, Gellio nunquam crederet, decemviros unicum verbum de dissecando debitoris corpore mutire ausos fuisse. Et quidem eo tempore qua XII. tabulae conscribebantur plebs seditiosissimos & audacissimos habebat tribunos, qui leges tab. examinabant & plebiscito confirmabant. Plurimi autem plebei erant in ære patriciorum, & jam aliquot tumultus de novis tabulis concedendis excitarent: an illi consensissent in eam legem, ut liceret se dissecare nisi patriciis æs alienum solverent? Taceo quod Romani actiones &

accu-

accusationes, civilia & capitalia coram pratore simul tractare non consueverant. Ergo secare hoc loco est debitorem æstimatum vel omnia bona ejus vendere, & precium inter creditores dividere. Hoc latini *secare* vocant, & creditores omnem debitoris substantiam inter se devidentes *sectores*, ipsamq; talem executionem *sectionem* appellant. Unicus Ciceronis locus rem expedire potest, qui est in *Philipp. 2.* ubi inquit: *Cæsar Alexandriam se recepit, felix, ut sibi quidem videbatur, mea autem sententia, si quis reipub. sit infelix, felix esse non potest. hasta posita pro æde Jovis Statoris, bona, (miserrum me, consumptis enim lachrymis tamen infixus animo hæret dolor) bona inquam Cn. Pompeij Magni voci acerbissima subiecta præconis. Una in illa re servitutis oblita civitas ingenuit, servientibusq; animus gemitus tamen populi Romani liber fuit. Expectantibus omnibus quisnam esset tam impius, tam demens, tam diis hominibusq; hostis, qui ad illud scelus sectionis auderet accedere, inventus est nemo præter Antonium, præsertim cum tor. essent circa hastem illam, qui alia omnia auderët, unus inventus est qui id auderet, quod omnium fugisset & formidasset audacia. Tantus igitur te stupor oppressit, vel ut verius dicā, tantus furor, ut primū, cum sector sis isto loco natus, deinde cum Pompeij sector, non te execrandum populo Romano, non detestabilem, non omnes tibi deos, omnes homines & esse tibi inimicos & futuros scias? At quam insolenter statim bellum invasit in ejus viri fortunam, ejus*

N

vir.

virtute terribilior erat populus Rom. exteris gentibus, justitiâ carior? In ejus igitur copias cum se subito ingurgitavisset, exultabat gaudio, persona de mimmo, modo egens, repente dives. Vide etiam Ciceronem. *epist. fam. lib. 15. ep. 19. lib. 1. cont. Verr.* & in orat pro S. Rosc. Amer. ubi sectoris mentionem frequentem facit. adde Varron. *lib. 2. de re rustic. cap. 10. Alcon. Pæd. in 3. Verrin. ad verb. Quasitorem.* & paulo post. *ad verb. Quæ sectorem.* Hotom. *ad 3. Verrin. Verbo: quasitorem sectoremque.* & *lib. 3. antiq. Rom. cap. ult.* & in lexico seu comment. *verbor. juris. ad verb. sectores.* Bud. in *paud. ad l. plurimum. D. de jur.* & *facti ignor.* Rævard. *2. varior. 7.* Ex quibus testimonia probatissimorum autorum haurire poteris, quibus manifestum fiat, sectionem debitoris non fuisse crudelem corporis dilanationem, sed bonorum ejus distractionem ex civilibus actionibus creditorum profectam. Gellius ipse sibi in explicatione XII. Tab. sæpè diffidet, & *lib. 16. cap. 10.* innuit eas non modo desuetudine, sed etiam lata æbutia lege, propter obscuritatem antiquaras esse, ut facile etiam de sectione debitoris errare potuerit. Sed redeamus ad institutum. Talis ergo error, inquam, & hic à Triboniano & adjutoribus ejus committi potuit, ut putarint antiquos pubertatem non ex habitu corporis æstimasse, sed oculariter inspicisse. Sed fac esse ut intelligenda sit ocularis quædam inspectio. Primò Imperator ipse indicat legem rarò & fere nunquam observatam.

ram. Quod si ab initio observata fuerit, dico  
 id per familiares & honestas personas fieri po-  
 tuisse, ut olim inspectio lepræ, quacumq; in par-  
 te corporis esset, fieri potuit per sacerdotem.  
*Levit. 13.* Quod vero ad gravidas attinet, *D. de*  
*insp. vent.* nihil ibi novi concessum, sed quod  
 naturâ flagitante in partu pati coguntur, etiam  
 ob suspicionem indultum. Præterea hic con-  
 siderandum, legislatorem privatorum metu  
 publicam honestatem conservare voluisse, ne  
 matrimonia nimis accelerarentur aut familiæ  
 supposititiis liberis dehonestarentur. Quod si  
 aliquando ob corporis morbum sanandum  
 membra contrectanda præberi oportet, quid-  
 ni ob morbum reipub. præcavendum ea hone-  
 stis personis, quantum ad doli suspicionem a-  
 movendam sufficit, detegenda fuerint? Suspi-  
 cione partus suppositi sæpè populi cruenta bel-  
 la gesserunt, sæpius familiæ capitalia odia ex-  
 excuerunt, *Valer. max. lib. 9. cap. 15.* & *Liv. lib.*  
*10. dec. 4.* ac *Plut. in L. Paulo & Emil.* innuunt  
 ideo periisse Philippum Macedonia regem,  
 quod ejus natu major filius Perseus, quia sub-  
 ditus putabatur, Demetrium filium regis na-  
 tu minorem per calumnias interemisset, at  
*Comicus inquit: Tu quod cavere possis, stultum*  
*est admittere.* Constet ergo omnibus le-  
 gibus bonum, hoc est, honestum,  
 ac utile præcipi ac  
 juberi.

*Primam juris significationem esse  
quadruplicem : de quâ nos loquamur ?  
quid differant ius, fas, satum &  
impulsum ?*

## CAP. V.

*Iuris species  
prima quatuor.*

**Q**Vandoquidem ergo ius legis iussus est, & quatuor à nobis positæ sunt leges gubernantes sequitur etiam ius in prima & propria sua significatione quatuor modis accipi.

*1. Ius divinum.*

Primum ius est quod jubet lex divina idque vocatur *ius divinum*. Omnes quidem bonæ leges & jura ex illis promanantia à Deo sunt & divina appellari possunt, sed denominationem specificam facimus à causa proxima & lege immediate præcipiente. Vocatur etiam divinum respectu objecti, quia Dei cultum potissimum respicit : & *ius Dei*, quia à Deo est & ad Deum tendit : itē, *ius naturale*, duplici de causa, primò quia fluit ex natura & essentia Dei, (nam & Deo analogicè naturam tribuere solemus) ut ita ius divinum sit naturale Dei, secundò quia est homini naturale, cui Deus totius decalogi (in quo etiam ius divinum est,) naturalem indidit cognitionem. Optime autem distinguere videbimur, si quod lex divina jubet ius divinum indigetabimus. Sed & illud prætereundum non est ius divinum ab eru-

*ad propriam  
vocari fas.*

ditio-



ditioribus, cum id accuratius ab humano distinguere volunt, appellari Fas. Fas ergo à jure differt ut species à genere, quia propriè illud tantum jus denotat quod Deus immèdiatè propter sui cultum fatur, cujus contrarium, NEFAS est à quo non modo ratio, sed tota natura abhorret, & quo Deus magis offenditur quam homines. Fas adhuc sanctius quam jus, sive sanctissima juris species est: nefas vero detestabilius quam injuria, & omnium injuriarum species est pessima, de qua ne fari quidem sine impietate licet. Differentiam hanc nobis tradunt Isid. lib. 5. etym. cap. 2. Fas, inquit, est lex divina, jus est lex humana. Transire per agrum alienum fas est, jus non est. Servius. Fas ad religionem, jura pertinent ad homines. Ascon. Prædian, nefandum est non sandum: nefarium quod sacra polluit, farre pio solita celebrari: nefarii ergo sacrilegi. Alii utriusq; conjunctione docent fas à jure differre, ut Virg. 1. Georg.

*Quin etiam festis quadam exercere diebus*

*Fas & jura sinunt.*

Cic. de harusp. respons. Oratores contra jus fasq; interfectos. & lib. 2. contra Verr. Negant id Syracusani per religiones sacrorum ullo modo fieri posse: Fas deniq; negant esse. Liv. lib. 3. ne quis ullum magistratum sine provocatione crearet, qui creasset, illum jus fasq; esset occidi. & lib. 1. de Ænea, quemcumq; eum dici jus fasq; est. Iuris autores etiam nefas vocant quod extremè absurdum & contra omnem juris rationem est, ut in l. 1. D. de orig.

*jur. l. 3. C. de fruct. & lit. expens. l. 23. §. 7. C. de nupt. Auth. ex complexu & l. ult. C. de incest. nupt. l. 7. C. de naturalib. lib. l. 1. C. de privat. carcerib. & fas dixerunt quod magnæ autoritatis esse debet, ut l. dubium. 3. C. de repud. l. ult. C. de obseq. patr. præst. l. 6. in princ. C. de appellat. Thomas Aq. in 2. sec. qu. 57. art. 1. rationem reddere conatur cur lex divina dicatur continere fas & non jus, sed ea ad rem facere non videtur. Primò ergo jus dicitur quod lex divina jubet, quodq; speciali nomine Fas vocatur.*

*2. Jus celeste  
 seu fatum.*

Altera lex erat cœlestis, cujus jussus appellatur *jus cœlestis*, vel *jus cœli*, proprio vero & speciali suo nomine dicitur *Fatum*. Differt ergo fatum quoq; à jure, ut species à genere, & cum à lege naturali distinguitur, significat motum & operationem supralunarium tantum. Cum vero & cœlum suam naturam habeat, & plerumq; operatio naturæ elementaris cum fato confundatur, nonnunquā jus cœli etiam *naturale* vocari solet. Jus ergo secundò dicitur quod lex cœli jubet, quodq; specialiori nomine fatum appellatur.

*3. Jus natura  
 seu appetitus  
 & motus.*

Tertia lex erat naturalis seu elementaris, cujus jussus vocatur *jus natura*. Posset idem vocari *jus elementare*, sed quia hæc natura luce rationis destituta, appetitu ejus perfectionis quam in homine assequi desiderat, & cupiditate conservandarum specierum dissolutione elementorum subinde decrefcentium, in perpetuo motu est, communiter vocatur *natura*.

*appe-*

*appetitus, motus, impulsus, vel instinctus.* Sic quod animalia beneficio sensuum volunt, dicuntur appetitu vel instinctu naturæ facere : sic gravia deorsum , levia sursum moventur. Est ergo hæc tertia species à jure ut à genere differens, quæ plerumq; cum jure cœli (cui in productione specierum ut scœmina mari semper cooperatur,) confunditur, ut utrumq; jus una appellatione juris naturæ exprimat. Quia vero jus naturæ nullibi ratione illuminatur præterquam in homine, & nobis de jure rationali agere est propositum, jureconfulti jus naturæ non attingunt nisi de re aliqua homini cum brutis communi loquantur.

Iussus igitur legis humanæ, quæ quarta e-  
 rat, quasi καλ' ἰσχυρ retinuit nomen juris, quia  
 in ratione humana est imago juris divini, & to-  
 ta natura sui juris perfectionem in homine as-  
 sequitur. Ut ita rectè dici possit, in jure hu-  
 mano esse omnes juris species : vel etiam duæ  
 tantum primæ juris species possint constitui,  
 divinum & humanum, cui subserviant jus cœ-  
 li & naturæ. Sed quia non opus est omnia ad-  
 vivum rescare, & certis de causis supra qua-  
 tuor legis primò sic dictæ species fecimus, non  
 sine ratione hic quoq; juris quatuor primas  
 species ponere voluimus, id enim nobis prode-  
 rit ad excusationem Ulpiani, qui brutis jus a-  
 liquod humanum adscripsisse falsò arguitur.  
 Jus humanum ergo speciale nomen non ha-  
 bet, sed simpliciter vocatur *jus* interdum qui-

4. Jus huma-  
 num, quod  
 simpliciter  
 jus vocatur

dem vocatur ratio, juris ratio, rationis tenor, ut l. 14. 15. 16. 20. 21. 25. D. de legib. evincitur, sed improprie & ex illa legis jurisque, de qua supra lib. 2. cap. 1. diximus, confusione.

*Omnia hæc  
jura natura-  
lia esse, &  
ideo sapie con-  
fundi.*

Omnia hæc jura naturalia vocantur, divinum est de natura Dei : coeleste de natura coeli : naturale de natura alterabili & elementari : humanum de natura humana. Possunt etiam omnia appellari divina, quia à Deo sunt & illi serviunt : vel humana quia homini communicata sunt. Sic & jura coeli brutis naturalia dici possunt, quia illis naturaliter per operationem quandam insunt. Quod propter eundem Ulpiani locum & alios nodos ubi confusa juris naturalis appellatio difficultatem peperit, explicandos, observandum.

*Alia dua in  
species  
hinc annota.*

Bolognetus de lege ju. & equit. cap. 30. adhuc alias duas affert juris primò sic dicti species, & ait jus naturale accipi etiam de primis honestatis principiis & rationis igniculis nobis innatis : sed quia hæc sunt illa ipsa ratio humana de qua locuti sumus, & principalis ejus pars, non video quod isti rationis igniculi novi constituent, quod humanæ rationi seu legi & juri non insit. Idem inquit, jus naturæ accipi etiam de illo jure simplicissimo, quo in primo naturæ flore omnia erant communia : verum id quidem est, sed quia hæc quoque acceptio est de essentia juris humani, novam juris speciem, primò sic dictam, non constituit. Cum vero inferius jus humanum in prius & posterius, vel  
in

in naturale & gentium distinguemus, tum apparebit hasce duas juris species esse in illa juris humani primi & simplicissimi parte, quæ homo in flore naturæ suæ, cum adhuc incorruptus esset, naturaliter utebatur. Ut ergo quatuor tantum leges jubentes libro primo posuimus, ita hic quoq; quatuor tantum juris primò sic dicti species agnoscimus, duas hasce posteriores Bologhetti species in subdistinctione juris humani suo loco observabimus.



*Quid sit jus humanum, primò & propriè acceptum: quid ab eo differant præsumptiones.*

## CAP. VI.

**Q**uia in humano jure omnia quæ ad nostrum institutum pertinent inventurimus, age, cursum eò dirigamus. & quid humanum jus propriè sit diligentius inquiremus. Monendus est benevolus lector jus humanum non uno modo dici, nam ut supra lib. 2. cap. 1. docuimus, etiam statuta, plebiscita, privilegia, consuetudines & similia, vocantur jus humanum, sed in confusa & secunda juris legisq; usurpatione: nos vero hic de prima & propria juris acceptione agimus, & definitionem ejus querimus.

*Juris primi definitio queritur.*

Donell. 1. com. 5. inquit, *Jus quod propriè ita*

N 5

*Do. et. def. nota.*

vocamus, est constitutio omnis iubens in publicum permittensve quæ recta sunt, prohibensq; contraria, in quibus posita est, pavendi necessitatem imponens. Hanc definitionem Donellus juris propriam esse autumat, eamq; tam diligenter explicat, ut prima fronte cuivis satisfacere posse videatur. At si rem accuratius consideraverimus, nec in prima nec in secunda significatione jus definitum est, sed potius ipsa constitutio. Constitutionem nunc accipio pro quovis statuto jure, ut Donellus accipi voluit. Jus autem in prima usurpatione non est constitutio, sed præceptum rationis ex quo constitutiones fiunt: quando vero illa facta est, tum jus in secunda significatione iterum non est constitutio, sed id quod constitutio jubet ac constituit. Ita in prima significatione jus est efficiens constitutionis, in secunda vero ejus effectum. Præterea etiam consuetudo est jus, quæ tamen non est constitutio, cum latenter invalescat, non constituatur: & æquitas est jus, quæ non potest constitutio vocari. Sequentia definitionis illius verba sciens prætereo.

Connani definitio

Accuratius definivit Connanus lib. 1. com. cap. 3. n. 6. *Jus*, inquit, est quod naturalis ratio vel lex civilis præscribit, & paulo post: *Jus est naturæ vel legis præscriptum de iis rebus quæ ad alterum pertinent.* Utrouq; juri definitiones Connani convenire possunt, & illi quod primò, & alteri quod secundo ita dicitur, quia utrumq; legis sibi præcedentis præscriptum seu præceptum est.

est: juri tamen priori magis competere videntur. Nam ideo, ut opinor, de externa & publica parendi necessitate nihil adjecit, quia jus primæ significationis tantum in mente est, & à ratione jubetur urgeturq; nec publicam parendi necessitatem accipit, nisi per legem constitutionemve politicam, cum ad secundam significationem transit. Aequi & boni mentionem non fecit, quia putavit nemini ignotum, à ratione & lege nihil mali præcipi. Brevissimè jus in prima significatione definiri potest, quod sit *rationis jussus*.

Quærebatur autem supra, *lib. 1. cap. 7. an* <sup>*Circa jura nã  
suntur præ-  
sumptiones.*</sup> tota ratio, an vero tantum pars ejus esset lex humana: ubi voluimus rationem totam homini pro regula vitæ prodesse. Si nunc eadem de jure repetatur quæstio, an tota ratio se in præcepta juris effuderit, ita ut omnia quæ sunt in ratione, etiam sint in jure? respondemus, omnia quidem ad jus constituendum prodesse, attamen alia ad jussionem propius accedere. Nam cum ratio humana aliquid jubet, versatur circa certum aliquod objectum, de quo judicat, sitne faciendum an non? At præcedunt judicationem & jussionē universales quædam notitiæ, quæ se semper ad omnia indifferenter habent, & ad nullam jussionem descendunt, sed manent universaliter in intellectu. Ex hisce pullulant juris intellectus, præsupposita, fictiones & præsumptiones, quæ omnes affinitatem & quasi consanguinitatem juris habent, licet

licet in iussum non veniant, nec constitutioni alicui inferantur, sed cuiusq; iudicio relinquuntur. Ut, quod intelligitur vel præsumitur jus nolle vitam inhonestam. *l. 10. D. de iust.*

*Præsumpt.  
iuru & de  
iure.*

*& jure. l. filius D. de condit. instut.* non est lex vel jus; (nam quis talem legem constitueret, ne jus velit quod inhonestum est?) sed est præsuppositum, intellectus vel præsumptio quam quilibet habet de jure. Tales notitiæ à jure confultis vocantur *præsumptiones juris & de jure*, quia de juris voluntate & essentia loquuntur. Non sunt jus ipsum, sed sunt circa jus, & loquuntur de jure, habent autem magnam cum jure affinitatem, quia ad exemplum præceptorum juris ex ratione nascuntur: ideo etiam non admittunt probationes in contrarium, quia non licet contra jus & rationem disputare. Videntur autem non malè vocari potuisse præsumptiones rationis, vel legis, vel notitiæ mentis, ut testarentur se immediatè ex lege prima hominis natas esse: non enim sunt præsumptiones juris, hoc est, ex iussu natæ, quia sunt de jure, jus autem (cum non pro lege sed propriè usurpatur) de seipso non præsumit.

*Præf. iur.*

Alię sunt præsumptiones quæ ex jure & iussu nascuntur quæ vocantur *præsumptiones juris*, puta naturalis vel civilis: ut, quemq; amare suam vitam, *l. 1. §. 2. D. de iust. & jure*, parentes amare liberos: patrem non posse juniorem esse filio. §. *minorem. Instit. de adopt.* neminem sibi acquirere velle quod jam habet. *l. sua. D. de cont. empr.* hæc  
ut



ut cogitemus aut velimus publicè non constituitur, sed præsumuntur unicuiq; ipso cum rationali jussu & imperio præcipi ac juberi. Dicuntur *juris*, quia circa constitutionem faciendam in facultate jubente sunt, & tamen non jubentur. Rarò autem & difficulter admittunt probationem in contrarium, quia rarò & difficilè inveneris hominem qui secus cogitet quam ratio communis suadet, nec præsumitur ratio seipsam in jubendo decipere & aberrare voluisse. Simili modo circa hominem ipsum & ejus vitam nascuntur *præsumptiones hominis*, ita vocatæ quod ita ferre soleat vita humana, ut cum pater præsumitur is quem nuptiæ demonstrant. *l. 5. D. de in. jus. voc.* neminem ignorare conditionem ejus cum quo contrahit. *l. qui. rum. 19. D. de reg. jur.* quo pertinent plurimæ juris regulæ. Et circa facta existunt *præsumptiones facti*, quæ à circumstantiis gesti negotii sumuntur. In hisce posterioribus probatio contrarii facilius admittitur, quia homines non semper secundum rationem agunt, & facta vehementer variant. Sunt ergo ubique circa jus nonnulla quæ licet jussionem proxime non faciant, juris intellectui tamen & usui serviunt, quarum originem ex ratione esse, in hisce generalibus juris præcognitis debuimus ostendere.

\*

Quid



*Quid in doctrina juris humani  
reconsultus differat à Theologo.*

CAP. VII.

*Ius huma-  
num conside-  
rant Theolo-  
gi & iure-  
consulti.*

**I**us humanum, in cuius explicationem nunc declinamus, non tantum ad Iurisconsultorum sed etiam ad Theologorum doctrinam pertinet. Cum vero non oporteat scientias confundere, & nobis finis considerationis nostræ ante omnia præcognoscendus sit, videamus quid Iurisconsultus in doctrina juris à Theologo differat, & quem in finem omnia nostra sint dirigenda.

*Theologi quo  
sine legem  
tractant.*

Theologus legem eo fine tractat, ut ex ea ostendat. I. Deum & iustitiam ejus: quod sit unus, verus, summus, & omnipotens Deus, *Exod. 20. v. 2. 3.* qui nulli creaturæ ab hominibus assimilari, sed super omnia solus suspici & coli velit, *v. 4.* iustissimus, *v. 5.* misericordiæ inexhaustæ, *v. 6.* sanctissimus, *v. 7.* devotè adorandus, *v. 8.* Qui omninò velit & jubeat, ut homines etiam inter se mutua exerceant beneficia, honorem & gratitudinem, *v. 12.* amorem & auxilia, *v. 13.* castitatem, *v. 14.* liberalitatem, *v. 15.* ingenuam veritatem, *v. 16.* idq; in omnibus omninò rébus, constantissimè, de sincero & puro pectore, sine omni dolo & fraude, *v. 17.* II. Ut doceat qualis fuerit homo in  
ima-

immagine Dei, cum hæc omnia intelligeret & præstaret. III. Ut monstret homini quo re-  
dactus sit per lapsum, quam planè non possit  
amplius placere Deo, cum illi totus factus sit  
dissimilis, omnesque cupiditates & actiones  
suas malo inquinet. IV. Ut evincat nullam  
amplius salutis spem superesse ex lege & ope-  
ribus, cum non possit Deus justos pronunciare  
qui mala operantur, nec possint ex lege iusti  
vocari, nisi qui eam tam perfectè observave-  
rint, ut nec Deus ipse in intimis cordis pene-  
tralibus ullam maculam invenire queat. V. Ut  
per ipsam rationem & conscientiam obtineat  
confessionem nostram, in hoc deplorato & mi-  
serissimo statu nostro nobis opus esse misericor-  
dia & auxilio Dei, ne in acerbissimas nostræ in-  
justitiæ pœnas incidamus. Et tandem VI. ut  
nos omnes consilii & auxilii inopes, salutemq;  
cujus desiderium naturale est, unicè quæren-  
tes ad Christum adducat, qui est finis legis, in  
quo omnes minæ conticescunt. Ergo Iohan-  
nis, *Mat. 3. v. 2.* Christi, *Mat. 4. v. 17.* & Apo-  
stolorum *Mat. 10. v. 7.* *Marc. 6. v. 13.* *Act. 2. v. 38.*  
conciones omnes à lege incipiunt & in Chri-  
sto desinunt, ut auditoribus suis inculcent  
nullam extra Christum esse salutem, cum ne-  
mo legem observare possit. Nam Theologiæ  
finis est salus æterna, ideo omnia eo dirigit ut  
illâ commendet, & quomodo obtineri possit  
 doceat.

*Iureconsulti  
finis.*

At Iureconsulti finis est salus politica, ergo eam tantum legis particulam spectat, quæ ad salutem politicam pertinet. Cum verò obtinuit externam & civilem iustitiam, finem suum assecutus est & in eo quiescit. Quod intima cordis non scrutetur aut puniat ratio duplex est: prima, quod humanarum virium non est de cogitationibus cordis judicare: altera, quod cogitationes, quamdiu sunt meræ cogitationes, politicam disciplinam non offendunt & ad Iureconsulti finem non pertinent, cum eo fine non sit institutus magistratus ut omnia hominum peccata arguat, puniat, & genus humanum extirpet. Quamprimum autem prava consilia in conatus erumpunt, vel alio modo gliscunt ut ab homine probari possint, puniuntur in jure ob dolum, scandalum & damnum, quæ omnia publicæ privatæq; civium tranquillitati adversantur. Sic Iurisprudentia Theologiæ famula est, quapropter etiam magistratus Dei ministri, & custodes tabularum Mosaicarum appellantur. Et meminerit benevolus lector, quia salus politica summus & principalis finis noster est, omnia nobis eò dirigenda esse ut illum obtineamus. *Salus populi suprema lex esto* dicebant Romani legumlatores, quod & nobis erit observandum. Ab hoc fine & a mediis ejus non excludimus pietatem, quia extra Deum nulla est salus: erit ergo verus finis noster, ut salutem populi temporalem cum Deo & ratione obtineamus. Errant longè qui

qui opinantur jureconsulti finem esse ex litibus forensibus quæstum facere, vel litibus tantum & privatis civium negotiis præesse. Ut theologi principalis finis non est consolatio ægrotorum; nec medici, obligatio vulnerum: ita nec privatæ altercationes sunt verus finis Iureconsulti. Multo nobilius objectum habet, nempe salutem totius reipub. ut tota civitas in publica tranquillitate benè gubernetur, virtutibus exornetur, & theologo præparetur. Verus Iuriconsulti finis est, primò politica præcepta in usum vocare, palantes populos ad humanas & honestas societates invitare, amicitia vinculis colligare, communicatione sanguinis conglutinare, humanitati imbuere, ordinatè & prudenter regere: deinde illis naturale jus explicare, à delictis absterre, delinquentes punire; dulcedinem virtutum, amorem ordinis & justitiæ desiderium excitare, & politicis quibusdam regulis seu legibus conservare. Iureconsultus est quasi vox clamans in deserto, qui magno spiritu feros populos alloqui, convocare & in ordinem cogere audet, dispersos inq; sylvis ferarum more ex rapto & latrociniis viventes invitando vel cogendo in societates colligit, ut olim Theseus, Minos, Rhadamanthus & alii, vel si collecti & coordinati jam sint, consiliis occultis & armatâ manu ne iterum dilabi possint prohibet. Ita parat viam & præbet occasionem omnibus artibus, quæ nunc in civili hominum societate cum salute hominum

Q

maxi-

maxima docentur & exercentur, ante civiles societates verò in vita hominum beluina nec erant, nec sine prævio ordine & docendi discendiq; facultate existere poterant. Hic est finis Iureconsulti, non litigare & quæstum ex dissidiis civium facere, ut vulgus opinatur.



*Jurisconsulti objectum, homo: medium ad finem, jus humanum: id duplex: an aliquid ejus sit in brutis.*

## CAP. VIII.

*Icti objectum est homo.*

**O**bjectum Jurisconsulti aliud statui non potest nisi animal ad civilem societatem aptum, hoc est, homo: quia non datur aliud animal quod civilem in ordinem cogi possit.

*Medium ad finem, jus humanum.*

Medium verò, quo finem suum obtineat, est ratio seu jus humanum. Humanum jus vocamus quod homini competit ut homini, hoc est, per rationem, non per sensus. Edere, bibere, sunt juris humani, at illius quod per sensus competit ut animali, non hujus de quo nos loquimur, quod hominum proprium est per rationem. v. lib. 1. cap. 10. Ex quo iterum evincitur omnem nostram considerationem & operam esse circa homines tantum, cum nullum aliud animal rationis capax existat.

*Id duplex, naturale & positivum.*

Ut duplicem humanæ vitæ legem statuimus, lib. 1. cap. 10. naturalem & civilem, ita duplex quo-

## LIBRI II. CAPUT VIII. 211

quoque jus humanum, naturale & civile (quod item positivum vocari potest) statuamus oportet. Divisionem hanc tradidere nobis Cajus l. 9. D. de just. & jure. Omnes populi, inquit, qui legibus & moribus reguntur, partim suo proprio, partim communi omnium hominum jure utuntur. ii. l. 1. D. de acq. rer. dom. Paulus. l. 11. D. de iust. & jure. Ius pluribus modis dicitur, uno modo cum id quod semper æquum ac bonum est jus dicitur, ut est jus naturale: altero modo quod omnibus aut pluribus in quaq; civitate utile est, ut est jus civile. reliqua ibi sequentia omitto, quia ad constitutionem primarum specierum juris non pertinent. Ulpianus l. 6. D. de iust. & jure ait, Ius civile est quod neq; in totum à naturali vel gentium recedit, nec per omnia ei servit, itaq; cum aliquid addimus vel detrahimus juri communi, jus proprium, id est, civile efficiamus. Ius naturale & gentium ibi pro uno eodemq; sumit, quod arguit particula alternativa vel, explicationis causa adjecta: & quod utrumq; singulari demonstrat numero, ei, item, juri communi, nam si plures ibi intellexisset juris species, pluraliter locutus fuisset. Easdem juris primas species facit in l. quod attinet. 32. De reg. jur. Idem sequitur Imperator §. penult. Inst. de jure nat. & §. singulorum. Inst. de rer. divis. Aristot. 5. Eth. 7. al. 10. Thom. Aq. 2. 2. qu. 57. a. 2. Cicero in partit. cum ait, Iuris omnis ratio nobis explicanda, quod dividitur in duas partes primas, naturam atq; legem. Quapropter & Donell. 1. com. 6. probat jus naturale & gentium unum idemq; esse. (puta genere vel in prima juris humani

divisione, nam quando jus homini naturale inferius subdividemus, apparebit duas ejus esse species, quarum prima jus naturale, altera jus gentium appellatur.)

*Rationalis  
sen humani  
juris nihil  
in brutis.*

Harum specierum juris nulla in brutis esse potest, quia sunt species juris humani, quod ex ratione est: bruta autem ideò sunt & vocantur bruta quod rationis sunt expertia. Probant id jureconsulti etiam eo ipso quod negant bruta injuriam facere posse, nam injuria fit tantum ab eo qui jus intelligit & contra illud agere vult: ideò impuberes & qui doli capaces non sunt non possunt injuriam facere, l. 1. §. 3. D. de injur. multo minus id poterunt bruta. Quando autem bruta lædunt, dicuntur damnum facere seu pauperiem: Sic enim Ulpian, l. 1. §. 3. D. si quadrup. paup. edicti verba explicat, nempe quod Prætor ideò de pauperie locutus sit, quia Pauperies, inquit, est damnum sine injuria facientis datum: nec enim potest animal injuriam fecisse quod sensu caret. Sensem pro intellectu juris posuit Ulpianus, verbi calumniatorem non timens. Simili modo & alii Iureconsulti pauperiem ab injuria distinguunt, ut tituli D. si quadrup. paup. & de injuriis, testantur. Fecere idem Philosophi, Seneca 1. de Ira cap. 3. Sed dicendum est feras ira carere, & omnia præter hominem. nam cum sit inimica rationi, nusquam tamen nascitur nisi ubi rationi locus est. Impetus habent fera, rabiem, feritatem, incursum, iram quidem non magis quam luxuriam: & in quasdam voluptates intemperantiores homine sunt. Non est quod credas illi qui dicit:

Non



Non aper irasci meminit, non fidere cursu  
Cerva, nec armentis incurrere foribus uisi.

Irasci dicit, incitari, impingi. Irasci quidem non magis sciunt quam ignoscere. Mura animalia humanis affectibus carent: habent autem similes illis quosdam impetus. Alioquin si amor in illis esset, odium esset: si amicitia, & simulas: si dissensio, & concordia: quoriam aliqua in illis quoque extant vestigia: ceterum humanarum pectorum propria bona malaque sunt. Nulli nisi homini concessa prudentia est, providentia, diligentia, cogitatio. Nec tantum virtutibus humanis animalia, sed etiam vitii prohibita sunt. Tota illorum, ut extra, ita intra, forma humana dissimilis est. Plato in Menex. Nostra terra ex omnibus animantibus hominem genuit, qui ceteris intelligentia prestat, solusque jus ac Deos animadvertit.

Quid ergo illud esse dicemus, quod idem Ulpianus noster, quem duas tantum juris species fecisse, solosque homines doli capaces juris ac injuriæ participes statuisse ostendimus, in l. 1.

6. D. de iust. & jure (conjugi enim debent hæc leges ut inscriptio & contextus monstrant) tres facit juris species, naturale, gentium, & civile, & affirmat jus naturale etiam in brutis esse? Cur idem l. 1. §. cum arietes. D. si quadrup. paup. autoritate Q. Mutii distinguit inter bovem provocantem & provocatum, quasi provocato jure licuerit provocantem occidere, provocanti verò jure non licuerit alterum invadere? Laborant in conciliandis Ulpiani verbis interpretes tanquam in re valde difficili, & locum paulò obscuriorem inconsideratius explicando quidam magis ob-

Quodnam  
jus in brutis  
statuat Vl-  
pianus.

tenebrarunt quam illustrarint; danda ergo est opera ut hisce ex tricis nos expediamus. Nemi-  
mini autem ignotum est, Imp. Iustinianum ex  
Ulpiano sumpsisse *princip. & §. 1. instit. de jure nat. & rit. institut. si quadrupes*. Theophilum verò la-  
tina Imperatoris verba græcis expressisse; eosq;  
secutos esse autorem & epitomatores basili-  
con lib. 2. rit. de lege cap. 14. & Harmenopulum  
lib. 1. rit. 1. §. 14. satis ergo fuerit ad omnium ex-  
cusationem & illustrationem; si tantum Ulpia-  
ni verba explicaverimus & ad concordiam re-  
degerimus.

*Juris semi-  
na conspi-  
cua in bru-  
tis*

Principio negari non potest, multa in brutis  
summa cum admiratione observari, ut non in-  
concinne Cic. 2. de finib. beluas *nature specula* vo-  
carit. Aduerbratum est in iis jus divinum; ut  
nobis pietatis quædam exhibeant indicia;  
quemadmodum supra lib. 2. cap. 4. docuimus.  
Videntur intelligere jus cæli; ut Plin. de ele-  
phantis testatur, quod semper novâ luna se ab-  
luant: & experientia docet volatilia sui adven-  
tus & discessus tempora nosse. In jure elemen-  
tari nonnunquam hominum magistri sunt,  
prænunciant pluvias, serenitates, terræ motus,  
pestilentiam, discernunt cibos, & norunt suam  
medicinam. Ius verò humanum imitantur vir-  
tutum umbris, ut gratitudine, quo pertinet  
Androdii & leonis historia ex Gell. lib. 5. cap. 14.  
& quæ de ciconiis vulgo feruntur. Canes  
sunt custodes & amici dominorum suorum:  
equi nostri symmachi sunt: imitantur & supe-  
rant

tant alia hominum castitatem, ut sup. cap. 4. indicavimus : apes imitantur jus gentium & civile, quia furta puniunt, bella gerunt, distincta officia habent &c. *Virg. 4. Georg.* Leguntur multa de animalibus admiratione digna apud *Plin. nat. hist. lib. 8. 9. 10. & 11. Aristot. lib. 9. histor. anim. Plutarch. de solert. anim. & in tract. Quod bruta ratione utantur. Ciceron. 2. de nat. deor. & apud alios autores, ex quibus Solin. in polyb. subinde quædam miranda de animalibus refert, quod & Aelian. lib. 1. var. hist. in aliquot capitib. fecit. Sacræ literæ etiam tale quid in brutis monstrant, ut *Gen. 3. v. 1. & 8. v. 9. Esa. 1. v. 9. Mat. 10. v. 16. & pœnam illis delinquentibus denunciant Gen. 9. v. 5. Exod. 21. v. 28. Levit. 20. v. 16. Quamvis enim beluæ rationem non habeant, tanto tamen hiatu à natura humana non distant, ut nulla rationis similitudo in illis deprehendi possit. Quod cum consideraret Aristot. 8. hist. anim. cap. 1. dixit, Sunt in plurimis cæterorum animalium vestigia morum animi humani : quanquam hæc apertius in homine discernantur. Inest urbanitas, feritas, clementia, acerbitas, fortitudo, ignavia, metus, fidentia, ira, malitia. Atq; etiam prudentiæ imago inest in multis, quemadmodum, cum de partibus docerem, exposui. Alia enim eo quod magis minusve habeant comparatione hominibus differunt : homoq; ipse cum multis aliis animalibus ita dissidet : quippe cum aliqua ex his magis in homine habeantur, aliqua in cæteris animalibus latius : alia verò differant proportionem. Ut enim in homine ars, sapientia, prudentia, sic in nonnullis brutis inest vis quadam ejusmodi**

altera naturalis. Constat hoc ita esse plane argumento puerilis aetatis, in qua futurorum habituum quasi vestigia & semina videris: & tamen nihil per id tempus animam hominis differre à beliarum anima prope dixerim. Itaq; nihil remotum à ratione est, si partim eadem, partim similia, partim ex proportionem in ceteris animalibus habentur. Sed adeo de inanimatis paulatim sensimq; ad animata natura transit ut continuatione ipsa lateat eorum cunsum & medium, utriusnam sit extremi. Et 1. Eth. ult. animam sensitivam rationis non omnino expertem esse asserit. v. Conimbr. 2. phys. cap. 9. q. 3. & 4. Lactant. lib. 3. instit. cap. 10. & de ira Dei cap. 7. Ulpian. ait bruta à nobis censeris naturalis juris peritia, h. e. ut Bud. ad. d. l. 1. & Hotom. Instit. de iure nat. interpretantur, bruta nobis admirationi esse & in pretio haberi propter præclara quædam naturæ dona. Ostendit quidem Cicero 1. offic. magnum inter hominem & beluam discrimen, cum inquit. Inter hominem & beluam hoc maximè interest, quod hac tantum, quantum sensu movetur, ad id solum quod adest, quodq; presens est, se accommodat, paululum admodum sentiens præteritum aut futurum. Homo autem, qui rationis est parriceps, per quam consequentia cernit, principia & causas rerum videt, earumq; progressus & quasi antecessiones non ignorat, similitudines comparat, & rebus presentibus adjungit atq; annectit futuras, facile totius vite cursum videt, ad eamq; degendam preparat res necessarias. atq; id extra controversiam est, bruta illam rationis aciem habere non posse, quâ homines de rebus judicant: attamen propterea omni memoriâ præteri-

teritorum, aut futurorum præfagio non carent. Quod ideo repetitum volui, ne quis putet solos Iureconsultos de brutis, an juris & rationis participes esse possent, dubitare ausos; & ut appareat eos qui in brutis simulacra quædam juris humani concesserunt, non adeò ineptos fuisse ut quibusdam irrisoribus videntur.

Veruntamen quicquid sit, agitur hic de jure *Nos de jure humano*  
 RATIONALI HUMANO: si de jure aliquo naturali, quod beneficio sensuum competere potest, ageretur, res expedita foret: nunc de tali loquimur jure, quod non potest adesse nisi beneficio rationis: de eo quaeritur an in brutis esse possit, & an Ulpianus id affirmaverit? *quærimus.*  
 Acutissimè præ reliquis omnibus respondisse videntur Goveanus 1. *varior.* 19. & Cujac. in not. *Cur aliorum solutioes non satisfaciunt.*  
*ad Instit. tit. de jure nat.* quod homines jure faciunt, eadem si faciant bruta, homines facere ex jure naturali: attamen & hæc solutio mihi non satisfacere potuit, cum quia nodum controversiæ non satis tangit, ut explicaret quodnam jus humanum brutis commune statuerit Ulpianus & quomodo, tum quia bruta multa faciunt quæ ab hominib. sunt jure, nec tamen jure naturali. Ut quando apes bella gerunt, grues vigilias obeunt, hæc cū ab hominib. sunt jure, sunt juris gentium vel civilis, non juris naturalis. Aliis interpretū in solutionibus cur acquiescere non possim, causas generaliter indicabo. 1. Si jus naturale humanum aliquo modo est in brutis, bruta catenus participant humanitatem.

2. Concedendum fuerit etiam jus gentium in brutis esse, quod ipso Ulpiano & omnibus aliis Iureconsultis (ut in principio hujus capituli vidimus) attestantibus, cum jure naturali in uno genere convenit & quasi idem esse statuitur, sequē in animalibus æquē exierit ut naturale. Habent enim distincta nidorum & fovearum dominia, bella gerunt, prædam possident, se & sua defendunt, sibi invicem succurrunt. *Arist. de hist. anim. lib. 9. cap. 7. 8. 12.* 3. Si ita à simulachris quæ in natura sunt argumentari licet, statuendum erit etiam jus civile in brutis ac insectis, quia beluæ, bufones, serpentes & mures dicuntur suos habere reges: de apibus *Plin. lib. 11. cap. 5. Rempub. habent, consilia privatim, ac duces gregatim, politiam apum* describit Maro 4. *Georg. Aristot. de hist. anim. lib. 9. cap. 40.* Varro 3. *de re rust. cap. 16.* & Columella *lib. 9.* quibus, quo minus refutari possint, quotidiana experientia veritatis exhibet testimonium. Grues habent duces & vigiles *Plin. lib. 10. cap. 23. Cic. 2. de nat. deor. Arist. de hist. anim. lib. 9. cap. 10. Solin. in polyh. cap. 15.* quod item oculi auresq; nobis testantur. Præterea jus gentium & civile ex eadem ratione nascuntur ex qua naturale, ut ex superioribus liquet, quapropter tam facile mihi fuerit jus civile in brutis ostendere, quam alii in iis probaverint jus humanum naturale. 4. Si Ulpianus in §. *jus naturale.* de jure naturæ humanæ loquitur, cur in §. *seq.* ait jus gentium à jure naturali ita recedere ut id facile intelligi possit? quo-

quomodo recedit jus naturale à jure gentium, si jus gentium est ipsum jus naturale, prout ipse l. 6. D. eod. tit. pro uno eodemq; sumpsit? 5. Ecur statim de jure civili subicit, illud non in totum à jure naturali vel gentium recedere? an ergo major cognatio est juri civili cum jure naturali vel gentium, quam est inter jus naturale & gentium? id quidem nemo affirmaverit. 6. Nolim Ulpianum tantæ inconstantiae argui, quasi unico in contextu juris humani species fecerit modo duas, modo tres, cum ipse alibi & omnes alii Iureconsulti duas tantum primas species humani juris faciant, ut in principio hujus capituli ostendimus. 7. Quod quidam afferunt jus naturale brutis idè concedi posse quod sit rationis, reliqua jura non posse quia sint ratiocinationis, nihil ad rem facit: cum quia hoc quod illi præsupponunt est id ipsum quod probandum erat, nempe an jus aliquod rationis brutis competere possit: tunc quia ubi aliquid rationis, ibi etiam aliquid ratiocinationis est, ratio enim non est otiosa & nonquam ratiocinans. Si autem non dubitant brutis aliquid rationis & juris naturalis concedere propter quædam ejus vestigia, quomodo jura ratiocinationis iis denegabunt, cum æquè manifesta eorum semina in animalibus ostendi possint? 8. Cavendum ne tam facile brutis jus rationale concedamus, ne cogamur etiam aliqua hominum propria sunt iis largiri. Agimus enim hic de eo naturali jure quod ex ratione est.

est, non de jure naturali elementari: rationem autem brutis concedere, est ipsam hominis formam communicare. Quamvis elementaris natura, ut modo Aristoteles differebat, tam gradatim se eleuet, ut à minimo vermiculo usque ad hominem lateat ejus progressus, tot speciebus ita abstrusus, ut semper in superiori inferioris virtus sese modo paulo magis perfecisse & apertius exerere videatur, tamen natura communis eam perfectionem non attingit quæ rationis nomen mereatur, quia ratio non est perfectionis elementorum, sed illius spiritus quem Deus homini inspiravit. 9. Tandem monendi sumus, collationes hominum & brutorum ita instituendas non esse, ut beluam astutissimam cum ignavissimo & stupidissimo somniatore conferamus, & deinde inter omnes beluas & homines eandem proportionem esse concludamus, ut solent qui hoc laudare illud despiciere volunt, summa infimis, optima pessimis conferre. Injurium & iniquum est ex bruto monstro & pecude humano quod nec sensus excitat nec rationem omnes homines æstimare, vel beluis omnibus astutiam serpentum aut vulpecularum tribuere. Conferenda sunt summa summis, infima infimis, & videndum an quod summum est in brutis, possit assequi id quod ratio humana in prudenti & advigilanti viro potest comprehendere? Hæc & similia considerans, non potui in vulgatis interpretum solutionibus acquiescere: afferam itaque aliam de qua cruditi judicabunt. Le-



Legem jubentem fecimus quadruplicem lib. *Antorij*  
 1. & quadruplex jus esse ostendimus *hoc lib. 2. solutio.*  
 monuimus deinde, antiquos Iurisperitos  
 non consuevisse tam prærupte à lege & jure  
 hominis incipere, sed aliquid præfari solitos,  
 vel de jure divino. lib. 1. cap. 4. vel de jure natu-  
 ræ communis, lib. 1. cap. 6. Diximus etiam, o-  
 mnes illas quatuor juris species suo modo vo-  
 cari naturales. lib. 2. cap. 5. Ulpianus ergo,  
 quamvis de jure humano tantum agere & do-  
 cere velit, tamen non protinus sine ulla præfa-  
 tiuncula (quod inconueniens fuisset l. 1. De orig.  
 Jur.) ad jus humanum accedit, sed de jure na-  
 turæ communis paucula præmittit, §. jus naturale. 3.  
 & quia jus, quod homini cum brutis commune  
 est, appellaverat naturale, ne lectorem turbaret,  
 jus hominibus solis competens vocavit jus gen-  
 tium, §. jus gentium. 4. d. legis. 1. D. de Iust. & jure.  
 Jus gentium etiam naturale appellari posse  
 non negat l. 6. D. de Iust. & Iure, sed tamen ut  
 tum intelligatur aliud jus naturale, quam  
 quod in l. 1. §. jus naturale D. hoc tit. brutis com-  
 mune esse dixerat. Sed quia Ulpianus du-  
 plici acceptione juris naturalis & breuitate  
 quadam seipsum obscuravit, paulò diligentius  
 inspicienda sunt verba ejus ut rectè intelli-  
 gantur.

Cum auditoribus suis (ut intelligere licet,  
 rudioribus) institutiones juristradere veller, ut  
 solent artifices ipsam ad rem properare, ita Ul-  
 pianus quoq; magis de rebus quam de verbis  
 cogi-

cogitans, mirâ brevitate paucissimis verbis multa præfari voluit: nempe, cum juris appellatio sit varia, se de illo acturum quod justitiam respicit, & à fine justitiæ obtinendo jus appellatur, quo item constituatur ars boni & æqui. Hoc jus esse objectum studiosorum juris, & in eo fine assequendo occupatam esse totam Iurisprudentiam, huc præmiorum & poenarum distributiones & alia omnia respicere. Paucissimis verbis auditoribus suis studium juris commendare, attentionem excitare, officium & finem totius studii simul indicare voluit. De verbis in toto hoc exordio (ut jam de aliis ex eodem autore sumptis legibus non dicam) parum sollicitus fuit, quod multis indiciiis apparet. Hæc quasi transiliens, jus generalissima divisione suis tyronibus adumbrat, ubi iterum omnia non scrutatur accuratissime, quod ostenderemus si de arte juris vel de universali studii nostri divisione hic ageremus. Tum ad jus naturale properans, prius indicare vult esse in nobis naturalem quandam inclinationem & aptitudinem ad jus, beluis etiam communem. *Jus naturale*, inquit, *est quod natura omnia animalia docuit. Nam jus istud non humani generis proprium, sed omnium animalium, quæ in terra, quæ in mari nascuntur, avium quoque commune est. Hinc descendit maris atque semina conjunctio, quam nos matrimonium appellamus, hinc liberorum procreatio, hinc educatio: videmus enim cetera quoque animalia, feras etiam, istius juris perita censeari.* Quod hic de jure naturæ communis lo-

nis loquatur, probo primò, quia dicit hoc jus naturâ doceri, & quidem natura communi: de ratione & natura rationabili hic nihil innuit ut in §. *jus gentium*, cum de jure humano ageret, fecit. Secundò dicit illud commune esse cum omnibus terrestribus & aqualibus. Non loquitur de elephantis, leonibus, vulpeculis, gruibus, apibus &c. de quibus singularia quædam referuntur, sed de omnibus animalibus quæ in terra & mari nascuntur, ergo de lupis quoque, asinis, porcis, anseribus & ranis. Credibile verò non est Ulpianum, qui ipse universaliter de omnibus animalibus negat quod rationis sensum habeant. l. 1. §. 3. D. *si quadrupes*. & qui nec omnibus hominibus juris & injuriæ intellectum tribuit l. 2. §. 1. D. *de injur.* rationalis juris participationem omnibus animalium & piscium speciebus adjudicasse, cum ignorare non posset, multa in terra & mari nasci animalia, de quibus an rationem habeant ridiculum & turpe sit dubitare. Tertio non ait in animalibus juris naturalis vestigia à quibusdam observari, sed oculis *videri* quod animalia ejus sint *perita*. Et tandem effectus, quos juri naturali tribuit, ostendunt de ea natura hic agi, quæ operatur citra rationis concursum: loquitur enim de propagatione & conservatione specierum, quæ non est animæ rationalis propria, sed ad naturam pertinet communem. Vidit hoc & ipsa in translatione argutè interpretatus est Theophilus, ideò inquit agi hic de ea natura  
cujus

cujus vis non ad homines tantum coangustata sit, sed quæ etiam ea quæ in aëre sunt disponat, atq; iis quæ in terra vivunt formam det, quæq; cum videret omnia animalia morte consumi, per regenerationem singulorum sui immortalitatem operetur. Quis dubitat eum verba Ulpiani & Imperatoris de natura elementari accepisse, cum alia natura non sit quæ omnibus animalibus formam det eaq; propaget? De hac natura itaq; rectè affirmat Iureconsultus quod in omnibus animalibus conspiciatur, quodq; ea perita sint quomodo sese convenienti speciei & sexui sociare & propagare debeant. Confirmat sententiam meam quod Ulpianus, postquam de naturæ motu hæc præmississet, manifestè accedit ad aliud jus differens à priori, nempe ad jus humanum, quod in ratione præditis tantum conspicitur. *Ius gentium*, inquit, est quo gentes humana utuntur, quod à naturali recedere facile intelligere licet: quia illud omnibus animalibus, hoc solis hominibus inter se commune sit. Hic agere incipit de jure humano, quo humanæ gentes, id est omnes homines utuntur. Possè hoc jus etiam naturale vocari l. 6. D. eod. tit. faretur, sed ita ut tum naturam humanam intelligamus tantum: alias enim de eo jure, de quo antea fuerat locutus, id ait *recedere*. Recedendi verbo utuntur Iureconsulti, non cum exiguam aliquam differentiam, sed cum totalem mutationem vel secessionem indicare volunt, ut Ulpian. l. 2. D. de constit. princ. Pompon.

*l. si fundum. D. de condit. & dem. Cajus l. adeo. 7. §. aliud. D. de acq. rer. dom. eamq; significatio-*  
*nem hoc loco exigit, quod statim in l. 6. ait jus*  
*civile non in totum à naturali vel gentium ju-*  
*re recedere : ergo prius de totali recessione fu-*  
*erat locutus. Et quidem hanc recessione[m] di-*  
*cit tam manifestam esse, ut quivis eam facile*  
*possit intelligere : sed unde ? respondet Iure-*  
*consultus tanquam in re minimè obscura, quia*  
*illud omnibus animalibus hoc solis hominibus inter*  
*se commune est. Si in priori versiculo de jure na-*  
*turali rationis locutus fuisset, falso diceret jus*  
*gentium ab eo manifestè recedere, quia esset*  
*prioris pars & sequela : malè etiam jus genti-*  
*um hominibus tantum vindicasset, quia & il-*  
*lud brutis communicandum fuerat : & ineptè*  
*subjecisset jus civile non in totum à jure natu-*  
*rali vel gentium recedere, nam si jus gentium*  
*à jure hominibus naturali recedit, multo ma-*  
*gis civile. Dignum observatione est Theophi-*  
*li artificium, qui semper ipsa in translatione*  
*explicare & illustrare voluit. Is primo agit de*  
*jure naturali eo quo supra diximus modo : de-*  
*inde quasi aliam materiam prehenderet, jus*  
*humanum quo in rebus pub. utimur de novo*  
*in manus sumit, idq; duas vias habere ait, divi-*  
*ditq; in jus gentium & civile. Porro hoc jus*  
*gentium ait etiam naturale vocari, sed καλαχρη-*  
*σας. Ex unico hoc verbo colligi poterat, de*  
*qua natura antea esset locutus : nam si superi-*  
*us per jus naturale intellexerat jus aliquod hu-*  

P
manæ

manæ rationis, falsò subjecit jus gentium abut  
 sivè naturale appellari, sive jus gentium ident  
 cum naturali, sive ejus partem & partum facia  
 as. Tota ergò hæc disputatio inde nata est,  
 quod vulgò putarunt Ulpianum, in *sapius d. l. 11*  
*§. jus naturale. D. de just. & jure*, loqui de jure  
 rationali humano, cum ille de natura communi  
 incipiat & loquatur, jus verò homini natura  
 ne vocabuli *natura* ambigua repetitio lecto  
 rem deciperet, *jus gentium* appellavit. Perinde  
 autem est, utrum jus homini primò competens  
 naturale an gentium voces, modò constet, de  
 qua natura loquaris. Non diffitemur potuisse  
 Iureconsultum explicatiùs & copiosius ea de  
 re agere: sed artifices sapè putant se peritis  
 loqui, & decipiuntur quod in auditoribus hi  
 mium ingenii præsumunt, ideoque brevitati  
 dum student, obscuri fiunt. Animadverterunt  
 jam olim juris interpretum nonnulli, Ulpia  
 num per jus naturale & gentium, unum jus in  
 tellexisse, ideoq; dubitârunt an jus gentium, an  
 vero naturale rectiùs dividerent in primum &  
 secundum, an vero utrumq;? *vide Connan. 1.*  
*Comm. §. n. 3. Bologn. de leg. jure & æq. cap. 24.*  
*& 25.* Nempe suboluit illis, vocasse illum jus  
 gentium, quod alij appellant jus humanum na  
 turale. At si eo, quo dixi, modo verba juriscon  
 sulti interpretabimur, & ipse sibi ubiq; pulchrè  
 consentiet, & omniû communi sententiâ con  
 stabit, juris humani tantùm duas esse primas  
 species, nempe naturale, (quod Ulpianus jus  
 gen-

gentium vocavit) & civile. Videtur etiam explicatio nostra ad intellectum legis 2. 3. 4. & 5. *D. eod. tit. facere*, de quibus aliis interpretes ita ambigunt. ut quæ aliis ad jus naturale referenda contendit, alter ad jus gentium pertinere clamitet: quo ipso tacite arguunt, jus naturale & gentium aliquo modo unum esse; & si jus naturale humanum brutis communicetur, jus gentium iis denegari non posse. Sed hæc exempla infra, cum de speciebus juris humani explicatiùs agemus, ad suas species applicabimus. Occurreret autem hic aliquis & diceret Ulpianum in *d. l. i. agere de jure humano* tantum, non de jure naturæ communis, cum dicat privatum jus tripartitum esse, naturale, gentium, & civile: at privatum jus esse hominum tantum, constitui ergo ibi tres juris *humani* species; non duas. Cui respondeo, Ulpianum in §. 2. primò proponere, quæ in sequentibus dilucidius erat explicaturus: deinde non nego eum in tota hac lege confusiùs locutum esse, & quædam verba ambigüe posuisse; tantum hoc volo, eum nullam juris rationabilis partem in brutis posuisse, nec quicquam quod ratio operatur, irrationalibus commune fecisse. Docuimus enim supra omne jus humanum constare ratione, rationem autem esse de forma hominis & brutis non competere: jus humanum verò duas in primas species dividi, naturale & civile: & probavimus Ulpianum à reliquis Iureconsultis non dissentire. Unicus

hic locus Ulpiani in l. 1. & 6. D. de iust. & jure contradicere videbatur, cui commoda interpretatione subvenire debuimus. De jure humano tantum agere instituit, & tamen jus elementare obiter, seu distinctionis seu præfatiunculæ causa simul attigit. Nemini imponat quod jura quæ in §. *jus naturale* 3. brutis tribuntur etiam competunt homini: quia non competunt ut homini, verum ut animali. Omnia brutorum jura competunt homini, non contra. Hæc ad l. 1. & 6. D. de iust. & jure dicta sint. Quod autem in l. 1. §. *cum arietes*. D. si quadrup. inter bovem provocantem & provocatum distinguit, non innuit provocato injuriam factam esse quam jure ulcisci potuerit, sed quod provocatus non possit non se tueri & pauperiem facere, liquidem omnia animalia amore vitæ & dolore vulnerum ad sui tuitionem per sensus impelluntur, cum è contra nulla bos naturali instinctu ad alterius læsionem compellatur, atq; ideo quoties ad pugnam provocat contra naturales instinctus egisse, & provocatum per sensus læsionem metuentes ad tuitionem coegisse videatur. Etiam naturæ communis instinctus & animalia bruta appetunt bonum. v. sup. lib. 2. cap. 3. & 4. & quando animal secundum naturam egit, deliquisse non videtur, ut Ulp. d. l. 1. §. *Itaq;* D. si quadrup. ipse explicat. Quod vero contra naturales instinctus egit id dici potest aliquem pauperiorem fecisse, & talia facta in brutis etiam improbant

loca



loca S. scripturæ superius allegata. Sed de his  
fatis : res ita habet , ut jus humanum constet  
ratione , bruta vero rationem non habeant :  
quicquid tandem alii senserint aut scripserint,  
veritati nihil detrahit : errare , confusè & im-  
propriè loqui , est hominis : sed multò magis  
est hominis quæ commoda interpretatione ju-  
vari possunt, non calumniari. *Rebus intellectis, in-*  
*quit Cicero, in verbis faciles esse debemus, & Sene-*  
*ca epist. 82. quædam inutilia & inefficacia ipsa subti-*  
*litas reddit.*



*Jus homini naturale esse duplex,  
prius & posterius, seu naturale &  
gentium.*

## CAP. IX.

**I**us quod in homine tantum est, duas in spe-  
cies primas, in naturale videlicet & positi-  
vum seu civile, à Iureconsultis dividi satis de-  
monstratum sit : nunc quid naturale aut posi-  
tivum appelletur erit videndum. Et quia ge-  
neralia omnibus juris speciebus competentia  
absolvimus, tandem ad specialia erit descen-  
dendum. Priori autem loco tractanda sunt ju-  
ra naturalia, quia illa & naturâ priora sunt, *S.*  
*singulorum. Inst. de rer. divis. & civilia naturalibus*  
*famulantur. l. 6. D. de Inst. & jure.*

Naturale jus homini est quod ipsâ naturâ,  
beneficio rationis omnibus notum est, etiam

*Quod natu-*  
*rale jus hominis*  
*naturale sit.*

antequam publicâ autoritate fanciatur. Naturam cum dico, non intelligo naturam cum brutis communem, multo minus depravationem naturæ humanæ, sed rectam rationem hominibus omnibus & solis naturalem, ut ex superioribus satis liquet: ideo dico jus naturale homini *beneficio rationis* notum esse, aut si id non est, tamen notum esse posse ac debere. Essentiam juris naturalis non mutat, quod interdum civilibus legibus proponitur: naturalia nō sunt positiva, etsi publicis legibus inferantur, quia tum non constituuntur, sed ipsâ naturâ jam constituta hominibus tantum in memoriam revocantur & inculcantur. Verbi gratia: *Non occides*, est præceptum naturale cum homine natum, & per rationem prius notum, quàm Mosis tabulæ vel lex Cornelia de Sicariis promulgarentur: ac licet tabulæ Mosaicæ & lex Cornelia idem præcipiant, tamen illud præceptum non fit positivum juris, sed est & manet naturale. Cic. *pro Milone*. *Est enim hæc, judices, non scripta sed nata lex, quam non didicimus, accepimus, legimus, verum ex natura arripuimus, hausimus, expressimus: ad quam non docti sed facti, non instituti sed imbuti sumus: ut si vita nostra in aliquas insidias, si in vim, si in tela aut latronum aut inimicorum incidisset, omnis honesta ratio esset expediendæ salutis.* Non ignorabat Cicero civilibus Rom. legibus prohibita esse latrocinia, & tamen inquit non esse scriptam legem, ut liceat vim vi repellere, sed naturam.

Ius humanum naturale duplex esse, diversi probant effectus, qui omnibus in hominibus extra & intra civilem societatem constitutis naturaliter deprehenduntur. Est enim natura in nobis jus aliquod, quod nos omnes appellat *homines & liberos*, quod servitutem & manumissionem ignorat l. 4. *D. de Iust. & Iure*, obligationem naturali veritatis amore & pudore inendacii, ex promissione cujusq; hominis cujusq; status aut conditionis ille sit, æstimat, l. si quod dominus. 64. l. frater à fratre. *D. de cond. indeb.* spectat rationem sanguinis in omnibus, §. illud certum, 10. *Inst. de rupt. l. jura sanguinis. D. de reg. jur. & omnia habet communia l. ex hoc jure. 5. D. de just. & jure.* Vocatur *naturale* κατ' ἐξῆς, quia naturā primò in nobis est, & inter omnia jura principatum obtinet, unde etiam *jus naturale* prius appellari solet. Eleganter nonnulli dixerunt, jura naturalia esse notiones primas & notitias nobiscum natas, seu præsumptiones, prolepses & prænotiones naturales ipsâ vi rationis impressas v. Buda. ad l. 1. vers. Videmus enim cetera. *D. de Iust. & jure.*

*Ius naturale duplex.*

*Prius, seu naturale.*

*Consistit in notionibus primis.*

Est item citra civilem ordinem & legislatoris operam naturā aliud jus in nobis, quod jubet rerum dominia distinguere atq; ea certis tantum modis transferre: introduxit status inæqualitatem, defensiones, bella, servitutes, manumissiones & similia l. 4. & 5. *D. de Iust. & jure.* Vocatur id *jus naturale posterius*, seu *jus gentium*. Utrumq; jus naturale esse, non po-

*Posterius, seu jus gentium.*


fitivum, inde evincitur quod apud omnes gentes illa præcepta animadvertuntur, observantur, & servata fuerunt antequam leges civiles ferrentur. Quis autem potuisset existere legislator, qui omnibus hominibus moribus ac linguis differentibus locisq; diversis habitantibus ad comitia convocatis eas leges ferre & in posteris conservare potuisset, nisi natura?

*Species iuris  
naturalis sa-  
pe confundi.*

Confunduntur hæ species juris naturalis sæpè inter se, ut §. *sed naturalis* 11. *Instit. de jure nat.* §. & *quidem* §. *singulorum*. §. *venditæ*. *Instit. de rer. divis.* §. 1. *Instit. de obligat. quæ ex delict.* l. 9. & 11. *D. de iust. & jure*. quo pertinet etiam quod è contractibus, qui juris gentium sunt, naturalis obligatio nasci dicitur. l. *stichum*. §. *naturalis*. *D. de solut.* l. *cum amplius*. §. *is natura*. *D. de reg. jur.* l. *si quod dominus*. 64. *D. de condict. indeb.* cum tamen jure naturali omnia sint communia & contractus ignorentur. l. 5. *D. de iust. & jure*. idq; inde evenit, quod magna inter has species est affinitas, quia uno in genere & principio conveniunt, & utrumq; est jus humanum naturale. Differre tamen dictas species ex fructibus diversis cuivis facile est judicare, & apparebit manifestissimè, cum inferius quæ præcepta juris naturalis vel gentium sint explicatius trademus. Hæc in genere de legibus & juribus humanis dicta sufficiant, nunc ad singulas species enucleandas accedemus.

\*

PRIN-



# PRINCIPIORUM IURIS

LIBER TERTIUS.

In quo agitur de jure naturali.

*Jus naturale prius summatim & generaliter depingitur.*

CAP. I.



E optimo & simplicissimo jure hominis, quod *jus naturale prius* vocatur, hoc libello tractaturi, primò describimus illud quod sit *præceptum Dei & rectæ rationis*, sub *pæna privationis bonorum suorum & inflictionis malorum contrariorum exigens perfectum erga Deum & homines amorem, conformatum ad legem divinam seu voluntatem Dei*. Naturale dicitur, quia naturaliter per rationem sine ullo hominis adjumento cordibus nostris inscriptum est, ita ut ne peccatum quidem huic juri causam aliquā dederit. Est ergo propriæ & incorruptæ humanæ naturæ, atq; ob illam excellentiam me-

P 5

rito

ritò jus naturale vocatur. Theologi *moralē* vocant, quia ad mores hominum formandos spectat, non ad ritus sacrorum ut ceremoniale, nec ad politiam ordinandam ut politicum. Ejus definitionem illustrem dedit Phil. Mel. in *exam. ordin.* *Lex moralis est aeterna & immota sapientia & regula justitia in Deo, discernens recta & non recta, & horribiliter irascens contumacibus, seu denunciāns horrendam iram adversus contumaciam repugnantem huic ordini in Deo: & patefacta est hominibus in creatione, & postea saepe repetita & declarata est voce divina, ut sciamus quid sit Deus & qualis sit, obligans omnes creaturas racionales, & postulans ut omnes sint conformes Deo, & damnans ac destruens omnes non conformes Deo, nisi fiat remissio & reconciliatio propter mediatorem.* Summa legis hujus comprehensa est in Decalogo. Hanc legis moralis descriptionem ab omnibus nostri seculi Theologis probari video, cum qua consentit descriptio Calvinī lib. 4. *instit. cap. 20. sect. 15.*

*Fius præcepta.*

*Et finis.*

*Fius præstat.*

Præcepta juris naturalis sunt, quæ etiam citra lapsum in homine fuissent, & quæ non tam ad mali prohibitionem, quam ad naturalis boni à Deo insiti fruitionem spectant, ut paulò post copiosius explicabimus. Finis ejus est, ut sua in perfectione sit imago Dei, per constantem & perpetuam inquisitionem, operationem & fruitionem boni, ad Dei gloriam & hominum salutem. Cumq; inter omnia humana jura naturale ad Deum & naturam hominis proximè accedat, & totam perfectionem naturæ

turæ omnesq; vires ejus in se contineat, adeo etiam excellit præ reliquis, ut jura gentium & civilia illi famulentur, & impletione juris naturalis omnia jura sint exhausta. Impletur <sup>impletur amor.</sup> autem pio amore, nam amor omnes humanæ observantiæ & beneficentiæ vires exhaurit & omnes leges superat, quod & Poëtæ, licet non semper de pio & casto amore loquantur, testatum faciunt, ut Boët. *de consol. phil. lib. 3. met. 12. Quæ legem dat amantibus? Major lex amor est sibi.* Virg. *Omnia vincit amor.* Propert. *Verus amor nullum novit habere modum.* Ovid. *epist. 3. Heroid. Quicquid amor jussit non est contemnere tutum, Regnat & in superos jus habet ille Deos.* vide Virg. *4. Æneid. Lucret. lib. 4.* Non tamen hæc ita accipiendæ sunt quasi justitia & aliæ virtutes ad decalogum & jus naturale non pertineant: perinde enim est quâ virtute decalogum impleri dicās, pietate, sanctitate, justitia, veritate, integritate, innocentia &c. quia omnes virtutes in Deo & decalogo seu in lege divina & humana unum sunt & se mutuò ponunt, ut infra docebitur. Sed Deus nescio quomodo semper amorem suum prædicat, & quod omnibus numeris absolutum magni fieri vult, sui dicit esse amoris. Quam phrasin & nos amplexi, dicimus pium & perfectum amorem esse finem juris naturalis, & si re ipsâ constanter exhibeatur, imaginem Dei. Amor est mensura juris, & justitiæ spiritus, sine quo iniquum est quicquid justitiæ nomen inquit. Christus *Mat. 22.*

v. 37. summam juris naturalis breviter proponitur, inquit: *Diliges dominum Deum tuum ex toto corde tuo, & in tota anima tua, & in tota mente tua: hoc est maximum & primum mandatum. Secundum autem simile est huic: diliges proximum tuum sicut teipsum. In his duobus mandatis universa lex pendet & propheta.* Et Apostolus Rom. 13. v. 11. *dilectio est impletio legis.* 1. Tim. 1. v. 5. *finis precepti est charitas de corde puro, & conscientia bona, & fide non ficta.* Galat. 5. v. 14. *Omnis lex in uno sermone impletur: diliges proximum tuum sicut teipsum.* Amor est tessera filiorum Dei. Iob. 13. v. 35. & quoties ad amorem mutuum inflam-  
 matur, ut d. cap. 13. & aliq. seq. item Rom. 12. 1. Iob. 4. & 5. 1. Corinth. 12. & 13. toties ad hujus juris observationem excitamur. Tota con-  
 ditio Christi Mat. 5. 6. & 7. huc spectat, ut nobis hanc summam amoris regulam inculcet, ubi  
*quod non vis fieri, alteri ne facito.*

*Amor est  
 forma & fi-  
 nis iuris.*

*Ad vidisse eti-  
 am ethnicos.*

Viderunt ethnici hanc esse intimam vim & mentem omnis legis, juris, naturæ ac ratio-  
 nis, ut amice & humaniter vivamus, Deo & ho-  
 mini omnia quæ à nobis proficisci possunt cha-  
 ritaris officia exhibeamus. Et quia ostendere  
 volumus, decalogum seu jus morale esse idi-  
 ipsum quod nos naturale vocamus, homini per  
 rationem notum, operæ precium erit audire  
 quousq; gentes in agnitione decalogi, naturali  
 rationis luce adscenderint. Locus est notabi-  
 lis apud Senecam. ep. 95. ubi summam totius  
 juris naturalis his verbis proponit: *Quomodo*

*Seneca nota-  
 bilis verba  
 de cultu Dei.*

*dij*



dij sint colendi, solet præcipi. Accendere aliquem tu-  
 cernam sabbathis prohibeamus: quoniam nec lum-  
 ne dij egent, & ne homines quidem delectantur fuligi-  
 ne. Vetemus salutationibus matutinis fungi, & sori-  
 bus asidere templorum: humana ambitio istius officii-  
 is capitur. Deum colit qui novit. Vetemus lutea &  
 strigiles Iovi ferre, & speculum tenere lunoni: non  
 quarit ministros Deus: quid ni? ipse humano gene-  
 ri ministrat. Ubique & omnibus præsto est. Audiat  
 licet, quemadmodum in sacrificiis se gerere debeat,  
 quam procul resilire à molestis superstitionibus. Nun-  
 quam satis profectum erit nisi Deum, qualem debet,  
 mente conceperis: omnia habentem, omnia tribuen-  
 tem, beneficia grãtu dantem. Quæ causa est diu be-  
 nefaciendi? natura. Errat si quis putat illos nocere  
 velle: non possunt. Nec accipere injuriam queant,  
 nec facere. Ladere enim ladiq, conjunctim est. Sum-  
 ma illa ac pulcherrima omnium natura, quos pericu-  
 lo exemit, ne periculosos quidem fecit. Primus est  
 Deorum cultus, deos credere. Deinde, reddere illis  
 majestatem suam, reddere bonitatem, sine qua nulla  
 majestas est: Scire, illos esse qui præsidet mundo,  
 qui universa ut sua temperant, qui humani generis  
 tutelam gerunt, interdum curiosi singulorum. Hi nec  
 dant malum nec habent. Ceterum castigant quosdam,  
 & coercent, & irrogant pœnas, & aliquando specie  
 mali puniunt. Vis Deos propitiare? bonus esto. Satis  
 illos coluit quisquis imitatus est. Ecce altera qua-  
 stio, quomodo hominibus sit utendum? quid agimus?  
 quæ damus præcepta? Ut parcatur sanguini huma-  
 no: quantum est ei non nocere cui debeas prodesse?  
 Magna

Ew indici-  
 um erroris se-  
 cundam sa-  
 bulam.

Magna scilicet laus est, si homo mansuetus homini est. Præcipiemus ut naufrago manum porrigat, erranti ut viam monstrat, cum esuriente panem suum dividat. Quando omnia quæ præstanda sunt ac vitanda dicam? cum possum breviter hanc formulam humani officii tradere: Omne hoc quod vides, quod divina atque humana conclusa sunt, unum est: membra sumus corporis magni. Natura nos cognatos edidit, cum ex iisdem & in eadem gigneret. Hæc nobis amorem indidit mutuum & sociabiles fecit: illa æquum justumque composuit: ex illius constitutione miserius est nocere quàm lædi: ex illius imperio paratæ sunt iuvantis manus. Iste versus in pectore & in ore sit:

Homo sum, humani nihil à me alienum puto.

Habeamus in commune quod nati sumus. Societas nostra lapidum fornicationi simillima est, quæ casura nisi invicem obstarent, hoc ipso sustinetur. &c. Sic & Cicero lib. i. de legib. docet naturam nos cognatos & ad justiciam factos esse: & hunc esse finem naturæ, ut nos mutuò diligamus. Recte, inquit, Socrates execrari eum solebat, qui primus utilitatem à natura se junxisset, id enim querebatur caput esse exitiorum omnium. Unde etiam illa Pythagoræ vox, τὰ τῶν φίλων καὶ τὰ τῶν ἐχθρῶν ἰσότης. Ex quo perspicitur, cum hanc benevolentiam, tam late longèq; diffusam vir sapiens in aliquem pari virtute præditum contulerit, tum illud effici quod quibusdam incredibile videatur, sit autem necessarium, ut nihilo sese plus quàm alterum diligat. Quid enim est quod differat, cum sint cuncta paria? Quod si interesse quippiam tantulum modò potuerit, jam amicitia

*vitæ nomen occiderit, cui ea est vis, ut simul atq; sibi aliquid, quam alteris maluerit, nulla sit.* Putabat Socrates, nihil utile habendum, nisi quod naturalis amor & benevolentia omnibus hominibus debita suadet, idq; viros prudentes facere, & eo ipso cum optimis suavissimâ vitâ frui.

Ius naturale est amor ipse, qui omnia ius natura est vera vita & suavis. edidit, ornat & commendat. Ad hoc confugimus cum suaviter vivere volumus; hoc charissimis amicis promittimus; hoc unicum ab iis vicissim petimus; ut apud Comicum juvenis amicę suæ hanc summam vitæ legem prescribit, *meus fac sis amicus, quando ego sum tuus.* Tanta enim est integritas juris naturalis, tam simplex candor, tam pura benevolentia, ut nullam inter homines faciat status differentiam, ex amoris liberalitate omnia communia habeat. l. 4. & 5. *De iust. & jure.* & solum id dulce probumq; ducat, quod ebullit ex amore.

Hoc igitur jure boni & sapientes libentissimè utuntur, & videtur tantum bonorum proprium esse, cum pietas, ingenuitas, humanitas & beneficentia non nisi in bonis esse possint. Non potest id apertius ostendi quam in Christo, qui cum esset amor & delicia Dei generisq; humani, omnia quæ amoris erant implevit. Si purè humana mavis exempla, considerandus est homo ante lapsum: tum enim Deum toto pectore ardebat, & conjugem flagrantissimo complectebatur amore, nulla ibi inhonesta cupiditas, nulla ambitio, nulla avaritia aut injuria.

Jure naturali  
delectantur  
boni.

ria. In pio castoq; amore & ingenua innocentia vivebant, soloq; naturali jure suaviter perfruebantur. Non opus erat defensionibus, quia non erat offendens; non opus erat contractibus, civilibus legibus, & pratoriiis remediis, quia non erat qui injuriam facere vellet: amor hæc prohibebat & præstabat omnia. Post lapsum illa perfectio juris naturalis in nobis non est, apparet tamen ejus dulcedo in favillis rationis tam amabilis, ut omnem mentem suonectare inebriet, suiq; desiderio inflammet. *Rom. 8. v. 18. & sequentib.* In filiis Dei, quia Deo similes esse exoptant, id aliquo modo apparet. Sancti Patriarchæ, Prophetæ & Apostoli hoc jure maxime delectabantur, non quod civilia jura spernerent, sed quod scirent naturale jus civili esse perfectius, & quod eo observato civilibus non indigerent. In primitiva ecclesia magis viguit & enituit jus naturale quam nostris temporibus, quia tum nondum ita refrigerat charitas, & pii una quasi in familia cohabitantes, seniorum autoritate & mutuâ benevolentiam regebantur. Nos quoq; vitam ita instituire oportet, ut juris gentium & civilis imperio non sit opus: vivendum pacificè, ne opus sit bello: suum cuique ultrò tribuendum, ne pratoriiis coactionum remediis indigeamus: fateamur veritatem, honestè & amicè conversemur, & nullis opus erit litibus. Qui ita vivunt Deo maximè placent, & *Mat. 5. ac 6. v.* vocantur *sal terra, lumina mundi, felices, perfecti, beati,*

*In iuramentis  
civilibus omnia iura*

& filij Dei, faciunt enim voluntatem Dei, quæ est lex moralis. Sancti angeli illam legem observant, & nos optare serioq; precari debemus ut à nobis idem fiat, & ut voluntas Dei fiat in terris sicut in cælo Mat. 6. v. 10. In altera vita, cum nobis imago Dei restitueretur, & Deus omnia in omnibus erit, voluntatem Dei faciemus, & legem ejus observabimus. Calvin. *Instit. lib. 2. cap. 7. n. 5.* dicit legis Dei observationem esse impossibilem, & definit impossibile, quod nec fuit unquam, & ne in posterum sit Dei ordinatione ac decreto impeditur. Nimis promptus ille est in accusando Dei decreto, & multa latent absurda in hac descriptione, quia legis impletio in statu integritatis erat possibilis; possibilis fuit in Christo qui etiam verus homo fuit; possibilis est angelis & beatis hominibus; nec Dei decretum eam nobis fecit impossibilem, sed spontaneum peccatum & lex carnis Rom. 8. v. 3. Quapropter verba Calvini ita accipienda, quod peccatori impossibilis sit legis impletio ex lege carnis, alioquin falsa erit, & ipse sibi contradicet d. n. 5. & 7. cum seqq. & lib. 4. cap. 20. n. 15. At quo quis longius à jure naturali recedit, eo est nequior, ut sunt vitiligatorum isti, qui sæpe ex levicula dissensione, quam amicè componere potuissent, lites immortales, capitalia odia, nonnunquam etiam cruenta bella excitant: qui omnia injuriis exasperant, putant jus esse artem altercandi, criminandi licentiam, emungendæ pecuniæ commentum. Tales etiam

Q

sunt

Quod contra jus naturæ est juris non est.

sunt qui humana juris peritorum consilia audire nolunt, item qui nulla commiseratione tanguntur, qui misericordiæ & salutis diram invidiam audent appellare justitiam, nec non quia aliis dona Dei invident & victum eripiunt, ut fœnatores improbi, rigidi exactores, & omnes actores, rei, ac judices, qui summum jus humanitati & æquitati præferunt. Hostes illi & calumniatores juris sunt, & digni fuerant suo judicio qui suis artibus primi perirent, quodque aliis faciunt primi pati cogerentur.

*Quicquid inhumanum est, contra jus humanum est.*

Quicquid inhumanum, crudele, contra amorem, pietatem, rationem, modestiam, & contra bonos mores est, juris esse nequit: est enim contra jus HUMANUM naturale. At jura gentium & civilia eo fine adinventata non sunt, ut iis calumniosè in fraudem juris naturalis & ad oppugnationem æquitatis abutamur, sed ut sint extrema & simul humanissima & æquissima bonorum subsidia, quibus æquum, bonum, ac humanum jus nostrum postulatione modestâ & placidâ ab iniquis obtineamus.

*Jus inhumanum est injuria.*

Nihil est quod ἀνελευθέρως ingeminent, *meum jus postulo; suo jure qui utitur nemini facit injuriam*: nam qui inhumanum quid postulant, non jus sed injuriam postulant, nec jure utuntur sed jus improbè calumniantur. Nequaquam enim sufficit, ex edicto Prætoris tria aut quatuor verba quibus alium jugules arripuisse, quia nulla lex lata est pro iniquis, omnes contra iniquos. l. benigni. l. nulla. D. de legib. l. in omnibus. 90. D. de reg. jur.

*jur.* qui verò civilibus legibus inhumanius ab-  
utuntur, juri fraudem facere dicuntur, *l. contra.*

*l. fraus. D. de legib.* Ergo in hoc consistit tota & *Ius natura-*  
vera Iurisprudencia, ut jus naturale humanum *le probé co-*  
rectè intelligamus, & civilibus jurisq; gentium *noscendum.*

præceptis *humaniter* pro conservatione juris na-  
turae, non in fraudem & eversionem ejus uta-  
mur.

Quia verò multis litigantibus & judi-  
cantibus hodiè evenit quod olim Phariseis,

*Mat. 5. 6. & 15.* ut putent se jure probè usos, et si  
abusu juris gentium vel civilis inhumano natu-  
rale jus suffocârint; & tamen jurisprudentia

nostra in intellectu & observatione hujus juris  
consistit, ad eò ut ea sine pietate & humanitate

mera malitia & periculosa calliditas sit; ut  
officium & finem studii juris rectè ob oculos

ponamus, necessum fuerit jus naturale paulò  
diligentius explicare.

Nam jus naturale est  
generalis efficiens, forma, & finis totius Iuris-  
prudenciae, ad quod omnia reliqua jura diri-  
guntur.

Qui jus naturale non habet, intelligit,  
observat; nullum jus habet, intelligit, obser-  
vat, nec scit quid discat, aut quo fine.

Nos itaq; juris naturalis explicationi præter com-  
munem consuetudinem paulò immorabimur,

ut eo majorem ejus venerationem & amorem  
excitemus: idq; argumentum susceptæ mate-  
riae ita exposcit, & forte à plurimis fa-

ctum esset, si illis principia ju-  
ris tradere animus

fuisse.

Q 2

Quenam

Quenam

Quenam



*Quenam sint praecepta juris  
naturalis prioris.*

CAP. II.

*De prae-  
ceptis juris  
naturalis  
non con-  
venit.*

**Q** Vanquam ex superioribus intelligi poterat, quæ naturalis juris praecepta sint, nempe ea quæ lex moralis à Deo cordibus nostris una cum vita infusa tradit, quæq; sincero & pio ex amore proficisci possunt: erit tamen operæ precium ut quædam singillatim expendamus, & monstremus quid naturæ sit, quid ab hominibus adinventum. Non convenit ea de re inter juris interpretes, propter commixtionem dissimilium appellationum & exemplorum juris, quæ est in aliquot legibus *D. de just. & jure*, de qua tamen nos certos esse oportet, ne cum positiva mutabilia esse dicemus, aliquid juris divini illis imprudenter immixtum violemus, aut humana quædam divinis interjecta nimium extollamus. Poterit autem benevolus lector simul obiter observare, quatenus Deus naturaliter ab omnibus hominibus beneficio rationis cognosci possit, quod profuerit nobis ad intellectum ejus quod Paulus *Rom. 1.* ait, gentes naturaliter Deum & legem cognovisse, & tamen non coluisse ut oportuerat: & ut cogitemus etiam gentilium scita posse bona esse, nec omnia eorum decreta ex lege



## LIBRI III. CAPUT II. 245

lege carnis proficisci. Poëtæ jus naturæ in aurei seculi civibus depingere solent, quasi homines illo tempore maximè secundum naturam vixerint, illorum sententias interdum adjiciemus.

Constituere nonnulli generalem notam juris naturalis, ut priori capite Senecam generaliter de toto jure naturali differentem audivimus. Aristot. 5. eth. 7. ait ea ad jus naturale pertinere, quæ natura ipsa docet an turpia vel honesta sint. Cic. 2. ad Heren. ait: *Natura jus est quod cognitionis aut pietatis causa observatur, quo jure parentes à liberis & à parentibus liberi coluntur.* Socrates ap. Xenophont. lib. 4. memorab. putat hæc esse præcepta illius quod Dii sanxerint juris: *Deos esse colendos, parentes honorandos, incestos concubitus vitandos, de bene facientibus vicissim bene merendum esse.* Hæc præcepta si quis violaret, putabat in ipsa transgressione inesse pœnam & vindictam divinam, eo ipso quod homines privarentur utilitate justitiæ: quasi diceret juris naturalis esse, quæ in se habent vindictam divinam & humanam, si negligantur. Et Cicero iterum 2. de invent. *Natura jus est quod nobis non opinio sed quadam innata vis affert, ut religionem, pietatem, gratiam, vindicationem, observationem, veritatem.* Rectè quidem omnia, præterquam quod Cicero hoc ultimo loco vindicationem ad jus naturale prius refert, quæ ad jus gentium pertinet, ut infra videbimus. Nos superius docuimus, juris naturalis præcepta esse quæ maximè, primò, sim-

*Generale nota juris naturalis.*

## 246 DE PRINCIPIIS JURIS

pliciter, & per se secundum naturam sunt; quæq; etiam in statu integritatis in homine fuissent, seu quod pius & sincerus amor erga Deum & homines præcipit observandum: quibus verbis idem dicimus quod modo Aristot. Cicero, & Xenophon.

*Quo ordine  
de speciebus  
agendum.*

Hac igitur generali nota constituta, nunc ipsas ad species accedemus, & simul ad confirmationem præcedentium, nullam humani juris speciem in brutis dari ostendemus. Tractabimus autem primò de iis quæ Deum respiciunt, ita ut etiam in solitaria vita præstanda sint: deinde ea quæ naturaliter exhibenda sunt in societate humana: & tandem quæ ad bona pertinent quibus in hac vita utimur. Quamvis enim præcepta juris naturæ ita sint unita & copulata inter se, ut quæ Deo debentur aliquo modo etiam ad vitam humanæ societatis pertineant, & è contra, tamen & distinctionem tabularum Mosaicarum imitabimur, & simul quomodo omne jus civile (tam divinum, quod religionem & sacra, quam humanum, quod personas publicas & privatas, res & actiones respicit) ad decalogum referatur, adumbrabimus, quod ad multa proficuum fore speramus.



*Præcepta*

*Præcepta juris naturalis primam  
decalogi tabulam & hominis animum  
potissimum attingentia.*

## CAP. III.

**C**Um itaq; jus naturale consistat in amore 1. Religio  
Dei ac hominis, primus amor debetur est iura na-  
Deo, à quo creati & vita donati sumus. Sic ad tura.  
jus naturæ primò pertinet RELIGIO seu amor  
Dei. Exod. 20. v. 2. 3. 4. l. veluti. 2. D. de just. &  
jure. Synops. basil. de legib. cap. 14. Esse Deum ali-  
quem, qui ab omnibus suspiciendus, adorandus,  
& grato animo colendus sit, ab omnibus  
gentibus naturaliter præsumi ac credi docet  
Paulus, Rom. 1. & 2. quod & Christus Mat. 5. 6.  
& 7. in explicatione legis moralis præsupponit.  
Lactant. lib. 6. instit. cap. 9. dicit veram Dei agni-  
tionem esse primam & principem legis divinæ  
partem, sine qua tota lex, tanquam truncus  
abscisso capite, cæcus, surdus, & elingvis ja-  
ceat: verba ejus elegantissima lector inde pe-  
ret. Xenoph. de diët. & fact. fociat. ἀχάφης δὲ τινὰς  
οἶδα, ὃ Ἰαπρία, νόμους; τίς γ' ἐστὶ πάση, ἔφη, χώρα κατὰ  
ταῦτα νομιζομένης. ἔχουσιν αὖ ἐν εἰπῶν, ἔφη, ὅτι οἱ ἀνθρώποι  
αὐτὲς ἔσαντο; καὶ πῶς αὖ; ἔφη, οἷον ἕτε σκελετοὶ ἀπάν-  
τες αὖ δυνήθειν, ἕτε ὁμόφωνοὶ εἰσι τινὰς ἐν, ἔφη, νομίζε-  
ται κείναι τὸς νόμους τέτους; ἐγὼ μὲν, ἔφη, δεῖς ὄμαι τὸς  
νόμους τέτους τοῖς ἀνθρώποις δέιναι. καὶ γὰρ παρὰ πάσῃ  
ἀνθρώτῳ

ἀνθρώποις ἀπὸ τοῦ νομίζεσθαι διὰς σέβειν ἐκείνους καὶ γὰρ τὰς  
 τιμὰς, πάντα γὰρ νομίζονται; καὶ τὸτο, ἴφην ἐκείνους καὶ μὴ το  
 γὰρ τὰς παλαιὰς μὴ γὰρ τὰς, μὴ τὰ παλαιὰς γὰρ τὰς; Nosti eti-  
 am o Hippias leges esse quasdam non scriptas? nempe eas  
 dicis, inquit, quae apud gentes omnes peraeque observantur.  
 potesne igitur, inquit, dicere illas ab hominibus latas esse?  
 quonam modo? inquit, qui neque, unum in locum omnes  
 convenire, neque, sermone uno uti possunt. A quibus ergo,  
 ait, leges istas latas arbitraris? Equidem à diis arbitror  
 eas datas fuisse hominibus. Etenim apud omnes gentes  
 prima illa lex posita est, ut Deos veneremur. Anne etiam  
 ubique, lex est ut honorem parentibus deferamus? etiam  
 hoc, ait. nonne & illud quod neque, parentes cum liberis,  
 neque liberi cum parentibus consuescere debeant? &c.  
 Cicero in 1. Tusco. At porro firmissimum hoc afferri vide-  
 tur, cur deos esse credamus, quod nulla gens tam fera, ne-  
 mo omnium tam sit immanis, cujus mentem non imbuerit  
 deorum opinio. multi de diis prava sentiunt, id enim vi-  
 tioso more effici solet, omnes tamen esse vim & naturam  
 divinam arbitrantur. Nec verò id collocutio hominum  
 aut consensus efficit, non institutis opinio est confirmata,  
 non legibus. Omni autem in re consensus omnium gen-  
 tium, lex natura putanda est. Idem, lib. 2. de legib. in  
 explicatione XII. tabularum religionem primo  
 loco posuit. & 3. de finib. Cato inquit sunt vetera  
 praecepta sapientium, qui jubent tempori parere, & sequi  
 Deum, & se noscere, & nihil nimis. & paulo post:  
 nec verò pietas adversus deos, nec quanta his gratia debeat-  
 ur, sine explicatione naturae intelligi potest. Plut. de  
 Iside & Osiride. putat nihil naturae & appetitui  
 hominis convenientius esse, quam ut experat  
 cogni-

cognitionem Dei, quod & Seneca vult *ep. 92.*

Putarunt nonnulli religionem ad jus gentium pertinere, decepti eo quod id quoque naturale vocatur, & quod in prioribus legibus *D. de iust. & jure dictæ* jurium naturalium confusioni exempla ita admixta sunt, ut non possis non dubitare quonam sint referenda. Et ut obtinerent religionem non esse juris naturæ prioris, probarunt eam non esse in brutis.

Alii contra, religionem ad jus naturale prius retulere: & cum opinarentur non licere illi juri aliquid adscribere, nisi quod cum beluis esset commune, etiam in brutis religionem quandam ostendere conati sunt, *ex Gen. 3. v. 14.*

*& 9. v. 5. Levit. 20. v. 15. Num. 22. v. 23. Ps. 104. v. 27. & 144. v. 15. & 146. v. 9. Mat. 6. v. 26. Rom. 8. v. 9. item ex aliis locis supra lib. 2. cap. 4. & 8. indicatis.*

Sed quomodo hæc juris simulacra in brutis & natura communi sint, dictis capitibus docuimus, & ostendimus de jure *rationali* hic agi, cujus nulla pars in brutis irrationalibus esse possit.

Natura quidem ubique ita operatur ut omnes plantulæ, aves & beluæ creatoris sui bonitatem & providentiam testentur, *Mat. 6.* attramen talis agnitio & veneratio Dei, quæ religionis nomen mereatur, in natura irrationali non est.

Religio enim in eo consistit ut intelligamus & fateamur esse Deum aliquem, unum, verum & veracem, justum, bonum, omnipotentem, omnia creantem & conservantem, à quo nos quoque creati sumus, & qui à nobis toto pectore

Q 5

diligi,

*Religio  
nulla in  
brutis.*

diligi, coli & adorari velit, Talis autem intellectus in brutis esse nequit, ergo nec dici potest quod religio sit in illis. Rectè Cicero 1. de legib. Ex tot generibus nullum est animal præter hominem quod habeat notitiam aliquam Dei: deq; ipsis hominibus nulla gens est tam immanis, neq; tam fera, qua non, etiamsi ignoret qualem habere deum deceat, tamen habendum sciat. Ex quo efficitur illud ut is agnoscat Deum, qui unde ortus sit quasi recordetur ac noscat. Et paulo post: natura cum ceteras animantes abjecisset ad passum, solum hominem erexit, ad ceteriq; quasi cognitionis domiciliiq; pristini conspectum excitavit. vide huc Laëtant. lib. 3. instit. cap. 10. Quid religionem vocent eruditi vide Non. Marcell. lib. 4. n. 387. & lib. 5. n. 36. ubi superstitionem à religione distinguit. Laëtant. lib. 4. div. instit. cap. 28. Gell. lib. 4. cap. 9. Cic. 2. de invent.

*Religio  
non est ius  
gen-  
tium.*

Quod autem religio sit juris naturæ simplicissimi & primi, inde probatur, quod per se bona & naturæ conveniens est, & quod antelapsum, cum jus gentium & civile adhuc ignorarentur, in homine fuit. Quæ juris gentium vel civilis sunt, non per se & propter se extiterunt, sed propter jus naturale conservandum: at religio (hoc est, ut homo intelligat se non esse ex sese, sed à Deo aliquo omnipotente, sapientissimo & optimo artificiosissimè compositum, qui propterea grato animo colendus & venerandus sit) per se bona & in ratione hominis est. Errant itaq; qui religionem ad jus gentium referre volunt. Multo longius à veritate ablu-

*Nec ius  
civile.*

abludunt, qui eam ad jura majestatis politica rejiciunt, & principibus potestatem quandam in religionem concedunt. Religio est de jurebus majestatis, sed divinæ, non humanæ. Omnia humana majestatis jura sunt politica, post constitutas respublicas & civitates vel simul cum ipsis nata. Antequam politiæ essent, politica majestas & civilia majestatis jura existere non potuerunt: agnitio verò & cultus Dei cum vita primi Adami existere, priusquam illi conjux crearetur, & nec dum familia, pagus, aut ulla simplex vel composita hominis societas nasceretur, juris civilis ergo esse non potest. Defensio quidem religiosorum & piorum virorum, quando per publicas personas fit, ad jura majestatis civilia respicit, (ut infra, quomodo defensio modo jurisgentium modo juris civilis sit, dicemus) sed ipsa religioni traditio, imperatio vel prohibitio humanæ majestatis non est. Multo minus est de jurebus principum, ut illi opinantur qui non majestati tantum, sed & principibus, vasallis, & municipiis sub majestate reipub. constitutis, pro modo jurisdictionis suæ potestatem in religionem concedunt. Religio est summus apex juris naturalis simplicissimi, & ferè maxima sui parte superat omne humanum jus, ut dici possit, magis esse revelationis divinæ, quam rationis humanæ. Nam ratio de Deo & theologia nihil novit nisi quædam legalia, & ea quidem hodiè imperfectè; doctrinam fidei & evangelii  
ratio.

ratio non assequitur, ut ita vix particula religionis dici possit nostræ rationis esse. Quatenus tamen religio seu agnitio Dei est rationis humanæ, pertinet ad jus naturale prius, non ad jus gentium vel civile. Ad ceremonias verò ecclesiasticas quod attinet, illæ civiles esse possunt: sed de illis alibi loquemur, hic de ipsa Dei agnitione agimus, quam cum externis mutabilibus ceremoniis confundere non oportet.

2. *Veritas  
est juris  
naturalis.*

Secundo ad jus naturale prius pertinet amor veritatis, Exod. 20. v. 7. 116. Mat. 5. v. 6. 37. Rom. 1. v. 25. qui & ipse ante lapsum in Adamo apparet, Gen. 2. v. 19. 20. 23. & 24. & religionis est quasi sequela. Qui enim Deum novit & amat, veritatem diligit ac inquit, & qui rationem habet, eo ipso verum scire appetit. Cic. 1. offic. In primis homini est propria veri inquisitio atq; investigatio. & paulo post: intelligimus quod verum, simplex sincerumq; sit, id esse naturæ hominis aptissimum. & iterum: omnes trahimur ac ducimur ad cognitionis & scientiæ cupiditatem, in qua excellere pulchrum putamus, labi autem, errare, nescire, decipi, & malum & turpe ducimus. & 2. de finib. & quoniam natura cupiditatem ingenuis homini veri inveniendi, (quod facillime apparet cum vacui curis etiam quid in cælo fiat scire avemus) his initiis induciti omnia vera diligimus, id est fidelia, simplicia, constantia: cum vana, falsa, fallentia odimus, ut fraudem, perjurium, malitiam, injuriam. vide Stobæ. serm. 9. ubi de veritate plura talia collegit testimonia, & pertinet huc elegans exordium Plur. lib. de Iside & Osiride. Iureconsultos veritatem ad  
jus



jus naturæ referre testatur l. 1. D. de pact. ubi dicitur, *hujus edicti æquitas naturalis est, quid enim tam congruum fidei humana, quam ea, quæ inter eos placuerunt, servare?* & l. 1. D. de pecun. constit. Hoc edicto prætor favet naturali æquitati, qui constituta ex consensu facta custodit, quoniam grave est fidem fallere.

Tertio joris naturalis est integritas seu animi candor, Mat. 22. v. 37. Rom. 12. v. 9. 10. Amorem simulatum, calliditatem insidiosam, & similia; jus naturale non agnoscit sed odit & abominatur: cordis verò puritatem & ingenuam simplicitatem amat ac amplectitur, l. 1. & toto tit. D. de dolo malo. quo pertinent plurimæ juris regulæ, ut l. 47. 49. 65. 74. 75. 116. 206. D. de reg. jur. ubi dolus, calliditas & simulatio reprobantur, quia sit contra bonos mores, contra bonam fidem &, ut d. l. 206. dicitur, injuria contra jus naturæ. Eodem fine fraus legum prohibetur l. contra. l. fraus. D. de legibus. & quotiescunq; dolus, cavillatio & calumnia improbantur, bona fides verò præcipitur, toties sinceritas atq; integritas juris naturæ esse statuitur. Seneca indicat cordis pravitatem contra jus naturæ esse lib. 5. de benef. cap. 14. cum inquit, *Latro est etiam antequam manus inquinet, quia ad occidendum jam armatus est, & habet spoliandi atq; interficiendi voluntatem. Exercetur & aperitur opere nequitia, non incipit.*

Sequitur ex his quartò fiducia, ut verbis hominum fidem habeamus sine ulla prava suspitione. Ubi enim plenus amor, veritatis studium, & animi candor; ibi firma fiducia præ-

3. Integritas & candor.

4. Fiducia firma.

## 254 DE PRINCIPIIS JURIS

vas suspiciones expellit. 1. *Ioh.* 4. v. 18. Seneca in *Medea*. *Amor timere neminem verus potest.* & alter Seneca, ep. 47. *non potest amor cum timore misceri.* Jurisconsultos modo audivimus, qui dicebant fidem fallere esse contra jus naturæ, ergo fidem habere & servare est secundum jus naturæ. Ex hac naturali fiducia & præsumptione integritatis est, quod interdum homini in contractibus & probationibus fidem habemus, saltem ob nudam affirmationem sine ullo scripto instrumento, juramento vel testimonio: ut cum jurisjurandi gratiam facimus illis quos ad conceptum juramentum cogere poteramus, l. *remitit.* 6. l. *Labeo.* 14. D. de *jurejur.* quia interdum personarum reverentia & perspecta integritas vetat injuratis fidem denegare. Talem fiduciam nos habere decet erga Deum, *Mat.* 21. v. 21. quia ille est veritas *Ioh.* 14. v. 5. veritatem loquitur *Ioh.* 17. v. 17. & operatur *Ioh.* 16. v. 13. cum nec ethnici ignorarint nefas esse de fide summi numinis dubitare: vide locum elegantem apud Platon. in *fine lib. 2. de republ.* Nos quoque, si Deum imitari & jus naturale observare volumus, ita vivere oportet, ut viri modesti nobis injuratis credere non dubitent *Mat.* 5. v. 37. Ius nostrum, ut non omnes in jus vocari, l. 2. *cum aliq. seq.* D. de *in. jus voc.* ita multo minus de fide eorum, quibus reverentiam & gratitudinem ob accepta & durantia adhuc beneficia debemus, dubitari voluit. l. *si patronus.* 16. D. de *jurejur.*

Quintò

Quintò juris naturæ est sanctitas sive pietas, s. *Sancti.*  
ut omnia quæ in sensus incurrunt, ad animum <sup>tas.</sup>  
revocemus, piè, modeste & sobriè perpendamus, ex illis Dei sapientiam, omnipotentiam & bonitatem discamus, suspiciamus ac celebremus. Hoc Paulus *Rom. 1. v. 20.* ethnicos naturaliter & rationabiliter facere potuisse ac debuisse docet: hoc præcipit Christus *Mat. 6. v. 28.* Inprimis verò considerandus est homo, quis sit, unde & quibus ex partibus compositus, quæ virtutes & facultates sint animæ & corporis, à quo datæ, & quo fine. Hæc est pia illa meditatio, quæ nos abripit in summam tanti artificis admirationem, quæ à nobis gratitudinem flagitat, & magnum amorem accendit, primò erga Deum, deinde erga divina illa munera, nobis ipsis & omnibus hominibus naturaliter à Deo collata. Possè verò rationem nostram tali in meditatione aliquid præstare, testantur scripta Platonis in *Timæo. de repub. de legib. & alibi*, item Senecæ 4. de *benef. 4. 5. 6. 7. & 8. & lib. 5. cap. 23. lib. 7. cap. 31. epist. 31. 41. 92.* Ciceronis de *nat. deor. de finib. & aliorum plurimorum.* In jure sanctam meditationem & politicam venerationem quarundam rerum, inprimis verò humani animi & corporis præcipi, probatur *l. 1. in pr. l. 6. §. 2. 3. 4. l. 8. & 9. D. de rer. divis. toto tit. D. de religios. & sumpt. fun.* nec dubium est plurima de rebus divinis & sanctis in veteri sacrorum jure extitisse, sed ea Iustinianus quia gentilium superstitionum erant sustulit, & nobis meliorem

rem sanctitatem ac religionem *Cod. de summa Trinitate. de S. S. eccles. & aliq. seq. titulis* reposuit. Non esse in brutis inquisitionem, intellectum & judicium de veris & falsis, de animi candore, de fide & sanctitate humana, nemo dubitaverit: ubi enim nulla religio, nulla excitata & confirmata ratio, ibi ne hæc quidem esse possunt. Hæc itaq; sunt jura quæ à nobis naturalis ratio postulat ut respectu Dei & animi nostri præstemus: sequentur nunc illa quæ corpus nostrum & societatem humanam magis attingunt.



*Præcepta juris naturalis, hominis  
corpus etiam, & societatem  
spectantia.*

C A P. IV.

EX illa quam superiori capite posuimus nostri consideratione, accenditur in nobis admiratio & amor divinorum munerum. Miramur naturæ nostræ bonitatem, animi essentiam & corporis structuram; nec ea possumus non amare & magnificare, cum videamus esse perquam pulchra atq; utilia. Sic ergo Sextò naturaliter in nobis nascitur Amor nostri, hoc est, ut animum & corpus nostrum amemus & conservare studeamus, *arg. l. ut vim. D. de iust. & jure.* Non hic loquimur de excessu & stolidia

φίλαν-

6. Sui agnitiō & amor est naturalis.

φιλανθία, quâ desipientes sibi placent, sed de rationabili admiratione & dilectione donorum Dei, quæ nobis præ omnibus aliis creaturis est largitus. Hæc est illa non scripta sed nata lex, de qua Cicerō loquitur *pro Milone*. Defensio quidem vitæ, de qua ibi potissimum agit orator, ad jus gentium pertinet, ut alibi explicabimus, sed ipsa vitæ dulcedo, ut animum sanum illæso in corpore habere optemus, naturalis est. Et ita accipienda est Stoicorum sententia, cum dicunt omne animal, simul atq; natum est, sibi conciliari, & suam incolumitatem naturaliter appetere. *Laërt. in Zenone. Cic. 3. & 4. de finib. & quod Epicurei apud eund. 1. & 2. de finib. statuunt, omne animal naturâ duce dolorem fugere: aut peripatetici 5. de finib. omne animal seipsum diligere, & simul ac ortum est id agere, ut se conservet: & prius posse quemq; à se discedere, quam appetitum earum rerum quæ sibi conducant amittere. Seneca lib. 5. de benef. cap. 9. inquit naturâ hoc evenire, ut quisq; sibi benefaciat. Habent beluæ ex natura communi per sensus aliquem appetitum incolumitatis & vitæ suæ, at cognitionem bonorum naturaliter sibi à Deo collatorum non habent, ergo neq; hæc species juris naturæ nobis cum brutis est communis.*

Septimò, naturale nobis est desiderium perfectionis: quo cupimus exoptamusq; corporis & animi bona habere excellentissima & perfectissima. Ubi enim vita, ibi indefessus

R.

boni

7. Cupidi-  
tas optimâ

boni appetitus. Ex eo naturali desiderio boni, nascuntur omnes politicæ ordinationes & actiones, quia omnia eo fine agimus, constituimus, ut nobis eò sit melius: omnia eo fine discimus ac docemus, ut quæ bona credimus, meliora reddamus. *vide quæ cap. præced. de naturali veritatis amore diximus.*

3. *Mutua affectio.*

Octavò juris naturalis est mutua affectio: quando enim videmus nos naturâ cognatos, & eorundem donorum naturalium participes esse, non possumus non eandem naturam & quasi nos ipsos in aliis diligere. Quapropter homo præ omnibus quæ in toto mundo sunt diligit hominem, ut Gen. 2. videmus Adamum nullius creaturæ aspectu ita commoveri, ut solo obtutu erga sponsam suam exardescit. Inter reliqua animalia, etsi ea miraretur & in honorem Dei magnificeret, tamen nullum inveniebat suo consortio dignum: at conspecta conjugē, statim commovetur ad mutuum amorem.

*An ea sit in brutis.*

Non ignoramus bruta quoq; maximè sociari suæ speciei, ut Cic. 1. de nat. Deor. inquit: *Sed in hoc, physice, non vides, quam blanda conciliatrix & quasi sui sit lena natura? an putas ullam esse terra marisq; beluam, quæ non sui generis beluâ maxime delectetur? quod in ita esset, cur non gestiret taurus equæ correctione, equus vaccæ? an tu aquilam, aut leonem, aut delphinum, ullam antequam censes figuram suæ? quid igitur mirum si hoc eodem modo homini natura præscripsit, ut nihil pulchrius quàm hominem putaret, eam esse causam cur deos hominum similes putaremus? quid censes, si ratio esset in beluis, non suo quasq; generi plurimum tributuras fuisse?*

& pau-

& paulò post : est enim vis tanta naturæ , ut homo nemo velit nisi homini similis esse , & quidem *sermice formica*. Non tamen inde inferre licet, hanc juris naturalis partem nobis communem esse cum brutis : nam bruta nec rationem habent, nec puto, si haberent, eas generi suo plurimum tributuras fuisse, ut Cicero ait, quia viderent homines adhuc ob corporis dona præstare. Utraq; pars ad hominem pertinet, anima & corpus : utraq; facit, ut hominem præ omnibus animalibus diligamus. Si quis consideraverit, inveniet & animi & corporis dona ita constituta esse in homine, ut rotus ad amorem genitus esse videatur : vix umbra tantæ habilitatis in brutis est, siue animum consideres, siue corpus. Quapropter etiam beluas videmus ita posse assuescere homini, ut cum supra omnia animalia diligant, etiam supra seipsas, adeò ut sæpe extabescant desiderio dominorum suorum, *Solin. in polyh. cap. 25. Busbeq. epist. 3. leg. Turc.* quod nulli homini ratione suâ utenti contingere potest propter beluam. Copulantur & cohabitant bruta sine judicio, ad propagationem vel defensionem sui, iis corporibus quæ sensus docent huic fini esse aptissima, ac homo etiam illos diligit, quibus nec ad concubitum, nec ad defensionem aut societatem est opus. Liberalia ingenia amplectimur : alienos puerulos suscipimus & educamus : egenis ac decrepitis, quamvis alterius gentis sint, succurrimus : prospicimus posteris nostris, ne auxilii inopes sint:

*Humanitas  
hominum  
propria*

## 260 DE PRINCIPIIS JURIS

amamus, quos nunquam vidimus : tangimur memoria eorum, qui multis abhinc seculis sunt defuncti : gaudemus si quid illis boni evererit ; indignamur & commiseremur, si quid mali : prorsus, quasi totius humani generis negotia ad nos pertinerent. Longè ergo distat humana affectio à brutorum consociatione, ut merito eam inde HUMANITATEM denominemus, quasi virtutem hominum propriam, omnia humana officia in se continentem. La-  
 Etant. cum lib. 6. instit. cap. 8. legem Dei descripsisset, primò cap. 9. ad eam retulit religionem seu agnitionem & amorem veri Dei : deinde cap. 10. quasi summam totius secundæ tabulæ & officiorum amoris erga homines indicaturus, ait : *Dixi, quid debeat Deo, dicam nunc, quid homini tribuendum sit : quanquam idipsum quod homini tribuitur, Deo tribuitur, quia homo Dei simulacrum est. Sed tamen primum justitiæ officium est, conjungi cum Deo, secundum cum homine. Sed illud primum religio dicitur, hoc secundum misericordia vel humanitas nominatur. Quæ virtus propria est justorum & cultorum Dei, quod ea sola vita communis in se continet rationem. Deus enim, qui ceteris animalibus sapientiam non dedit, naturalibus ea munimentis ab incurso & periculo tutiora generavit. Hominem verò, quia nudum fragilemque formavit, ut eum sapientiâ potius instrueret, dedit ei præter cetera hunc pietatis affectum, ut homo hominem tueatur, diligat, soveat, contraque omnia pericula & accipiat, & præstet auxilium. Summum igitur hominum inter se vinculum est humanitas, quod qui disruperit, nefarius &*  
 parti-



# LIBRI III. CAPUT IV. 261

parricida existimandus est. Nam si ab uno homine, quem Deus finxit, omnes orimur, certè consanguinei sumus : & ided maximum scelus putandum est, odisse hominem, vel nocentem. Propterea Deus praecepit inimicitias per nos nunquam faciendas, semper esse tollendas, scilicet ut eos qui sint nobis inimici, necessitudinis admonitos mitigemus. Item si ab uno Deo inspirati omnes & animati sumus, quid aliud quàm fratres sumus ? Et quidem conjunctiores qui animis, quam qui corporibus. Itaq; non errat Lucretius, cum dicit,

Deniq; caelesti sumus omnes semine oriundi :


Omnibus ille idem pater est.

Ergo pro beluis inmanibus sunt habendi, qui hominibus nocent, qui contra jus & fas omne spoliunt, cruciant, occidunt, exterminant. Ob hanc necessitudinem germanitatis docet nos Deus malum nunquam facere, sed semper bonum. Id autem ipsum benefacere quid sit, idem ipse praescribit : Praestare auxilium depressis & laborantibus, impertiri victum non habentibus. Deus enim, quoniam pius est, animal nos voluit esse sociale. Atq; in aliis hominibus nos ipsos cogitare debemus : non meremur in periculo liberari, si non succurrimus, non meremur auxilium, si negamus. Apud Ciceron. 3. de finib. Cato inquit, Ut perspicuum est natura nos à dolore abhorrere, sic apparet à natura ipsa impelli ut eos quos genuerimus, amemus. Ex hoc nascitur, ut etiam communis hominum inter homines naturalis sit commendatio, ut oporteat hominem ab homine, ob idipsum quod homo sit, non alienum videri, &c. Iureconsultus inquit, cum inter nos cognationem quandam natura constituerit, consequens est hominem homini insidiari nefas esse. 1. ut vim. 3. D. de iust.

*Iust. & jure.* Reprobamus itaq; cum Cicerone  
*4. de finib.* diram illam & inhumanam Stoico-  
 rum indolentiam, qui crudeli & absurdo pro-  
 posito statuebant nec suis propriis nec alio-  
 rum doloribus angī. Plut. *in consolat. ad Apollon.*  
 Ex morte filij dolorem egritudinemq; animi concipere,  
 res est talis quæ à naturali profecta principio non sit in  
 nostra voluntatis sita libertate. Non enim eos probō, qui  
 feram quandam laudibus ferunt duramq; indolentiam,  
 quæ neq; contingere nobis potest, neq; ut posse singas,  
 commodatura nobis esset, abolitura enim erat, quam con-  
 servari maxime oportet, quæ ex amore ultro citraq; existit,  
 benevolentiam. Et mox: Optandum est, inquit Cran-  
 tor Academicus, Ne egrotemus, sed si in morbo sumus,  
 sensus ejus aliquis adesse debet, sive secetur pars nostri  
 aliqua, sive avellatur. Indolentia enim illa non sine ma-  
 gna jactura homini potest parari: quippe necesse est, ut  
 ibi corpus, ita hic animum planè efferatum esse. Postulat  
 itaq; ratio, ut qui sanā sunt mente, in talibus casibus ne-  
 que nullos neque nimios animi motus sentiant: quorum  
 alterum est duri & feri, alterum dissoluti effœminatiq;  
 animi. Et ita est profectò, ut oporteat humani-  
 tatem exuisse & infra beluas degenerasse, qui  
 nullā commiseratione tangitur. Crudelis ergo  
 opinio Stoicorum, absurda, & contra naturam,  
 qui putant nos nostros & aliorum dolores sine  
 angore animi ferre vel expectare posse, quod  
 amorī & humanitati est impossibile, ut etiam  
 August. *de Civ. Dei lib. 19. cap. 8.* docuit. Ut Chri-  
 stus etiam eos amat, à quibus odio habetur, pro  
 illis erat & moritur; & ut Moyses ac Paulus  
 mori

# LIBRI III. CAPUT IV. 263

mori optant pro salute inimicorum suorum : ita nos decet dolore aliorum angī, & odisse id, quod aliis malè facit, quodve exitii illorum causa est, siquidem juxta mandatum Dei & exemplum Christi, proximum nostrum sicut nos ipsos diligere & eorum injurias nostras putare volumus. Hæc in genere, de officio hominis erga hominem jure naturali requisito, dicta sint. Exhibetur autem humanitas & naturalis affectio variis modis, qui specialibus appellationibus distingvi, aut si speciale nomen non habeant, officia humanitatis, charitatis, vel humana, solent vocari. Effectuum seu specierum humanitatis nulla homini cum brutis communis esse potest, quia negato genere tolluntur omnes species, & effectus sine efficiente existere nequit. De illis capite sequenti videamus.



## *Speciales effectus humanitatis, seu naturalis affectionis humana.*

### CAP. V.

**A**ffectionis humanæ & mutui amoris primus effectus est SOCIETAS, cujus commendatio & dulcedo est naturalis. Aristot. in *polit.* docuit omnes humanas societates secundum naturam esse, & Iureconsultus l. 2. vers. ult. D. de legib. ait hominem naturâ esse animal civile, quod item l. 1. & omnibus ferè sequ. D. de iust.

9. Societas  
& naturalis  
lib.

R

4

& ju-

& jure, item multis alijs legib. evinci potest. vide Cic. in *Lelio*, qui pntat ipsam vitam, beatitudinem, & scientiam omnium rerum tristem ac injucundam fore sine societate & amicitia. Nihil nos movent *μὴ ἀνθρώποις*, (si quisquam est, qui nullo humanæ societatis desiderio tangi possit) nam homines naturales appetitus suppressere & beluis se depraviores exhibere, non tamen naturalem veritatem tollere possunt. Nulla etiam rationabilis societas est in brutis, ut ex prædictis licet intelligere.

10. Conjugium est juris  
naturalis.

Ex societatibus naturalibus & tempore & naturâ prior extitit societas maris & fœminæ, quæ etiam vi rationis & amoris omnes superare videtur. Est itaq; decimò juris naturalis CONIUGIUM, *Mat. 5. v. 27.* quod & ante lapsum iniit Adam, *Gen. 2.* Quod quidam putant, sapientis esse ab uxoribus abstinere, per accidens verum esse potest, nempe tempore belli, pestis vel alterius persecutionis, *1. Cor. 7.* & accipiendum est ut nobis à concubitu quantum temperemus & castius vivamus, non ut ipsam societatem fœminarum fugiamus. Cato ap. Cic. 3. de finib. ex sententia Stoicorum inquit, Cum ad tuendos conservandosq; homines hominem natum esse videamus, consentaneum est huic naturæ, ut sapiens velit gerere & administrare rempublicam: atq; ut è natura vivat, uxorem adungere, & velle ex ea liberos procreare. Ne amores quidem sanctos à sapiente alienos esse arbitran-

Quid sit tur. Est autem societas maris & fœminæ, quam conjugium. speciali suo nomine conjugium appellamus, maris

maris & foeminae conjunctio, non libidinis exercendae causa, neque etiam cohabitationis & procreandae sobolis gratia tantum facta: sed quae fit pio & casto affectu, quo quis conjugem, ut condominam, in individuum divini humaniq; juris societatem recipit, illiq; omnia charitatis officia quae ab animo & corpore proficisci possunt, promittit. In omnibus humanis societatibus primò spectatur animus: sed conjugalis in eo superat reliquas societates, quod continet singularem communionem corporis. Aliae societates constant naturae humanae communiōe, mutuo affectu, amicitia, beneficiis, & gratitudine: haec omnia insunt societati conjugali & in ea spectantur: sed praeter haec omnia praestatur in ea communio & commixtio sanguinis, qualis in nulla alia est societate. Utraq; pars homini essentialis est, anima & corpus: & licet animus in omnibus praestet, tamen utraq; aliquid confert rebus humanis. Ut animus corporis, ita e contra corpus animi vitia & dolores auget, virtutes & gaudia complet. Quod considerans Adam, putabat affectionem conjugalem posse superare amorem liberorum erga parentes *Gen. 2. v. 24. Mat. 19 v. 6. Eph. 5. v. 31.* Videmus itaq; quid faciat conjugium, nempe animus seu consensus: quid compleat, nempe corpus seu cohabitatio, cujus pars est concubitus. Sed nec omnis consensus, nec omnis concubitus facit conjugium, videamus ergo de qua animorum & corporum conjunctione verba fiant.

fiant. De violenta subactione nemo dubitat, quin matrimonium facere non possit, nullus enim ibi adest consensus. Consensus verò in concubitum, vel est ob libidinem tantum, vel ob procreationem sobolis, vel ob conjugale officium. Si illi, qui ob solam libidinem, vel etiam ob procreandam prolem tantum in concubitum consentiunt, haberent conjugium, etiam beluæ, & prostibula quæ se ultro subjiciunt, & concubinæ essent conjuges. Et, si cohabitationis tempus quid ad rem faceret, diceremus etiam beluas & concubinas per aliquot annos cohabitare & se propagare posse, ergo habere conjugium. Atqui hoc falsum est, nam concubitus, voluntas procreandæ sobolis, & durabilis quædam cohabitatio, etiam in vaga libidine, in adulteriis & incestibus esse possunt. Conjugium verò contrahi potest etiam sine spe concubitus, ut si mulier nuberet alicui, de quo constaret, illum ad concubitum esse ineptum: etiam sine spe prolis, ut si quis vetulam expartam, vel quam sterilem esse sciret, duceret, (quemadmodum videmus sæpè matrimonium contrahi cum persona decrepita, morbida & semimortua) hic nihilo minus conjugium est, propter pium affectum contrahentium & singularem benevolentiam, communicationis omnium rerum, & cohabitationis consensum. Et hic est ille consensus qui nuptias facit, *l. nuptias. 30. D. de reg. jur.* nempe consensus singularis amicitiam, in qua sit pia, perpetua & plena com-

communicatio animi, corporis, & bonorum: quando contrahentes spondent, se omnia divina & humana jura, religionem, animam, vitam, corpus, sanguinem, bona fortunæ, & quicquid possint, commune habere, atq; (ut summatim verbis Adami complectar omnia) tanquam *una caro* & unus homo facti fuerint, in posterum vivere velle. Talem societatem maris & feminae plenum & perfectum conjugium appelles, in qua inest etiam concubitus, non ut in scortatione, ob libidinem, (qui finis nullius juris, sed ex corruptione naturæ & bestiali commixtione peior est) nec ut in concubinato, ob procreationem sobolis tantum, (qui finis concubitus homini cum brutis communis esse videtur) sed & ob procreationem sobolis, & ob amicitiae fœdus, & ob ardentissimum animi & corporis conjugati amorem. Hæc omnia complectimur cum dicimus, concubitum in matrimonio esse ex officio conjugali: intelligimus enim quod fiat ex amore, homine pio & modesto digno, in gratiam & memoriam fœderis conjugalis, & ob sobolis procreationem. Sunt autem conjugia quædam incompleta seu imperfecta, quibus particula quædam conjugalis communionis deficit, & tamen nihilominus possunt esse conjugia, propter ipsa essentialia & principalia fœderis, quæ manent. Ut si fortè concubitus non sequatur, aut aliquis conjugum longè absit, hic deficit tantum illa particula conjugalis amicitiae, quæ corporis præ-

præsentia & commixtione exhiberi potest : item si conjuges paciscantur, non omnia bona fore communia, ut sæpè fit in pactis dotalibus. Modestinus l. 1. D. de ritu, definit nuptias, quod sint *conjunctio maris & fœminæ & consortium omnis vitæ : divini & humani juris communicatio*. Concubitus, proles, & dotis specialem mentionem, ut non debuit, ita haud dubiè nec voluit facere, quod sciret conjugia sine concubitu, prole, & dote posse subsistere. Concubitus solus, facit corporis communicationem : cui si accedat consensus cohabitationis, efficit concubinatum : at conjugium pleniorum consensum requirit & amorem abundantiorum, ut supra indicavimus. Rara quidem sine concubitu matrimonia sunt, nam illa communicatio corporis pars amoris est, attamen concubitus non est causa formalis & finalis conjugii, ut vulgus opinatur, sed coincidens, proles verò ejusdem est fructus.

*Bruta non  
habere con-  
jugium.*

Cum itaq; talis affectio, quæ conjugii nomine digna sit, in solos cadat homines, nec formale aut finale conjugalis consensus in brutis dari possit, refero conjugium ad legis 1. D. de iust. & jure §. ultimum, in quo, ut supra diximus, Ulpianus jus homini *naturale* vocat jus *gentium*, non ad vers. præcedentem, in quo, ut item superius ostendimus, de jure naturali humano non agitur, sed tantum de impulsu naturæ elementaris. Bruta non consentiunt ratione in conjugii jura, sed naturâ incitantur ad commixti-



mixtionem corporum, ut sese propagent, commixtio ergo est finis societatis illorum, quem homines extra conjugium assequi possunt. Consensum verò, ne talem quidem in brutis reperiēs, qui concubinatum efficere possit, tantum abest, ut venerabile conjugii nomen illorum societati largiamur. Nec verum est quod quidam putant, nos natura cum brutis communi ad conjugium impelli: nam ea natura incitat tantum ad commixtionem seu concubitum, ad conjugium verò incitatur pietate, ratione & amore. Multò minus concedo quod Pet. Faber 2. *semest.* 1. putat Æthiopes, qui matrimoniorum exsortes promiscuè cum mulieribus consueverunt, *Diod. Sicul. lib. 3. bibl. Plin. nat. hist. lib. 5. cap. 8. Pomp. Mela. de situ orb. lib. 1. in descript. Cyrenaica.* jure naturali humano usos esse, sed usi sunt jure bestiali, prout etiam tanquam *degeneres humani ritus* à Plinio describuntur: Si jure aliquo humano usi fuissent, id rationi & honestati fuisset consonum. Opinantur alii, se nobis uxorum communionem persuadere posse, quod sit secundum naturam: at quæ inhonesta & rationi contraria sunt, quæ amicitiae vinculum solvunt & fœdus societatis tollunt, non sunt secundum humanam naturam, imò vix brutis conveniunt, sed sunt juxta naturam legis peccati, quæ sola confusionem amat, libidinem, impudentiam, & altercationes. Iniquè nobiscum agunt, qui ex vita depravatorum hominum evincere volunt conjugium etiam inter  
bruta

bruta animantia esse: conferendus est homo, qui verè homo est, brutis, non ex corruptorum erroribus jus & rationem hominum definire oportet. Quid ergò illis in mentem venit, qui nobis persuadere volunt, conjugium hominibus & brutis esse commune? aut qui putant Ulpianum in l. 1. §. *jus naturale*, D. de *Iust. & jure*, ubi appellationes & exempla juris naturalis humani & communis miscuit, conjugium in brutis agnovisse? Qui nec omnem hominum concubitum conjugii titulo dignatus est, l. *si qua*. 12. l. *palam*. 43. D. de *ritu*. l. *si uxor*. 13. D. ad l. *Iul. de adult.* an ille conjugium in omnibus brutis, piscibus, & insectis statuisset? Iureconsultus ibi ostendere vult, nos in natura cum brutis communi aptitudinem, inclinationem & quasi præparationem quandam habere ad jus rationabile; ipsos verò rationis effectus brutis nunquam attribuit. Hæc in honorem conjugii paulò fusiùs, contra errores qui in hac quotidiana materia nimis frequentes occurrunt, inculcare placuit; de reliquis brevius agemus.

11. *Castitas*  
est *juris*  
*natura*.

Vndecimò juris naturæ est *castitas* & conjugii honor, *Mat.* 5. v. 27. & *seq.* ut videmus Adamum, *Gen.* 2. luce rationis edoctum fateri, maritum debere suæ uxori adherere. Pertinet hûc liber 2. *Cic. de finib.* quo Epicureorum opinionem impugnat, & omnem inhonestam libidinem aut voluptatem contra naturam esse docet. Epicurus ipse castitatem probavit, & inhonestas fœdasq; libidines damnavit, ut infra dicemus.

mus. Ergò qui conjugium dehonestant, aut corpus suum aliqua inhonestâ & turpi libidine polluant, vel etiam qui animum libidine prurientem gerunt *Mat. 5. v. 28.* contra jus naturale faciunt. Abeant, qui nobis vagas libidines pro jure naturali venditare volunt: hominis est cum ratione vivere, ratione regi, non beluis impudentiorem esse.

Est etiam juris naturalis effectus *amor honesti*, 12. *Honestas.* ut naturaliter nos pudeat & pigeat, inhonestum quid commisisse, ut *l. adoptivus. 14. §. serviles. D. de ritu* dicitur, *in contrahendis matrimonius naturale jus & pudor inspiciendus est: contra pudorem est autem, filiam uxorem suam ducere.* & idè veneratione affinitatis privignam aut nürum ducere vetamur, §. *affinitatis. Inst. de nupt.* Est etiam in brutis inclinatio quædam ad honestatem, ut *supra lib. 2. cap. 4.* docuimus, omne jus jubere honestum, & honesti appetitum in omni natura conspici: sed honestas se latius extendit quàm ad illam umbram brutorum. Unde *Cic. 4. de finib.* ait, *Hoc solum animal natum est pudoris ac verecundie particeps, appetensq; conjunctionem hominum, animadvertensq; in omnibus rebus, quas ageret aut diceret, ne quid ab eo fieret, nisi honestè & decorè.* Idè *Imper. d. tit. Instit. de nupt.* dicit, nos naturali pudore prohiberi à nuptiis adoptivarum matrum, sororum, & filiarum: solaq; affinitatis ratione quasdam ducere non posse. Talis honestas & pudor in natura brutorum non est. Ex hoc naturali inhonesti pudore nascuntur obli-

obligationum naturalium solutiones, cum viri boni, licet sciant se jure civili ad solutionem cogi non posse, & non iniquas exceptiones habere, tamen ultrò solvunt, ne alienum quid penes se retinuisse videantur. *l. venditor. 13. D. commun. prad. l. frater à fratre. D. de condict. indeb. l. bona fides D. Depositi.* Proficiscuntur hinc donationes, cum petentibus non facile denegamus, aut repulsi rubore perfundimur: hinc solutiones quas pro aliis facimus. *l. 22. l. 40. l. 53. D. de solut. & quod nos pudet si quid inhonestè fecimus aut locuti sumus, etsi nemo interfuerit.*

13. Educa-  
tio libero-  
rum & ju-  
niorum.

Decimus & tertius juris naturalis effectus est *educatio liberorum*. De amore supra diximus, hic de educatione ipsa loquimur. Habet ea imitationem quandam in brutis. *l. 1. §. jus naturale. D. de just. & jure*, sed tamen hominum propria est. Non enim liberorum educatio in illa externa particula consistit, quam beluæ aliquo modo imitantur, sed nomine liberorum comprehenduntur nepotes, pronepotes, *l. liberorum. D. de verb. sign. l. Iurisconsultus. §. parentes. D. de gradib. agnati*, ut fratrum & sororum liberi. *l. 39. D. de ritu*, item amicorum & concivium filii, & tandem omnes juniores qui nostro auxilio egent, exposititii, parentibus orbi, & similes; hisce jure naturali paterna officia pro viribus præstare tenemur. Ipsum verò educationis officium non eo constat, ut foetus matribus, usque dum ipsi sibi victum quærere possint, cohabitent, quemadmodum apud beluas fit, sed ut juni-

juniore monitionibus & exemplis nostris ad pietatem & honestatem informemus, illorum mores fingamus, virtutes excitemus, & veros homines ex iis efficere studeamus. Hæc est humana educatio, cujus nihil in brutis, nisi minimæ & ignobilioris particulæ in prima nutritione quædam imitatio. Cic. 3. de finib. *Ut perspicuum est nos natura à dolore abhorreere, sic appar. t a natura ipsa impelli, ut eos quos genuerimus, amemus.* Et 2. de finib. *Ratio facit hominem hominum appetentem, cumq; his natura, & sermone, & usu congruentem, ut profectus à charitate domesticorum ac suorum curas longius, & se implicet primum civium, deinde omnium mortalium societati.* Iureconsultus educationem inter humana jura posuit l. veluti. D. de iust. & jure. nam quò pertinet parentibus parere & educari, eò etiam educare & paterno officio fungi. v. l. 1. §. taceat. C. de rei ux. act. l. si quis. §. D. de agnosc. & al. lib.

Ex iisdem argumentis liquere arbitror amorem parentum esse naturalem. l. 2. D. de iust. & parentum. jure. Parentes intelligimus masculos & foeminas, primo & ulteriori gradu nobis cognatos. l. 1. 2. & 3. D. de gradib. l. 5. D. de agnosc. & al. lib. Civiles parentes privatos, qui vocantur parentes adoptivi, & publicos, qui magistratus vocari solent, jus naturale ignorat: & tamen eos naturaliter colimus, non ut parentes, sed ut seniores & bene meritos amicos.

Est item juris naturalis respectus seniorum & præceptorum, nam illi paternè nobis consulant, 15. Amor eorum qui parentum loco sunt.

S

fulunt,

## 274 DE PRINCIPIIS JURIS

sulant, & ætatis autoritate nos ad venerationem commovent. Cic. vocat *observantiam*, quam lib. 2. de invent. definit *per quam ætate, aut sapientiâ, aut honore, aut aliqua dignitate antecedentes reveremur & colimus*. Hæc omnia naturaliter accipienda, nam observantia quæ ex civili autoritate oritur quatenus in civili cultu consistit civilis est. Venerationem senectutis legislatores semper præcipiunt, ut l. 5. D. de iure immunit. Semper in civitate nostra senectus venerabilis fuit: nam majores nostri penè eundem honorem sensibus, quem magistratibus, tribuebant. Iuven. sat. 3.

*Credebant hoc grande nefas & morte piandum  
Si juvenis vetulo non assurrexerat.*

Sic & Lycurgus senes honorare præcepit Plut. in Lacon. instit. & in Lycurgo, quod & Paulus facit, 1. Tim. 5. & Moses, Levit. 19. v. 32. Sic jubemur professores honorare, l. 1. D. de extraord. cognit. & consiliarios principum. §. filius. 4. Instit. quib. mod. jus pat. pot. toll. quia naturaliter benè affecti sumus erga eos, qui nobis benè faciunt.

16. *Amor  
patriæ.*

Sextus & decimus juris naturæ fructus est amor patriæ. l. 2. D. de just. & jure. Patria duplex est, naturalis vel civilis, ut Cic. 2. de legib. inquit, Ego mehercule omnibus municipibus duas esse censeo patrias, unam naturæ, alteram civitatis, ut Cato, cum esset Tusculi natus, in populi Rom. civitatem susceptus est. Itaq; cum ortu Tusculanus esset, civitate Romanus, habuit alteram loci patriam, alteram juris. & paulo post, nos illam patriam dicimus, ubi nati, & illam qua excepti sumus. Iureconsulti patriam distinguunt

guunt in propriam & communem. l. si duas. 6. §. 11. D. de excusat. l. Roma. 33. D. ad municip. Est itaq; juris naturæ amor patriæ naturalis, quia naturaliter diligimus loca in quibus nati & educati sumus. Civilis verò patria amatur à nobis duplici modo, primo civiliter eo desiderio, quo optamus & amplectimur salutem civilis societatis: deinde etiam naturaliter ex gratitudine, ob benemerita quæ in nos contulit. Patria porro, non tantum locum denotat sed & incolas, quapropter mens nostra hæc est, quod naturaliter singulari quadam affectione moveamur erga illos, in quorum sinu & amplexibus nati & educati sumus; quia videntur nos quasi speciali sanguinis & amicitiae jure præ reliquis hominibus sibi obstringere. Quod si intimam mentem juris naturæ inspicimus, naturaliter amamus talem habitationem qualem homo habebat ante lapsum, & nos in altera vita sumus habituri, quia ea nostræ naturæ est convenientissima, corpori & animo jucundissima. Sympatriotæ verò seu concives & familiares nostri, à Deo nobis ad vitam secundum jus naturæ degendam destinati, erant Deus ipse, sancti angeli & justii homines. Hæc est vera patria quam naturaliter amamus, à Deo nobis in initio temporis data *Gen. 2.* & in fine ejusdem reddenda, *Pb. 3. v. 20. Ap. 21.* Beluæ amant loca in quibus nata sunt, quamdiu meliora non norunt: incolarum verò, & animalium eodem ex sanguine secum natorum, nullo tanguntur desiderio.

Decimò & septimò juris naturæ est gratitudo : Cic. 2. de invent. vocat *gratiam*, eamque describit, *qua in memoria & remuneratione officiorum, & honorum, & amicitiarum observantiam tenet.* Ulp. l. sed et si. 25. §. consuluit D. de hered. petit. inquit, nos naturaliter ad gratitudinē obligari. Theoph. Instit. de jure nat. ait ex jure naturæ debitorem gratum esse debere illi, cujus beneficio in rebus angustis sit sublevatus. Iura nostra ingratos, quia contra jus naturale peccant, juris naturalis beneficiis indignos judicant : pater non cogitur alere filium ingratum. l. si quis. 2. §. idem judex. 11. D. de lib. agnosc. ingratitude est causa exheredationis, revocandæ emancipationis, donationis, manumissionis &c. quam & Persæ graviter puniebant, Xenoph. lib. 1. Cyrip. Deus ipse revocat donationem suam ob ingritudinem, contra confratrem commissam, Mat. 18. v. 33. quia talis injuria ad Deum, communem patrem nostrū pertinet, & conditio non adimpletur, quando tam inhumani sumus contra alios homines. Donat & condonat Deus omnia eā conditione, ut hominibus vicissim amorem exhibeamus; remittit si remittimus, amat si amamus. Quando verò id non fit, ingrati sumus erga donatorem, & conditionem accepti beneficii non implemus. Ergo vindicat Deus injurias liberorum suorum, quia filiorum injuriæ parentibus præbent actionem : quò pertinet, quod Plut. de frat. amore docet, parentibus acerbissimam injuriam fieri si liberi sele mutuò offendant. Est in bru-



in brutis quędam gratitudinis imitatio, ut Plin. lib. 8. cap. 16. Gell. lib. 5. cap. 4. de leonibus testantur, & de ciconiis elephantisq; nonnulla à Plin. lib. 8. annotantur. Verum tamen bruta quatenus & cui gratia habenda sit ignorant, solo sensu oculorum adsuescunt illi, à quo boni quid acceperunt. Utrum verò ille ultrò, an jussu alterius, & quo fine ipsis profuerit, dijudicare non possunt: vera ergo gratitudo in brutis esse nequit.

Decimo octavò juris naturę est æqualitas omnium hominum, puta quoad statum. Ius naturę omnes uno nomine appellat homines, & dignitatis inæqualitatem ignorat. l. 3. & 4. D. de Iust. & jure. Cogitat enim nos natura cognatos, ab eodem primo homine omnes oriundos esse. Huc referendum est quod Christus Mat. 18. v. 8. Ioh. 13. monet, ne nos aliis superbè præferamus, sed humiliemus potius, & cogitemus omnes nos unius patris esse filios.

Naturale jus præcipit etiam libertatem. l. si. 19. Libertas. D. de statu hom. d. l. 4. D. de just. & jure. Hanc nonnulli homini cum brutis communem putarunt, ex l. quod enim 3. §. ult. l. naturalem. 5. in princ. D. de acq. rer. dom. Sed alio modo beluę dicuntur liberę, nempe quod corpore non sunt captę, alio modo libertas prædicatur de homine, videlicet quod sit sui juris. Potest homo in vinculis jacere, qui tamen sit liber, vel liberè circumvagari, cum tamen sit servus. Ad libertatem naturalem spectat, quod naturā nullę alię

feruntur hominibus leges, nisi quas ipsa natura cuiq; ingenerat. Et si ex præscripto juris naturæ viveremus, nullis aliis opus foret constitutionibus, essemus enim iusti & perfecti. At iusto lex non ponitur, quia non opus est: jura metu mali inventa sunt. Itaq; Ovid. 1. *Metam. fab. 3.* ait, in aureo sæculo nullas leges latas fuisse, quia homines jure naturali fuerint contenti:

*Aurea prima sata est ætas, quæ vindictæ nullo*

*Sponte sua sine lege fidem rectumq; colebat.*

*Pœna metusq; aberant, nec vincla minacia collo*

*Ere ligabantur, nec supplex turba timebat*

*Iudicii ora sui, sed erant sine iudice tuti.*

Et 1. *fastor.*

*Proq; metu populum sine vi pudor ipse regebat,*

*Nullus erat iustis reddere jura labor.*

Atq; ex hisce intelligi potest quid à nobis in societate humana postulet jus naturæ. Sed & de vero bonorum usu nos informat ratio, de quo pauca subiciemus.

*Præcepta juris naturalis externa  
bona potissimum attingentia.*

#### C A P. VI.

20. *Verni  
bonorum  
usu.*

**A**D res externas & bona quod attinet, jubemur & illis uti frui pro ut ratio & amor postulat. Est itaq; juris naturæ temperantia & sobrietas, ne nos ipsos dementemus, donis  
Dei

Dei abutamur, nostra ingluvie annonæ caritatem promoveamus, aut scandalum præbeamus: arg. l. 10. §. juris præcepta. D. de iust. & jure.

Item ad jus naturæ pertinet Pax, arg. l. 3. & 5. 11. Pax est  
iure na-  
turæ.

D. de iust. & jure. Mat. 5. v. 9. 22. ne altercemur de rebus, neve alteri quid eripiamus, vel ut Exod. 20. v. 17. præcipitur, ne concupiscamus quæ alterius sunt. Bella ex hominum avaritia & invidia nasci solent, at hæc abominatur amor. Poëtæ dicunt in aureo seculo, cum virtutes adhuc cohabitarent hominibus, nulla bella fuisse, sed omnes secura in pace vixisse. Ovid.

1. Metam :

*Non tuba directi, non aris cornua flexi,  
Non galea, non ensis erat : sine militis usua  
Mollia secura peragebant otia gentes.*

Virg. 8. *Aeneid.* de Saturni & Iovis seculo:

*Auræaq, ut perhibent, illo sub rege fuere  
Secula, sic placida populos in pace regebat :  
Deterior donec paulatim & decolor atas,  
Et belli rabies, & amor successit habendi.*

Seneca in Octav.

*tenente regna Saturno poli  
Tunc illa virgo numinis magni, Dea  
Iustitia, cælo missa, cum sancta Fide  
Terras regebat mitis : humanum genus  
Non bella norat, non tuba fremitus truces,  
Non arma : gentes cingere assueverant suas  
Muris nec urbes, perviam cunctis iter,  
Communis usus omnium rerum fuit.  
Et ipsa tellus læta, sæcundos sinus*

S 4

Pande.

*Pandebar ultrò : tam pius felix parens*

*Et tuta alumnis.*

23. Liberalitas.

Tandem juris naturæ est bonorum communio. *l. ex hoc jure. D. de iust. & jure. Mat. s. v. 42. & 6. v. 3. 19. & seq.* Intelligimus autem per bonorum communionem, non conturbationem & confusionem omnium rerum, (ab ea enim naturaliter abhorremus) sed liberalitatem, seu amicam & humanam communicationem, earum rerum quæ piè, honestè ac decenter peti ac communicari possunt. Ius naturale prius omne meum & tuum non tollit, & si homines in statu innocentiae hoc solo jure usi fuissent, non potuissent ita vivere, ut à nemine quicquam occuparetur : ipsa communium bonorum apprehensio & usurpatio effecisset meum & tuum. Liberalitatem ergo intelligimus juris naturæ esse, ne putemus nobis solis conditum esse mundum, sed cogitemus nos omnes esse liberos unius patris, & habitationem mundi nobis datam esse, ut ejus fructibus omnes fruamur. Est autem humanitatis & amicitiae, ut Cic. in *Lelio* docuit, amico nihil invidere, nihil ab eo petere, quod non possit cum gratia dantis impetrari, quod amico inhonestum, noxium, damnosum aut ullo modo molestum esse possit, non optare : quod verò piè, honestè & utiliter communicari possit, amico non denegare, nec semper petitionem ejus expectare, sed ultrò offerre. Talem intelligimus bonorum communionem, non confusionem omnium rerum

rerum inhonestam & absurdam. Nam ut fœda uxorum communio non est juris rationalis, sed bestialis, ita etiam contrectatio rei alicujus, quæ invidiosè, inhonestè vel impiè fit, non est humani juris, sed ex lege peccati. vide hûc Lactant. lib. 6. instit. cap. 10. 11. & 12. ubi eruditè explicat quomodo bonis in commune sit utendum. Virg. 1. Georg. bonorum communio- nem aureo seculo ateribuit, cum inquit :

*Ante Iovem nulli subigebant arva coloni :*

*Nec signare quidem aut partiri limite campus*

*Fas erat. in medium querebant, ipsaq; tellus*

*Omnia liberius nullo poscente ferebat.*

Possent juris naturalis plures enumerari species, sed hæc abundè sufficere arbitror, ut naturalia à præceptis juris gentium & civilibus distinguere possimus. Observemus modò generale nectūtor, juris naturalis prioris esse, quicquid per se bonum, expetibile & naturæ conveniens est, quodq; citra lapsum in vita humana fuisset. Plura qui volet Theologorum explicationes legis moralis, Aristotelis Ethica, Ciceronis libros *de finib. de offc. & de amicitia* evol- vat. Omnes enim virtutes, quas theologi in explicatione juris moralis, philosophi in ethi- cis, docent ac requirunt, ad jus naturale perti- nent : rationes autem & modi, quibus illæ in- violatæ defendantur, pertinent vel ad jus gen- tium vel ad civile, ut infra videbimus. Poterit etiam obiter observari cognatio Iurispruden- tiæ cum ethica & doctrina legis theologia,

*Et tandem  
omnes vir-  
tutes.*

quæ in juris naturalis explicatione omnes occupantur : atque inde Iuriconsulto necessaria est cognitio ethicæ & theologiæ, quod Ulpian. l. 1. §. 1. & l. 10. D. de iust. & jure voluit indicare.



*Jura naturalia omnes homines  
obligare & à Deo sancta esse.*

## CAP. VII.

*Lex natura  
obligat omnes homi-  
nes.*

*Ab initio  
natura hu-  
mana.*

**I**us humanum naturale, ut ipsa docet appellatione, pertinet ad omnes qui homines sunt vel humanam naturam habent, quapropter neminem ab eo, quisquis ille sit, excludimus. Cum ergo queritur, an maiestas (humanam intelligimus) sit subiecta legibus? de legibus naturæ dubitandum non est, cum respectu Dei & naturæ omnes simus æquales, & civilia veritatem naturalem tollere non possint. Obligat itaq; omnes lex naturalis, idq; à tempore conditæ naturæ humanæ, quia non in monte Sinai primum nata, sed primo homini simul cum anima inspirata est, unde sequitur ab illo tempore & ipsum, & omnes ejus posteros, eadem naturæ lege obligatos fuisse. Si in monte sacro primum adinventæ fuisset, ante promulgationem decalogi homines nec rationem, nec ullam legem habuissent, contra quam potuissent peccare, & post ejus publicationem tantum ad Israëlitas pertineret. At sacræ literæ & ipsa

ipsa ratio evincunt, non potuisse primos homines sine lege rationis vivere. Quamvis itaque nostri majores promulgationi decalogi, quæ in monte Sinai facta est *Exod. 20.* non interfuerint, eadem tamen lex naturalis, quæ ibi repetita fuit, ad nos omnes pertinet. Et hoc est quod Paulus *Rom. 1. 2. 3.* docet, perinde esse sive nobis recitata sit lex Mosaica sive non, eandem legem naturaliter omnibus notam esse : eâ tam ethnicos quàm Iudæos obstringi : omnes sub una lege esse : unâ lege omnium ora obstrui, totumque mundum coram Deo reum fieri. *v. Philon. de vita Mosi. lib. 2.* Sollemnis autem illa proclamatio & descriptio legis à Deo cur facta sit, idem indicat *cap. 2. v. 20.* nempe ut ecclesia haberet *τὴν μόρφωσιν τῆς γνώσεως καὶ τῆς ἀληθείας ἐν τῷ νόμῳ* formam scientiæ & veritatis in lege. Voluit Deus hunc lapidem Lydium dare cœtui suo, ut pii suos errores citius agnoscerent, & seipsos in agnitione veritatis confirmarent.

Si ipsa lex moralis ad omnes spectat, ergo *Sancto lo-*  
etiam ejus sanctio, quæ extat *Exod. 20. v. 5.* Ego *gr. naturæ*  
*sum Dominus Deus tuus, Deus zelotes, visitans iniqui-*  
*tatem patrum in filios, in tertiam & quartam generatio-*  
*nem eorum qui oderunt me, & faciens misericordiam in*  
*millia his qui diligunt me, & custodiunt præcepta mea.*  
Hæc est sanctio legis moralis, non civilis, sed naturalis, quam & ipsa naturalis ratio monstrat, & quotidianis exemplis inculcat. Licet enim cuique intelligere eos qui nec Deum amant nec homines, à Deo & hominibus redamari.

quæ in juris naturalis explicatione omnes occupantur : atque inde Iurifconsulto necessaria est cognitio ethicæ & theologiæ, quod Ulpian. l. 1. §. 1. & l. 10. D. de iust. & jure voluit indicare.



*Jura naturalia omnes homines obligare & à Deo sancita esse.*

## CAP. VII.

*Lex natura  
obligat omnes homi-  
nes.*

*Ab initio  
natura hu-  
mana.*

**I**us humanum naturale, ut ipsa docet appellatio, pertinet ad omnes qui homines sunt vel humanam naturam habent, quapropter neminem ab eo, quisquis ille sit, excludimus. Cum ergò quæritur, an maiestas (humanam intelligimus) sit subiecta legibus? de legibus naturæ dubitandum non est, cum respectu Dei & naturæ omnes simus æquales, & civilia veritatem naturalem tollere non possint. Obligat itaq; omnes lex naturalis, idq; à tempore conditæ naturæ humanæ, quia non in monte Sinai primum nata, sed primo homini simul cum anima inspirata est, unde sequitur ab illò tempore & ipsum, & omnes ejus posteros, eadem naturæ lege obligatos fuisse. Si in monte sacro primum adinventum fuisset, ante promulgationem decalogi homines nec rationem, nec ullam legem habuissent, contra quam potuissent peccare, & post ejus publicationem tantum ad Israëlitas pertineret. At sacræ literæ & ipsa



ipsa ratio evincunt, non potuisse primos homines sine lege rationis vivere. Quamvis itaque nostri majores promulgationi decalogi, quæ in monte Sinai facta est *Exod. 20.* non interfuerint, eadem tamen lex naturalis, quæ ibi repetita fuit, ad nos omnes pertinet. Et hoc est quod Paulus *Rom. 1. 2. 3.* docet, perinde esse sive nobis recitata sit lex Mosaica sive non, eandem legem naturaliter omnibus notam esse : eâ tam ethnicos quàm Iudæos obstringi : omnes sub una lege esse : unâ lege omnium ora obstrui, totumque mundum coram Deo reum fieri. *v. Philon. de vita Mosi. lib. 2.* Sollemnis autem illa proclamatio & descriptio legis à Deo cur facta sit, idem indicat *cap. 2. v. 20.* nempe ut ecclesia haberet *τὴν μετὰ τὴν γένεσιν τῆς γλώσσης καὶ τῆς ἀληθείας ἐν τῷ νόμῳ* formam scientiæ & veritatis in lege. Voluit Deus hunc lapidem Lydium dare cœtui suo, ut pii suos errores citius agnoscerent, & seipsos in agnitione veritatis confirmarent.

Si ipsa lex moralis ad omnes spectat, ergò *Sancto lo-*  
etiam ejus sanctio, quæ extat *Exod. 20. v. 5.* Ego *gr natura*  
*sunt Dominus Deus tuus, Deus zelotes, visitans iniqui-*  
*tatem patrum in filios, in tertiam & quartam generatio-*  
*nem eorum qui oderunt me, & faciens misericordiam in*  
*millia his qui diligunt me, & custodiunt præcepta mea.*  
Hæc est sanctio legis moralis, non civilis, sed naturalis, quam & ipsa naturalis ratio monstrat, & quotidianis exemplis inculcat. Licet enim cuique intelligere eos qui nec Deum amant nec homines, à Deo & hominibus redamari

mari non posse, & quidem eò magis odio esse  
 Deo, quò majorem illi honorem, gratitudinem  
 & amorem exhibere debuerant. Qui ergo se-  
 ipsos excludunt & indignos faciunt pietate,  
 veritate, humanitate, & ut breviter dicam, ju-  
 ris naturæ fructibus, quomodo illis frui pos-  
 sunt? Fruitur quisque eo habitu quem sibi ac-  
 quirat *Gal. 6. v. 7* pii fruuntur sua pietate, hu-  
 mani humanitate, amantes amore, pacifici pæ-  
 ce: è contra morosi fruuntur odio, invidi in-  
 vidia, mendaces mendaciis, & qui Deo inimici  
 sunt ejus inimicitia puniuntur. Ideò Xenoph.  
 dicebat *sup. lib. 3. cap. 2.* jura naturalia ita con-  
 stituta esse, ut pœnam in se continerent, quæ  
 existeret eo ipso, quod homines privarentur  
 utilitate naturalium virtutum. Nam & genti-  
 les viderunt, gravissimas pœnas constitutas esse  
 juris naturæ violatoribus, nec posse quemquam  
 gravius puniri, quam si consortio bonorum ex-  
 cludatur & tradatur sui similibus, ut fruatur  
 suis vitiis, nempe odio Dei, mendaciis, fraudi-  
 bus, impudentiâ, invidiâ, rixis pugnisq; & o-  
 mnibus malis, quæ contra virtutes ac præcepta  
 juris naturæ esse possunt. Quid miserius esse  
 possit, quàm hæc in æterno carcere pati? Ideò  
 etiam Poëta nihil crudelius precatur Tyrannis,  
 quam ut virtutem videant, at suis vitiis exta-  
 bescant, *Perf. sat. 3.* & qui Plutonis regnum de-  
 scripserunt, dixere quemq; ibi exercere artem,  
 quam olim in terra didicerat, eaque frui. vide  
*Virg. 6. Æneid.*

Qui-

Quidam jura naturalia tam parvi æsti- *In ius na-*  
mant, ut si vel autoritate suâ ea percurrere, *turpe non*  
vel civilium legum abusu circumvenire pos- *peccandum.*


sint, sibi gratulentur : at cavendum omnibus  
sedulò, ne in leges morales impingant, quia se-  
veriores habent judicem quam civiles, & ob  
majorem delinquentium contumaciam, pœ-  
nas multò graviores. Civiles leges non possunt  
omnia delicta prohibere aut punire, & calu-  
mniis fraudibusq; facile possunt eludi : sed co-  
gitandum est, nihil mali posse committi, quod  
non sit contra jus naturæ, & licet magistratuum  
pœnis quis elabatur, Deum tamen non posse  
falli. Cum à Platone quæreretur, an Deus hu-  
mana curaret, siquidem multis malefacta im-  
punè succederent, inter alia sic respondet :

αὐτῇ ται δίκαι ἐστὶ θεῶν οἱ ὀλομπῆν ἔχουσιν, ὃ πᾶσι καὶ κα-  
ρίσκε, ἀμειλῶς δὲ καὶ ὑπὸ θεῶν. κακίαι μὲν γιγνόμεναι  
πρὸς τὰς κακίας ψυχάς, ἀμειλῶ δὲ πρὸς τὰς ἀμείνους πο-  
ρευόμεναι, ἐκ τῆς ζωῆς καὶ ἐν πᾶσι θανάτοις, πάχυν τι καὶ  
ποιοῦν αὐτοὺς πρὸς τὴν ἀρετὴν ἐστὶ τοῖς προσφίεσι τὰς προσφί-  
εις. ταύτης τῆς δίκης ἐστὶ συμμετοχή, ὥστε εἰ ἀλλοῦ ἀτυ-  
χῆς γένωμεν, ὅτε οὐδέποτε ἀμειλῶς θεῶν ἢ πρὸς τὴν δίκην  
διαφερόντως ἐταξάντε ὡς τάξαντες χρεῶν τε ἐξέλασθαι  
το παρὰ πᾶν. ἐστὶ γὰρ ἀμειλῶς πρὸς τὴν ἀρετὴν, ἐκ ἑτοῦ  
σμικρὸς ὢν δύσῃ κατὰ τὸ τῆς γῆς βάθος, ἐκ ὅπου οὐκ ἐν-  
δυνάμει τὸν ἄνθρωπον ἀναπύσσει· τίς οὖν δὲ αὐτῶν πᾶσι προσ-  
έκκεσθαι τιμωρίαν, εἴτε ἐνθάδε μένων, εἴτε καὶ ἐν ἀλλῇ δια-  
πορευθεὶς, εἴτε καὶ τέτων εἰς ἀγριώτερον ἐστὶ διακείμενός  
τῶν· Hoc Deorum, qui cælum habitant, ὁ puer & ado-  
lescens qui à Divis negligi putas, judicium est : ut qui pejor  
sit ad

sit ad peiores, qui melior, ad meliores animus, tam in vi-  
 ta quam in omni morte proficiatur, patiaturq; & agat  
 quæ à similibus ad similes fieri oportet. Quare nec tu,  
 nec alius ullus speret. confidatq; se adeo felicem fore, ut  
 iudicium hoc deorum effugiat atq; exuperet. Nam qui  
 hoc sanxerunt, firmitus quam cetera omnia stabilierunt,  
 ut cavendum omnino sit. Nunquam enim ab illo negligere-  
 ris, nec si ita parvus sis, ut terra profundum ingrediarius,  
 nec si adeo sublimis fias, ut pennis elatus in cœlum voles  
 sed convenientia supplicia dabis, sive hic manens, sive ad  
 inferos profectus, sive ad remotiorem aliquem inaccessibi-  
 lemq; locum translatus. lib. 10. de legib. Et Xenoph.  
 4. memorab. διὰ τὴν γὰρ τοὺς δίδωται οἱ θεοὶ αἰνέοντες τὰς ὑπὸ  
 τῶν θεῶν κειμένης νόμους, ἢν ἀνὴρ τὸ πᾶν δυνάτον ἀνθρώπων  
 διαφύγῃν, ὡς αἰετὶς τὰς ὑπὸ ἀνθρώπων κειμένης νόμους ἐπισ-  
 τῆς αἰνέοντες διαφύγῃσι τὸ δίκην δίδοναι, οἱ μὲν, λαθῆ-  
 νοντες, οἱ δὲ, βιάζοντες. Qui leges divinitus conditas vio-  
 lant, pœnas dant, quas homo nullâ ratione potest effugere,  
 quemadmodum nonnulli, leges latas ab hominibus trans-  
 gredientes, quo minus pœnas dent, vel latendo, vel vim  
 adhibendo effugiunt. Hesiod. in princ. oper. dicit fa-  
 cile Deum superbos deprimere & pravos puni-  
 re. & paulò post admonitionem habet ad justi-  
 tiam exercendam observatione dignam, qua  
 monet contra jus naturæ non esse delinquen-  
 dum. Ita ergò ethnici quoq; viderunt, sancti-  
 onem juris naturæ ad omnes pertinere æqua-  
 liter, & omnino periculosissimum esse contra  
 eam peccare. Et notabile est quod quidam  
 theologorum nostrorum docuerunt, etiam An-  
 gelos Dei ad obedientiam legis moralis esse obli-

obligatos, & illorum quosdam idem à Deo punitos esse, quod contra legem Dei moralem, h. e. contra Deum ipsum peccarint. Nemo peccat nisi qui contra legem Dei facit, quia ἡ ἀμαρτία ἐστὶν ἡ ἀνομία. 1. Job. 3. v. 4. Si id omnibus probè persuaderi posset, minus altercationum, injuriarum & calumniarum haberemus, & beatissimas nostras resp. experiremur, nam positivæ leges solæ non sufficiunt ad justitiam, & si naturalium fundamento destituantur, faciliè degenerant in calumnias & periculosas captiones. Tanti refert jus naturale probè discere & observare, quanti interest in verbis veritatem, in factis fidem præstare. Scientia legum cum despectu juris naturæ conjuncta, est pura malitia, quæ in exercitio fit fraus vel tyrannis. Non esset alienum à nostro studio, de latore naturalium legum & severissimis transgressorum pœnis copiosius agere, nam in eo consistit omnis vis & finis jurisprudentiæ, rerum pub. salus, & officium jurisconsulti, ut hominibus persuadeat, ne velint contra jus naturæ delinquere. Quia verò lex Dei nobis quotidie à theologis acuitur & inculcatur, puto nos eo labore sine cujusquam fraude superfedere, & lectorem ad theologos remittere posse. Oportet verò nos summam juri naturæ conciliare auctoritatem, si modò nobis cordi est justitiam docere & discere, non artem litigandi: idq; hoc loco faciendum, cum nullus alius sit in  
tota

tota Iurisprudencia locus, ubi de jure naturæ in genere commodius agi possit.



*Jura naturalia esse aterna, immutabilia, adeò ut nec à Deo mutari possint, cum sint Deus ipse.*

## CAP. VIII.

*Lex moralis aterna & Deo essentialis est.*

**I**N recenti memoria fore putamus, quomodo superius probaverimus jus naturale seu morale esse ipsum æquum & bonum: id ipsum præcipi ratione humanâ: rationem à Deo datam esse: eam cognoscere legem voluntatis divinæ, ad quam facta sit: legem verò ac voluntatem Dei, (cum omnia in Deo unum sint) esse ipsam essentiam Dei: operæ precium nos facturos arbitror, si nunc breviter probaverimus, quemadmodum prima mens non cum homine primum nata sed ab æterno in Deo est, ita nec jus morale cum homine in tempore primum factum, sed ab æterno essentialiter in Deo esse, ac proinde prorsus impossibile esse, ut mutetur, & periculosissimum, si violetur. Et quidem à nonnullis juris oppuglatoribus hodiè cò compellimur, ut jus naturæ, cui jus gentium & civile inædificantur, in Dei essentia constans ac immutabile esse probare cogamur, siquidem illi jus in natura nullum esse affirmare, & de justitia Dei, hoc est de Deo ipso, an sibi semper con-

constet, dubitare audent. Probabimus ergò hoc loco jus morale æternum & immutabile esse in essentia Dei, ut eos qui cum jure Deum ipsum negare vel in dubium vocare non metuant, inferius tantò facilius confutare possimus.

Principiò nemo ignorat, omnia in Deo esse. *Quia est & sententialia esse, & mutationem divinæ essentia* *Primum bonum.* non dari. Est autem æterna & essentialis voluntas in Deo, quæ vult ac jubet bonum, quod & ipsum est de essentia Dei. Bonum est ipsa vis & mens decalogi seu juris naturæ, ut suprà docuimus: sequitur ergò, Deum ab æterno essentialiter velle id, quod lege naturali jubetur.

Deindè id quoq; decantatum est in Ecclesia, *Quia Deus* Deum homini cum anima rationali suam imaginem inspirasse, *Gen. 2. quam in perfecta a-* *se salem par-* *tefecta.* gnitione & operatione boni constituisse supra monuimus. Imago Dei in homine, si non cognovit & probavit id ipsum bonum, quod Deo ab æterno placuit, aut vera imago Dei non fuit, aut statueretur mutatio in essentiali voluntate divinæ, quorum utrumq; falsum. Deus, qui integerrimus, veracissimus, constantissimus, & hominum amantissimus est, nec potuit, nec voluit voluntatem & justitiam suam homini in tempore aliter patefacere, quàm eam in se habuit ab æterno, quia non potest se ipsum, amorem quo nos prosequitur, veritatem quam loquitur, & justitiam suam quam operatur, ab-

T

negare

negare 2. Tim. 2. v. 13. aut mutationem aliquam suæ essentiz facere *Iac. 1. v. 17.* Quapropter rectè concludimus, qualem Deus se & voluntatem suam revelavit in tempore, talis ipse est essentialiter ab æterno: at Deus se & voluntatem suam in tempore revelavit talem, qualis in lege naturali docetur: ipse ergò talis est ab æterno. In tempore dicimus Deum se revelasse per legem naturalem, non pe. cum naturam conderet & hominem ad suam imaginem formaret, *Gen. 2.* quapropter etiam statim unà cum vita apparuit jus naturale in Adamo, quod verba ejus testantur *d. cap. 2.* Postea Deus se sapius talem manifestavit, ut *Gen. 3. 4. 6. & seq.* imprimis per Moysen, *Exod. 20.* & Christum *Mat. 5. 6. 7.* & per omnes prophetas ac apostolos, imò per omnes Adami posteros *Rom. 1. & 2.* Omnes id fateri cogimur, in lege esse voluntatem Dei, at voluntatem ab essentia ejus non differre credimus: ergò ex *Bar. 4. v. 1.* legem esse æternam Dei sapientiam concludimus.

*Quia videntes divi-  
na legi at-  
tribuantur.*

Præterea omnia quæ de Deo prædicantur, nempe quod sit bonus, veritas, amor, justitia, &c. eadem Deus prædicat de lege, quod bona sit, quod impleatur amore, justitiâ, veritate, &c. Christus *Mat. 5. v. ult.* dicit eos qui legem naturalem complent esse perfectos, quemadmodum pater cælestis sit perfectus. *1. Ioh. 4. v. 7.* dicitur ἡ ἀγάπη ἐν τῷ θεῷ ἐστίν, καὶ πᾶς ὁ ἀγαπῶν τὸν θεὸν γεννᾷται, καὶ γινώσκει τὸν θεόν ὁ μὴ ἀγαπῶν, ἐκ τῆς ἀγάπης τὸν θεόν, ὅτι ὁ θεὸς ἀγάπη ἐστίν. *Charitas ex Deo est, & omnia*



## LIBRI III. CAPUT VIII. 291

*Et omnis qui diligit ex Deo natus est & cognoscit Deum. Qui non diligit non novit Deum, quia Deus est caritas. Deus est amor; & lex naturæ est amor: Deus agnoscitur, colitur & placatur amore; etiam lex naturæ.*

Sed ut tantò majorem juri naturali autoritatem conciliemus, specialius ostendemus quomodo lex Deus ipse esse dicatur, & quomodo directò ac immediatè in Deum peccent, qui jus naturæ offendunt, ubi duo sunt præmonenda. Primò, essentiam & virtutes longè alio & sublimiori modo de Deo prædicari quàm de homine. Etsi itaq; nec de justissimo & perfectissimo homine dici possit, quod essentialiter sit ipsa justitia & virtus, tamen id de Deo pronunciari nihil verat. Secundò, Cum homo eo fine à Deo crearetur, ut hujus mundi imperium obtineret, Deo toto pectore serviret, & plures Dei cultores procrearet, compositus fuit duabus ex partibus essentialibus, corpore nimirum & animâ, ut & elementari hac regione frui, & Deo suum cultum præstare posset. Utraque pars finitæ est potentie, quia novi Dei creari non poterant. Cum itaq; Deus homini regulam vitæ daret, præcepta sua ita formavit, ut à toto homine justitiam requireret talem, quam ille & corpore & animâ præstare potuisset. Ut cum lex Dei inquit, *diem sabbathi sanctifica*, nullum opus in eo facies: manifestum est Deum in hoc præcepto ad finitâ humanam potentiam respexisse. Etsi enim Deus indefinenter & per-

*Quomodo  
Deus sit  
lex ipsa*

petuò adorandus sit, tamen indulgendum erat homini, ut aliquando dormiret, ederet, quiesceret, aliàs corpus ejus contrahiisset: non potuisse enim corpus citra hanc refectionem etiam in statu innocentie sustentari, exemplo Adami innocentis *Gen. 2.* & Christi, in cujus corpore nulla peccati operatio unquam locum habuit, discimus. Debit etiam homo hortum colere *Gen. 2. v. 15.* & liberos procreare; *Gen. 1. v. 28.* ergò non debuit semper pronus in adorationem decumbere. Item, debuit edere *Gen. 2. v. 16.* at non debuit indefinenter per omnem vitam edere. Non sunt ita calumnianda Dei præcepta, sed ipsa mens inspicienda, quid legislator voluerit. Mens verò & essentia juris naturalis non consistit in ipso esse hominis, nec in iis in quibus se Deus humanæ conditioni applicavit, sed in eo quod homini sciendum & in omnibus actionibus suis observandum præcipitur. Ut, in modo dictis præceptis homini præcipitur sanctitas & honesta vitæ sustentatio. Cum sabbathi sanctificatio præcipitur, non dicimus sabbathum ita esse de essentia Dei, ut Deus die septima magis sanctus & otiosus sit quam alia; sed quod ipsa placidissima quies & sanctitas, quæ hîc præcipitur Deo sit essentialis: quod autem ad diem septimam attinet, in ea Deus suum præceptum humanæ conditioni applicavit. Sic cum jubemur patrem & matrem colere, non dicimus, quod Deus essentialiter ab æterno patrem & matrem habeat, sed quod

quod ipse amor & beneficiorum dulcedo, quæ hic præcipitur Deo sit essentialis. Et in ultimo præcepto jubemur nihil mali concupiscere, hoc de essentia divina est, non bos, asinus, uxor &c. quia hæc non sunt ipsum præceptum, sed objecta in quæ præceptum dirigitur. Qui calumnias non quærit, facile intelligere poterit quomodo ipsum quod præcipitur, Deo essentielle dicatur.

Verum ut de singulis præceptis breviter agamus, dicimus primò essentialiter & ab æterno in Deo justum esse, ut se solum agnoscat verum Deum, qui summam majestatem & potentiam habeat, & unice colendus sit ab omni quæ in tempore existere possit creatura. *Iob. 17.*

*v. 3. 1. Cor. 8. v. 4. 6. Eph. 4. v. 5. 1. Tim. 2. v. 5. Apoc. 1. v. 8. Esa. 43. v. 10. 11.* Plures deos statuere, vel sculptile aliquod coli, vel etiam summam divinitatem sculptilibus truncis ac beluis similem

putare, tam absurdum & abominabile visum fuit Deo ab æterno, ut ne fingi quidem possit, ubi imaginatio illa esse potuerit? Nam si Deus alium sibi finxisset superiorem, seipsum abnegasset, dehonestasset & destruxisset. Est autem Deus Mens & Sapientia ipsa, *Rom. 16. v. 27.*

*1. Tim. 1. v. 17.* qui nullo errore labi potest; non potuit ergò ignorare se esse unicum illud, summum, verum & adorabile omnium rerum principium. Unde porro sequitur, prorsus impossibile esse ut primum decalogi præceptum, quod de agnoscendo & colendo uno, vero, summo

*Deus est  
unus.*

*Nulli res  
similis.*

*Summa &  
vera sapi-  
entia.*

Deo loquitur, aliter quam est conciperetur, vel mutetur aut abrogetur. Hæc lex nulla positiva lege ab hominibus mutari potest, ideo nihil refert, quos Deos ethnicorum legislatores colendos statuerint; veritas, quæ est conformitas rei cum intellectu divino, hominum opinionibus mutari non potuit. Non itaq; hoc primum legis moralis caput propterea mutabile & inconstans opinio est, quod hominum errantium varix sunt de diis opiniones ac leges positivæ, sed omnes illæ leges, quia cum hac vera naturali & divina veritate non consentiunt, falsæ sunt & opinativæ, jus autem & veritas sibi immutabiliter constant in Deo. Et sic etiam de aliis legibus judicandum, quod veritas & constantia legum naturalium non pendeat à voluntate & opinione hominum, sed à veritate & constantia mentis divinæ. Qui contra hoc primum decalogi verbum aliquid statuunt, nugæ agunt & directò peccant in Deum. Unum verum Deum scire, rebus creatis aut sculptis dissimilem, tam essentiale est in Deo, ut nihil magis. Hæc sive uno sive duobus decalogi præceptis comprehendas, ipsam ad rem parum attiner, quia omnia decalogi præcepta sibi mutuò insunt. Videmus Psalmos, & alia quædam sacrarum literarum capita non uno modo ab omnibus distingvi, & tamen neminem propterea damnamus. Verùm ad titulorum juris, *de statuis & imaginibus. C. lib. 1. tit. 27. & Nemini licere signum Salvatoris Christi humi, vel in silice, vel in*

*marmo-*

marmore, aut sculpere aut pingere. C. lib. 1. t. 2. & ad similitudinem quarundam legum explicationem videtur commodius esse, ut hic duo faciamus capita; primum quod loquatur de uno vero Deo agnoscendo, seu de unitate spiritualis essentiae Dei, quod pertinent primi tituli Codicis: alterum quod explicet hanc essentiam talem, quae nulla pictura aut sculptura possit adumbrari. Agnoverunt autem gentiles quoque, unum summum Deum esse statuendum; eumque nec fictis nec factis hominum comparandum. v. *Lactant. lib. 1. Instit. cap. 5. & ss. Morn. de verit. rel. Chr. cap. 2. & 3.*

Præcipitur deinde in decalogo sanctitas, quam Deo essentialem esse nemo ignorat. Sanctus est Deus noster *Levit. 11. v. 44. 45. Esa. 6. v. 3. Apoc. 4. v. 8. & 15. v. 4. Iob. 17. v. 11. & sanctum est nomen ejus ab æterno, Ps. 99. v. 3. & 111. v. 10. & 138. v. 2. Esa. 57. v. 15. Ezech. 36. v. 21. 22. Luc. 1. v. 49.* Hoc est, Deus semper voluit se agnosci & appellari sanctissimum. Inhonesta & obscena nomina, qualia sibi cacodæmones imponere solent, ab æterno abominatus est Deus, ut essentiae suae contradicentia. Nomen quod essentiam & bonitatem Dei indicare debet, non potest non esse sanctum. Viderunt id ethnicorum nonnulli, & profana illa figmenta futiliaque mendacia, quae vulgus de Diis spargere solebat improbarunt, ut apud Platonem, Ciceronem & alios discimus. De nominibus deorum *Plato in lib. de legib. 11. ait, Equum profectò est nomen deorum*

## 296 DE PRINCIPIIS JURIS

deorum non facile inquinare, nec ea huc atq; illuc devolvere: sed omnia quæ ad Deos pertinent, pure casteq; servare. Hanc legem obscenæ consuetudines & leges quarundam gentium tollere non poterunt: nec Dei sanctitas propterea opinione est, quod quidam omnis generis libidines à Diis ipsis, vel illorum ordinatione & instinctu ab hominibus perpetrari putarunt, quia Dei veritas naturæ infusa nullo errore tolli potest. Qui verò leges nefarias aut facta hominum profana probant, & jus naturæ violant, & ipsum etiam Deum.

*Deus  
beata  
quies.*

De sanctificatione Sabbathi supra monuimus, quod Deus se in hoc præcepto humanæ conditioni applicarit, ut in primis die septima reminisceretur homo creatoris sui & omnium acceptorum beneficiorum. Præcipitur autem in hac lege sancta quies, ut totos nos Deo devoteamus. Non ferebat humana conditio, ut semper otiosi essemus, neq; id jucundum fuisset: dati ergo sunt dies sex ad conspectionem, septima ad meditationem & prædicationem operum divinorum. Quod non ita intelligendum, quasi tantum septima die pietas exercenda, nam meditantur pii in lege Dei die ac nocte. *Ps. 1. v. 2. Luc. 18. v. 7. 1. Thess. 5. v. 16.* & Deus indefinenter venerandus est *Luc. 21. v. 36.* sed quod die septima Deus laudandus sit in otio, diebus reliquis in negotio. Quod Deus in operibus suis continuo agnoscendus adorandusq; sit, id etiam ethnici cognoverunt. Plur.

*de ani-*

de animi tranq. inquit. Perquam mihi placet illud Diogenis dictum, qui hospitem Lacedamone videns parare se magno studio ad quandam festivitatem, Quid? agebat, an non vir probus quemvis diem festum censeret? & quidem, si sobrie vivimus admodum illustrem. Est enim sanctissimum templum ac divinissimum hic mundus: in hunc inducitur homo cum nascitur, non manu factorum & immobiliarum spectator futurus simulacrorum, sed earum quas mens divina sensiles mente sola cernendorum effigies, in se instam vitam morumque habentes facultatem fabricata est. Solem inquam, lunam, sidera, fluvios novam subinde aquam edentes, terram stirpibus animalibusque alimenta submittentem, quorum sacrorum initiatio atque institutio perfectissima cum sit vita, profecto par est eam tranquillitatis animi ac letitiae esse plenam. Ergo animi tranquillitas & jucunda oblectatio virtutum est juris naturae & de essentia Dei, qua se in omni fortuna pii unice & semper consolantur. Si spiritus regenerati hominis Deum indefinenter meditatur, suspirat & colit, multo magis Deus in aeterno suo sabbatho seipsum perpetuo agnoscit & sanctificat. Nec potest id non facere, quia est ipsa mens, ipsa sanctitas, & beatissima quies. Deum quiescere dicimus, non ut Epicurei suos deos desiderare, & nullarum rerum desiderio tangi putabant, sed quod Deus, licet sit actus purissimus & omnia gubernet, nulla tamen molestia afficiatur nec in sancta sua quiete turberetur. Quomodo autem illae phrasae Scripturae, in quibus de laboribus suis pro genere humano susceptis conqueritur Deus, accipi-

## 298 DE PRINCIPIIS JURIS

cupiendæ sint, nemini ignotum esse opinor. Hæc de prima tabula legis moralis sufficiant, ut videamus ejus præcepta esse de ipsa essentia Dei, nec posse mutari, nisi Deus suam unitatem, veritatem, sanctitatem & beatitudinem destruere velit: non posse etiam negari vel offendi, nisi directò in Deum peccare & calumnias meditari velimus.

*Deus est  
pater.*

Agemus breviter etiam de altera tabula. Cum Deus sit fons vitæ *Rf. 36. v. 10.* & adorabile principium, quod ab æterno ex sua essentia genuit filium ad imaginem suam, *Ioh. 1. v. 1. 2. Cor. 4. v. 4. Coloss. 1. v. 15.* justum & essentiale fuit Deo ab æterno, ut pater à filio agnosceretur & diligeretur, idq; *Abz* in S. S. Trinitate adimplevit. *Ioh. 17.* Multa ex hoc præcepto duci possunt Deo essentialia, ut quod sit principium & fons vitæ, genitor, pater & ipse paternus amor: nam hæc omnia Deo competunt essentialiter. Non mutatur hoc iustyrannorum legibus, sed omnium legislatorum præcepta, quatenus paternum affectum non habent, prava sunt & legum nomen non merentur. Qui verò abjecto affectu paterno sua potestate inhumaniter abutuntur, non modò contra mentem nostrarum legum civilium agunt, sed etiam Deum per læsionem juris naturalis offendunt.

*Deus est vita, Iohan. 1. v. 4. & 14. v. 6.* at vita mortem velle nequit, quia ageret contra se ipsam. Quemadmodum ignis & aqua non possunt agere contra suam naturam, sed ignis naturæ



naturæ suæ vi calefacit, aqua humectat, ita Deus vi suæ essentiæ vivificat & vitam operatur, idq; eò efficacius, quò est potentior & à nemine potest prohiberi. Itaq; Deus mortem nec vult, nec probat, nec operari potest. *Sap. 1. v. 12. & ss. & cap. 2. v. 23. 24.* & vitæ amor, qui in decalogo præcipitur est essentialis Deo. Ad amorem *Et amor.* vitæ pertinet non odisse, nemini vitam invidere, non insidiari, non in periculum vitæ ducere &c. quæ omnia sunt in Deo. Quia enim Deus amor ipse est, *1. Ioh. 4. v. 8.* & vita ipsa, necessum est tantam abominationem mortis, odii & fraudum esse in Deo, quanta in ipso est vita & charitas. Omnia verò infinita & essentialia in Deo esse credimus, sequitur itaq; ut infinitam & essentialem mortis odiiq; detestationem in Deo statuamus. Ex hisce iterùm concludimus leges quæ innocentibus insidiantur, quæve duræ & iniquæ sunt, non esse veras leges, nec crudelitatem quorundam hominum efficere, quò minus ipse amor in prima lege voluntatis divinae semper sibi constet.

Porro nemo dubitat, Deum omnem carnis *Deus est* libidinem detestari, & castitatem honesta- *castitas, honestas.* temq; ipsam esse. Ipsum Epicurum, & Cicero- ni & Laertio credimus, carnalium libidinum puduit, & ne ethnici quidem sine magna indignatione lascivas de diis fabulæ audire poterunt. vide Arnob. Lactant. Augustin. & alios, quomodo ipsi gentiles fabulas illas exagitarint. Plato putabat Poëtas quæ talia fingerent e civi-

è civitate ejiciendos esse, tanquam deorum calumniatores & publicos hominum corruptores. 2. de repub. Testimonia S. scripturæ, quibus Deus pravam concupiscentiam reprobatur, nemini sunt ignota, nec ulla humana lege effici potest, ut inhonesta & lasciva sint justa.

*Deus est  
liberalitas.*

Liberalissimus præterea est Deus, nec potest quicquam ab alio desiderare, cum omnia sua sint, & ipse sibi omnium bonorum sit abundantia. Exercet autem Deus liberalitatem suam erga nos, non in eo quod egere non potest, sed cum quia nemini sine gravissima & justissima causa aufert quod dedit, tum quia largitur etiam indignis, nec semper aufert, licet plurimas habeat causas, ex quarum unica homo homini omni jure auferre posset. Tantum nos superat liberalitate, longanimitate & amore, ut ferè nunquam suo jure utatur, nisi cum hominum injustitiâ nimiam ad justitiæ suæ defensionem cogitur. Furta verò oriuntur ex egestate, cupiditate, invidiâ & dolo, quæ omnia sunt contra essentiam amoris, liberalitatis, veritatis & abundantiae. Haud dubiè contra jus naturæ & Deum ipsum peccant, qui legum civilium abusu aliena ad se rapiunt, nec ulla positiva lex eos excusabit, quia humanus error Dei & naturæ veritatem immutare nequit.

*Deus est  
veritas.*

Deus est ipsa veritas, Rom. 3. v. 4. Job. 3. v. 44. ergo mendacia, falsa testimonia, doli, fraudes, insidiosæ simulationes & similia, non possunt Deo non displicere. Mendacia & fraudes abominan-

ominantur homines, Deus ergo multò magis. Pythagoras interrogatus quid Deo simile facerēt homines, respondit cum veritatem exercent. Magi verò maximum deorum, quem Oromagdem ipsi vocant, corpore quidem asserunt esse luci similem, anima verò veritati. Stob. serm. 9. & 10.

Deus est ipsa integritas, non concupiscit *Boni cupi-* aliud quàm bonum. Infinita boni cupiditas est *ditas.* in Deo, hinc est quod nihil aliud velit aut probet quàm optimum. Esset indignum Deo qui omnia optima habere potest, aliquid mali concupiscere.

Tandem Deus est ipsa constantia, ut nulla *Et constan-* sit in eo mutatio. Quemadmodum supra di- *tia.* ximus; in Deo omnia unum sunt, essentia, voluntas, potestas, operatio & constantia: quæq; Deus vult à se fieri, essentialiter & efficacissimè vult, & statim operatur. Si ergo Deus semel probaret mortem, dolum, impietates, & similia, ipse statim fieret mors, odium, dolus, mendacium, impietas &c. nec posset alia nisi hæc operari, nisi seipsum iterùm mutare vellet ac destruere. At tam blasphemæ & absurdæ contradictiones à Deo sunt alienissimæ, unde sequitur nec posse nec velle Deum contra se, hoc est, contra legem suam agere, & legem Dei tam diu fore immutabilem, quandiu sibi constabit Deus: item, omnes qui contra legem naturæ peccant, directò peccare contra Deum: & tandem, necessariò statuendum esse aliud principium, ex quo in tempore extiterunt & existunt

existunt mala, quæ ab æterno non fuerunt, nec à Deo esse possunt, ut *sup. lib. 1. cap. 16.* voluimus. Sit ergò hæc summa disputationis nostræ, quod jus naturæ reverâ, primò, essentialiter & immutabiliter sit in Deo, quodq; decalogi vis, mens, voluntas, perfectio, essentia, iustitia, sive quocunq; tandem nomine exprimas, sit Deus ipse. Quod confirmatur iis definitionibus legis divinæ quas Chemnit. *in loco de lege cap. 2.* posuit, & ea legis divinæ explicatione quam *supra lib. 1. cap. 4.* tradidimus. Omnes theologi, qui accuratiùs de lege divina scripserunt, fatentur legem moralem esse regulam æternam & immotam mentis divinæ, seu Deum ipsum: nec Calvinus id diffiteri ausus est, *Instit. lib. 4. cap. 20. n. 15. lib. 3. cap. 23. n. 2.* quanquam id illi prædestinationis decreto, quod *lib. 3. cap. 21. & seq.* fingit, directio sit contrarium, v. etiam Piccol. *gr. mor. 10. cap. 26.* Et infinitas in absurditates mergemur nisi hoc statuerimus: blasphemias verò horrendas in Deum evomere cogemur, si eum secum dissidere statuemus. Non malè Plutarchus, ut *lib. 1. cap. 16.* indicavimus, putavit, Stoicos Epicureis absurdiores fuisse, nam Epicurus non negabat esse Deos, & tamen in effectu eos re verâ tollebat, quia statuebat eos nullarum rerum curam agere, quod nihil aliud est, quàm primum motorem & summum gubernatorem non agnoscere: Stoici verò & fatebantur esse deos, & omnia quæ fiunt, fataliter fieri arbitrabantur. Qui horum fatum crediderunt

*Necessario  
statui De-  
um esse le-  
gem ipsam.*

derunt esse aliquid supra Deum, eo ipso negarunt Deum, quod non agnoverunt summum: nam Deum esse & summum non esse, contradictoria sunt. Qui verò fati in potestate Dei esse, & omnia bona malaq; fataliter à Diis fieri putarunt, non modò Deum abnegarunt, quod eum, summum bonum, veritatem & iustitiam ipsam non agnoverunt, sed & præterea calumniati sunt, quod eum omnium scelerum autorem statuerunt. In easdem blasphemias absurditates, in abnegationem & calumniam Dei nos præcipitabimur, nisi legem naturæ Deo essentialem esse credemus. Potuissimus supra libro 1. copiosius docere, quomodo Deus sit unus, bonus, verax, constans, &c. ut ex iis quæ de voluntate Dei dicenda erant, deducerentur: sed quia illa à nemine in dubium vocanda putavimus, & à theologis explicari maluimus, contenti fuimus tribus præsuppositis, quæ lector ibi cap. 3. observaverit.

Subiungit hoc etiam ethnicis, quod lex naturæ esset ipse Iuppiter. Ergò ipsi Stoici (ut solent qui errores propugnant) sese refutabant, quod statuebant Deos *ἔδει ἐνεργῆτας ὡς ἀπαγορεύειν ἕσθαι ὁ κοινὸς νόμος διὰ πάντων ἐρχόμενος*, ὁ αὐτὸς τῷ Διὶ καθηγεμένῳ τέτρω τῆς τῶν ὅλων διοικήσεως ὄντι, hoc est, nihil eorum, quæ lex communis vetat, agentes, quæ per omnia pervadit, quæ eadem est ac Iuppiter, descriptionis universorum & administrationis imperator. Laert. in Zenone. Senec. epist. 95. *Dij immortales nullam dicere virtutem, cum omni editi, & pars natura eorum est.*

*Ethnici viderunt Deum esse legem.*

est, esse bonos. Et apud alios philosophos Deus crebro ipsa lex esse statuitur. Sotatus dixit : *θεὸς ἡ δὴ δὴς, τῶν αἰ δὴ ἀνθρώπων νόμος*, Deus lex est, hanc omnino semper cole. *Stob. serm. 1.* Plut. *ad princip. inerat.* dicit Ius & Fas Iovi non assidere ut quidam finxerint, sed Iovem esse Ius & Fas ipsum, & omnium legum antiquissimam & perfectissimam. Idem evincitur ex iis sententiis quas *sup. lib. 1. cap. 4.* de lege divina, item *cap. 7. 8. & 10.* de cognatione rationis & naturæ humanæ cum Deo audivimus. Cum enim viderent ethnici, amorem vitæ, veri & boni, esse de essentia rationis ac naturæ humanæ, omnia verò humana bona à Deo esse, cogeabantur fateri, illa multò perfectiora fore in Diis, quam in hominibus. Quid enim absurdius dici posset, quam Deum fecisse homines veritatem, amorem, iustitiam, & similia naturaliter amplectentes, & tamen ipsum omnibus hisce virtutibus destitui, nulloq; earum desiderio tangi. Si sunt de essentia rationis humanæ, multò magis sunt de essentia sapientiæ divinæ. Si Platonis, Arnobii, Lactantii, Augustini, & aliorum qui fabulas gentilium refutarunt, scripta evolvere vellemus, vel etiam libros Cic. *de nat. deor.* percurrere placeret, prolixè & evidentissime probare possemus, quomodo gentiles virtutes decalogi Deo essentielles esse, seu ultro & scientes, seu inviti & ignorantes confessi sint : sed relinquitur etiam aliorum industriæ locum, quædam verò ex superioribus colligi possunt. Non est autem

autem quasi novum & inusitatum quid mirandam, quod Stoici, Epicurei & alii sibi ipsis toties contradicant, ut modò prælarè de Deo sentiant, modò absurdam aliquam sententiam proferant: nam hoc ita evenire solet, ut Arist. inquit, *dato uno inconvenienti, sequuntur infinita*: omnis error suam contradictionem secum fert, & plures errores secum trahit.

Tanta est porrò præceptorum decalogi, seu *Decalogi virtutum* divinarum in Deo affinitas & unitas, *unitas.* ut videantur omnia in se unum esse, & nobis tantum melioris intellectus gratia aliis subinde verbis proponi. Nam ut Christus *Mat. 22. v. 37.* Paulus, *Rom. 13. v. 10.* Iohannes *ep. 1. cap. 4. v. 20.* omnia totius decalogi præcepta hoc unico verbo, *AMA*, comprehenduntur, & omnia amoris esse dicunt, *v. sup. lib. 3. cap. 1.* ita etiam cum omnes virtutes (cogimur humanis verbis loqui, quia divina defunt) (Deo essentiales esse indicare volumus, uno verbo dicimus quod sit *AMOR*. Hanc omnium virtutum unitatem indicant ethici, *v. Plut. de virt. morali, Piccol. gr. mor. 4. cap. 33. 34. 37. & ff.* quam & phrasibus istis innuimus, cum sæpè unam virtutem per aliam commendamus, ut cum veritatem dicimus esse honestam, amorem liberalem, &c.

Atque hæc consideratio non est theologica *Quid hæc tantum, sed etiam ad studiosos juris pertinet, ad iurecon-* quia est legis. Lex autem moralis fundamentum est totius jurisprudentiæ, cui leges civiles superimponuntur. Si legem moralem non intellex-

V

rellexe-

tellexerimus, quousq; nobis in civilibus progredi liceat scire non possumus. Et si hoc dubium relinqueremus, an jus naturale mutabile esset? vel an Deo verè & semper placeret? labefactata esset tota jurisprudentia, nostrumq; jus ibi incertum foret, ubi nos gloriati fuimus esse constantissimum. Ambigeremus, an Deus adhuc in ea voluntate, quam olim patefecit, persisteret? an legem moralem Iudæis tantum in veteri Testamento servandam, nobis verò novo in fœdere abrogandam dedisset? Incerti essemus an omnia furta, adulteria & similia delicta invito Deo fierent, an fures & latrones punire liceret, an verò Deus mutatâ voluntate talia delicta quibusdam impunita esse vellet? Item in legum civilium sanctionibus dubitaremus, an liceret alicubi jus naturale mutare, violare aut tollere? Extiterunt etiam nonnulli qui legē omninò ex Ecclesia procribendam putarunt: alii eam à malo quodam dæmone confictam opinati sunt: hi omninò plurimum profecissent, si concederemus Deum posse contra legem suam agere, vel aliquid contra jus naturæ factum probare. Nonnulli etiam evincere conati sunt legem non naturâ, sed tantum opinionibus hominum constare, (de qua opinione inferiùs agemus) hi omninò vicissent. Et sublato vel labefactato jure naturæ, brevi tantus invalesceret juris contemptus ac actum esset de omni publica disciplina. Quis non jus in vi poneret, quis contra rationem & jus



jus naturæ agere metueret, si non constaret semper invito Deo fieri, quod sit contra jus naturæ? Nos ipsi, qui jus interpretamur, docemus, discimus & in foro tractamus, cujus Dei aut juris ministri essemus, nesciremus. At cum jus naturæ, quod fundamentum est Jurisprudentiæ, tam certum, constans & sanctum esse constet quam Deus ipse est, tum Jurisprudentiæ nostræ autoritas & certitudo in Deo ipso fundantur, juri hostes inimiciâ Dei terrentur, Institiæ antistites divinitus animantur & in eo confirmantur, quod sciunt se ministros Dei esse, non hominum sed Dei opus tractare, & jure rationabili sanctissimâ conscientiam uti posse. Summè itaque hæc necessaria sunt, ad confirmandas conscientias nostras, & solida juris fundamenta ponenda.

*Quomodo lex moralis rectè intelligi possit & quando violari aut mutari dicatur.*

## CAP. IX.

**V**T in omnibus ferè, vel in excessu vel in defectu peccari solet, ita etiam jus naturæ duplici modo violatur: vel cum illi affingitur aliquid præter mentem ejus, vel cum detrahitur. Quidam naturalia pro civilibus habent, eaq; mutant: alii civilia pro naturalibus venerantur,

*Quomodo  
jus nature  
rectè intel-  
ligatur.*

rantur, & immutabilia censent. Utrinq; peccatur, hinc superstitione, cum quod naturale non est. pro divino suspicimus; illinc inscitia, cum naturalia civilibus adæquamus. Qui hæc rectè discernere volet, non tantum verba legum, sed verborum mentem principaliter inspiciet: verba enim propter mentem sunt, & interpretis officio funguntur, mens verò vita est & anima legis. Sed nec mens legis superstitione accipienda, ut nonnulli nimis intelligendo omnem legis intellectum corruerunt; perq; allegorica figmenta & verba & mentem legis veram simul amiserunt: nec nimium inhaerendum est verbis, alioquin mentem legum non assequemur. Utrobq; observandum est illud Comici, *ut ne quid nimis*. Iureconsulti dicunt, *Scire leges non est verba earum tenere, sed vim ac potestatem*. l. 17. D. de legib. at verborum aucupes, & qui mentem legum aliter accipiunt quam oportuit, vocant juris calumniatores. l. 14. 15. 18. 19. 25. 29. & 30. D. de legib. l. ea est. 65. D. de reg. jur. l. penult. D. ad exhib. Christus appellat hypocritas, & Phariseos Mat. 6. 12. & 23. objurgat graviter, quod verbis legum inhaerendo mentem ejus corruerint. Putabant enim quia scriptum esset, *non occides: non mœchaberis: non pejeraus per nomen Dei tui*: iram, invidiam, libidinosos affectus, juramenta vana, quæ per templum & aram, vel per cœlum fierent, non esse peccata: at die Sabbathi perituro homini manum porrigere, vel spicas avellere, esse piaculum ingens, quia

quia scriptum esset, *nullum opus facies die sabbathi*. Docent autem theologi specialiter de omnibus præceptis quæ absurda secutura sint, & quomodo lex tota peritura esset, si aut verbis nimis insisteremus, aut mentem ejus nimis extenderemus, quæ ex illorum scriptis peti possunt. Nos, quia videmus Iureconsultos interdum intempestivè pungi, quasi juri naturali per leges nostras civiles vis facta sit, una atq; altera questione exempli & doctrinæ causâ ostendamus, quomodo mens juris naturæ investiganda & conservanda sit, & quod leges nostræ civiles, si quis iis rectè utatur, naturalibus nihil detrahant.

Generaliter id præmittendum est, jura naturæ non mutari, quando è duobus bonis eligatur majus, ut cum ob salutem & amorem plurimum pauciores prætereuntur, quia jus naturæ non jubet hunc tantum amare qui nos implorat, sed & illos quorum salutem consulitur. Amoris & juris naturæ est, etiam suo damno aliis servire velle *Rom. 9. v. 3. Exod. 32. v. 33.* & tam alieno gaudio gaudere quam proprio. At contra jus naturæ est, malle multos lædere quam pluribus gratificari, *contra officium est*, ait Cic. 1. *offic. majus damnum auteponi minori*. Solent homines sua privata incommoda semper putare maxima, & iniquum censent aliorum causam suam præponi. At si tùm ipsi jus naturæ quod ab aliis lædi clamitant observarent: si proximos suos sicut seipsos diligerent; si pu-

*Jus natura  
vult majus  
bonum præ-  
ferri mi-  
nori.*

blicam salutem æquè ac privatam cordi haberent ; si talia exempla in perniciem reipub. tendere , at pereunte republ. de omnibus civibus actum esse & tanquam corde vulnerato omnia membra necessariò mori intelligerent : si in simili aliorum causa idem quod nunc damnant se probaturos cogitarent ; longè aliter de suis incommodis judicarent. Falluntur itaque, qui putant juris naturæ eam esse mentem, ut nos solos super omnes amemus , aut jus civile toties vim facere naturali, quoties majus damnum minori postponit. Deinde & hoc monendum, talium electionum necessitatem non ex ipso jure venire, sed ex factis hominum injustis, vel ex erroribus. Nulla juris species hominem in eam necessitatem trahit, ut cogatur eligere aliquid non absolutè bonum, sed peccata hominum contra voluntatem juris commissa nos in eas angustias detrudunt. Quia itaq; nobis omnia ex voto non succedunt, non possunt omnes humanæ actiones haberi simplices, sed plurimæ earum sunt mixtæ. At in illis defæcato judicio opus est, ut non affectuum impulsu, sed rationis acumine, quid proquall eligendum sit rectè discernamus, quemadmodum *lib. 1. cap. 13.* docuimus. Sed generalia fortè ita non penetrant, ostendemus itaq; in una atq; altera quæstione specialiter, quomodo jus naturæ investigandum, conservandum, & à civili distingvendum sit.

Lex

Lex divina inquit, *honora patrem tuum & matrem tuam*. Si hæc verba ad literam intelligimus, avi, atavi, magistratus, præceptores, seniores, & si qui sunt alii, qui interdum officii paterni partem suscipiunt, nullo erunt honore digni. Si verò verba illa nimis extenderimus, patribus jubentibus furari & quidvis perpetrare licebit. Neutrum menti legislatoris convenit. Deus vult omnes qui paternè nobis consulunt suspici & grato animo coli, sed ita ne summus omnium pater despiciatur & inobedientiâ offendatur. Patres nostri, si æquum putant parentes à liberis coli, colant ipsi quoque suum patrem, nec jubeant nos cœlestem patrem offendere, cui primus ab omnibus debetur honos *Mat. 10. v. 37. act. 5. v. 29*. Non tollitur hoc præceptum *Mat. 23. v. 9*. ubi vetat Christus quenquam patrem appellare præter Deum, nec cum *d. cap. 12*. Christus jubet se supra parentes diligi, sed explicatur, & nimius honor qui homini non debetur restringitur. Sic & civiles leges hoc præceptum non violant, quando gravissimis quibusdam ex causis inter parentes & liberos accusationes, exheredationes & similia concedunt, quia hoc fit tantùm ubi ratio, pietas & conscientia id suadent, cum quis se juris naturæ beneficiis reddidit indignum. Arguunt alii jus civile, quasi hoc præceptum ariete hostili percusserit, cum dicit liberos non esse in matris potestate, posse ergo eos interdum matre invitâ matrimonium contrahere.

*Quomodo  
parentes  
honorandi.  
  
  
  
  
  
  
  
  
  
Cur liberi  
negentur  
esse in po-  
testate ma-  
tris.*

trahere. Magnas hinc mulieres extollunt querelas, quibus nonnulli conterriti, abjecto jure civili tanquam inutili clypeo, statim in aliena castra juris canonici confugerunt, & ne ibi ut ignavi milites excipiantur, necessitatem transitionis suæ ita excusare conantur, quod dicunt in causis conscientię Canonicum jus observandum. Quid hoc sit dicere, nondum satis perspicio: an Imperatores nostros & legum civilium autores nec rationem habere dicunt nec conscientiam, ut toties a jure civili recedendum sit, quoties salvam velis habere conscientiam? an nulla nisi matrimoniorum & juramentorum jura (hæc enim fere sola causas conscientię facere, nescio quo antiquo errore illis placet) ad conscientiam pertinent? nonne totum jus naturale in omnibus suis articulis æquè attingit conscientiam? Certè naturalia jura, quæ primò & per se conscientiam tangunt, eadem sunt in jure civili & canonico, & in toto mundo. Civilia verò conscientiam tangunt per accidens, cum coincidit contumacia ejus, qui suo magistratui obedire recusat, ut infra dicetur. An ergò conscientia non læditur in aliis juribus naturalibus ut in furtis, in latrocinis, aut cum quis leges sui magistratus probas despicit, & alias præfert deteriores? Sed mitto hæc: ad ipsam quæstionem respondeo, distinguendam esse potestatem ab honore. Honor, gratitudo & amor debentur parentibus jure naturæ, nec ulla civili lege illis denegantur,

tur, nisi fortè parentes se juris naturæ beneficiis reddiderint indignos, postulando aliquid contra Deum, rationem, conscientiam, salutem publicam &c. tum enim prævalet quod modo diximus, Deum & salutem totius civitatis præferri privatorum cupiditati. Potestas verò est civile quid, quæ datur vel adimitur alicui imperium in rebus quæ reipubl. præjudicare possunt. Naturalis juris non est, quia jus naturæ omnes homines agnoscit æquales & nullam novit coactionem, ergò nec imperium superioris quo inferiorem cogere possit, Augustin. *de civ. Dei lib. 19, cap. 15*. Tota essentia & gubernatio juris naturæ consistit in amore, & beneficiis spontaneis; coactionem vel increpationem jus naturæ simplex ex se non gignit, sed omnes naturalis juris defensiones primò juris gentium sunt, & ex illo nonnunquam vocantur ad jus civile. Omnes ergò casus, in quibus coactione aliqua opus est contra invitum, pertinent vel ad jus gentium, vel ad civile. Sic parentibus ex jure gentium competit potestas quædam in liberos invitos, quatenus eâ rationabiliter utuntur: at quia experientia docuit, quosdam consilii imbecillitate aut pravitate ea malè uti, & reipubl. talibus exemplis offendi, imperii paterni approbatio & executio translata fuit ad magistratum. Et parùm refert, siue nostri juris simus siue alieni, siue parens nos habeat in potestate siue magistratus pater publicus, fisdem legibus semper sumus obstricti. Hoc tantum

interest, quod qui in potestate habet, potest nonnulla jubere aut vetare proprio imperio, quæ alter in potestate non habens impetrare debet auxilio magistratus. Sed non refert magni, utrinque eadem æquitas, idem jus spectatur: potest mater, si æquum postulat, patriam potestatem exercere per patrem publicum & potestatem prætoris. Quod autem nulla matri potestas constituta fuit, quâ liberos in scio magistratu cogere possent, causæ sunt gravissimæ. Eâ enim ratione mulieres contra naturæ ordinem acciperent imperium in masculos, cum illæ à viris regi debeant *Gen. 3. v. 16. 1. Cor. 11. Eph. 5. l. 1. D. de Senator.* Et incideret eadem potestas in uxoratos, ut mariti ex matrum suarum arbitrio cogerentur regere suas uxores & familias: quam eandem potestatem haud dubiè etiam socrus exercere vellet in generum. Quid tum patres agerent? Si illi quoque potestatem in liberos haberent, duplici aut quadruplici subjicerentur privatæ potestati: si verò illis imperium omne abrogaremus, solæ matres præciperent. Quid si matres, defunctis maritis, ad secunda vota procederent, an liberos suos in potestate retinerent ipsæ maritorum potestati subjectæ? an verò etiam liberos vitrici potestati subjicerent? Item, si quæ viduo nuberet, an potestatem matriam in liberos ejus anquireret? Vides, opinor, quàm turpis & periculosa familiarum & ordinis naturalis securura esset conturbatio. Sed multò adhuc intolerabilia.



## LIBRI III. CAPUT IX. 315

terabilius eadem potestas matris incideret in personas publicas, in consules, in reges & principes. Regerentur respub. à mulieribus, & publici patres sub privatarum matrum essent potestate: quid eo absurdius? Rectè ergò matribus denegata fuit potestas in liberos, & rectè constituti sunt quidam tollendæ privatz potestatis modi, ut parentes eo abuti non possint, & magistratus publici imperium, quando id per privatum patrem exerceri non expedit, ad se recipere queant. *Instit. quib. mod. jus pat. pot. toll.* Quæ in re nihil adimitur parentibus, nisi ut pauca illa, quæ alias privatâ autoritate expedire potuissent, per magistratum impetrare jubentur. Interim liberi parentibus naturalem honorem & gratitudinem debent, quæ tam latè se extendunt, ut rarò quid eveniat, quapropter liberi ob defectum privatz potestatis ad magistratum sint vocandi. Ad consensum parentum in liberorum nuptiis præstandum, dico quod filiusfam. quem pater aut magistratus sui juris nondum fecerunt sine patris sui consensu uxorem ducere nequeat, nisi cum pater suâ potestate abutitur, tùm enim implorato magistratus auxilio illum agere potest, ut quod æquum bonumq; est faciat, non obstante potestate privata. *l. cap. 19. D. de ritu.* Quod matris consensus hic non requiritur vel non necessarius esse dicitur, causæ hæc sunt: Quia filius non potuit in duplici privata potestate esse, ob causas supra indicatas. Deinde non debuit pri-  
vata

vara mulieri dari potestas impediendi nuptias in quas maritus, socer, & filius adultus, tres viri consensissent, vel etiam (si fortè patrum nemo sit superstes) in quas solus filius consensisset. Si putat se iniquè ladi, convenire potest magistratum: at privaram tantam potestatem mulieri in familias & viros dare non fuit utile. Præsumuntur viri qui uxores ducere volunt tantum consilii habere ac mulier, & personas cum quibus contrahunt melius nosse: matres sæpè nesciunt quid consulant suis liberis, quidve velint. Tandem, si in jure naturali læsa est mater, aut si rationabilem honestamq; exceptionem habet contra filii nuptias, haud dubiè maritus ejus in nuptias filii non consentiet, aut si ille obierit poterit dehortari filium: Si matris monita non audierit, auxilio magistratus illum cogere poterit ut obediat. Si verò in jure civili tantum læsa est, nihil habet quod queratur, quia civilia tanti momenti non sunt, ut propter ea lites excitari debeant quando naturalia sunt salva. Nimia obstinatio nec in patre nec in matre probanda est, quia non possunt in vita humana omnia ex amissis haberi, *summum jus summa injuria*. Ignoscendum aliquando juvenili fervori, & cogitandum nos quoque interdum nostros liberos offendere. Discamus illud Mitionis ap. Terent. Do, prætermitto, non necessum habeo omnia pro meo jure agere: & quod Iureconsulti dicunt, patriam potestatem in pietate consistere non in avaritate l. Divus. s. D. de l. Pomp.

# LIBRI III. CAPUT IX. 317

*Pomp. de parricid.* Sed homines nostri, cum aliquantulum juris habent, eò inhumaniter & rigide uti volunt: cum verò judex humanitatem summo juri præfert, & suadet aliquantulum indulgere amorì, cum cœlum terramq; ciente clamoribus, & obtestantur se contra jus & fas iniquissimè lædi. Si quis talibus clamoribus se moveri patiatur, ut crediderit jus civile toties abjiciendum, quoties id iniquitatis accusatur ab iniquis litigatoribus, nec naturale nec canonicum ab iis defendere poterit. Filias verò jus noluit sine matrum consensu nubere, quia illarum conditio matribus melius nota esse videtur, nec possunt illæ alienæ familiæ vel officiis publicis tale præjudiciũ facere ut masculi. Si tamen pater sit superstes, ejus consensus meritò præfertur: aut si mater filiz suæ honestam conditionem quærere nolit, suaq; potestate iniquè abutatur, conceditur etiam filiabus ut sine matrum consensu nubant. *l. 1. § 18.*

*C. de nupt.* Est hoc universale, ut omnium parentum exceptiones & petitiones si æquæ & bonæ sunt audiantur, siue in potestate habeant siue non. Jus nostrum quæ iniqua & contra bonos mores sunt, pro impossibilibus habet, & iniquis petitionibus liberorum aut parentum nunquam patrocinator. *l. filius. 15. D. de condit. insti.* Nihil ergò est quod jus naturæ hic lædi putemus, aut ad canonicum jus transfugiamus: leges civiles multò honestiùs & prudentiùs loquuntur de jure matrimoniali quàm Canon-

nonicæ, minutq; abludunt à jure Mosaico, nec concedunt liberis, ut se clandestinis sponsaliis & perjuris juramentis contra leges & parentum voluntatem obstringant, omniaque jura prætextu juramentorum subvertant, qua de re non est hîc differendi locus.

*Ans. Deus  
furta pro-  
bare possit.*

Quæritur deinde, an Deus aliquando probaverit furta? ut *Gen. 30. v. 31.* ubi Jacobi artificium suâ benedictione promovere videtur. At respondemus, furtum sine affectu furandi non committi: si verò totam historiam inspiciamus, nullum furandi animum in Iacobo posse deprehendi. Pactiones fecerat pro Labano, & legem contractus sibi ab insidioso homine decies mutari passus est: si furto discescere animum induxisset, alia fraude potuisset uti. Animus malignus, invidus & insidiosus hîc in Labano apparet, non in Iacobo, ut rectius dicas Labanum fuisse impium furem, quàm Iacobum. Nam debebatur Iacobo jure naturæ si non dos, attamen merces aliqua, pro viginti annorum servitute tam dura, quàm vix vilissimum mancipium morti præferret: at impius Laban, vigilantia generi ditatus, eum maluisset occidere, vel cum filiabus suis domo extrudere: quis humanus iudex id probaret? Si talis causa coram prætore Romano ageretur, eriperet iniquo homini quantum pro tot laboribus tribui æquum putaret: an propterea furtum aut vim faceret? nullo modo: nec vis nec furtum est æqua postulantibus contra iniquos succur-

succurrere. l. continet. 3. §. 1. D. quod met. ca. l. 1. D. de furt. Idem de Israëlitis Exod. 12. v. 35. Ægyptiorum argentea vasa auferentibus dico. Nul-  
lus erat in illis furandi animus, multò minus in  
Deo, qui quæ suæ sunt nemini auferre potest,  
nee opus habet ut alteri subtrahat quod huic  
donare cupit. Erat iustissima merces laborum,  
& exigua compensatio multarum atrocissimarum  
injuriarum, quibus ab Ægyptis erant af-  
fecti, & præterea erat donum: nam Ægyptio-  
rum nemo quid reposcebat, sed donabant ul-  
trò, abirent modò, & pro vita suâ apud Deum  
intercederent. Hisce ergò in causis Deus non  
probavit furtum sed æquitatem, & quando ta-  
lia in foro occurrunt, non patimur jus civile  
accusari quasi naturale offendat, quia mens ju-  
ris naturæ nunquam fuit talibus delictis patro-  
cinari. Hactenus itaq; nihil affertur, quo Deum  
aut leges nostras contra jus naturæ aliquid e-  
gisse probaretur.



*Agitur ulterius de vero juris mo-  
ralis intellectu, & questio de polyga-  
mia explicatur.*

## CAP. X.

VEntilabimus adhuc unam questionem  
haud paulò difficiliorem, quam aggravat  
nobis eruditorum & piorum quorundam au-  
tori-



toritas. Sed quia tamen permagni interest juris naturæ verum intellectum habere, & nec patrum opinionibus, nec ignorantium exemplis ab eo seduci, ostendemus quomodo interdum per varia inveteratarum opinionum obstacula penetrare, ea commodâ interpretatione amoliri, & ad veram mentem juris naturæ pervenire oporteat. Sic enim voluntatem juris nativi rectè assequemur, divinam ejus immutabilitatem perspiciemus, & ab omni ejus cavillatione ac oppugnatione abstinere discemus. Proposito nostro non ineptam putavimus quæstionem de polygamia, de illa videbimus, an Deus aliquando contra mentem legis suæ dispensarit, & an leges nostræ civiles huic juri aliquid ademerint?

*Cur Deus  
polygamiam  
toleravit?*

Lex conjugii proponitur *Exod. 20. v. 14.* his verbis, *Non machaberis*, quam cum Adamo naturam esse testantur ipsa Adami verba *Gen. 2.* & Christi, *Mat. 19. v. 5. 6.* Apparet etiam, quæ mens legis conjugalis ab initio fuerit, nempe ut *duo essent una in carne*; Sic enim Adam *Gen. 2. v. 23.* vel Deus ipse *Mat. 19. v. 5.* legem conjugii proposuisse dicitur. Cur ergo Moyses polygamiam concessit? cur Deus illam in patribus toleravit? cur Christus excusat Moysen? *Mat. 19.* & cur nostrum jus civile olim divortia concessit, nunc verò polygamiam capitali poenâ prohibuit? divortia enim polygamiam subinferunt. Si jus naturæ immutabile est, si est Deus ipse, si contra jus morale nec Deus nec homo agere

agere debet, unde hæc inconstantia? Nihil est ut maledictis invehamur in Lamechum, qui polygamix autor habetur, *Gen. 4. v. 19.* utrum ille primus duas uxores duxerit an non, parum ad rem facit, de lege & jure quaritur, non de exemplo. Cur viri sancti, Abraham, Jacob, David, & similes, plures uxores duxerunt? cur Deus illis polygamiam indulgit si contra jus naturæ est, & Deus contra se nihil agere potest? Expressum quidem præceptum nullum extat: nam quod quidam opinantur legem de proxima cognata ducenda *Deut. 25. v. 5.* etiam in uxoratum incidere potuisse, ut nec quicquam certi concludit, ita nec illos qui ante hanc legem à Mose latam plures uxores simul habuerunt attingit. Magis ad rem facere videtur quod Deus sanctis suis polygamiam nunquam exprobravit, & Spiritu Sancto in iis habitavit, quod nunquam fecisset, si uxorum pluralitatem improbasset. Patres enim, quia peccatum illud nunquam agnoverunt vel correxerunt, vixissent in perpetuo peccato, egissent contra Deum, & ita Deo placere aut Spiritus Sancti templa esse non potuissent. Deinde, quod Deus per prophetam *2. Sam. 12. v. 8.* ad David inquit, *dedi tibi domum doctriini tui, & uxores domini in sinu tuo.* Solet autem Deus in piis etiam exiguos navos corrigere, quia vult illos esse perfectos. *Mat. 5. v. 47.* Video variè responderi à theologis, & quidem ab iis quorum meritò non spernitur autoritas; neque ego corni-

*Polygamia  
in vauit  
consuetu-  
dine.*

*Responso-  
nes aliorum  
cautè acci-  
pienda.*

cum oculos configere gestio, attamen ut Cic.  
*i. de legib. inquit, vereor committere ut non bene pro-*  
*visa & diligenter explorata principia ponantur.* Patrum  
 nonnulli, vel quod nihil mali suspicarentur, vel  
 quod humanarum virium non est in omnibus  
 æquè perfectum esse. negligentius ad hanc  
 quæstionem responderunt: eorum verba quæ  
 cautâ & commoda interpretatione juvari po-  
 tuerant, alii sinistre accipiunt, & juris naturæ  
 mutabilitatem eversionemq; inde moluntur.  
 Advigilemus itaque, ut opiniones, quas sine  
 magna totius juris fraude recipere non possumus,  
 amoveamus, ne hoc cuniculo fundamen-  
 ta juris suffodiantur.

*Polygamia  
 simpliciter  
 prohibita  
 non fuit.*

Ambrosius, lib. i. de Abraham, cap. 4. ait: *Sed  
 consideremus primum, quia Abrahami ante legem Moysi  
 & ante Evangelium fuit, nondum interdictum adulterium  
 videbatur. Pœna criminis ex tempore legis est qua crimen  
 inhibuit, nec ante legem ulla rei damnatio est, sed ex lege.*  
*Non ergo in legem commissi Abrahami, sed legem præve-*  
*nit. Deus in paradiso conjugium laudaverat, non adul-*  
*terium damnaverat.* Si hanc responsionem sim-  
 pliciter pro ut verba sonant admiserimus, ne-  
 cessum erit nos falsa confiteri omnia, quæ su-  
 pra de juris naturalis essentia & origine dispu-  
 tavimus. Ergo lex moralis non fuerit homini  
 naturalis, nec ad nos, qui ex Israëlitis nati non  
 sumus, pertinuerit: poterit etiâ quodcumq;  
 voluerimus abrogari: prævenerint etiâ le-  
 gem Lamech, Gen. 4. v. 19. Cain, ibid. v. 8. & o-  
 mnes, qui in diluvio perierunt Gen. 6. item Ham  
 Gen.



Gen. 9. v. 22. Abimelech, Gen. 20. v. 3. Pharaos, Exod. 1. v. 16. & 22. & ut summam dicam, nemo ante Mosen peccare potuisset. Quam verò hæc inconvenientia sint, & quam brevi, hoc dato, tota lex & omnis illi inædificata jurisprudentia collapsura foret, cuivis facile est conjicere. Sed quis Theologorum Ambrosio concesserit, nec legem nec Evangelium ante Abraham fuisse? Hoc puto eum dicere voluisse, polygamiam lege naturæ simpliciter prohibitam non esse, ergò eam potuisse ferri, inprimis ante Mosen & constitutam rempub. Israëlitarum, quod tùm minus fuerit scandalosa.

Chrysost. in Mat. homil. 56. ait, non est judicandum de patribus pro nostra ratione: tùm enim licebat, nunc non licet. At hoc non est solvere quæstionem, sed quærenti silentiam imperare, nisi fortè ita interpretabimur, quod dicere voluerit, patres non fuisse viros quales vulgò esse solent, ideoq; illis plus licere potuisse. Quomodo verò patres perfectiores fuerint aliis, infra audiemus.

Augustinus lib. 3. de doct. Christ. cap. 12. sufficientia prolis causa, erat uxorum plurium simul uni viro habendarum inculpabilis consuetudo. Et lib. 6. de civ. Dei cap. 38. eo tempore multiplicanda posteritatis causâ multas uxores habere nulla lex prohibebat. Et Ambros. iterum, d. cap. 4. habes primam Abraham defensionem. Secunda illa est, quod non ardore aliquo vaga succensus libidinis, non petulantis formæ captus decore, ancilla concuburnio conjugalem posthabuit thorum: sed studio quæ-

*Virī sancti  
ex ingenio  
vulgi non  
judicandi.*

*Polygamia  
anxi car-  
tum pro-  
rum.*

tenda posteritatis & propaganda sobolis. Adhuc post diluvium raritas erat generis humani: erat enim religionis ne quis non reddidisse debitum videretur natura. Denique & Lothi sancti filia hanc causam querenda posteritatis habuerunt, ne genus deficeret humanum, & idcirco publici muneris gratia privatam culpam prætexit. Malumus hoc quoque bonam in partem accipere quam cavillari, ut patriarchæ nonnunquam studuerint alios sibi amicitiae vinculo obligare, & se propter reproborum multitudinem amicis atque affinibus stipare: quod item numerum piorum suâ operâ crescere & augeri optârunt. Veruntamen hæc solutio principalem nodum non tangit, & relinquit post se scrupulos toti legi æque periculosos, ut nihilominus videatur concedi, Deum posse contra mentem legis suæ connivere. At Deo nunquam opus fuit impiis mediis ad propagationem hominum; & si sola prolis cupiditas excusationem violatæ legis præberet, etiam promiscuæ libidines & uxorum communionem possent excusari.

*Polygamia  
non fuit  
scandalosa.*

Aliam responsionem afferunt idem Augustinus lib. 16. contra Faust. Quia tunc mos erat, peccatum non erat: nunc autem, quia mos non est, peccatum est. & lib. 22. cont. Faust. cap. 47. in eandem loquitur sententiam. Et Ambros. de polyg. Patrum hoc, quando mos erat, crimen non erat. Hoc dicere voluerunt, non fuisse tam scandalosam ut nunc foret, si iterum in usum vocaretur; alioqui præva consuetudo neminem excusat.

Si lex

Si lex conjugii purè ceremonialis aut politica esset, subscribere possemus illis, qui putant polygamiam in veteri testamento & republ. Molaica tantùm fuisse concessam : at Christus disertè contradicit *Matth. 19. v. 4.* & ne apicem quidem legis se deleturum ait *Mat. 5. v. 17.* Est in jure matrimoniali morale quid, quod ab initio valuit & immutabile fuit.

*Recensionum  
correctiones  
denotantes.*

An ergò dicemus hunc errorem patribus specialiter condonatum, quia gratiâ Dei excidere non potuerint? Ne hoc quidem: quia Deus respectum personarum in sua justitia non habet, nec potest contra se agere.

Multò minus verum esse potest quod quidam opinantur, Deum uxorum multitudinem tantùm civiliter & externè permisisse, at re verâ improbasse: nam Deus non agit hypocriticè, nec habitat in talibus Pseudosanc̃is, qui similes sunt sepulchris dealbatis, *Mat. 23. v. 27.* Afferenda ergò erit alia responsio, quâ sanctos patres, quos ob polygamiam damnare non possumus, excusemus, & legis moralis immutabilitatem confirmemus.

Diximus supra, mentem legum spectandam, non verba. Verba legis *Exod. 20.* sunt: non *machaaberis*: si hæc ut sonant acceperimus, fornicationes simplices & aliæ feediores libidines non erunt peccata, quod falsum. Explicatio huic legi *Mat. 19. Gen. 2.* addita, quatenus huc pertinet hæc est, *erunt duo una in carne.* Si hanc quoq; ad literam interpretari voluerimus, non licebit

*Adversus  
conjugialis  
querenda.*

priore conjuge ob adulterium repudiata alteram ducere, nec secundæ nuptiæ fuerint concedendæ, quia Deo omnes vivunt *Luc. 20. v. 38.* Penitiùs ergò introspectienda lex est, ut totam ejus mentem assequamur. Vera mens legis mihi hæc esse videtur, ut cum sexu muliebri pie, sanctè, honestè, sine publico privatove scandalo, amicè & castè vivamus, uxores non propter libidinem exercendam, sed sancto amore ducamus, ut sint adjutoria nostra & casta suscipiendæ sobolis organa. Quæ sit forma, quis finis conjugii, explicavimus supra *cap. 5.* nempe rationabilis, amica & pia societas, casta cohabitatio & generis humani propagatio. Ad hunc finem assequendum via compendiosissima & tutissima est per monogamiam, vix enim est ut amicitia & castitas inter plures æquè observari possit. Delectat plerosq; varietas, & moventur sensus per objecta, ipsaq; æmulationes ad invidiam & libidinem plurimum possunt. Qui tamen eundem finem in polygamia assequi possit, observaverit ille quidem quantum aliàs humanarum virium est, legis finem & mentem, attamen periculosiori ambulabit via. Si verò patres in sua polygamia tam pie, amicè, honestè & castè vixerint ut alii in monogamia, cur non liceat nobis affirmare, illos legem Dei æquè observasse polygamos, atque eam observassent monogami, & Deum illis nihil singulare contra legem indulgisse?

*Sancti patres mens legem humanam sat fecerunt.*

202

1717

*Notandum.*

Ac de pietate illorum neminem dubitaturum

rum arbitror, quia Deus impios pro suis non agnoscit, & nobis sermo non est de impiorum conjugis, sed de Abrahamo, Iacobo, Davide & similibus, qui verè & rationabiliter contrahunt matrimonia ut sup. cap. 5. diximus. Quod concorditer & amicè vixerint, testatur sacra historia. Non enim uxorum contemptu, sed rogatu earum cum ancillis consueverunt Abraham & Iacob. Fuisse quasdam inter eas æmulationes non est dubium, Gen. 21. & 30. at nullæ tales altercationes quæ mutuum amorem extinguerent, nec legimus maritos ad verbera processisse. Fribuscula verò exigua, quibus etiam monogamia non caret, imperfectioni humanæ condonari possunt. Nec fuit illo tempore inhonesta aut scandalosa polygamia, quia jam olim ita sensim invaluerat, ut nemo eâ offenderetur. At de castitate omnis oritur dubitatio, videtur enim castitas esse causa monogamiæ, & multitudo uxorum ob solam carnis libidinem esse prohibita, ergò in Deum castissimum peccare polygamos quia magis libidinosi sunt quàm monogami. Sed ex puris præsumptionibus & possibilibus nulla necessaria sequitur conclusio. Non sunt necessariò castiores qui unam uxorem ducunt, nec qui plures ducunt, ideò sunt incontinentiores, sed probabiliter & contingenter. Omnes autem præsumptiones, quæ de probabilibus & contingentibus sunt, veritati apparenti applicari & cedere æquum est. Suspiciones illæ sinistrae de

*Concordia  
conjugali.*

*Vita honesta.*

*Et castitate.*

*Patres præsumuntur præsumptionibus.*

*Responde-  
tur ad illas  
presumpti-  
ones.*

libidine patrum polygamorum, nascuntur ex vulgari hominum ingenio, quod plurimi uxores ducunt ob solam incontinentiam, non ex pio amore. At non oportet sanctos patres ex ingenio vulgi & ex lascivorum juvenculorum cupiditatibus æstimare, sed cogitandum nos loqui de viris perspectæ pietatis, humanitatis & gravitatis. Auget malam suspicionem quod hodiè polygamia est prohibita, & quod neminem videmus sibi multas uxores optare, nisi hominem nullius precii & legum contemptorem: ergò concludunt illi, tales etiam fuisse patres. Sed meminisse oportet, illo tempore uxorum pluralitatem nullâ civili lege prohibitam, nec cuiquam scandalosam fuisse: non duxerunt ergò patres sancti plures uxores in despectum legum, sed legi naturæ quantum pietas, humanitas & castitas ferre poterat, se accommodare studuerunt. Nostri homines nituntur in vetitum, & putant patriarchas idem fecisse, ergò illos quoque fuisse homines nihili. At si polygamia hodiè foret concessa, & nostris oculis intueremur illa mala, quæ patribus ex multitudine uxorum & liberorum obrigisse verisimile est, fortè vix patientissimi & ditissimi viri exorari possent, ut plures ducerent. Et sic de patribus cogitandum est, quod magna humanitas, longanimitas, patientia, & cordis integritas illos permoverit, non libido. Consideremus quæso vitam illorum, & nulla ibi singularis apparebit incontinentia. Abraham in  
tanta

tanta omnium rerum abundantia, & magna occasione rei veneret, dulcissimam prolem usque ad annum octuagesimum sextum expectat, quo tempore omnis carnis pruritus & juvenilis calor extinctus esse solet, tunc demum ancillæ suæ noctem indulget consilio & rogatu uxoris suæ, manente interim conjugali amore, *Gen. 16.* Magna ejus viri integritas, humanitas & patientia ex historia sacra nota est. Iacob suam sponsam septem annis ambiebat, castus in ardentissimo amore, quem propter dolum Labani exuere nec potuit nec debuit. Si jure suo uti voluisset expellere poterat Leam, sed appareret magna ejus patientia, quod illam licet minus dilectam retinet, assuetus Labani injurias musitare. Cum ancillis verò consuescit rogatu conjugum, prolem ancillarum, quia ex charissimo marito concepta esset, pro sua se agnoscituras spondentium, quod & faciebant. Liberos enim earum tanquam ex sese natos exosculabantur, & Deo gratias agebant, quod petitionibus clemens annuisset. David verò potentiam suam confirmare voluit amicis & affinis, ob solam incontinentiam plures non duxit, quia ejus longanimitas, humanitas & pietas describitur in sacris paginis. Quod si interdum hallucinati sunt sancti patres, & si occurrunt quædam quæ libidini imputari possint, mirandum non est, homines enim fuerunt; sed nos hoc tantum obtinere volumus, non fuisse eos ideo incontinentiores aliis, quod



plures uxores habuerunt. Si patriarcharum pectora religiosa & sancta fuisse fateri cogimur, concedamus etiam eos secundum legem carnis non vixisse, nam qui carnaliter vivunt Deo placere non possunt. Ut itaq; una conjux neminem necessario facit castum, ita nec plures uxores necessario arguunt dissolutum hominem. Potest quis unam habere conjugem, vel nullam etiam, & tamen esse incontinentissimus, nam externa illa præsumptio castitatis, quæ ab uxorum numero sumitur, lubrica probatio est. Multi ob solam libidinem uxores ducunt, ut quasi perpetuam meretricem alant domi, quos ego sanctiores & castiores esse Abrahamo non crediderim. Hieron. ad cap. 5. epist. ad Ephes. inquit, *Sicut non omnis congregatio hæreticorum Christi Ecclesia dici potest, nec caput eorum Christus: sic non omne matrimonium, quo non viro suo secundum præcepta Christi uxor jungitur, ritè conjugium appellari potest, sed magis adulterium.* Quasi dicat, non omnes propterea rectè & verè contrahere matrimonium, quod unam ducant, sed qui piè, castè & rationabiliter contrahunt, ut homines decet. Quidam in matrimonii fine spectant jus bestiale & desiderium carnis, alii verò contrahunt jure humano: ex his illi tantum verè contrahunt conjugium qui rationem & finem humanum spectant, non qui beluinum, ut sup. cap. 5. docuimus. Paulus 1. Cor. 7. v. 19. inquit; *Circumcisio nihil est, & præputium nihil est, sed observatio mandatorum Dei.* & Romi 2. v. 28. non est

Judas,



*Iudaus, qui coram hominibus Iudaus est, nec circumcisio est qua fit in carne: sed qui in abscondito est, Iudaus est, & circumcisio cordis, qua fit in spiritu, est vera circumcisio.* Possibile ergo est, vel contingens, ut quis cum una uxore castius vivat, quam alius cum pluribus. Omnibus in rebus, quas sola cupiditas sine natura fecit necessarias, sola ferè licentia fatiat, ut Plut. in lib. de sanit. tuenda testatur, & Martial. ad amicam scribit, nolle se, quia liceat, velle si negaretur. Et sic manet quod dicimus, castitatem esse de essentia legis naturalis ac de natura Dei, & Deum contra legem suam nunquam agere. Vidit Deus in patribus castos cordis affectus, & legem spiritus legi carnis prædominantem, ergo contra decalogum nihil egit, quando illis polygamiam indulxit, & concedere potuit ut plures essent una caro, quanquam amicitie & castitatis servandæ compendiosior ac tutior modus fuerat, si tantum duo viverent una in carne.

Factum verò patrum nobis imitandum non arbitror, quia non opus est ut publicum scandalum suscitemus, Deum tentemus, & nos periculo castitatis mutuzq; concordie exponamus. Deus piis condonat errorem, at contumacibus hypocritis dolum non condonat, ut videmus in Abimelech, qui ignorantia facti Abrahami uxorem detinebat, cui Deus culpam deprecanti respondet, se errorem condonare, at si eam reddere noluerit, occisurum. Gen. 20. v. 6. Lactant. lib. 6. cap. 13. ait, *ignoscitur illi, qui ad*

*Deum propter patres contra se non egit.*

*Car polygami hodie puniuntur.*

*peccat*

## 332 DE PRINCIPIIS JURIS

*peccatum imprudenter incauteq; labuntur: veniam non habet, qui sciens peccat.* Ideo & nostri magistratus contra legem Dei non faciunt, cum hodie polygamos tam severe puniunt, quia non posset illa sine magno peccato & scandalo iterum invalescere. Magna est inter nos & Iacobum, nostra & illius tempora dissimilitudo. Erat in illo pius & mansuetus amor; nostri pravâ & ferâ pruriunt libidine: quod illi sancto indulgêre amorî, hoc nostri fœdæ postulant lasciviæ: illi nemini erant scandalo: tu, si pius es, nemini scandalo esse voles. Nostræ familiæ & politiæ discerperentur litibus ac querelis, si pluralitatem uxorum introduci pateremur: vivamus ergò ita, ne quid publici privative mali excitemus. Si quis est qui id facere nolit, & putet se nostris legibus insultare posse, privati ganeo- nis sanguine magistratus auctoritatem & publicam salutem conservare non dubitemus. Nemo opinetur nos libidinosorum causam tueri voluisse, sanctum amorem patrum excusare animus fuit, non incontinentibus patrocinari. Cum neminem necessitas cogat plures uxores habere, sed quisq; unâ contentus esse possit, non video cur quis plures simul habere velit, nisi propter scandalum publicum & in legum contemptum.

Hanc verò sanctorum patrum apologiam monstravit nobis Augustin. lib. 3. de doctr. Christ. cap. 18. & 5. sequentib. ubi quæstionem de polygamia dextrè explicat, quemadmodum lector


ibi

ibi videre potest. Plura vide apud Arnisæum  
*de jure connubior. cap. 4.*

Ad gradus cognationis quid respondendum *Prohibitio*  
 fit, ex prædictis patet. Respectu Dei omnes su- *graduum*  
 mus fratres & sorores, sed Deus pudorem & *unde?*  
 reverentiam sanguinis naturalem in nobis  
 conservari voluit; ergo successu temporis ali-  
 quot gradus prohibuit. Adam duxit quasi fi-  
 liam suam, uxorem ex suo semine natam: ejus  
 liberi duxere suas sorores, quod concedere po-  
 tuit Deus, quia citra impudentem lasciviam  
 factum fuit. Sed cum malicia & impudentia  
 hominum cresceret, voluit Deus eos religionis  
 metu à commixtione, quam liberi fortiter inter  
 se exercere poterant, absterre, & simul ad  
 amicitiam cum aliis familiis faciendam com-  
 pellere. Quod ergo ab initio pietati, necessi-  
 tati, & castitati indulgeri poterat, postea cum  
 scandalosum & periculosum fieret, prohiben-  
 dum fuit. Moses iussit fratris viduam ducere  
*Mat. 22. v. 24.* & quidem sub pœna publicæ in-  
 famiæ. *Deut. 25. v. 5. & ff.* At Iohannes id He-  
 rodi vitio vertit, *Mat. 14. v. 4.* quia non respe-  
 xerat eum finem, quem Moses d. *cap. 25.* vide et-  
 iam Augustin. *lib. 15. de civ. Dei cap. 16.*

Divortia verò Moses per se nunquam proba- *Divortia*  
 vit, sed ob evitationem majorum malorum *cur con-*  
 prohibere non potuit, *Mat. 19. v. 8.* Sic & no- *cessa?*  
 stræ leges interdum concedunt divortia, ut evi-  
 tent deteriora mala. Fœnis legis conjugalis &  
 omnium aliarum legum, est pietas, amor, ca-  
 stitas,

stitas, honestas & utilitas, primum publica vel plurium, deinde privata vel singulorum, huc semper respiciendum. Peccant qui divortii causam præbent, peccant qui scandalum excitant, ac qui mala prohibere non possunt, & ideo è duobus pluribusve malis eligunt minus, non peccant. Sed video me longius evagatum quam putàram, & puto nos ostendisse, quomodo in quæstionibus obscurioribus vera mens juris naturæ sit investiganda, ne eam temerè lædamus, vel à Deo & legibus nostris læsam esse contra veritatem asseramus.



*Quod etiam ethnici & Jurecon-*  
*sulti Romani jus natura statuerint*  
*esse immutabile.*

#### C A P. XI.

Cum juris naturæ essentiam in ratione & divinitate agnovissent ethnici, & rationales hominum animas deorumq; virtutes perpetuas esse crederent, non dubitârunt etiam jus naturale immutabile statuere. Quia enim, ut supra vidimus, naturæ jus de essentia rationis, rationem verò nobis cum Diis communem, eamq; summam in Iove legem & Iovem ipsum esse fatebantur, non poterant jus naturale mutabile ponere, nisi etiam Iovem mutabilem facere voluissent. Inde ergò illæ de juris  
 nativi

nativi immutabilitate asserciones, quas superius inſperſas non opus eſt hic repetere. Iure-  
 conſulti naturalis juris conſtantiã ſapiffimè  
 præſupponunt, & expreſſè de ea loquuntur l.  
 penult. D. de Juſt. & jure. *Ius naturale ſemper æquum  
 & bonum eſt.* & l. 10. ibid. *Iuſtitia eſt conſtans & per-  
 petua voluntas ius ſuum cuiq; tribuendi.* l. jura ſangvi-  
 nis. 8. l. quod attinet. 32. D. de reg. jur. Explicatiùs  
 loquitur Imp. 6. penult. Inſt. de Iure nat. ſed natura-  
 lia quidem jura, quæ apud omnes gentes peræquè obſer-  
 vantur, divina quadam providentia conſtituta, ſemper  
 firma atq; immutabilia permanent. Sic & Seneca ep.  
 66. dicit rationem eſſe immutabilem, & Ariſtor.  
 5. eth. 10. al. 7. docet naturæ jus non mutari.  
 Quod verò l. *Ius civile.* 6. D. de Juſt. & jure dicitur  
 interdum à jure naturali recedi, & quod Ariſt.  
 d. cap. 7. putat jus naturæ apud Deos quidem  
 purè immutabile eſſe, at apud homines inter-  
 dum mutari, quomodo intelligendum ſit, ſu-  
 pra cap. 9. explicavimus, nempe quod inter-  
 dum cogamur majora mala minoribus poſt-  
 ponere, quo ipſo jus naturæ re verà non muta-  
 mus ſed ſequimur, ut d. cap. 9. docuimus & d.  
 l. 6. innuitur. Sed audiamus nunc ſententiam  
 Ciceronis, quâ omnia, quæ ſuperius de jure na-  
 turæ docuimus, breviter complectitur. Eam  
 ex lib. de repub. 3. citat Lactant. lib. 6. div. inſtit.  
 cap. 8. his verbis. *Eſt quidem vera lex recta ratio na-  
 tura congruens, diſſuſa in omnes, conſtans, ſempiterna,  
 quæ vo. et ad officium jubendo, vetando à fraude deter-  
 reat; quæ tamen neq; probos friuſtra jubet aut vetat; nec*  
*impro-*

*Ius natura  
 immutabile  
 ſtatuitur in  
 legibus no-  
 ſtris.*

*Summa  
 præceden-  
 tium verbû  
 Cic. pro-  
 poſita.*

improbos jubendo aut vetando movet. Huic legi nec obrogari fas est, neq, derogari ex hac aliquid licet, neq, tota abrogari potest. Nec verò aut per senatum aut per populum solvi hâc lege possumus: neq, est quarendus explinator aut interpret ejus alius. Nec erit alia lex Roma, alia Athenis, alia nunc, alia posthac: sed & omnes gentes, & omni tempore una lex & sempiterna, & immutabilis continebit: unusq, erit communis quasi magister & imperator omnium, Deus. Ille legis hujus inventor, disceptor, lator: cui qui non parebit, ipse se fugiet, & naturam hominis aspernabitur: atq, hoc ipso licet maximas pœnas, etiamsi cetera supplicia, quæ putantur, effugerit. Præclara verba, & miranda ab homine ethnico, quibus Dei justitiam & futurum judicium; hominum naturam, corruptionem & pœnas testatur. Ergò Lactant. d. cap. 8. ad ea sic inquit: Quis Sacramentum Dei sciens, tam significanter enarrare legem Dei posset, quam ille homo, longè à veritatis notitia remotus, expressit? Ego verò eos, qui vera imprudenter loquuntur, sic habendos puto, tanquam divinent spiritum aliquo instincti. Plura pro immutabilitate juris naturæ argumenta & testimonia ex superioribus hauriri possunt, & apud scriptores passim sunt obvia.



*Summum hominis bonum omnium  
confessione consistere in agnitione & fruitione  
juris naturalis: hunc esse totius philosophiæ & juris  
prudentiæ finem: juris studium ergo  
meruò magni fieri.*

CAP.

## CAP. XII.

Cum omnis humana ratio, omnes quas *Iurisconsultos occupari*  
 ratio gignit artes & scientiæ in bonum *circa sum-*  
 ferantur, & summi boni inquisitio, teste Arist. *um boni,*  
*meth. 1. ad politicos seu Iurisconsultos perti-*  
 neat, ut *sup. lib. 1. cap. 2:* indicavimus; & præ- *quod est in*  
 terea ad nostri opusculi argumentum spectet, *iure na-*  
 principia juris & philosophorum scripta ex  
 quibus ea hauriuntur, commendare: non alienum fuerit ab instituto nostro, si ostenderit in plena cognitione & fruitione illius, quod modò explicuimus, & circa quod omnem Iurisprudentiam occupari diximus, juris naturalis, unanimi omnium eruditorum confessione consistere summum bonum. Nam ita verus philosophiæ finis & scriptorum philosophicorum usus monstrabitur; Iurisprudentiæ studium honorabitur, & imprimis jus naturale; in quo consistit finis studii nostri, dulcescet ac commendabitur. At ne longius evagemur, adstringemus nos ad libros Cic. *de finib.* ex illis præcipuorum philosophorum opiniones brevissimè proponemus: speramus id satis fore, ut quomodo studiosis juris philosophorum scripta legenda & cui usui applicanda sint monstremus, & ut aliorum industriam ad ulteriorem investigationem excitemus.

Principiò nemini ignorare licet decantatum *Cognitio sui ipsius est sum-*  
 illud omnium philosophorum Γνωθι σεαυτόν, cui *um bonum.*  
 jus præcepti tanta erat autoritas, ut humanum  
 Y captum

## 338 DE PRINCIPIIS JURIS

captum superare, soliꝑ; sapientissimo Deo acceptum referri posse videretur. *v. Stob. serm. 19.* Mens præcepti erat, ut disceremus nosmet nosse, hoc est, ut animum & corpus nostrum omnisꝑ; naturæ perfectionem in nobis nossemus, qui statuebatur unicus & summus finis, ad quem omnis philosophiâ anhelaret, ut testatur Cic. *5. de finib.* Idque res ipsa docet: nam cum priores philosophiæ partes aut lingvarum commercia tradunt, aut rationem acuunt, vel etiam quomodo omnia numero, pondere & mensurâ constant, ostendunt, hæc omnia faciunt propter hominem, ob quem omnia hæc, & in quo omnia. Homo naturæ compendium & miraculum est, in quo apparent omnia quæ sub cælo sunt & quæ supra, quemadmodum etiam *lib. 2. cap. 5.* naturam in homine suam perfectionem assecutam esse audivimus. Quid enim est in universa natura, quod nos vel admiratione percellere, vel jucunditate delectare possit, & non superetur in homine? Non evagabimur in amplissimum hunc dicendi campum, ut explicemus quomodo humanum corpus omnes campos & colles superet, quomodo omnia elementa per corpus diffusa sint, quomodo ratio cæli lucem vincat & velocitatem. Tantum id breviter dicimus, stupenda esse omnia, quæ sensibus percipi possunt, sed hominem supra omnia, cum quia omnia sunt propter hunc, tum quia in illo, & perfectiora. Necesse est esse nobilissimum ob quod sunt omnia,



omnia, & quod à Deo in omnia accepit imperium. Sed præterea in cognitione hominis est consideratio animæ, quarum cognitionem & usum nobis partes philosophiæ superiores tradunt, ut virtutes animarum nostrarum nosse discamus, nempe quod naturaliter facti & instituti simus ad pietatem, veritatem, iusticiam, amorem & reliquas virtutes omnes. Cum ergo tam divinas animi virtutes, tam præclaræ dona sensuum, & artificiosissimam corporis, talium virtutum hospitis ac ministri convenientissimi, structuram consideramus, abripimur in admirationem & inquisitionem tanti artificis, vel certè, ut Paulus *Act. 17. v. 27. Rom. i. v. 20.* & Christus *Mat. 6. v. 26. 27.* docent, abripi debemus, ut magna cum veneratione & gratitudine animi, hunc ut principium ac causam omnium illorum bonorum adoremus & colamus, quemadmodum Christus & Paulus *d. locis* nobis cum finem sensuum & rationis monstrarunt. Hoc putabant antiqui esse seipsum nosse, nempe nosse res in mundo & hanc mundi habitationem ob hominem constitutam; nosse materiam & formam suam, corpus & animam; nosse efficientem & finem; nempe Deum omnia illa propter nostrum bonum & suam gloriam benignissimè largientem, & per rationalem animam ideò in nobis habitantem, ut gauderet nobiscum; si tota hac rerum universitate & præsentia Dei divinarumq; virtutum rationabiliter cum delectatione in Deo frueremur.

### 340 DE PRINCIPIIS JURIS

*Cognitio  
nostri est in  
jure natu-  
ra.*

Hic statuebatur finis & apex totius philosophiæ, naturæ, rationis humanæ, atque etiam ipsius creationis Dei. Summus iste finis est in jure naturæ, quo docemur unde res omnes, quo fine, quomodo iis sit urendum? quis homo? qualis à Deo sit constitutus, & propter quid? qualis item sit Deus, quomodo à nobis agnoscendus & colendus? Hæc omnia in lege rationis & jure naturæ esse, ex supradictis liquere speramus. Si ergò ultimus totius philosophiæ finis & summum hominis bonum est, se ipsum per cognitionem juris naturæ nosse, sequitur etiam Iureconsultos; ut veros philosophos. *l. i. D. de Iust. & jure.* circa summum hominis bonum occupari, atq; illud in jure naturali docere.

*Summum  
bonum se-  
cundum na-  
turam est.*

Consentiunt deinde philosophi omnes, è natura vivere esse summum bonum, nec posse summum bonum statui, nisi in tali quod sit secundum naturam. Ideò apud Cic. *i. de finib.* Epicurei disputant, eam in qua summum bonum Epicurus ponat voluptatem, esse secundum naturam, & Epicurum suam de summo bono opinionem quasi exaudita voce naturæ didicisse ac tradidisse. Non negat Cicero summum bonum secundum naturam esse debere, ergò *lib. 2. de finib.* Academicos & peripateticos philosophos in eo consentire docet, cum ait: *Ex quo nata est sententia veterum Academicorum & Peripateticorum, ut finem bonorum dicerent secundum naturam vivere, id est, virtute adhibita frui primis à natura datis.*

*datu.* Consentiant Stoici, quorum causam cum Cato lib. 3. de finib. suscepisset, & summum bonum in virtute consistere obtinere vellet, primum id persuadere studet, virtutem esse secundum naturam, *virtuti*, inquit, *hoc proprium est earum rerum, quae secundum naturam sint, habere delectum*, & inferius: *Initium igitur ita constitutum, ut ea quae secundum naturam sunt, ipsa propter se sumenda sint, contrariaq; item rejicienda: primum est officium, (id enim appello καθήκον) ut se conservet in natura statu: deinceps, ut ea teneat quae secundum naturam sint, pellatq; contraria.* Et paulò post; Cum illa quae officia esse dixi, proficiantur ab initio naturae, ad ea hac referri necesse est: ut rectè dici possit, omnia officia eò referri, ut adipiscamur principia naturae. Et cum docuisset ad obtinendum summum bonum opus esse sapientiā, putat sibi probandum esse quod etiam sapientia (vel, ut nos supra docuimus, ratio) sit secundum naturam. Cum autem, inquit, omnia officia à principio naturae proficiantur, ab iisdem necesse est proficisci ipsam sapientiam. & iterum: Circumscriptione igitur iis sententiis quas posui, & iis quae similes earum sunt, relinquitur ut summum bonum sit, vivere scientiam adhibentem earum rerum, quae naturā eveniant, feligentem quae secundum naturam, & si quae etiam contra naturam sint, rejicientem, id est, convenienter congruenterq; natura vivere. Et paulò inferius iterum concludit: Ego assentior Diogeni, qui bonum definierit id quod esset naturā absolutum. vide etiam Laërt. in Zenone, ubi Stoicorum de summo bono sententia enarratur, & Senec. ep. 66. ubi expressè docet

summum bonum esse secundum naturam & rationem vivere. Peripateticorum opinionem repetit Piso in 5. de finib. ejusq; summam his verbis complectitur: *Ex quo intelligi debet, homini id esse in bonis ultimum, secundum naturam vivere: quod ita interpretemur, vivere ex hominis natura undiq; perfecta & nihil requirente.* Eadem est opinio Arist. in 1. Ethic. & aliorum philosophorum, ex quorum opinione supra posuimus legem rationis esse homini naturalem, lib. 1. cap. 7. 9. eam consentire cum voluntate Dei, cap. 8. & cum Deo communem esse, cap. 10. Item quod ea jubeat bonum lib. 2. cap. 3. seu virtutes hominis naturæ convenientes lib. 3. cap. 2. & seq. & Deo essentielles, cap. 8. hæc enim omnia coherent & sese mutuò confirmant. Nec verò res aliter se habere potest: cum enim summum bonum necessario ponatur tale, quod omnes unice & per se appetunt, natura autem contra seipsam nihil appetere possit, sequitur summum bonum in eo ponendum, quod maxime sit secundum naturam, & quo omnes naturæ appetitus unice ac finaliter diriguntur. At nihil magis est secundum naturam quam jus naturæ: hinc omnis ratio, hinc appetitus, voluntates & habitus virtutum contendunt, hoc optamus, hoc suspiramus, hoc laudibus ad coelum efferimus, in hoc essentiam, beatitudinem, & perfectionem Dei statuimus, in hoc solo acquiescimus. In juris naturæ fruitione ergò consensu omnium philosophorum est summum bonum: &

Iuris-

*At nihil  
magis est  
secundum  
naturam  
quam jus  
naturæ.*

Jurisprudencia circa summum bonum est occupata.

Præterea nec in hoc dissident Philosophi, <sup>Summum bonum per se expetitur.</sup> summum bonum ponendum esse tale quod per se expetatur, ut Cic. 1. de finib. inquit: *Quærimus quid sit extremum, quid ultimum bonorum: quod omnium philosophorum sententia tale debet esse, ut ad id omnia rejèrri oporteat, ipsum autem nusquam.* Et Arist. in 1. Eth. docuit non posse summum bonum, nisi in ultimo fine statui quem omnia appetant, cum ipse propter se tantum expetatur. Tale <sup>Ius natura per se expetit.</sup> quid est jus naturale: nam cognitione Dei & naturæ, omnibusq; divini & humani amoris fructibus perfrui, omnibus divinis virtutibus ornatum coruscare, est summo æternæ vitæ ac gloriæ bono cum Deo & beatis gaudere. Ipsa divinitas in eo acquiescit, quid homo amplius optare posset? Ex quo iterum videmus juris naturæ perfectionem & Jurisprudentiæ præstantiam.

In hoc solo non consonant Philosophi, quod <sup>Philosophi de summo bono magis dissident quam sentiant.</sup> jus naturæ ejusq; virtutes non omnes uno nomine expresserunt. Nam ut cuiq; fructus aliquis juris naturalis maximè arrisit, ita se in ejus considerationem penitiùs immerfit, & cum tandem omnium virtutum concursus una in radice perspiceret, putavit se invenisse verum illud caput in quo omnes sint virtutes, ergò reliquas virtutes omnes retulit ad id caput & nomen, quod maximè amplexus fuit. Qui mansuetiori & molliori fuerunt pectore, suaviora

exosculati sunt nomina, severioribus placuerunt duriora: planè ut in vita humana sæpè videmus eandem sententiam à pluribus commemoratam, ob styli, ordinis, verborum & affectuum varietatem non eandem videri.

*Summum  
bonum E-  
picureo-  
rum.*

Epicurei summum bonum statuebant in voluptate: at quam voluptatem intelligerent, explicat nobis Torquatus apud Cic. 1. de finib. nempe rationabilem & homine dignam: idè inquit: Consequuntur magni dolores, qui ratione voluptatem sequi nesciunt. & mox: At verò eos accusamus & justo odio dignissimos ducimus, qui blanditiis præsentium voluptatum delinunt atq; corrupti, quos dolores, quas molestias excepturi sint, occæcati cupiditate non provident, similis sunt in culpa, qui officia deserunt mollitiæ animi, id est, laborum & dolorum fuga. Et paulò post iterum ait: Sapientia est adhibenda, quæ & terroribus cupiditatibusq; detractis, & omnium falsarum opinionum temeritate direpta, certissimam se nobis ducem præbeat ad voluptatem. Requirit ergò Epicurus voluptatem quæ ratione regatur & sapientiâ, quæque vacet pravâ cupiditate, ut iterum ibi docet Torquatus, cum ait: Cupiditates sunt insatiabiles, quæ non modò singulos homines, sed universas familias evertunt, totam etiam labefaciunt sæpè rempub. Ex cupiditatibus odia, dissidia, discordiæ, seditiones, bella nascuntur. Nec hæc sese foris solum jactant, nec tantum in alios cæco impetu incurrunt: sed intus etiam in animis incluse inter se dissident atq; discordant. Ex quo vitam amarissimam necesse est effici, ut sapiens solum, amputata circumcisq; inanitate omni, & errore, natura finibus conteni-

*contentus, sine aegritudine possit & sine metu vivere.* Vides Epicurum omnem cupiditatem penitus damnare, tanquam fontem omnium quæ in nobis & extra nos existere possunt malorum, & requirere voluptatem quæ sapientiâ, temperantiâ, fortitudine & iustitiâ sit ornata, quæ sit honesta, flos, fructus & finis omnium virtutum, ut Torquatus ibidem de singulis copiose disserit. Et cum sciret quæ turpis opinio Epicureis affingeretur, dicit de talibus voluptatibus Epicurum nunquam esse locutum: *clamat Epicurus, à quem vos nimis voluptatibus deditum esse dicite, non posse jucundè vivi, nisi sapienter, honestè, justèq; vivatur: nec sapienter, honestè, justè, nisi jucundè.* Exigit præterea Epicurus in voluptate humanitatem & beneficentiam, ut neminem offendat, sed omnes homines & imprimis viros bonos ardentissimè diligat: *Omnium rerum, inquit, quæ ad beatè vivendum sapientia comparaverit, nihil esse majus amicitia, nihil uberius, nihil jucundius. & inferius eodem modo sapiens erit affectus erga amicum, quo in se ipsum, & paulò post: sunt qui dicunt sædus quoddam esse sapientum, ut ne minus amicos quidem quam seipsos diligant.* Hoc itaque bonum Epicurus sua lingua vocavit *ἡδονή* latini voluptatem nuncupant, ut Cic. 2. de finib. docet. Et quamvis Latini eo verbo etiam lætitiâ animi, cum quid volupe est, & jucunditatem quæ rationabiliter percipitur indicent, videntur tamen vim Græci non in totum assequi. Illud certum est, Epicurum nunquam intellexisse eam carnis titillationem &

voluptatis delectationem sensuum, quæ vulgò  
 voluptas vocatur. Ideò Torquatus *d. lib. 1.* vo-  
 luptatis appellationem sæpius & variè explicat,  
 eamq; interpretatur *animi pacem, tranquillitatem,*  
*animi tranquillitatem, quietem, jucunditatem;* Item  
*in fine d. libri placatam, tranquillam, quietam & beatam*  
*vitam.* In tali voluptate putat Epicurus consti-  
 tuendum esse summum bonum, quia sit secun-  
 dum naturam, & unicus hominum finis, ob  
 quem virtutes omnes expetantur & exercean-  
 tur, quo adepto nihil amplius appeti possit,  
 cum nec Deus ipse supra beatitudinem quid  
 expetendum sciat, & æterno cruciatu nihil da-  
 ri queat miserius. Ad ea, inquit, cum accedit ut  
 neq; divinum numen horreat, nec præteritas voluptates  
 effluere patiatur, earumq; assiduâ recordatione letetur,  
 quid est quod huic possit, quod melius sit, accedere? Sta-  
 tue contra, aliquem confectum tantis animi corporiq; do-  
 loribus, quanti in hominem maximi cadere possunt, nullâ  
 spe propositâ, fore levius aliquando, nullâ præteritâ nec  
 præsentî, nec expectatâ voluptate: quid eo miserius dici  
 aut fingi potest? Hæc Epicuri & eruditorum illi-  
 us sectæ virorum de summo bono erat senten-  
 tia, ex qua certè nihil aliud colligere possum,  
 quam quod statuerint summum bonum esse, si  
 toti, corpore & animâ, jure naturæ in æterno  
 gaudio & vita beata cum Deo & beatis perfru-  
 eremur, hoc est, si beati essemus. Suspectam fe-  
 cit Epicuri sententiam quod corporis volupta-  
 tes non exclusit à summo bono, ergò visus est  
 Veneri, Baccho & Cereri primas deferre: at ille  
 satis



fatis explicârat, quam voluptatem intelligeret, ut ea suspicione prægravandus non fuisset. Corpus verò & gaudia corporis à tali voluptate excludere non debuit, quia corpus est essentialis pars hominis, quæ plurimum potest ad augmentationem gaudii vel doloris. Nam quandiu gaudium vel dolor extra corpus sunt, sola expectatione percipiuntur, per fidem, spem, desiderium, conscientiam vel timorem; at quando dolores sunt in corpore, tum facultas sensitiva & vegetativa compatiuntur simul, ipsumq; corpus est quasi carcer doloris, ex quo non licet effugere. Docent id inprimis exempla ægrotantium, quibus ulcera aut membra secanda sunt; dum metuunt dolores, tristitiâ affliguntur, at cum lacerationem carnis sentiunt, clamant: & tamen dici posset rationem hinc non affligi, sed potius delectari & recreari à medico, spe salutis & cessationis omnium dolorum. Sed etsi ratio sit supra sensus & sæpè contra sensus consulat, per sensitivam & vegetativam facultatem tamen corpori insita, innata, innexa & unita est, ut ad impossibilitatem usq; difficile sit, dolente corpore & sensibus, solam rationalem animæ facultatem non affligi. Cum autem accedunt dolores facultati ratiocinariæ propriæ, mala conscientia & liberationis desperatio, tum necessum est hominem esse in plenitudine cruciatuum, & in summo malo. Ergo concludebat Epicurus illum esse contra in plenitudine beatitudinis & in summo bono

bono esse, qui & corpore & anima eâ, quam ipse intelligi volebat, voluptate in æternum frueretur. Longè superavit Stoicos Epicurus, nam illi summum bonum in virtute statuebant, eoque homines frui posse putabant etsi corpus omnibus cruciatibus subjaceret. At summum bonum debuit statui secundum naturam, non rationis tantum, sed totius hominis, quia actiones sunt totius compositi, ut docuit Arist. 1. de an. 1. 64. Plotin. en. 1. lib. 1. corpus autem est pars homini essentialis, & virtutes morales, quæ in parte animæ bruta hærent, ac sine corporis auxilio exerceri non possunt, æquè sunt de natura atq; virtutes mentis, & impossibile est, corpore & sensibus dolore ejulantibus, animum solum exultare, & se summo in bono positum esse opinari. Quicquid homini competit, etsi alterutri parti primò competat, tamen toti homini competere statuendum est, alioquin pars hominis falso sumitur pro toto, & ponitur quid competere homini ut non homini, cum una pars hominem non constituat. Anima & corpus naturaliter omnes actiones & passionés humanas habent communes, quod nullo exemplo theologico aut philosophico potest infringi. Deus enim hominem ita condidit, ut anima & corpus constituent unum totum : ergò quod utriusq; partis non est, hominis non est ; cum una pars non sit homo. Hoc Stoici non considerârunt, qui hominis partem essentialē à bono humano exclu-

excludi posse putârunt ; Epicurus in eo meliori ratione usus est , qui putavit humana bona ad totum hominem pervenire debere. Quod autem Epicûrea secta postea pessimè audire cœpit, culpa penes quosdam degeneres fuit , qui magno Epicuri nomine , & sectæ illius auctoritate ad beluinas corporis voluptates excusandas abusi sunt, & virtutes rationis, quas Epicurus in sua voluptate unicè requirebat, ab ea excluderunt. Qui verò ipsi Epicuro & eruditis ejus sectatoribus (quorum permultos habuit) beluinam istam opinionem & vitam, quæ Epicureis vulgò opprobratur, objiciunt, *illi prosectò, inquit Laërt. in vita Epicuri ; insaniunt ; & Epicuri mentem nunquam perceperunt. Ipse Seneca in lib. de beata vita cap. 13. testatur Epicurum sancta & recta præcipere, & nequaquam flagitiorum magistrum esse, immeritoq; malè audire : En præclarum de Epicuro testimonium ab homine Stoico, ex eo loco quo ipse contra vulgus Epicureum disputavit. Idem Seneca sententias Epicuri sapissimè laudat in suis epistolis, & ep. 18. testatur Epicurum tam frugaliter vixisse, ut ne totum annum quidem singulis diebus absumpserit, quod confirmat Laërt. d. loco. v. Piccol. gr. mor. 9. Ex hac itaq; vera Epicuri opinione colligimus, illum summum bonum in plena juris naturalis frui-tione posuisse, quia in eo sunt omnia quæ Epicurus in summo fine desiderat. Voluptatis autem seu τὴν ἡδονὴν appellatio Epicurum maximè demul-*

*Summum  
bonum Epi-  
curo jam nã  
tura.*

demulfit, ut gratiosissima & dulcissima, quapropter illâ omnia complecti voluit.

*Stoicorum  
summum  
bonum.*

Sufficiant illa de Epicureorum sententia, videamus, quomodo etiam alii philosophi summum bonum in jure naturæ ponant. Stoicorum sententia erat, finem ultimum in virtute statuendum, quam apud Cic. 3. de finibus defendendam suscipit severus Cato, his ferè argumentis. Quia virtus sit honesta & bona: nullum autem dari verum bonum nisi quod simul sit honestum, summum bonum ergò, cum verè bonum esse debeat, necessariò ponendum esse tale quod maximè sit honestum. *Confectaria*, inquit, *me Stoicorum, brevia & acuta delectant. Concluduntur igitur eorum argumenta sic: quod est bonum omne laudabile est: quod autem laudabile est, omne honestum est: bonum igitur quod est, honestum est.* Probat deinde virtutem secundùm naturam esse, quia quarat ea, quæ sint naturalia, virtuti, inquit, hoc proprium est, earum rerum quæ secundùm naturam sint, habere delectum. Inprimis verò dicit contineri virtute dona animi, quæ maximè sint secundùm naturam humanam, ut sapientiam. Hanc iterum ostendit secundùm naturam esse & omnia in se complecti. Cum autem, inquit iterum Cato, omnia officia à principiis natura proficiantur, ab iisdem necesse est proficisci ipsam sapientiam. & paulò post, Sola sapientia in se tota conversa est. & iterum: Sapientia enim & animi magnitudinem complectitur, & justitiam, & ut omnia, quæ homini accidunt, infra se esse judicet. Reliqua Stoicorum  
argu-

argumenta inde peti possunt. Amplectebantur hanc opinionem viri severiores, (ut ferè omnes Stoici tritiores & morosiores fuere) qui putabant nomen & suspensionem voluptatis à se longè abesse debere. At in eo vehementer errarunt, quod opinati sunt virtutes & facultates animi ad corpus nihil attrinere, & summum bonum in solo animo consistere posse, ut in omnibus miseriis & cruciatibus corporis homo tamen possit beatissimus esse, si modo animo suo virtutibus frueretur & delectaretur, v. *Senec. epist. 66. 71. 92.* Id verò impossibile est: quo enim modo animus in summo bono delectari potest, quando corpus, animi hospes & agnata pars, est in cruciatu? non potest animus perpetuò patiens, tranquillus, & secundum virtutum præscripta compositus esse, quando videt sibi in miserrimo corpore esse habitandum. Cur nemo citius desperabat & interficiebat se quàm Stoicus, si summum bonum est solius animi, & secundum naturam esse poterat, dolores corporis & qui eos infert velle, non odisse ac fugere? Absurdum est præterea summum bonum secundum naturam statuendum fateri, & alteram essentialem humanæ naturæ partem ab eo excludere: perinde quasi dicas in Deo exultare posse animas in corporibus æterno cruciatui damnatis habitantes; facultates animæ vivo in corpore divelli, rationemque à sensibus sano in homine perpetuò avocari posse; Deum amare, ejusque justitiæ admiratione se conso-

consolari ac compescere posse, qui sibi æternos ab eo metuant cruciatus. Tale bonum non est naturale, quia naturam hominis discerpit, & omnes essentielles hominis partes, in quibus percipiendum erat bonum, (ratione solâ secundum Stoicorum opinionem exceptâ) summo malo excruciat. Cum autem natura à sui direptione & cruciatu abhorreat, non possumus non metuere tale bonum, & tam pessimi boni largitorem odisse, quicquid etiam dissimulemus aut fingamus, ut Seneca 4. de benef. cap. 19. ait: *Deus nemo sanus timet. Furor est enim metuere salutaria. Nec quisquam amat quod timet.* Est enim Stoicum bonum externa tantum specie bonum, & fingitur magni animi atque fortissimi viri esse, ut qui rationem perfectè in potestate habeat, qui eam omnibus sensibus opponere possit; qui solâ sapientiâ suâ sensus perpetuò compescere queat, ne sentiant quod sentiunt; qui potestatem vitæ beatæ vel miseræ in seipso habeat; qui possit sibi etiam in exquisitissimo & crudelissimo corporis dolore de vita & virtute tanquam de summo bono suo gratulari. Sed in rei veritate & intimo recessu hoc bonum verè appelles summum malum, nec est magni, sed efferati & insani animi nullis affectibus moveri & naturalem sui ipsius suorumq; amicorum amorem abnegare, ut Plut. lib. de consolat. ad Apoll. rectè judicavit. Et mirareris Stoicos tam crudelem opinionem amplecti potuisse, nisi id sapius eveniret ut multi ex falsis suis

suis præsuppositis, in quibus se primò à veritate declinare credere nolunt, tandem in ultima absurda illisi, quia præmissa omnia certissima sibi persuaferunt, errores suos agnoscere non possint, atq; eos vi præsuppositorum suorum pertinaciùs quàm rationabiliùs defendere cogantur. Ut Anaxagoras nivem atram statuere coactus est, & Epicurei tandem cogebantur Deos negare, & mundos infinitos ex atomis suis exstruere, cum tamen ipsi sæpè sibi contradicerent, & se nihil minus quàm hoc velle protestarentur, conclusionem tamen ex suis præmissis negare non poterant; ita Stoici ex suis præsuppositis cogebantur defendere, id à quo aliàs abhorrebant, & pro summo bono amplecti quo nihil inhumanius fingi poterat. Magnifica verò illorum verba & pertinacia erroris, id quod re verà falsum & crudele erat edulcare non poterant. Multi etiam in ultima desperatione se simulant fortes, & grandia crepitant verba ex efferatione desperationis. Ut ignavi milites quando imprudentiùs progressi sunt, & jam undique circumventi pugnare coguntur, laudant mortis contemptum eoq; se coràm commilitonibus suis jactant, suq; duci selectissimi milites videri volunt, cum interim præcòrdia horrore mortis rigeant, & verba vultusq; subinde prodant timorem, ipsiq; nil mallent quàm obvoluto capite istinc avolare, si possent: Ita videas sapius eos qui se properantiùs per falsa opinionum principia in quæstio-

nes difficiles immiscere, iteratis vicibus nunc hoc, nunc illud tentare, & tandem, quando nullus patet exitus, desperatione indignabundâ in aliquid ferri, quo tanquam arrepto telo, quia necessario ergo optimo, pugnent, non ut qui spem aliquam salutis foveant, sed ut qui rabidi in vulnera & mortem ruere, quam se victos fateri malunt. Talem se in desperatione salutis patriæ depingit Æneas, 2. *Æn. Virg.*

*Arma amens capio, nec sat ratio in armis,*

*Sed glomerare manum bello, & concurrere in arcem*

*Cum sociis ardent animi, furor itaq; mentem*

*Præcipitant, pulchrumq; mori succurrit in armis.*

Et paulò post iterum statuit:

*— moriamur, & in media arma ruamus,*

*Una salus victis, nullam sperare salutem.*

*Stoicorum  
bonum esse  
de jure na-  
tura.*

Ceterùm quicquid Stoici errarint, appareet tamen eos summum bonum ponendum putasse in iis quæ sint secundum naturam, & in virtutibus quas in jure naturali esse supra probavimus, quod etiam Laërt. in *Zenone*, ubi Stoicorum opiniones commemorat, ostendit. Concludimus ergo nec Stoicos negare posse summum bonum esse in fruitione juris naturalis.

*Summum  
bonum pe-  
ripatetico-  
rum.*

Peripateticos non longè à Stoicis recedere Cicero in 3. 4. & 5. de finib. aliquoties monuit, ut eos putet verbis tantùm dissentire, non re ipsâ. Arist. verò i. *Ethic.* summum bonum posuit in felicitate, ad felicitatem in plena possessione ac fruitione virtutum animi ac corporis collo-

cat.



cat. Mihi videntur Peripatetici propius abesse ab Epicuræis quam à Stoicis. Nam quam Epicurus vocavit voluptatem, Aristoteles felicitatem, idem est finis : beatitudinem uterque intelligit, Aristoteles autem generaliiori & minus scandalosa usus esse videtur appellatione. Sed quæro quâ in re consistat Peripateticorum summa felicitas ? quid respondeat Aristoteles, audivimus : Est autem nihil aliud quam si dixisset in fruizione juris naturalis.

Plato putavit summum bonum esse, in cognitione & imitatione Dei virtutibus frui, August. *de civ. Dei lib. 8. c. 9.* vide Plotin. *en. 1. lib. 4.* ubi ostendit in intellectu & praxi virtutum consistere vitam beatam.

Hæ fuere præcipuæ philosophorum sectæ, ex quibus Epicurea pessimè audivit, quanquam pessima non esset. Solum enim voluptatis nomen, opinionem Epicuri inspectam reddidit & malè audire fecit, in primis apud Latines. Fuitq; haud dubiè valdè scandalosum summum bonum in voluptate ponendum docere, cum facilè potuerit conjici quam voluptatem indomita plebs esset intellectura. Sapè probam sententiam unica vocula ut formosam faciem una cicatrix deturpat, quæ cum primum communi contemptu deprella est, tum metus, communis error & contradictio officiant, quò minus erigi possit. Nos verò, quos non decet ex vulgi erroribus pendere, philosophorum mentem & consonantiam ex eo deprehendimus,

*De aliis  
ram philo-  
soph. opinio-  
nibus.*

## 356 DE PRINCIPIIS JURIS

quod unanimiter omnes easdem virtutes ad summum bonum obtinendum requisivêre. Et ita nobis virtutum decalogi naturalis notitia, amor, unitas, & intrinseca conformitas confirmantur. Ad hæc capita opiniones omnium reliquorum philosophorum, quorum Cic. 2. de finib. & alibi passim mentionem facit, referri possunt, quod copiosius persequi nunc non est opus. vide Augustin. de civ. Dei lib. 19.

*Philosophorum errores.*

Est autem in singulis opinionibus aliquid quod reprehendere possis, quia philosophi, cum luce verbi divini destituerentur, ad plenam summi boni cognitionem adspirare non potuerunt. Multa etiam ipsi philosophi sibi invicem objecerunt, in quibus sese mutuo non satis intellexerunt, aut verbis tantum discreparunt. Fuêre etiam omnibus in sectis aliqui, qui suorum præceptorum opiniones male intellectas pejus interpretarentur, & pessimè audire facerent. Nam quis ignorat quam impii, rudes & impudentes tenebriones inter philosophos numerari voluerint? horum vitia nihil ad philosophiam ipsam attinent. Satis sit nobis ostendisse philosophos, licet gentilibus in tenebris errarint, tamen vi rationis dulcedinem & præstantiam juris naturæ non potuisse non sentire ac fateri tantam, quin in eo summum bonum ponendum esse testarentur.

*Jurisprudencia dignitas.*

Magna verò Jurisprudentiæ laus est quod philosophi omnes fatentur scientiâ & fruitione juris naturæ, tanquam possessione summi boni nihil

nihil sublimius, præstantius aut utilius esse, & illud studium, quod in summo hominum bono indagando atque obrinendo occupatum est, summum esse, id veros philosophos summâq; eruditionis ac dignitatis viros maximè decere, nec à principum autoritate alienum esse. Sic enim 1. de finib. Cic. *Quid est in vita tantoperè querendum, quam cum omnia in philosophia, tum id quod his libris queritur, quis sit finis, quod extremum, quod ultimum, quò sint omnia benè vivendi, recteq; faciendi consilia referenda? quid sequatur natura ut summum in rebus expetendis? quid fugiat ut extremum malorum? quade re cum sit inter doctissimos magna dissensio, quis alienum putet ejus esse dignitatis, quam mihi quisq; tribuit, quid in omni munere vitæ optimum & verissimum sit exquirere? In cognitione & possessione summi boni omnis philosophiæ & humanæ sapientiæ finem contineri idem docet lib. 2. de finib. ubi ait: Omnis summa philosophiæ ad beatè vivendum refertur, idq; unum expetentes homines, se ad hoc studium contulerunt. & 5. de finib. Qui de summo bono dissentit, de tota philosophiæ ratione dissentit. ibiq; paulò post: hoc constituto in philosophia constituta sunt omnia. Nam ceteris in rebus sive prætermissum, sive ignoratū est quidpiam, non plus incommodi est quam quanti quæq; earum rerum est, in quibus neglectum est aliquid: summum autem bonum si ignoretur, vivendi rationem ignorari necesse est, ex quo tantus error consequitur, ut quem in portum se recipiant, scire non possint. Cognitis autem rerum finibus, cum intelligitur quid sit & bonorum extremum & malorum, inventa vna via est, conformatioq; omnium*

Z 3

officio-

efficiorum. Et Seneca *epist.* 31. docet illud studium quod circa jus naturæ cognoscendum atq; possidendum occupatum est, anhelare ad summum bonum, idq; si assequamur nos similes reddere Deo, ut quasi Deus ipse in nobis habitet per animum nostrum divinis virtutibus exornatum. *Perfecta virtus, inquit, est aequalitas ac renor vitæ per omnia consonans sibi: quod non potest esse, nisi rerum scientia contingat, & ars per quam divina & humana noscantur. Hoc est summum bonum, quod si occupas, incipis deorum esse socius, non supplex. Quomodo, inquit, isto pervenitur? Non per Apennium Grajumve montem, nec per deserta Candavia; nec Syrtis tibi nec Scylla aut Charybdis adeunda sunt: tutum iter est, jucundum est, ad quod natura te instruxit. Dedit tibi illa, qua si non deserueris, par Deo surges. Parcem autem Deo pecunia non faciet; Deus nihil habet, pretexta non faciet; Deus nudus. Fama non faciet, nec ostentatio tui & in populos nominis dimissa notitia; nemo novit Deum, multi de illo male existimant, & impune. Non turba servorum læticiam tuam per itinera urbana & peregrina portantium: Deus ille maximus potentissimusq; ipse rehit omnia. Ne forma quidem & vires beatum te facere possunt: nihil horum non patitur vetustatem. Querendum est ergo quod non fiat in dies deterius; cui non possit obflari: quo nil melius possit optari. Quid hoc est? animus: sed hic rectus, bonus, magnus. Quid aliud voces hunc quam Deum in humano corpore hospitantem? Vides quomodo omnia hominum studia, ut meas avaritiæ vel ambitionis vanitates, præ divinarum humanarumq; rerum notitia, quæ Iurispru-*

risprudencia est, contemnat, & quam in summum bonum, sui agnitionem, & Dei societatem ponat, dum animum virtutibus legis naturæ expolitum super omnia extollit. Ex hisce intelligitur magna Iurisprudentiæ dignitas, quâ antecellit. Medicina certè ab hoc fine longius abest: Philosophia verò, cum ad summum gradum ascendit, suumque usum per ethica & politica præcepta, (quæ summa putavit Aristot. 1. *Ethic.*) in vitam humanam effudit, fructum tandem in Iurisprudencia assequitur. Hæc ethica & politica doctrinæ autoritatem & publicam parendi necessitatem tribuit: hæc regimen vitæ capeffit, & philosophica præcepta in usum vocat: hæc theologiæ viam præparat, dum vitia contra jus naturæ insurgentia armatâ manu cohercet: ut nihil verius dici potuerit ab Ulpiano, quam Iureconsultos esse Iustitiæ sacerdotes, & veros philosophos L. 1. D. de *Iust. & jure.* ipsamque Iurisprudenciam esse *rerum divinarum atque humanarum notitiam, justæ atque injustæ scientiam.* l. 10. D. *ed. tit.*

A sola theologia superatur duplici modo, primò, quod illa pleniorẽ & intimiorẽ præstat juris naturæ intellectum, quàm hodiè venerationis Iurisprudencia sola exhibere potest. Deinde quia aperit & præmonstrat nobis aliam tutiorem ad summum bonum obtinendam viam in Christo, quandoquidem lex peccati

## 360 DE PRINCIPIIS JURIS

non patitur, ut per legem naturæ ad summum bonum per nos ipsos adspiremus.

Qui plura de summo hominis bono volet, ea ex Senecæ *lib. de beata vita* & ex Piccolom. *gr. mor. 9. & 10.* haurire, omniaq; in jure naturæ esse, probare poterit. Nam quod ibi Piccol. differit, quomodo summum bonum in politias introduci possit, nihil aliud est quam quomodo jus naturæ in vita humana possit conservari. Hoc fine adepto conticescunt ethica, politica & jurisprudentia, quæ nunc in eo assequendo omnes defatigantur.



PRIN-



# PRINCIPIORUM IURIS

## LIBER QVARTVS

In quo agitur de jure naturali  
posteriore, quod gentium jus  
vocatur.

*Cur non utamur solo jure na-  
turali priori?*

### CAP. I.



Naturale jus *lib. 2. cap. 9. in prius* *Ante prater*  
& posterius divisimus, & prius, *jus natura*  
quod simpliciter naturale voca- *opus sit*  
tur, libro tertio absolvimus: se- *alio.*  
quitur nunc ut de jure naturali  
posteriore, quod communiter *jus gentium* dici-  
tur agamus. Sed priusquam illi admoveamus  
manum, juvat quærere, anné inanem operam  
impendamus plura jura tradituri? Cum enim  
tanta sit juris naturalis præstantia & perfectio  
ut superiori libro apparuit, quid opus est plura  
jura comminisci & perfectissimo quid addere?  
Putant nonnulli jura gentium & positiva non

tantum ut inania commenta, sed etiam ut nova impedimenta juris naturalis abolenda esse, ut solo dulcissimo & perfectissimo jure natura frueremur. Introduci ergo postulant omnium rerum communionem, promiscuum mulierum usum, jubent tolli magistratus & ordinationes humanas: ita putant maximè ex Dei & juris naturæ voluntate vitam pulcherrimam agi. *vide Piccolom. gr. mor. 2. cap. ult.* Invenias etiam nostris in ecclesiis qui jura gentium & civilia vel imprudentius vel occultius oppugnent, & ægerrimè ferant sibi non licere omnibus rebus frui ut communibus, se ad contractus & legum civilium observationem, interdum ad bella & alia juri naturali simplicissimo ignota, compelli. Tum itaq; jus naturæ prius ita commendant, ut gentium & civile hand obscure despiciant: idq; non eo sensu ut major naturalis juris dignitas præferatur, sed ut omnia reliqua jura tanquam vana & iniqua commenta damnentur. De jure civili agemus libro sequenti, ejus necessitatem, usum & finem ibi demonstrabimus, nunc tantum generaliter solo jure naturali nos in hac vita contentos esse non posse ostendemus.

Oportandum sanè erat ut omnes homines solo naturæ jure regerentur, tum enim vitæ verè humanam ageremus & beatissimas societates haberemus, nulla bella aut prætoria remedia metuentes, ut Lactant. *lib. 5. instit. cap. 8.* inquit: *Quam beatus esset, quamq; ætrem rerum humanarum*  
*status.*



status, si per totum orbem mansuetudo, & pietas, & pax, & innocentia, & equitas, & temperantia, & fides moraretur? Deniq; ad regendos homines non opus esset tam multis & tam variis legibus, cum ad perfectam innocentiam Dei lex una sufficeret: neq; carceribus, neq; gladiis praesidium, neq; terrore poenarum, cum praeceptorum caelestium salubritas, humani pectoribus infusa, ultrò ad justitiae opera homines erudiret. In quam sententiam etiam Boët. lib. 3. consol. phil. met. 7.

O felix hominum genus,

Si vestros animos amor,

Quo caelum regitur, regat.

At sperandum non est impetrari posse, ut nostri homines secundum praescriptum juris naturae spontè vivere velint. Causa ex operatione legis peccati manat duplex: prima, quod pauci jus naturae intelligunt, cum pietas & justitia ferè nemini sit cordi: altera, quod homines justum ultrò facere nolunt. Nam si dicas jure naturae omnia esse communia, vulgus nostrum inde colligere vult, ergò nec furta nec adulteria posse committi, non secus ac Epicureum vulgus opinabatur, si voluptas secundum naturam & summum bonum esset, ergò libidinem carnis reprehendi non posse. Alii dissimulant se jus naturae videre, & calumniosae ejus interpretationes meditantur, multò minus facere volunt quod justum est, sed suis cupiditatibus & erroribus omnia ponderari capiunt. Sunt quidem jure naturae omnia communia, verum non ut per injurias & libidines

Cur pluribus opus sit  
juribus.

omnia.

omnia commisceantur, quia jus naturæ honestum & utile ex natura non tollit. Culpa ergo non est penes jus gentium aut civile, quod dulcissimo jure naturali ex voto nostro non fruimur, sed penes legem peccati. Hanc meliori, si potes, ratione oppugna & tolle, quam Theologi verbo Dei & minis infernalium suppliciorum, nos juris gentium ac civilis sanctionibus atque pœnis: Solo enim huic fini omnia reliqua jura servire jam ostendemus.



*Jus naturale posterius, quod jus gentium vocatur, cur introductum?*

C A P. II.

*Efficiens  
& finis ju-  
ris genti-  
um.*

**P**ostquam igitur experientia docuit, in corruptione humanæ naturæ legem peccati contra jus naturæ invalescere, & maximam hominum partē jus ingenitum nec intelligere nec usurpare velle, necessum fuit contra ingruentem calamitatem salutaria excogitari remedia. Erant quidem, ut diximus, jure naturæ priori omnia communia, at non per dolum, verum per liberalitatem & amicitiam, non per libidinem, sed per pium honestumq; amorem. Hæc enim erat mens juris naturæ quam supra explicavimus, ut piè, honestè, amicè & rationabiliter viveremus, nec cuiquam faceremus quod nobis fieri nollemus. Sed quamprimum  
homi-

hominum numerus au&us esset, & lex peccati haberet quem offenderet posset, operationem suam erercuit, maximè & evidentissimè in iis qui pietatis & rationis usum remisissent. Tum avaricia liberalitati, libido humanitati, & ~~avaricia~~ amor terminos moverunt, tum homines omnibus injuriis se mutuo affligere cœperunt. Sed cū nemo quas alteri faciebat ipse pati vellet injurias, & ratio ipsa doceret *alicuium esse à justitia ad quam nati sumus, detrabere quid de aliquo quod tibi assumas*, ut Cic. 3. de finib. loquitur, & genus humanum periturum si hisce malis non occurreretur: coacti fuerunt homines fraudes consilio, vim vi prohibere. Nec pii & insontes tantum remedia contra pravos quæsierunt, ut putes jura gentium in ecclesia tantum excogitata esse, sed ab impiis etiam & depravatis ipsis natura, cū rationis vi, tum salutis desiderio eadem expressit. Tanta enim est vis rationis, tanta salutis dulcedo, ut nec in desperatis possit omnino extinguī: tanta injustitiæ abominatio, ut cogamur eam ipsi reprehendere & punire quam scimus à nobis sapius perpetrari. Hoc est quod Imperat. §. 2. *Inst. de jure nat.* ait: *jus gentium peperit usus & necessitas*, Theophilus, *ἡ ἐκ τῆς ἀνάγκης*. Nam cum omnibus hominibus institutum esset jus naturæ, idq; iisdem malis ubique affligeretur, eadem etiam causæ omnibus hominibus jus gentium pepererunt; nempe usus seu ratio & necessitas. Ratio ubique usu

*Jura gentium excogitata sunt.*

edocia

edocta mala irrumpentia vidit, & necessitas coëgit remedia pro salute quarere.

*Jura gentium apud omnes homines in usu.*

*Propter malos mores bona leges,*

Ut autem non omnes populi æquè acuti & politi sunt, ita nec omnes jure gentium æquè benè utuntur, & tamen nihilominus jus gentium apud omnes populos est, ut & naturale & civile ab omnibus gentibus usurpatur, licet non æqualiter aptetur. Manent semper generalia & notiora, ceteri specialia in quibus applicandi artificium consistit ignorentur. Quod ergo præter jus naturale plura introducta sunt jura, causa duplex est, *inscitia & malitia*, seu juris naturalis *ignoratio*, quod quivis ex sua cupiditate plus aut minus in eo statuere vellet, & *violatio*, quod nemo spontè ab injuriis abstineret. Utramq; causam indicat nobis Plato II. de legib.

Σμικρὸν γένος ἀνθρώπων, καὶ φύσει ὀλίγον, καὶ ἀκρὰ περὶ τὴν ταπεινότητα ὅταν εἰς χρείας τι καὶ ἐπιθυμίας τινῶν ἐμπίπτῃ, καρτερεῖν πρὸς τὰ μέτριοις δυνατὸν εἴσι, καὶ ὅταν ἐξ αὐτῶν χρεῖματα λαβεῖν πολλὰ, νόσει, καὶ πρὸς τὸν αἰετῶς πολλὴ τοῦ μέτρου ἐχρόμωσις, τὰ δὲ τῶν ἀνθρώπων σλήθη πᾶσι τὸναντιον ἔχει τούτοις, δίδόμενά τι ἀμέτρου δέχεται, καὶ ἐξὸν κερδαίνειν τὰ μέτρια, ἀπλήρως αἰρεῖται κερδαίνειν.

Pauci admodum naturâ homines, & ὅ γὰρ quidem optimâ educatione præditi, quando egestate cupiditatēq; rerum aliquarum afficiuntur, ita continere se possunt, ut moderate se gerant, & cum liceat magnam pecuniam capere, modica contenti sint, mediocritatemq; excessui anteponant. Vulgus autem contra facit omnino. Immoderata enim cupit: & cum mediocriter lucrari liceat, inexplēbili lucri cupiditate vexatur. Et 9. de legibus.

Νόμους ἀνθρώπων

θεώτοις ἀναγκάων τίθεσθαι, καὶ ζῆν κατὰ νόμους, ἢ μηδὲν διαφέρειν τῶν πάντων ἀγριωτάτων θηρίων, ἢ δὲ αἰτία τούτων, ἡ ἐστὶ φύσις ἀνθρώπων ἐδιδόκεν ἰκανὴ φύσιν ὥστε γινώσκειν τι τὰ συμφέροντα ἀνθρώπων εἰς πολιτείαν, καὶ γινώσκειν τὸ βέλτιστον αἰεὶ διναμέναι τε καὶ ἐθέλουν ποιεῖν. Necessesse est leges hominibus ferre, ut secundum leges vivant. Nam si absque his viverent, nihilo a feris atrocissimis discrepant. Cuius rei causa est, quia nullius hominis ingenium ita natura institutum est, ut quae ad publicum humanae vitae bonum conferunt, sufficienter cognoscat, & si cognovit, ut optimum id quod novit semper agere possit ac velit. Ideo ergo jus gentium conservamus, ideo leges civiles ferimus, ne jus naturale amittamus, nam hi sunt muri quibus naturae jus cingimus. Qui verò jura gentium & civilia abjiciunt, & quemque suo ingenio vivere sinunt, jus naturae simul abolent, & nullo prorsus jure humano utuntur, sed in beluinam vitam transeunt, vel potius se totos legi peccati tradunt.

*Jus gentium  
propter na-  
turale est*



*An jus naturale posterius differat à priori, & quomodo?*

### CAP. III.

**I**US naturae posterius à priori differre supra lib. 2. cap. 9. ostendimus, idque adhuc manifestius apparebit, si effectus juris gentium; de quibus mox acturi sumus, cum effectibus juris naturae.

*Jus gentium  
quid differat à naturali.*

*naturae*

naturæ prioris, de quibus *lib. 3.* dictum est, con-  
feremus. Differunt autem hæc jura primo ef-  
ficiente, sed non in totum, nam utrumq; ex ra-  
tione humana nascitur, naturale ex rationis na-  
turali luce & credula integritate tantum, gen-  
tium verò ex doli suspitione & cautione pru-  
denti. Deinde differunt aliquantulum mate-  
ria & objecto quia juris prioris objectum est  
imago Dei, posterioris verò objectum est jus  
naturæ prius. Præterea differunt formâ, & fine.  
Forma juris naturalis prioris est *amor*, & finis  
ejus est *justitia* seu imago Dei: forma juris na-  
turalis posterioris est *defensio* seu injuriæ prohi-  
bitio: finis ejus est *conservatio juris naturalis*. Est  
quidem iustitia quoque juris gentium finis, sed  
remotior, quem assequitur in jure naturali con-  
servato, at finis propior, quem ipsum jus gen-  
tium ex sese assequitur, est defensio juris na-  
turalis.

*Vulgaris  
distinctio  
resecta.*

Putant nonnulli jus naturale & gentium ita  
differre, quod homo aliquando consideretur  
ut animal, aliàs verò ut homo: Si consideretur  
ut animal, competere illi jus naturale prius, at  
secundo modo illi convenire jus gentium. Sed  
hoc nihil est, & redolet errorem eorum qui pu-  
tant homini cum brutis jus quoddam rationale  
esse commune, quem *lib. 3.* refutavimus. Ho-  
mo nunquam consideratur ut animal tantum  
cum de jure aliquo rationali quæritur, sed ut a-  
nimal rationale, cum verò id tantum spectatur  
in homine quod cum brutis commune habet,  
tum

tum non potest illi tribui aliqua juris humani seu rationalis species, siquidem omnia humana jura constant ratione & per rationem solam competunt. Quibusdam placuit jus naturale à jure gentium ita distinguere, ut dicerent jus naturæ prius esse rationis, posterius ratiocinationis, quod ita accipiendum quasi jus prius per rationem ipsam simpliciter innatum notiones primas nobiscum natas imitetur, posterius verò per excitatam vim rationis ad exemplum notionum secundarum adinventum esse dicatur, alioquin falsum est. Nam & in jure naturæ priori est quædam ratiocinatio, ut cum ex consideratione rerum creatarum Deum naturaliter cognoscimus & colimus, vel cum omnes qui paternè nobis consulunt, paterno honore afficiendos colligimus, sed talis ratiocinatio, qualis in jure gentium ex collatione boni & mali pro malorum depulsione exquiritur, in jure naturæ priori non est, quia illud est simplicius & minus suspicax mali, jus verò gentium est prudentius & minus credulum, ut *lib. i. cap. 10.* innuimus. Si in jure naturali priori tantum est ratio at non ratiocinatio, citra lapsum tantum ratione usi fuissetus at nulla ratiocinatione, quod juxta absurdum atque ridiculum est dicere: ratiocinatio itaque non est specifica jurium naturalium differentia.



Aa

De



## De appellatione juris gentium.

### CAP. IV.

**V**T ratio appellationis constet, explicandum cur jus quod nunc tractamus vocetur naturale posterius vel gentium? Ut *lib. 1. cap. 10. lib. 2. cap. 8. & 9.* docuimus; totum jus primò rectè dividitur in naturale & positivum. Naturale est quod ipsa naturâ inest; ut ex superioribus liquet, Positivum quod ab hominibus constitutum & naturali appositum est, ut *libro seq.* dicetur. Non vocatur autem positivum omne quod quoquo modo ab hominibus inventum est, sed quod publicè compositum & promulgatum fuit, quodque cum in nostra republ. approbatur induit nomen juris civilis, ut item inferius explicabitur. Si positivum quis vocare velit, quicquid non simpliciter innatum; sed aliquo modo per ratiocinationem collectum & compositum sit, etiam jus gentium possit positivum vocari, sed eam appellationem nos non introducemus, quia nec Aristotelem nec alium quenquam positivum jus ita accepisse meminimus. Nam quod *Cic. 1. de legib.* putat jura naturalia efficere ut omnes homines unius civitatis habendi sint, hunc non pertinet: civitatem enim aliter ibi accipit, nempe totum mundum, non civilem aliquam societatem quam aliàs civitatem vocamus, & docere

*Jus gentium cur non vocetur jus positivum.*



docere vult nos jure naturali omnes ita obstringi, ut civilibus legibus omnes cives obligantur: inde verò jura gentium positivis annumeranda esse colligi nequit. Sunt tamen hæc omnium gentium decreta quasi intermedium quid, inter purè naturale & merè positivum, ut ex collatione omnium juris specierum apparere poterit, sed ea hic nondum institui potest, cum una tantum species juris hætenus sit explicata. Vocamus ergò jus quod nunc in manibus habemus *naturale*, quia in nullo publico hominum conventu compositum & publicatum, nec in civili societate primum monstratum est, sed ipsa naturalis ratio statim ab initio, quamprimum contra jus naturæ prius agi cœptum esset, hæc præcepta docuit & expressit. *Posterius* vocatur, ad differentiam prioris: ut enim antè jus civile, ita post jus naturale prius natum fuit. Rectè verò à Iureconsultis etiam *jus gentium* dicitur, non ratione objecti, nam ita omnia jura essent gentium, cum omnes populi naturalia & sua civilia jura habeant, sed ex fine. Ut enim naturale jus vocatur quod essentiam & conservationem naturæ tantum respicit: civile, quod salutem civilis societatis simul considerat & propter illam natum est: sic vocatur jus gentium quod ad omnium gentium salutem & emolumentum dirigitur, & solo hoc fine fuit adinventum. Vel etiam ex causa efficiente ac formali proxima, ex qua omnia jura suam specialem appellationem sortiuntur. Ut enim

*Cir hoc jus  
vocetur na-  
turale?*

*Cir poste-  
rius?*

*Cir ius  
gentium  
dicatur?*

naturale vocamus quod natura ipsa attulit, civile quod civilis conversatio peperit, senatusconsultum quod consilio senatus factum sit: sic vocatur jus gentium cui diversæ gentes causam dederunt, & ob quod homines in gentes discesserunt. Si lapsus non esset homo, solo jure naturali uteremur, & amore regeremur, nec in varias familias & gentes discessissemus, quia omnes in una Adami viveremus familia. Sed cum peccatum injurias & mortem introduxisset, extincto communi omnium patre desimus in una esse familia, & varias in gentes discessimus, ut nos cum proximis agnatis & gentilibus nostris ab aliorum injuriis melius defendere, & hoc jure expeditius uti possemus. Hæc gentium diversitas peperit bella & contractus, & quæ illis adhærent, nempe rerum distinctiones, occupationes, acquisitiones, dominia & similia, quæ jure naturæ priori eo modo in vita humana non fuissent, & jam ante jus civile fuerant omnibus gentibus recepta. Cum itaque hujus juris causâ homines ab initio in gentes discesserint, & ut jura dominiorum, contractuum & bellorum inter omnes gentes nascerentur, prima occasio & causa fuerit diversitas gentium & familiarum, omnesq; gentes hæc jura ad sui conservationem receperint, non incongruè jura gentium appellata fuere. *Gens appellatur, inquit Festus, quæ ex multis familiis conficitur, gentile dicitur ex eodem genere ortus, & is qui simili nomine appellatur; ut ait Cincius, gentiles mihi sunt qui meo*

meo

meo nomine appellantur. Cornel. Fronto, Natio so-  
lum patrum quarit, gens seriem majorum.

Iura gentium etiam interdum significant ju- *Alia iura*  
ra gentilitia seu familiae, ut apud Liv. lib. 4. in pr. *gentium u-*  
de connubiis patrum & plebis, C. Canuleius tri- *surpatio.*  
bunus plebis rogationem tulit, quâ contaminari sangui-  
nem suum patres, confundiq; jura gentium rebantur: &  
Marcianus nolter, nonnunquam jus etiam pro neces-  
situdine dicimus, veluti, est mihi jus cognationis vel affi-  
nitatis. l. ult. D. de iust. & jure. v. l. 1. D. de probat.  
Buda. ad l. 2. vers. vindicias filiae. D. de Orig. jur. ubi de  
gente & gentilibus aliquid monuit. Anton. Augustin. de  
gentib. Roman. quæ usurpatio confirmat quidem  
quod diximus, jura gentium ex multiplicatione  
familiarum nata & appellata esse, sed aliàs hûc  
non pertinet, quia non de unius familiae aut  
gentis, sed de omnium gentium jure agimus.

Alii jus gentium à naturali ista distinguunt,  
ut naturale primævum vel simplex, hoc verò  
secundarium vel compositum appellent. Pri- *Primævum*  
mævi appellatio vix ferri potest, cum nullum *ius an sit?*  
unquam extiterit ævum, in quo homines solo  
jure naturali priori usi fuissent. De aliis appel-  
lationibus minùs sum sollicitus, re intellecta, ait  
Cic. 3. de finib. in verborum usu faciles esse debemus, &  
de Salustio Gell. lib. 10. cap. 20, refert, quam-  
vis fuerit proprietatum in verbis reti-  
nentissimus, tamen aliquando  
consuetudini concess-  
isse.

*Jus gentium quid, & quotuplex,  
& an rectè constituatur species juris  
naturalis?*

CAP. V.

*Jus gen-  
tium defi-  
nito.*

**I**us gentium quid sit ex capite præcedenti in-  
telligi poterat, sed afferamus ejus definitio-  
nem quam nobis leges nostræ suppeditant. Ea  
est in l. omnes. §. D. de just. & jure. ubi Cajus, *Quod  
naturalis ratio inter omnes homines constituit, id apud  
omnes peræque custoditur, vocaturq; jus gentium, quasi  
quo jure omnes gentes utantur.* Iisdem verbis usus  
est Imp. §. 1. Instit. de jure nat. Constituit ait, ut  
significet non esse jus simpliciter & primo in-  
natum, sed ratione omnium gentium excogi-  
tatum & constitutum. Quæ juris naturæ prio-  
ris sunt simpliciter inesse dicuntur, ut in defi-  
nitione libertatis, *libertas est naturalis facultas &c.*  
Instit. de jure person. at quæ ex constituto homi-  
num sunt dicuntur constituta esse, ut cum ser-  
vitus dicitur esse *constitutio juris gentium.* Cajus  
quidem duas tantum juris species fecit, & mo-  
dò dictâ unâ descriptione tam naturale quam  
gentium jus est complexus, videtur tamen ea  
juri gentium magis convenire quam naturali.  
Definiri alias sic posset, quod sit *dictamen rationis  
pro conservatione juris naturalis omnibus gentibus com-  
mune.*

Albert.

Albert. Bolognet. *de lege jure & aquis. cap. 24.* *An jus gentium duplex sit?*  
 & seq. putat etiam jus gentium in primum  
 & secundarium dividi posse, prout alii dividere  
 solent jus naturale: & primum jus gentium  
 putat esse illud quod alias naturale vocatur, se-  
 cundarium verò quod juris gentium nomine  
 significatur. Argumento hoc utitur, quod jus  
 gentium dicitur servos pro nullis habere *l. quod  
 attinet. 32. l. servitutem 209. D. de reg. jur. §. 1. Instit.  
 de his qui sui.* adeò ut nec dominium habere pos-  
 sint, *Instit. per quas pers. cu. acq. nec stipulari que-  
 ant, §. 6. Instit. de inut. stip. nec possessionem ha-  
 bere putentur, l. 24. l. 49. §. 1. D. de acq. vet. amit.  
 possess.* & tamen naturalis ratio, quæ jus gentium  
 vocatur §. 1. *Instit. de jure nat.* introduxit ut ser-  
 vos sibi dominum ad fidem promissi servan-  
 dam (quod inter omnes gentes æquum est; *l. 1.  
 D. de pact. nec ullâ humanâ ratione mutari pot-  
 est*) naturaliter obligare possit, *l. si quod dominus.  
 64. l. 13. 14. D. de condict. indeb.* Putat ergò duplex  
 jus gentium constituendum esse, aliud natura-  
 le quod agnoscit servos in contractibus, aliud  
 quod non agnoscit, quæ de re plura ex dicto  
 ejus libello peti possunt. Nos hanc quæstionem  
*lib. 2. cap. 5. & 9.* decisam arbitramur, ubi do-  
 cuimus jus naturale & gentium interdum con-  
 fundi, & sæpè sub alterutra appellatione u-  
 tramque speciem juris humani naturalis tam  
 priorem quàm posteriorem significari, ut &  
 Ulpian. fecit *l. 1. §. ult. D. de just. & jure.* & Cajus  
 in dicta juris naturalis sive gentium definitione.

Perinde ergò est sive dicam, jus humanum naturale est vel naturale vel gentium : sive dicam, jus gentium (quod item naturale & humanum vocatur) vel est naturale vel gentium : quia idem est naturale humanum jus de quo utrobique loquor, quodque duas in species subdivido. Confirmat autem hæc quæstio opinionem nostram, quod *lib. 2. cap. 8.* docuimus Ulpianum in *l. 1. D. de iust. & jure* juris naturalis & gentium appellationes aliter quàm vulgò fieri solet accepisse, & *§. ult.* per jus gentium significasse eam juris humani speciem quam aliàs vocamus naturalem, eamque promiscuam usurpationem in jure non esse inusitatam, *lib. 2. cap. ult.*

*An præ-  
stet duas ju-  
ris species  
facere, an  
tres?*

Si quis nunc quærat, utrum rectius tres faciamus primas juris humani species, naturale videlicet, gentium & civile; an verò duas tantum, naturale vel gentium & positivum, ita ut naturale iterum subdividamus in naturale & gentium? puto permagni non referre. Naturale jus nobis insitum & innatum est simpliciter, civile ex cohabitatione & ordine civili nascitur, jus gentium est quasi intermedium, quod de utroque participat: de naturali, quia naturali ratione etiam extra civiles societates docetur, de civili, quia perinde ut civilis ratio naturalem imitatur ut cives unius urbis coordinet & à læsione defendat, ita etiam jus gentium naturalem rationem sequitur, ut nos omnes unius orbis cives per mutua commercia & contractus efficiat & componat: ut jus civile societates,

tates, familias, gentes & aliquot contractus ordinat, ita etiam jus gentium. Unde Cato apud Cicer. 3. *de finib.* ex mente Chrysippi statuit jus naturale respectu omnium hominum esse quasi civile unius societatis. Rectius tamen videntur duæ constitui primæ juris species, ut naturale subdividatur in naturale & gentium, idq; ita secuti sumus, quia videbatur menti jurisconsultorum convenientius, ad docendum accommodatius, & in dividendo artificiosius esse, ne nobis Cic. 2. *de finib.* objiceret, *divisit ineleganter, duo enim genera quæ erant, fecit tria: hoc non est dividere sed frangere rem, vitiosum enim est in dividendo partem in genere numerare.*

Reprehendendum verò non est, quod appellatio generis etiam uni speciei tribuitur, ut cum naturale jus dividitur in naturale & gentium, adoptio in adoptionem & arrogationem: hoc enim fit vocabulorum defectu, cum una tantum species peculiare nomen est sortita, ut Pompon l. 2. *de orig. jur.* de interpretationibus prudentum testatur, eas ideò retinuisse nomen commune ut *jus civile* vocarentur, quia specialem appellationem non fuerint adeptæ. Habebantur illæ prudentum responsiones pro ipsa mente legum civilium quas interpretabantur, ergò etiam illud nomen obtinere cum specialem non haberent. Nec absurdum est in logicis, unam eandemq; rem diverso respectu pro genere & specie haberi. Si quis ex hac promiscua appellatione confusionem metuit, potest

*Licere nomen generis tribuere speciei.*

jus humanum dividere in naturale & positivum, & naturale subdistinguere in prius & posterius, vel in simplex & compositum, vel aliquo simili modo, nos interim iis vocabulis quæ usus recepit, erimus contenti.



## *Quanam sit interior forma* ¶

*vis juris gentium.*

### C A P. VI.

*Forma juris  
gentium.*

**I**Ntima juris gentium voluntas, vis & forma est conservatio juris naturalis, ut ex prædictis colligi potest: duo verò sunt modi, quibus pro jure naturali pugnat. Primò verum juris naturalis intellectum, contra eos qui id nimium extendunt vel coarctant, suggerit & conservat: Secundò præstat remedia quibus calumniantium iniquitates expellamus, ut Imp. *in præfat. instit.* loquitur, hoc est, monstrat nobis quibus consiliis juris naturæ violatio præcaveri & quibus mediis depelli possit. Non omnes jus naturæ æquè intelligunt vel intelligere volunt, quia plurimi ingenia sua non excitant & in veritate indaganda sunt ignavi ut *lib. 1. cap. 9.* docuimus, nec omnibus juxta notum est quomodo mala ingruentia commodè prohiberi possint. Quod ergò quibusdam minus perspectum erat, hoc quasi universali prudentiorum hominum concilio habito monstravit, & tandem



dem per usum & necessitatem, qui ferè omnium hominum magistri sunt, omnibus persuasit jus gentium. Ut ita juris gentium fructus sit naturalis juris explicatio & defensio, quæ vel consilio rogato fit vel armato. Utrumq; complexus est Horat. lib. 1. sat. 3. cum inquit:

*Oppida ceperunt munire & condere leges,  
Neu quis fur esset, neu latro, neu quis adulter.  
Iura metu mali inventa fateare necesse est,  
Tempora si fastosq; velis evolvere mundi.  
Nec natura potest justo secernere iniquum,  
Dividit ut bona diversis, fugienda petendis.  
Nec vincet ratio hoc, tantundem ut peccet, idemq;  
Qui teneros caules alieni fregerit horti  
Et qui nocturnus divum sacra degerit. Adsit  
Regula, peccatis quæ pœnis irroget aquas:  
Ne scurica dignum horribili sectere flagello.*

Non sunt hæc aliena à jure naturali vel civili, Distingui-  
nam omnes juris species inter se mutuas ope- tur à natu-  
ras tradunt, & jura naturalia civiliaq; æque re- rali & ci-  
spiciunt prohibitionem injustitiæ ut jus gen- vil.  
tium, non tamen eo modo. Naturale enim jus  
mala prohibet amore, civile jus civilibus me-  
diis, nempe per leges & personas publicè con-  
stitutas, at jus gentium quasi medium obtinet  
inter utrumq;. Ratione utitur non purè civi-  
li, & tamen in conversatione humana per usum  
& necessitatem monstratâ: nec ex mero amo-  
re fluunt consilia juris gentium, sed aliquo mo-  
do ex suspitione & metu mali. Media quibus  
jus gentium utitur aliquo modo sunt naturalia,  
quate-

*Jus genti-  
um natura-  
li & civili  
cognatum.*

quatenus videlicet jus naturæ prius omne me-  
 um & tuum non tollit, sunt etiam quodam  
 modo præter jus naturæ prius, quia illud solo  
 amore & beneficiis se conservat, hoc etiam  
 contractibus & armis. Eadem suo modo vi-  
 dentur imitari civilia media, quia sunt publica  
 & copiosioris societatis hominum, nec tamen  
 sunt civilia, quia communia sunt etiam cum  
 illis qui nec nostram nec aliam propriam ha-  
 bent civilem societatem, & expediri possunt  
 etiam sine personis & legibus civiliter ad id  
 constitutis. Et ideo supra diximus jus gen-  
 tium esse intermedium inter naturale & posi-  
 tivum, omniaq; jura sibi invicem quasi insita  
 & innexa esse. Difficile est interdum dispicere  
 ad quam speciem juris quodq; primò perti-  
 neat, & sæpè evenit, imò ferè in omnibus legi-  
 bus id accidit, ut omnia jura confluant & *finis*  
 legis sit juris naturalis, *medium* juris gentium,  
 at *modus* executionis sit juris civilis. Hæc verò  
 nos perturbare non debent, quò minus statua-  
 mus juris naturalis interpretationem & defen-  
 sionem, quæ per contractus & bella fit, esse ju-  
 ris gentium. Dabimus operam ut in subse-  
 quentibus ostendamus, quomodo in contra-  
 ctibus naturalia & civilia discerni possint, &  
 quàm facile naturalia civilium no-  
 men induere soleant.



De pra-



## *De præceptis juris gentium generalia.*

### CAP. VII.

**M**agna cognatio & affinitas specierum juris. *In præceptis  
juris gent.  
quid obser-  
vandum.*  
ris controversum fecit apud interpretes,  
quænam præcepta ad quamq; juris speciem  
primò & propriè pertinerent? & inprimis  
conturbavêre illos mixtæ leges, ut quasi in tri-  
vîo hæsitarent, cum una in lege aliquid pluri-  
bus juris speciebus conveniens deprehende-  
rênt. De naturalibus ergò præceptis superiori  
libro egimus, nunc scita juris gentium propo-  
situri simul ostendemus, quod, quomodo, &  
quatenus ea à puris naturalibus ac civilibus  
differant, hoc enim intermedio fundo examus-  
sim dimenso, de finibus juris naturalis & civilis  
minor erit contentio. Quia etiam nonnulli *Eorum of-  
ficium &  
finit.*  
præposterè juris naturalis defensores, opinan-  
tur jura gentium & civilia naturali vim atque  
injuriâ facere, quod tanquam peregrini ad-  
venæ campum juri naturæ à Deo datum per  
homines limitare postulent, annitemur unâ  
operâ simul ostendere nullam naturæ per jura  
gentium & positiva fieri injuriâ, sed ea ami-  
cissimè & suavissimè cohabitare: jus gentium  
quidem (si ita comparare licet) ut uxorem con-  
dominam, civile verò ut filium aut ministrum  
frugi.

frugi. Naturale jus patri comparamus, quia id gignit omnia jura & imperium exercet in jus gentium ac civile, coliturq; ab iis ob paternum affectum. Jus gentium veneratur naturale sed condominatur civili, & subit interdum, nempe cum civilia media non adsunt, civilia officia, ut Aristot. *in polit.* dixit pauperes uxoribus pro servis uti. At civile seu positivum jus est quasi filius, servus & instrumentum utriusq; juris naturalis, quo voluntatem suam applicant & exequuntur. De civili in libro seq. specialius quadam monebuntur : nunc quomodo jus gentium officium suum obeat & juri naturali serviat declarabimus.

*Eorum au-  
toritas.*

Quâ conditione, quâ lege jus gentium in sacra & auctoritatem juris naturalis receptum sit ex superioribus liquet, nempe ut serviat juri naturæ à Deo constituto. Habet ergò auctoritatem suam à Deo, per jus naturæ prius. Quomodo eâ utatur, & quomodo cognoscantur præcepta juris gentium pro jure naturali data, indicandum.


*Generalis  
nota juris  
gentium.*

Generaliter dici posset, juris gentium esse quibus homines omnes aut plurimi propter naturalem honestatem atq; utilitatem conservandam utuntur, quæq; omninò non, aut alio essent modo, si cum bonis tantum vivere liceret : sed hæc juris gentium nota ambigua & non omnibus satis conspicua fore videtur. Admonendi enim sumus, non omnia quorum usus apud alias gentes est esse juris gentium,  
cum

cūm & aliæ gentes naturali, suoque civili jure utantur, & facile fieri possit ut plurib. in rebuspub. eadem lex civilis feratur, quæ tamen propterea non sit juris gentium, sed manet civilis. Verbi causa: Ex nostris civilibus legibus adulteri puniuntur gladio, & testamenta solennia requirunt septem testes: in hisce legibus modus pœnæ & numerus testium purè civilis est, ut ex libro posteriori manifestius apparebit: Iam si omnes omnium gentium respublicæ hunc modum pœnæ in adulteriis, & eundem numerum testium in testamentis observare statuerent, tamen non fierent leges juris gentium, sed unicuique civitati essent leges civiles, quod Imperat. §. *sed jus quidem. 2. Instit. de jure nat.* non obscurè docet, & nos infra copiosius declarabimus. Fallax ergò nota est si dicamus quæ apud omnes gentes observantur & juris naturalis non sunt, sunt juris gentium: nam potest eadem lex civilis in multis rebusp. recepta esse, ut sint juris civilis. Rectius videmur hanc generalem regulam daturi, si dicamus juris gentium esse *quicquid pro defensione juris naturalis est, sine civili medio.* Etiam civilia sunt pro conservatione juris naturæ, sed per media civiliter constituta, omnia enim civilia ipsam civilis societatis conservationem respiciunt simul: at jura gentium nullam civilem societatem spectant, nec civili ex ordine fluunt, sed à ratione simpliciter pro juris ingenti conservatione suppeditantur, licet postea etiam civili

ratione

ratione ad societatem politicam applicentur. Sed producamus exempla specialiora, quibus res fiat manifestior, ea erunt triplicia, prout homo tria habet in quibus laedi potest, animum, corpus, & res seu bona: in hisce propugnandis quomodo jus gentium officio suo fungatur ostendemus, quæ erit quasi exterioris formæ juris gentium depictio.



*Præcepta juris gentium primam  
legis Mosaicæ tabulam & animum homi-  
nis potissimum respicientia.*

### CAP. VIII.

*Defensio  
est juris  
gentium.*

Cum juris gentium officium, finis & qualitas sit defendere jus naturæ, primò generaliter dicimus, juris gentium esse defensionem naturalis honesti & utilis omnem, quæ sit citra medium civile. Ea autem vel est togata vel armata: & ut jus naturæ cum universaliter tum particulariter in singulis præceptis offenditur, ita etiam defensio vel universaliter vel particulariter circa singula præcepta docetur & applicatur.

*Præcepta  
morum  
sunt juris  
gentium.*

Ad universalem juris naturæ defensionem referimus primò præcepta morum, quæ fiunt cum mali reprehensione & dissuasionem seria ac severa, quâ uti solemus erga liberos, uxores, servos & alios concives nostros. Huc illa ethi-  
corum

corum scripta & poetarum satyræ, quibus impietates, bella injusta, fraudes & alia mala detestantur. Iureconsulti hæc passim attingunt. *D. quod met. ca. Item, de condict. ob surp. ca. Item, de panu.* pertinent huc aliquot præfationes novarum legum Iustiniani, in quibus sæpe pravitatem morum reprehendit. Ipse amor honesti ac boni juris naturæ est, at increpatio mali quæ fit ob boni auctoritatem conservandam est juris gentium, quia apud omnes populos est in usu. Ius naturæ prius severas increpationes & correctiones morum non novit, quia bonum sua sponte amplectitur, at satyræ & objurgationes præsupponunt delictum. Quando autem per publicam personam vitia arguantur, ut cum censor aut præceptor publicus ratione officii sui publici prave increpat, dehortatur aut punit, tum dicitur esse juris civilis: est verò tum juris civilis mixti, quia amor boni est & manet juris naturæ; increpatio mali est juris gentium; at modus ille, nempe ut reprehensio fiat per personam publicè ad id constitutam, est juris positivi. Quæ talia sunt vocantur civilia mixta, ut libro seq. docebitur.

Accedit huic suspicio & cauta declinatio mali, ut metumamus & evitemus mala quæ animo aut corpori nostro imminant. Non est ea juris naturæ prioris, quia id nihil mali extimescit aut suspicatur: nec est juris civilis, nisi cum fit per consilia & auxilia personarum publicarum, ut senatorum & magistratum: & tamen juris

*Declinatio  
mali.*

est, etiam cum per nos ipsos vel amicorum auxilio fit, unde sequitur esse juris gentium.

*Deprecatio & reconciliatio.*

Adhæret illi deprecatio mali, cum malum nobis imminens deprecando avertimus. *l. 2. D. de his qui sui. O. de sent. pass. & restit. C. de his qui ad eccles. confug. It. de his qui ad stat. conf.* Ideo etiam reconciliationes & amicorum intercessiones ad jus gentium sunt referendæ.

*Auxilia defensio-  
num a-  
monio.*

Huic subjungi potest imploratio, præparatio & præstatio auxilii contra injurias, nam & illa est inventum juris gentium generale, quod ratio & natura docuit pro jure naturæ defendendo, ut ex sequentibus apparebit.

*Humanitati con-  
servatio.*

Diximus suprâ, libro 3. juris naturæ generale præceptum esse amorem : quicquid ergo vel a nobis solis vel auxilio amicorum nostrorum sine publico civili adjumento per defensione ingenti humani amoris fit, id omne est juris gentium.

*Religionis  
defensio.*

Ad primum prioris tabulæ Mosaicæ præceptum jus gentium officium suum facit, scandalum & impietatis reprehensione ac pœnâ : cum impios Dei contemptores a nobis facessere jubemus cogimusve sine auxilio civili, ut cum Hagar & Ismael ejiciuntur *Gen. 21.* vel cum Rahel idola patris sui furatur ac perdit *Gen. 31.* aut Elias pseudopphetas mactat *1. Reg. 18 v. 40.* Non erant hæ personæ civiliter constitutæ ut decalogum tuerentur, & tamen justum erat quod agebant, quia erat pro conservatione juris naturæ.

Eidem



Eidem tabulæ jus gentium servit idolorum *idolorum*  
abolitione *Gen. 35. 1. Sam. 7. v. 3. Quoties autem everfio.*  
reges & personæ publicæ civili. suâ potestate  
idola everterunt, ut *David. 1. Paral. 14. v. 12. Asa.*  
*2. Paral. 15. v. 16. Iosia, 2. Reg. 23. v. 14. & alij plu-*  
*res,* tum sit juris civilis mixti, propter modum  
abolitionis civilem, ut ex prædictis intelligitur.

Huic succedit veritatis defensio, cum quis *Falsi oppu-*  
non ratione publici officii, sed ultro, solo veri- *gnatio.*  
tatis amore errores & mendacia oppugnat.  
Hûc omnes mendacii, adulationis, doli & simu-  
lationum detestationes, quarum pleni sunt o-  
mnium bonorum autorum libri. Modi autem,  
quibus mendacia publicè puniuntur, sunt juris  
civilis, ut *l. eleganter. 7. §. ult. cum l. seq. D. de dolo*  
*malo. l. de etate. 11. §. si cum esset. 3. D. de interrogat. l.*  
*electio. 26. §. neg. heredi. 5. D. de noxalib. act. l. si du-*  
*biet. 11. §. ita demum. D. de fidejussorib. & mand.*

Respicit etiam primam tabulam profanita- *Profani*  
tis averfatio, quando cum impiis religionis no- *averfatio.*  
stræ contemptoribus nihil commercii habere  
volumus, *Pf. 1. eosq; à nobis discedere jube-*  
*mus, Gen. 21. v. 9. 1. Tim. 5. v. 22.* Imperator lu-  
stinianus civili remedio impietatem hominum  
prohibere voluit, quod antiquas leges de sacris  
& sacerdotibus gentilium loquentes sustulit.  
quarum haud dubiè magnus fuit cumulus, ut  
ex multis indiciis ac reliquiis legum & ex lib. 2.  
*Cic. de legib. colligi potest.* Idem fecêre alii non-  
nulli Imperatores, qui impios homines templis  
& urbe ejecerunt, ut tituli *C. de hæreticis, de Apo-*  
*statis.*

## 388 DE PRINCIPIIS JURIS

*statu, & de Paganis, testantur. Hi enim priores Codicis tituli de vera religione Christiana loquentes, tabulæ primæ Mosaicæ serviunt, & repositi sunt à Justiniano in locum antiquarum, quæ de gentilium superstitionibus & falsis religionibus loquebantur.*

Ex hisce intelligi potest quomodo jus gentium juri naturæ circa primam tabulam serviat, nostrosq; animos ab offensione vindicet. Observaverit etiam lector, quam facile juris gentium remedia in civilia degenerent, de quo inferiùs plura.



*Juris gentium præcepta ad secundam legis Mosaicæ tabulam & inprimis ad personas ipsas respicientia.*

### CAP. IX.

**I**N homine & secunda juris Mosaicæ tabula considerantur Personæ, Res, & quæ ex mutuis contractibus nascuntur Actiones & Accusationes. De personis primò, & quidem quatenùs ipsum corpus personæ simul consideratur: solum enim animum in priori capite respeximus.

*Jus gentium prohibet læsionem corporis.*

Jus gentium reprehendit & damnat omnes læsiones corporis, ut cum quis sibi manus violentas infert, suamve valetudinem vino, Venere, ingluvie aut ignaviâ corrumpit. Stoici non erubu-

erubuere laudare eos, qui seipfos interfecissent, *Senec. epist. 70.* quid mirum? crudelitatem quam in Deo probabant in seipsis reprehendere non poterant. At Plato *lib. 9. de legib. & in Phædone.* Macrobius *in somn. Scip. lib. 1. cap. 13.* docent Deo cum homicidis nihil commune esse, & cadauera eorum, qui sibi vitam abruperunt, putant omni infamia afficienda esse, ut alii abstergeantur. Darius apud Curt. *lib. 5.* ait: *Ego hic legem fatis mei expetto. Forsitan mireris quod vitam non finiam, alieno scelere quam meo mori malo.* De abusu veneris, vini & cibi, varia apud autores extant præcepta, quæ omnia ad jus gentium referenda sunt, quia omnium ferè gentium legibus sunt communia, & sæpè sine civili remedio homines à talibus delictis abstrahuntur. At quando per publicam personam prohibentur aut puniuntur, ut cum censor, judex vel legislator de talibus leges fert, & delinquentes per carnificem punit, ille modus prohibitionis ac pœnæ est civilis. *l. 3. D. de bon. eor. qui ante sent. mort. sibi consc.*

Desperatio salutis non tantum animum sed *Et desperatio* & corpus hominis affligit, totumq; hominem *rationem.* in summum malum præcipitat, quapropter illam maluimus ad hoc caput referre quam ad præcedens. Ejus igitur prohibitio & detestatio est juris gentium, non juris naturæ prioris, quia id Deo diffidentem nescit; nec juris civilis, quia sæpissimè fit sine auxilio civili, ut Plut. *in libro de superstitione.* execratur & miserrimos

pronunciat omnes, qui Deo diffidunt. Desperatio est malum cupiditati boni de qua lib. 3. cap. 4. egimus, oppositum, quod jus naturæ ignorat, jus gentium serio ut summum malum dissuadet ac prohibet.

*Et penas  
constituit  
ledentibus.*

Constituit etiam jus gentium pœnas in eos qui seipsum vel alios contra naturalem amorem lædunt, ut in verba contumeliosa, in plagas & vulnera, in homicidia, &c. Nam quod puniri debeant talia delicta, jus gentium docet, modos autem pœnarum examinat & constituit jus civile. Ubi autem civitas nulla est, ipsa ratio usurpat modum pœnæ quem invenit, vel quem aliorum consuetudo & exemplum monstrat.

*Modi aliquot  
consociationum  
sunt juris  
gentium.*

Ut mutua affectio hominum conservetur, jus gentium modos aliquot consociationum excogitavit, & naturam societatis amantem adjuvit ingeniosis quibusdam commentis, ne lex peccati societates dissolvere posset. Cum itaque ratio observasset, affectionem maximè calere & durabiliorem esse erga eos, qui nos in gradu consanguinitatis proximè attingunt, leges conjugii posuit & modos quibus homines à vagis libidinibus abstrahi possent, excogitavit. Ita leges, præcepta & consuetudines, quibus gentes pro conservatione conjugii contra promiscuas commixtiones utuntur, sunt juris gentium. Huic fini serviunt ceremoniæ variae, ut quod societates conjugales ab iis quorum interest petuntur, quod publicè contrahuntur per has & illas ceremonias, in conspectu & præsentia ali-

*Et earum  
modorum  
ceremoniæ.*

quot

quot testium fide dignorum, item quod non licet cuiq; eas dissolvere, & si forte violatæ fuerint, ut delinquentes puniantur. Hæc sunt arcana & salutaria remedia quæ ratio pro conservatione humanæ societatis & affectionis excogitavit, ex quibus matrimoniorum & familiarum jura externa apud omnes gentes fluunt. Possent matrimonia rectè contrahi nemine cōscio, possent etiam sponsalia vel completa matrimonia ex causa gravi & probabili nullis arbitris intervenientibus dissolvi: at ratio vidit id non esse utile, & societatibus fore periculosum: requirit ergo externa testimonia, & ceremonias aliquot quæ clam adhiberi non possint, ut consensum parentum, testimonium & gratulationem amicorum, traditionem publicam & similia, non quod ea sint de essentia & necessitate societatis naturali, sed quod de probatione rationabili. Sunt quædam physice necessaria, quæ jus naturæ proximè attingit: quædam œconomice, ethice aut politicè, ad quæ jura gentium & politica simul respiciunt. Et quia omnia quæ rationi conveniunt suo modo naturalia sunt, (siquidem omnis ratio secundum naturam & ex luce naturali est) hæc quoq; suo modo naturalia dici possunt, nempe remore, quod naturæ bonum tandem respiciant & promoveant. Hinc evenit, ut externæ quædam ceremoniæ se juri naturæ ita applicent & agglutinent, ut naturalium essentiam induere videantur. Putarunt nonnulli consensum parentum, in natu-

*Et ceremoniæ nuptiales.*

*Quomodo illa necessaria & iuxta naturam sint.*

*Consensus parentum*

pronunciat omnes, qui Deo diffidunt. Desperatio est malum cupiditati boni de qua lib. 3. cap. 4. egimus, oppositum, quod jus naturæ ignorat, jus gentium serio ut summum malum dissuadet ac prohibet.

*Et penas  
constituit  
ledentibus.*

Constituit etiam jus gentium pœnas in eos qui se ipsos vel alios contra naturalem amorem lædunt, ut in verba contumeliosa, in plagas & vulnera, in homicidia, &c. Nam quod puniri debeant talia delicta, jus gentium docet, modos autem pœnarum examinat & constituit jus civile. Ubi autem civitas nulla est, ipsa ratio usurpat modum pœnæ quem invenit, vel quem aliorum consuetudo & exemplum monstrat.

*Modi aliquot  
conso-  
ciationum  
sunt juris  
gentium.*

Ut mutua affectio hominum conservetur, jus gentium modos aliquot consociationum excogitavit, & naturam societatis amantem adjuvit ingeniosis quibusdam commentis, ne lex peccati societates dissolvere posset. Cum itaque ratio observasset, affectionem maximè calere & durabiliorem esse erga eos, qui nos in gradu consanguinitatis proximè attingunt, leges conjugii posuit & modos quibus homines à vagis libidinibus abstrahi possent, excogitavit. Ita leges, præcepta & consuetudines, quibus gentes pro conservatione conjugii contra promiscuas commixtiones utuntur, sunt juris gentium. Hæc fini serviunt ceremoniæ variz, ut quod societates conjugales ab iis quorum interest peccantur, quod publicè contrahuntur per has & illas ceremonias, in conspectu & præsentia aliorum

*Et eorum  
modorum  
ceremoniæ.*

quot testium fide dignorum, item quod non licet cuiq; eas dissolvere, & si forte violata fuerint, ut delinquentes puniantur. Hæc sunt arcana & salutaria remedia quæ ratio pro conservatione humanæ societatis & affectionis excogitavit, ex quibus matrimoniorum & familiarum jura externa apud omnes gentes fluunt. Possent matrimonia rectè contrahi nemine cōscio, possent etiam sponsalia vel completa matrimonia ex causa gravi & probabili nullis arbitris intervenientibus dissolvi: at ratio vidit id non esse utile, & societatis fore periculosum: requirit ergo externa testimonia, & ceremonias aliquot quæ clam adhiberi non possint, ut consensum parentum, testimonium & gratulationem amicorum, traditionem publicam & similia, non quod ea sint de essentia & necessitate societatis naturali, sed quod de probatione rationabili. Sunt quædam physice necessaria, quæ jus naturæ proxime attingit: quædam œconomice, ethice aut politicè, ad quæ jura gentium & politica simul respiciunt. Et quia omnia quæ rationi conveniunt suo modo naturalia sunt, (siquidem omnis ratio secundum naturam & ex luce naturali est) hæc quoq; suo modo naturalia dici possunt, nempe remore, quod naturæ bonum tandem respiciant & promoveant. Hinc evenit, ut externæ quædam ceremoniæ se juri naturæ ita applicent & agglutinent, ut naturalium essentiam induere videantur. Putarunt nonnulli consensum parentum, in na-

*Præ ceremoniæ nuptiales.*

*Quomodo illa necessaria & jura naturalia sint.*

*Consensus parentum*

an *aptum*  
*liberorum*,  
 est *jura*  
*gentium*.

ptius liberorum, esse juris naturæ prioris: sed eâ ratione parentibus mortuis, absentibus aut furiosis, liberi non possent matrimonium contrahere ob impedimentum immutabilis juris naturæ & defectum naturalis requisiti quod erroneum est. Parentum consensus est rationabile requisitum externum, quod ratio necessitate ethicâ & œconomicâ, ob conservationem familiarum & bonorum morum conjugio essentiale fecit, & naturalibus conjugii requisitis per debitam parentibus gratitudinem ita assimilavit, ut naturalis necessitatis naturam imitari videatur. Esau matrimonium habuit, & tamen uxores duxit sine consensu patris sui *Gen. 28. v. 9.* Iacob habet generalem consensum sui patris, *d. cap. 28. v. 2.* ac cum uxores duceret illum non consuluit. *Gen. 29.* & sic hodiè parentes sæpè permittunt liberis, ut sibi uxores despondeant, aut si pacti jam sint, gratulabundi consentiunt, multi etiam bene ac prudenter ex voto parentum ipsis insciis contrahunt, unde liquet consensum parentum à jure gentium necessitate rationabili ethicâ & œconomicâ esse introductum, non jure naturali. Hi modi cum civiliter approbati, præcipi, & per civilia quædam media applicari solent, fiunt juris civilis mixti, ut inferius explicabitur.

*Patria co-*  
*actio est ju-*  
*ru gentiu.*

Ad jus gentium pertinet coactio patria, quam apud omnes gentes in usu esse videmus. Est vero & hæc ipsa de salutaribus & arcanis consiliis, quæ ratio pro humanarum societatum & offi-



& officiorum charitatis conservatione suppeditavit, ut liberi cogantur parentibus obedire, illorum disciplinæ se subijcere, eorumq; consilia in contrahendis nuptiis sequi. Ita parentes possunt liberis & bonis suis uti tanquam medicis, quibus sibi & suæ posteritati amicos parent & obstringant. Ius naturale prius nullam inter homines facit differentiam, nec repugnationem quandam liberorum suspicatur, ergo nec potestatem patriam novit, sed tantum amorem erga omnes homines summum. Huic amoris de jure gentium accedit & assimilat se paternum imperium, quod totum in pietate consistit *l. Divus. D. de lege Pomp. parricid.* & tamen coactionem quandam reluctantis in se continet. Sed modi quibus exercetur coactio patriæ, omnes ferè à jure civili circumscripti, & certis solennitatibus aucti exornatiq; sunt, ideò Imp. noster *Inst. de patr. pot.* ait, potestatem patriam juris civilis esse, & nullos populos talem habere in liberos potestatem atq; cives Romani: *talem*, inquit, hoc est ita formatam & circumscriptam. Est autem juris civilis mixti, nam origo ejus ex naturali amore & providentia paterna est; ratio & inventio ex jure gentium; modus exercendi & imperii paterni publica ratificatio ex jure civili. Quædam etiam patria potestas tota civilis est, ut quæ exercetur in adoptatos & arrogatos, item quam patres publici seu magistratus exercent in subjectos, talis enim potestas ex civili ordine & publicis

legibus nascitur. Quod autem nonnulli patres liberos suos mactârunt, diabolis immolârunt, *Levit. 18. v. 21. Ps. 106. v. 37. Macrob. 1. Saturn. 7. abjecerunt, Terent. in Heaut. act. 4. sc. 1. vel vendiderunt. C. de patrib. qui fil. distr.* patriæ potestatis non est, sed inhumana crudelitatis, & nullius juris esse potest, quia est contra rationem & jus naturæ, quod alia jura non oppugnant. Ergo etiam Constantinus l. 2. C. d. iur. venditionem liberorum non concessit nisi unico hoc casu cum pater ob extremam paupertatem liberos alere nequit, ut tum potius vendat filii operas & jus detinendi pro nutritione, quàm illum fame enecet. Sed hic casus incidit in actiones mixtas, in quibus minus malum majori præferre naturali ratione cogimur. *lib. 1. cap. 13.* Et universaliter omnis parentum inhumanitas est contra jus, quapropter eam jus civile tantò facilius tollere vel limitare potest.

*Potestas  
maritalis.*

Iisdem ex fontibus scaturit autoritas maritalis, quæ omnibus gentibus utilissima est ad conjugii vinculum, amicitia & societatis fœdus, ipsumq; honestum conservandum, monstrata à Deo *Gen. 3. v. 16.* Ius quidem naturæ ipsâ vi rationis conjugii finem & verum usum præscriperat, sed cum eum homines ultro observaturi non essent, & tam promiscuo concubitu, quàm mutatione conjugis frequenti amicitia vincula, (quæ familiari consuetudine & officiis non vulgatis sustentantur) solvere tentarent, vidit Deus & ratio perutile fore, si conjugii in conjugem,

jugem, & inprimis marito tanquam prudentiori & fortiori in uxorem daretur aliquod jus, quo uxorem secum manere & sibi obedire cogere posset. Recepta itaq; apud omnes gentes est potestas maritalis, *Tiraq. in l. connub. gl. 1. part. 1.* cujus fructus quotidie percipiuntur non vulgares. Consistit verò potestas illa non in eo, ut naturalem amorem deleat, quemadmodum tyranni nonnulli contra omne jus suâ autoritate abutuntur, sed ut conservet consilio & auctoritate. Quia verò metuendum erat, ne mariti sibi nimium potestatis & licentiæ arrogarent, jus civile per leges & patres publicos præscripsit certos modos, quibus ea exercenda esset, & ita etiam potestas maritalis facta est juris civilis, *Tiraq. d. cap. 1.* nempe mixti, ut facile intelligitur.

Diximus etiam juris naturæ prioris esse castitatem, *lib. 3. cap. 5.* pro ejus conservatione jus gentium nonnulla adinvenit remedia. Et primo potestas patria ac maritalis perquam utilis est ad liberos & uxores à libidinibus prohibendas. Sed præter hæc invenit jus gentium poenas aliquot contra libidines, ut increpationes, multas, verbera, ejectiones, infamiam, & tandem ipsam mortem. Nam quod illicitæ libidines puniri debeant, jus gentium persuadet, jus civile verò tantum constituit & publicè probat modos poenarum, ne nimia indulgentiâ vel atrocitate peccetur. Quidam populi barbari extra civiles societates vivunt, & modos poena-

pœnarum publicè constitutos non habent; nonnunquam etiam in civilibus societatibus delicta quædam pœnam publicis legibus constitutam non habent, sed retinent eam, quam cuiq; iustitiæ defensori vel ratio vel exemplum & consuetudo concivium monstrat, eamq; per privatas personas applicari sinimus, tales ergò pœnæ purè juris gentium sunt. Ut cum paterfam. filiam vel uxorem ob impudens aliquod delictum verberat, hujus pœnæ inventio & executio est juris gentium: si per personam publicam puniretur, modus pœnæ esset juris civilis.

*Honesti  
defensio.*

Pro conservatione honesti jus gentium introduxit pœnas aliquot impudentiæ, ut infamiam, ejectionem, verbera, nonnunquam etiam mortem. Nam ut publicè malè audiat, qui contra decorem deliquit, ex legibus civilibus non est: multi ob pravos mores, ob verba quædam suspecta, ob attentatum aliquod, vel etiam ob factum jure permissum, alieno tamen loco & tempore perpetratum, vituperantur, in quibus casibus infamia est ex jure gentium, & infligitur modo juris gentium nempe per iudicium omnium rectè sentientium hominum. *L. infamem. 7. D. de publ. jud. l. Athletar. 4. §. ult. D. de his qui not. inf.* Quando verò ex civili quodam indecoro per publicam personam infamia inuritur, tum est juris civilis: plurimæ autem infamandi causæ & viæ sunt juris gentium. Sic cum impudenti scurræ nostrâ conversatione & amici-

amicitiâ interdiciamus, remedio juris gentium pro naturali honesto utimur. Huic interdum accedunt verbera & tela mortifera, ut in defensione pudicitiae, de qua paulo post dicemus.

Nascitur ex jure gentium quaedam tutela, in- *Tutela im-*  
 primis agnatorum & cognatorum §. *impuberes, puberum.*

6. *Instit. de Attil. tut. Gen. 12. v. 5.* nam ratio ipsa dicitur, orphanos & eorum bona debere potius in agnatorum tutela esse, quàm sub extraneorum inspectione. Quedam verò tutelae, & modi nonnulli deferendi tutelae mere juris civilis sunt, quapropter Imperator, ut de toto jure tutelae loqueretur §. 1. *Instit. de tutel.* inquit tutelam esse juris civilis, quod de jure civili mixto intelligendum, ut omnes modos & species tutelae contingat.

Similiter ex jure gentium est quaedam cura *Cura pube-*  
 puberum, nempe furiosorum, decrepitorum, *rum.*  
 viduarum & aliarum personarum quae suis negotiis non sufficiunt. Et videtur exigua differentia fore inter tutelae & curas, nisi civilibus modis distinguerentur: una enim ratione sustinentur, nempe quod æquum sit agnatorum auxiliis sublevari, qui sibi ipsis consulere non possunt.

Pro amore patriae jus gentium hoc introdu- *Prælatio*  
 xit, quod omnibus gentibus persuasit peregrinos non facile recipere, & inquilinos advenis *Sympatrio-*  
 semper præferre. *tarum.*

Pro gratitudine naturali conservanda faci- *Ingratorum*  
 unt correctiones ingratorum & increpationes, *correctio.*  
 qua-

quarum apud Philophos satis multæ in ingratos; infamia, quâ fere apud omnes gentes laborant ingrati; & aliæ quædam poenæ apud varios populos contra ingratos usitatæ.

*Prælationis  
injustæ pro-  
hibetio.*

Æqualitatem status & libertatem jus gentium ita conservare studuit, quod servitutes nullas probat, nisi ex certis quibusdam & rationalibus causis, & quod injustam aliorum depressionem bello prohibere docuit, ut infra dicetur. Hæc sunt juris gentium præcepta ad ea naturæ jura, quæ lib. 3. cap. 5. tradidimus respicientia, de quibus singulis prolixè agi posset, nisi nobis propositum esset ea tantum, quæ ad intellectionem juris necessaria putavimus, breviter attingere.



## *Præcepta juris gentium defensionem armatam continentia.*

### C A P. X.

**D**E togata nostri animi & corporis defensione satis dictum esto, videamus eos defensionum modos, quæ cum telo fieri solent: consilia enim non semper sufficiunt ad improborum prohibitionem, nonnunquam vi opus est & armatâ manu.

*Defensio  
armata est  
juri gen-  
tium.*

Pertinet ergò ad jus gentium defensio violenta seu armata. Defensionem in jure vocamus cum quis ab injuria se tuetur, offensionem, cum

tum quis contra jus & æquum læditur. Cum autem violentam defensionem probamus, vim intelligimus licitam & necessariam, quæ omni jure concessa esse dicitur. Cur eam juris naturæ prioris esse negemus, ex prædictis constare poterit, nempe quia jus prius sincero omnium hominum amore offensionem nullam novit, nec defensionem ergo. Citra peccatum & offensio & defensio ignorarentur, at natis è malitia hominum offensionibus, ratio docuit defensionibus uti.

Defensionem quidam ad jus naturæ prius *Non juris prioris.* retulerunt, decepti eo quod autotes, ut sæpè dictum est, jus naturale prius à posteriori non semper tam exactè distinguunt, ut Cajus, l. itaq. 4. D. ad l. Aquil. Ulpianus, l. 1. §. vim vi. 27. D. de vi & vi arm. Florentin. l. ut vim, 3. D. de iust. & jure, quemadmodum & Cicero confudit pro Milone, cum inquit, *Est enim hæc iudices non scripta, sed nata lex, quam non didicimus, accepimus, legimus; verum ex natura arripimus, hausimus, expressimus: ad quam non docti sed facti; non instituti, sed imbuti sumus: ut si vita nostra in aliquas insidias, si in vim, si in tela atque latronum aut inimicorum incidisset, omnis honesta ratio esset expedienda salutis.* At si defensio est juris prioris, statuendum erit in eo esse offensionis metum & experientiam: deinde omnes defensionis species erunt juris naturalis, ut bella & quæ inde sequuntur servitutes, quas leges nostræ juri naturæ contrarias esse statuunt. Oportuerit etiam ad jus naturæ referre defensiones bonorum,

norum; quæ sunt per contractus & modos acquirendi, quod negat l. 5. D. de just. & jure: & totum jus naturæ posterius cum priori confundendum erit, siquidem id totum in defensione naturalis æqui consistit.

*Defensio  
nulla in  
brutis.*

Alii defensionem idè ad jus naturæ transferunt, quod simile quid appareat in brutis l. 1. §. 4. & seqq. D. si quadrup. quod & Cicero confirmare putatur l. offic. cum ait: *Omni generi animantium à natura tributum est, ut se, vitam, corpusq. tueatur, & declinet quæ nocitura videantur.* Et 2. de finib. *Omne animal, simul ut ortum est, & seipsum & omnes suas partes diligit, duasq. res, quæ maxime sunt, inprimis amplectitur, animum & corpus, deinde utriusq. partes.* Et 3. de finib. in pr. ubi inquit: *simul atq. natum sit animal ipsum sibi conciliari & commendari ad se conservandum, & ad suum statum, & ad ea quæ conservantia sunt ejus status deligenda: alienari autem ab interitu, usq. rebus quæ interitum videantur asferre.* Sed defensio non externam pugnam in jure significat, qualis est in brutis, verum rationabilem sui juris ab injuria conservationem, l. non videtur. 52. D. de reg. jur. l. sed hæ. 35. §. defendere. l. 36. D. de procurat. quapropter & nos defensionis verbo totum officium juris gentium complexi sumus. Et ne verborum captatione elabi velle videamur, dicimus in beluis nihil esse quod defensio, vel tuitio, vel propugnatio juris, vel alio tali modo appellari possit, quia beluæ quando & à quo lædantur non intelligunt. Ut si fortè ob pauperiem factam jussu domini per ministrum

verbe-



verberentur, putant se à ministro laedi, & in hunc feruntur; ignatae se suâ culpa & domini jussu vapulare. Iudicant ergò tantum externis sensibus, & cæco impetu irruunt in id quod, dolorem infligit, ut canis in fustem vel in lapidem. Cum itaq; nesciant beluæ quo animo, quâ causâ, cujus jussu contrectentur, utrum is qui manum injicit iis bene an male velit, non possunt intelligere quando & contra quem se ab injusta latione defendere debeant. Duo sunt, ut in omnibus actionibus, ita etiam in defensione consideranda, animus & externus applicandi modus. Animus in omnibus actionibus præstantissima pars est, quia ab eo motus principium, regula & qualitas totius actionis proficiscitur, ut meritò forma actionum esse dicatur: modus externus & externa actionis forma, quasi pars accidentalis & instrumentalis est, quæ ex animo æstimatur. Ea fit aut verbis, ut in retorsionibus injuriarum, in excusationibus & omnibus responsionibus, aut facto externo: factum verò externum non semper consistit in pugna nostra, sed sæpè etiam in terrore, minis & aliis impedimentis, quæ adversario nostro vel ipsi vel per amicos nostros obijcimus, interdum verò ipsi ad repugnationem descendere cogimur. Hujus externæ & ultimæ, atq; ita minio & defensionis particulæ similitudo quædam est in beluis, animus verò depellendi injuriam in illis non est, quia quid injuria sit, non intelligunt. Quod autè externa pugna

Cc

ad ef-

ad essentiam defensionis parum faciat, eaquē tota potius ex animo defendentis aestimanda sit, inde liquere potest, quod agitatio illa membrorum utriq;, tam offendenti quam defendenti est communis. Si omnis, qui pugnat se defendit, etiam latro se defendit, quando invadit ut offendant, & magistratus, quando delinquentes punit, justitiam simul defendit & offendit, quod fieri nequit. Cum itaq; offensio & defensio ex jure & animo aestimanda sit, juris verò intellectus in beluas non cadat, sequitur nec injuriæ illationem, sive ea offensio, sive alio modo vocetur, nec depulsionem, quam defensionem vocamus, cum brutis esse communem.

*Defensio  
vocatur  
vindictio,  
sive Vitis.*

Defensionem Cicero vocat vindicationem, eamq; lib. 2. de invent. definit, per quam vim & contumeliam defendendo aut ulciscendo propulsamus, à nobis & à nostris, qui nobis cari esse debent, & per quam peccata punimus. Hæc omnia præmissæ nostræ explicationi conveniunt: id tantum monemus, Ciceronem per ultionem non intelligere ultionem facti, quæ jure divino, Rom. 12. v. 19. Mat. 5. v. 38. & humano l. 1. C. unde vi. l. ut vim, D. de iust. & jure prohibetur, sed ultionem juris legitimam, quam probat jus divinum Rom. 13. v. 4. & humanum. C. quando lic. unic. sine jud. se vindic. l. 1. C. pro quib. ca. ser. pro præm. lib. accip. l. qui cum major. 14. §. 6. D. de bon. libert. d. l. ut vim. 3. D. de iust. & jure, & alibi innumertis locis. Omnis autem defensio, cum civilibus mediis applicatur, sit juris civilis mixti, ut ex prædictis satis liquet, quapropter

propter nonnunquam etiam defensio ad jus civile refertur, ut cum dicitur omnia jura concedere ut vis vi repellatur *l. scientiam. 45. §. 4. D. ad l. Aquil.* Cum species juris naturalis, à Cicerone *2. de invent.* enumeratas, libro priori explicandas proponeremus, diximus vindicationem ad jus naturæ prius non pertinere, ideoq; ad jus gentium reservandam esse, *lib. 3. cap. 2. de quo,* an rectè factum sit, lector nunc poterit judicare.

Priusquam verò hinc abeamus ipsa nobis defensio defendenda erit, cui nonnulli arma extorquere conantur. Dicunt itaque hic manifestam vim pati jus naturæ à jure gentium, quod homines armet & animet in aliorum perniciem: cum enim proximum quemq; sicut se ipsum diligere oporteat, & jus naturæ immutabile sit, nullâ ratione justum esse posse ut aliquem lædamus, ne quidem pro salutis nostræ defensione. Abutuntur quibusdam sacræ scripturæ locis, ut *Mat. 5. v. 38. Rom. 12. v. 14. 19. & seq. 1. Cor. 4. v. 12. & 6. v. 7. 1. Theß. 5. v. 15.* & aliis argumentis ex jure naturæ priori petitis. Damnant deinde vindictæ nomine omnes defensionum species, duella, bella, judicia, disceptationes & querelas, & ex pravo quorundam horum remediorum abusu argumenta sumunt quibus opinionem suam exornent, aliosq; horum mediorum defensores impietatis & injustitiæ accusent. At si propter abusum rei ejusdem etiam usum tollere, omniaq; bona & mala

secum commixta juxta habere volumus, omnia jura simul erunt abjicienda, & peribit nobis totum jus salvâ injustitiâ. Nec quicquam aliud ex hac opinione sequitur, quàm quod jubemur sublatis juris præfidiis, nos improbis raptoribus & latronibus objicere ipsiq; fures & latrones fieri. Si enim hoc dederimus omnem omnino defensionem à Deo improbari, æquum erit non modò de gentium & civili, sed etiam de naturali jure, & victrix impietas sublato omni pœnæ metu liberè in innocentes grassabitur. Cogemur omnium hominum, nostrorum liberorum, servorum & peregrinorum injurias ferre, musitare, tacendo provocare, pietatem & naturalem nostri sanguinis amorem extinguere, & ne Dei quidem auxilium (siquidem & hæc defensionis species est) contra scelestos implorare, quo nihil fingi potest absurdius aut periculosius. Videmus ergò eos qui omnes defensiones improbant, non modò jura gentium & civilia (ut ipsi opinantur) oppugnare, sed & naturalibus, quæ à se defendi gloriabantur, summam injuriam facere, illiusq; impiæ injustitiæ cujus nos accusant, neminem magis quàm ipsos reos esse. Refellant horum errorem Theologi nostri, & docent non omnem defensionem, siue illa per judicia siue per arma fiat, à Deo improbari, sed eam tantum vindictam quæ fit ad offensionem, qua de re sufficienter & eruditè scripsit Chemnitius *in loco de vindicta*, quò benevolam lectorem remitto. Confirmant enim

enim talia saniorum theologorum scripta nostram Iurisprudentiam, nobisq; tela igniunt quibus juris calumniatores prosterneamus. Ut ergò theologi docent, non esse contra pietatem se defendere, ita nos, mutatâ modò phrasi, dicimus defensionem non esse contra jus naturæ. Omnis offensio contra amorem & jus naturæ est, at defensio, quatenus est vera defensio, tantum contra injuriam & ejus autorem pugnat, ut cogatur desistere & injuriis abstinere. Confligimus cum aliquo legibus, ne contra jus naturæ lædamur, & ut bona nostra nobis relinquuntur. Pugnamus armatâ manu ne nobis vita, libertas & alia bona nostra contra jus naturæ eripiantur. Magnum harum rerum abusum esse non diffitemur, sed ille ex jure non est, & multo esset crudelior si nullis remediis contraveniremus: imputentur ergò mala illa non juri nostro, sed legi peccati. Qui verant se defendere, jubent sui ipsius furem & latronem esse.

Obscurius aliquando loquuntur, sed tamen in effectu idem volunt qui illum errorem solvent, quem superioribus libris aliquoties refutavimus: nempe qui putant Deum contra decalogum agere posse, & quoties id faciat, modestè cum magna gratiarum actione acquiescendum, cum ne hincere quidem fas esse possit. Ut si Deus, qui Amor est, alicui contra jus naturæ, hoc est contra amorem & seipsum, ex puro suo beneplacito, quia sic libeat, quod dedit eripi-

*Juræ naturæ defensionem etiam Deum admittere.*

## 406 DE PRINCIPIIS JURIS

eripiat & excruciet, nefas esse dicunt id ægrè  
ferre, sed gratias potius agendas esse quam  
maximas quod nobis vitam & temporalia bo-  
na dederit, eaq; non omnia simul eripuerit,  
hoc est, quod dederit, quo nobis ægrè facere  
posset. Illi quidem jubent nos Deum & nos  
ipso abnegare: Deum ita, quod illum non  
agnoscere veracem, constantem, semper & ubi-  
que sibi similem ac purè bonum, tantundem  
est vel etiam pejus quàm omninò abnegare,  
ut supra docuimus. Nos ipso autem abnegare  
jubemur, si veramur ægrè ferre, quando nobis  
partes essentielles, animà & corpus, quibus ni-  
hil magis naturale habemus, eripiuntur aut ex-  
cruciantur. Impossibile est illi benè velle, in  
quem suspicio cadat talis conatus, nedum ut  
gratias agere queamus illi qui fecerit. Non ju-  
bet nos Deus jus naturæ in nobis, nostrumq;  
animum & corpus abnegare, nam vitæ dulce-  
dinem & salutis desiderium negare, est ratio-  
nem & vitam, Deumq; ipsum per rationis lu-  
cem & boni appetitum in nobis habitantem  
abjicere, quod non potest nisi contra Deum &  
rationem fieri, cum vita vitæ, salus salutis amo-  
rem improbare nequeat. Nec vetat nos Deus  
suspitionibus, excusationibus & deprecationibus  
pro naturali salutis amore, quem exuere non  
possumus, intercedere. Deus nec offensiones  
probat, nec defensiones improbat *Gen. 3. 4. 20.*  
*Mat. 10. Ioh. 8.* sæpè etiam lubricas & inanes ex-  
cusationes recipit, ne cuiquam injuriam facere  
vide-

videretur. Sed nolumus in amplissimum hunc dicendi campum evagari. Id tantum moneamus, jus gentium, vel rationabilem aliquam defensionis speciem in intimo recessu suo contra Deum non esse, & posse etiam Deum pati, ut omnibus juris gentium remediis ac defensionis speciebus pro jure naturæ contra se (si quid ille contra jus naturæ ageret) uteremur. Si concederemus defensionem juris naturæ aliquo modo injustam esse posse respectu Dei, statim suboreretur suspiciosa quæstio, anne etiam jus gentium cum suis defensionum speciebus injustum esset contra homines? Si Deo concessum esset juri naturæ vim facere, quid ni etiam homini? an verò non licet Dei exemplum imitari? Credimus justa esse omnia quæ Deus facit: at si ille contra jus naturæ agit & jus gentium repudiat, nullamq; excusationem vel deprecationem audire vult, quidni idem liceat homini? Cum verò statuimus, etiam Deum jus gentium probare & in suo judicio admittere, tum nostri juris autoritas & certitudo divinitus confirmata subsistit. Et hæc quidem defensionis vindicatio generaliter ad totum jus gentium omnesq; ejus species pertinet, nobis autem hoc loco primum succurrit, ubi primum nostrorum adversariorum sensimus insultum.

Hæc itaq; defensio primò spectat ad vitam nostram, *l. ut vim. 3. D. de just. & jure. l. itaq; 4. l. scientiam, §. 4. D. ad l. Aquil. l. 1. §. vim vi. 27. D. de vi & vi arm.* hoc est, si quis vitæ nostræ aut tem-

*Defendere  
licet vitam,*

porali aut æternæ insidietur, omni jure nos possumus contra illum hostem defendere, & omnia defensionum media, quibus uti possumus jure sunt permessa, quod & Apostoli verbis confirmari potest *Rom. 3. v. 5. 6. 7. & 8.* Quod autem *d. 11.* dicitur defensionem omnibus legibus & juribus permitti, non ita accipiendum est, quod defensio ad omnia jura primò pertineat, sed quod nulli juris speciei adversetur.

*Et corpus.*

Altera defensio est nostri corporis: nam etsi vita in periculo posita non esset sed corpus tantum, ut si quis virginitatem expugnare, nasum aut aliud membrum amputare conaretur, justissima est contra illum defensio, non tantum quia talium non datur restitutio, sed quia offendens est injustus, & nullo jure cogimur injurias, quas avertere possumus, perferre. Ideoq; si tantum vulnerare vel alapam infligere vellet offendens, justum est tales injurias à se prohibere, *d. l. ut vim. D. de iust. & iure. ibi, corporis sui tutelam. arg. l. 8. D. quod met. causa.* Nec adversantur nobis verba Christi *Mat. 5. v. 39.* nam Christus in illa concione explicat vim & veram mentem juris naturæ prioris, & docet quàm perfectum amorem lex Dei a nobis requirat. Deinde docet non statim à jure naturæ profiliendum ad remedia juris gentium & civilis, sed ferendas & mussitandas esse injurias quæ bonâ conscientia & salvo jure naturæ ferri possunt. Ut si alicui pallium eripiat vel colaphus infringatur, possent offendenti per civiles leges,



leges, nempe per accusationes criminales publicas, bona, fama & vita eripi: sed Cicero docet, tam facile à jure naturæ & ab insito omnium hominum amore non refugiendum, musitanda & dissimulanda potius esse multa, & tentandum omnibus modis, an malum bono vincere possimus. Ut autem contra jus naturæ & contra conscientiam omnia perpetiamur aut agamus, Christus nullibi docuit, ideò illo in capite non jubet ut corpora nostra stuprum vel adulterium cupientibus offeramus, nec ut hominibus cum quibus sine peccato & scandalo habitare non possumus familiariter utamur, sed docet eos tanquam inflammata membra præcidendos & abjiciendos esse. Et hæc quoque nostra mens est, non ut statim ad quodvis verbum ad arma prosilias, aut quotiescunque aliquem juris prætextum habere possis, summum jus sequaris, sed quod tum, quando necessitas cogit, ut vel contra jus naturæ & conscientiam aliquid patiaris, vel te armatâ manu eripias, arma licite stringere & impium hominem tanquam funestam pestem abigere possis. Si enim licet me ntrum corporis amputare ob conservationem partium sanarum, licet etiam impium hominem ferro secare vel occidere ob conservationem justitiæ & juris naturæ. Quæ de re plura paulo post in defensionum requisitis & vero juris gentium usu monebimus.

Extendit se etiam hæc defensio ad vitam & corpus uxorum, liberorum, amicorum, concin-

*Libertas a-  
micosq; li-  
cet assem-  
dero.*

vum, & omnium qui injustam vim patiuntur hominum: nam inter nos omnes natura quandam cognationem constituit, l. 3. D. de iust. & jure. Unde etiam Cic. 3. de finib. ait ipsam naturam inter homines loco civilis juris esse, & ibid. circa fin. Ex hoc nascitur, ut etiam communis hominum inter homines naturalis sit commendatio, ut oporteat hominem ab homine, ob id ipsum quod homo sit, non alienum videri. Idem repetit lib. 5. de finib. & 1. offic. Quapropter jure gentium utitur & recte facit qui alicui contra vim injustam succurrit, ut Moses Exod. 2. v. 11. fratrem suum à latrone defendit. Ipsi Deo, cujus veritatem & verbum in hac propria causa ejus judicem ferre possumus, præter hostilem inimicitiam nihil debemus si cuiquam hominum causa interitus fuit. Nostra est injuria quæ homini fit: omni jure capitale odium denunciamus mortis auctori. Adeo Deus non improbat jus gentium, ut quemque jubeat alterius injurias suas putare. Ex hoc capite Deo interdum totus populus reus fit ob unius hominis delictum, ut si fortè alicui imbecilliori manifesta vis fiat à potentiori, & qui suppressi innocentiam excusare vel precibus pro eo intercedere possent, tacent, sibi ab homine magis metuunt quàm à Deo Mat. 10. v. 28. juvant etiam nunquam potentiorum furores, cum eos per amicos & proceres amicè dehortari, vel certè impia eorum facta non juvare & approbare debuissent. Omnes illi ejusdem delicti coram Deo rei sunt, ut Gen. 6. 16.

Exod.

## LIBRI IV. CAPUT X. 411

*Exod. 7. usq. ad. 15. Item, cap. 32. 1. Sam. 2. 2. Sam. ult. Indic. 19. & 20. 1. Cor. 5. & aliis multis in locis videmus.* Quamvis enim delicta ibi commemorata corporali presentia & contactu omnes qui puniti sunt non juvarint, animo tamen ut praestantissimâ sui parte omnes correi facti sunt, quod non prohibuerint vel deprecati sint, sed potius applauserint, alienas injurias dissimularint, excusarint & promoverint. Probant idem humana jura cum dicunt facientes & consentientes in eadem poenis dignos esse. §. 11. v. ope consilio. *Instit. de obl. qua ex del. nasc. l. Qui servo. D. de furt. l. sepe ita. 53. §. ult. D. de verb. sign. arg. l. 1. D. de legib. quò facit quod lib. 1. cap. 13. docuimus, non omnem ignorance & socordiam posse excusari, & facta ex ignorance commissa propter subsequentem approbationem spontaneis similia fieri: item quod lib. 3. ostendimus ex immutabili jure naturæ omnium hominum injurias ad nos pertinere.*

Non dico nos jure gentium admoneri ut statim armatâ manu in peregrinos vel in magistratus nostros inolemus, & omnes injurias concivibus nostris factas ferro vindicemus, sed quod jubeamur iniquè læsos defendere, amicâ deprecatione, humanâ excusatione, auxilii injusti denegatione, insontium præmonitione & similibus modis, ut Abigail pro marito suo intercedit *1. Sam. 25.* & Jonathan pro David *1. Sam. 19. & 20.* arma verò expedire non oportet, nisi cum nos extrema & inevitabilis cogit necessitas.

fitas, ut minus malum præferamus majori: quo tamen in casu non privata tantum, sed & publica mala sunt consideranda. Ex hisce principiis bellorum jura nascuntur, quæ multi improbant, opinantes omnibus injuriam fieri qui corporali præsentia non adjuvant illud delictum, ob quod contra delinquentes iusta arma expediuntur. De juribus belli itaq; paulò post acturi, hæc paulò copiosius præfari volumus: defensionis privatæ requisita essentialia hoc capite prius explicemus.

*Defensio-  
nis requi-  
sita.*

*Necessitas.*

In omnibus ergò hisce privatis defensionibus, quæ violentâ & armatâ manu fiunt, considerandum est, primò, utrum hoc defensionis modo opus fuerit? nam si verbis, deprecationibus, reluctationibus aut pugno res potuit expediri, omninò non liquit armis cernere: item si nullum periculum fuerit in mora & auxilium magistratus potuerit expectari, injustum fuit media publicè constituta negligere. Deinde, si opus fuit tali defensione, videndum an fuerit vera defensio, seu an defensio offensionis fuerit

*Æqualitas.*

adæquata. Æqualitatem spectamus non armorum aut plagarum sed qualitatum juris & injuriæ, an pro qualitate offensionis opus fuerit eâ defensionis vehementia. Ut si puella pudicitiam suam verbis & verberibus defendere non possit, licet illi telouti. Sed an etiam interficere audebit, si alio modo se tueri nequeat? puto licere, quia cujus pudicitia tentatur, in vitæ periculo est Deut. 22. l. isti. 8. §. 2. D. quod

*met.*

1. 24. Nec officit, quod stupra publicis legis capitalia non sint, nam id de voluntariis pris intelligendum est, violenta verò capitalia sunt vel esse debent.

Sunt autem hic iterum duo consideranda, imò utriusq; animus, tam offendentis quam tendentis, secundo defensionis tempus. Primum in omnibus actionibus principaliter standum esse supra monuimus, in quo hoc considerandum, utrum offendens dolo & dolo consilio agat, an verò ignorantia: nam sset quis injustissimam nobis vim facere eris in jure, facto & persona, sine dolo malo. inde etiam conjecturæ sumendæ sunt de anno defendentis, utrum hæc fuerit vera causa & illum ad talem defensionem compulerit an ille prætextit, an verò nunc eo tantum cioso sui doli prætextu utatur?

In tempore defensionis videndum an ex in- vallo re peracta, an verò re adhuc integrata sit: ut si mulier jam compressa sit, vel inia jam accepta, nulla amplius est prohibitio ariz, sed quicquid sit privata vindictæ & iræ outandum. Tali ergo in casu implorandum publicum legum auxilium, quia perpessæ ariz vindicta eam patitur moram.

Quod autem nonnulli arbitrantur etiam uilitatem seu statum personarum considerari ere, ut personæ publicæ, Principi vel poten- ti plus liceat quam alteri, mihi non proba-

Nam differentia statuum pertinet ad jus civile

*Animus.*

*Tempus.*

*Non etiam personarum statum.*

#### 414 DE PRINCIPIIS JURIS

civile & nullibi est sine civili ordine: cuncta autem & pœnæ pertinent ad jus gentium & ad naturale. Naturalia jura nullam agnoscunt personarum inæqualitatem, nec concedunt ut alicui propter potentiam suam plus, vel propter impotentiam minus juris detur in jure naturali. Nemo habet privilegium peccandi contra jus naturæ: & nemini jus naturæ denegari potest, ut se ab injuriis defendere prohibeatur. Civilia verò jura naturalibus vim facere nec possunt nec debent, quapropter personarum respectum leges civiles alium introducere non possunt, nisi civilem. Jus civile tantum in modo pœnæ publico, quatenus ille civilis est, discrimen facere potest. Ut si quis homicidium committat, pœna delicti capitalis est ex jure gentium quod mutari nequit: at publicus pœnæ infligendæ modus est civilis, quapropter respectus personæ hîc habitari potest, ita ut hic gladio occidatur, ille rotâ. Ut autem pauper latro solus plectatur, potens dimittatur vel pecuniâ tantum multetur, leges civiles sancire non possunt, quia in hac pœna nihil amplius est civile nisi modus publicus quo vita eripitur. Arripuerunt nonnulli regulam quandam, & dicunt vitam & famam pati passu ambulare, l. isti §. 2. D. quod met. ca. l. 9. in pr. D. de manum. vind. inde colligere volunt, licere etiam propter injuriosa verba vel propter colaphi incussionem offendentem occidere, sed malè. Ea enim res patitur moram & per magistratum expedi

*Qua defen-  
sio licita  
contra ver-  
ba inju-  
riosa.*


i potest, nec propterea causa tua melior &  
 uria infecta fiet, etiamsi ladentem statim  
 erimas. Leges nostræ negant privatorum  
 vitiiis aliorum famam minui, & jubent in-  
 iurum agere contra convitatores. *l. si non. 3.*  
*de injur. l. i. C. de famos. libel.* homicid. o opus  
 : ad bonæ æstimationis conservationem,  
 n memini me in legibus legisse, dicta etiam  
 is regula hoc non evincit. Famam & vitam  
 uè defendere licet, si sint in æquali periculo,  
 ando verò in extremo periculo non sunt &  
 moram patitur, tum utraq; auxilio magi-  
 itus debet defendi. Præterea verum non  
 , licere semper verbales vel plagarum inju-  
 s morte offendentis expiare: quænam hie  
 ita vehementiæ necessitas? quæ defensionis  
 offensionem proportio & æqualitas? Omnis  
 ensio, quatenus necessitate destituitur, non  
 defensionis sed vindictæ. Non ita ad homici-  
 animandi sunt cives, nec juris axiomata ita  
 illari oportet. Esto, ut aliquando ob inju-  
 sa verba capitalis poena per magistratum  
 igi possit, ut si quis parentibus suis male-  
 erit, *Exod. 21. v. 17. Levit. 20. v. 9.* aut si quis  
 nen læsæ majestatis perpetrarit & calum-  
 : magistratum seditionem excitare ten-  
 it; sed hæc delicta non sunt simplicia, coin-  
 unt enim periculum & scandalum publi-  
 n, & ingratitudo extrema hominis despe-  
 . Deinde etiam hæc delicta publicè puni-  
 ur non privatim, ut ubiq; magna sit dissi-  
 militu-

multitudo, tam in delicto quam in eius poena. Imperatores nostri verberant puniri si quis eos maledictis lacessisset, *C. si quis Imperat. maledix.* Alexander M. cum audiret sibi a quodam maledicti, *Regium est*, inquit, *malè audire, cum benè facias.* Cum Antigono milites quidam in castris maledicerent, nescientes illum in tentorio esse, ille aperto tentorio, *infortunium habebuis*, inquit, *nisi longius hinc digressi me convictu proscinderis.* *Plut. in apophr.* Similia de Philippo, Agathocle, Pyrrho & aliis ibi referuntur, quorum leges & exempla nos observare, & injurias quasdam dissimulare, alias irridere & vitæ integritate confutare, non omnia verba sanguine expiare decet. Reprobamus ergo etiam illorum opinionem qui dicunt, virum spectatum, si ab homine ulli maledictis petatur aut terreatur, pugnam declinare & cedere non debere, quia id turpe & ignominiosum esse, multo rectius & jure facere si resistat & se armis ulciscatur, id enim esse honestum & viro forti dignum, *v. Covarruv. ad elem. si furiosus. p. 3. §. ult. n. 4.* Talibus commentis multa potentiorum homicidia excusantur, perinde quasi necessum fuerit etiam ubi pugnam evitare posses, hominem occidere, vel perpetuò infamem esse. Sed qui nobis regulas juris generales tam imperitè vel calumniosè ad dissimilia & planè inconvenientia facta applicant, vel interdum sicarios istiusmodi legum depravationibus poenis eripiunt, læsæ justitiæ rationem Deo reddent. Nobis interim

pessi-



peſſima exempla præbent, & ipſum jus apud imperitum vulgus malè audire faciunt, & quando ab eruditioribus arguuntur ad eam tandem inſcitiz ac impietatis ſuz confeſſionem confugere coguntur, ut dicant *aliud eſſe in foro ſoli, aliud in foro poli*, de qua diſtinctione juſtitiz in fine opuſculi noſtri aliquid monebimus. Quos verò tam turpis effugii pudet, eos advigilare oportet, ne falſæ opiniones in jus inferciantur, aut juris axiomata in alienum ſenſum detorqueantur. Sed de deſenſione hoc loco ſatis, oſtendere enim tantum voluimus, quanam ex mente juris gentium ſit vera deſenſio, & quomodo illa in vero ſuo uſu non ſit contra jus naturæ.



## *Deſenſio juris naturæ armata, publica.*

### CAP. XI.

**D**Eſenſio armata quæ publicè, non ex improviſo aliquo congreſſu, ſed conſilio & auxilio publico fit, vulgò vocatur *bellum*, quod quando legitimè geritur juris gentium eſt, l. 3. 4. 5. D. de *luſt. & jure*. Putârunt nonnulli nulla bella à Deo probari, ſeu, ut phraſibus jureconſultorum utamur, omnia bella contra jus naturæ eſſe, quod dextrè refutat Chemnit. in loco de *vindieta*. vide etiam Th. Aq. in 2. 2. q. 40. art. 1.

Dd

Bella

## 418. DE PRINCÍPIIS JURIS

Bella sunt duplicia, justa & injusta, sed Iurē-  
 consulti justa tantum bella, vocant *bella*, si verò  
 injusta sint, dicunt esse *latrocinia* : nos itaque de  
 bellis loquimur, non de latrociniiis. Nihil au-  
 tem juris esse potest nisi quod sit rationabile,  
 nec ulla defensio rationabilis esse potest, nisi  
 quæ sit necessaria : unde sequitur rationabiles  
 & necessarias expeditiones tantum bella vocari  
 posse, si quæ verò tales sint, eas alicujus juris  
 esse. Quæris ergò quæ sint justæ belli causæ ?  
 respondeo omnes necessariæ defensiones juris  
 naturalis, quæ nullis aliis consiliis aut modis,  
 nisi armis publicis obtineri possunt. Dico bel-  
 la ex necessitate pro jure naturali suscepta justa  
 esse : purè civilis causa justam belli excusatio-  
 nem præbere non potest, quia jus gentium, cu-  
 jus sunt bella ; pro jure naturæ introductum  
 est, non pro jure civili, & civilia cedere servi-  
 teq; debent naturalibus, non naturalia civili-  
 bus. Posuimus supra aliquot requisita necessa-  
 riæ defensionis, eadem fere omnia in bellis ob-  
 servanda sunt, quia bellum est species defensio-  
 nis, & à defensione hoc tantum distat ; quod  
 publicè geratur. Si hæc consideraverimus, ap-  
 parebit bella raro esse justa, quia plurima ex  
 vitiis propriis suscitamus, ut ex avaritia, inju-  
 stitia & furore potentiorum, vel etiam ex civi-  
 libus causis, nempe ex mera ambitione & do-  
 minandi cupiditate, ut Alexander bello affli-  
 gebat Asiam ex causa merè civili eaq; impro-  
 abili, quod dicebat sibi cum Dario de virtute  
 certa-

*Quæ bella  
 sint justa.*

certamen esse uter dignior sit ad imperandum. Talibus ex causis pugnam concitare, injustissimum & contra omnia jura est: at innocentiam à gigantibus theomachis & naturæ hostibus defendere, id verè est bellum gerere, idq; tam est justum quam pro Deo autore vitæ contra latronem diabolum pugnare. Cum ergo dicimus bella non esse contra jus naturæ sed latrocinia, hoc volumus; justè & ex necessitate se contra Dei & naturæ impios hostes defendere non esse injustum, at alios sine necessaria & justa causa armis laxessere, id impiorum latronum esse & illius dæmonis qui latro fuit ab initio. *Ioh. 8.* Vidit autem Imperator Iustinianus, & suo exemplo didicit bella raro justa, semper ab alterutra, sapius ab utraq; parte injusta & potentiorum ambizioso furore excitata geri, ideò *§. sed jus quidem. 2. Instit. de jure nat.* dixit bella juri naturæ contraria esse, cum tamen aliàs vera bella sint pro jure naturæ, latrocinia tantum contra naturale bonum. Augustin. *lib. 19. de civ. dei cap. 7.* putat etiam justa bella non posse sine omni peccato geri, & semper aliquid succurrere contra amorem, ideò sapienti & pio viro bella ita gerenda esse, ut qui doleat se hostium injustitiâ ad necessarium bellum esse compulsus. Et eâ ratione verè dixerit Imperator, bella juri naturæ contraria esse; quis enim unquam in his terris eo animo bellum suscipit, ut doleat se eò redactus, ut cogatur hostibus suis ægrè facere? Fiunt autem bella

juris civilis mixti, cum per publicas personas civiliter ad id constitutas geruntur, ut cum non licet bellum indicere aut finire nisi jussu majestatis, & tamen hæc civilia additamenta, quæ in modis gerendi belli subsistunt, non efficiunt quò minus bella sint juris gentium. Efficiens enim & finis belli est ex jure gentium, forma externæ aliqua particula est ex jure civili. Nec bella propterea juris civilis sunt, quod publico aliquot commilitonum consilio geruntur, quia non omnia quæ publicè in aliorum præsentia fiunt, juris civilis sunt, sed quæ politicè. Possunt etiam quædam jure gentium publica esse, ut contractus, matrimonia, testimonia, judicia, poenæ & similia, quæ tùm demùm politicè publica fiunt, cum ex institutis civilibus per media civiliter constituta administrantur. Utriusque exemplum videmus *Gen. 14.* ubi prius bellum, in quo reges confugebant, erat juris civilis, at posterius, quod Abraham cum servis suis contra reges suscipiebat, erat juris gentium.

*De duellis  
& provocacionibus.*

Illæ verò provocaciones, & duella reipub. æquè scandalosa & periculosa, in quibus gladiatores nostri sese jactare, & de futilibus altercationibus armis decertare solent, ad jura belli non pertinent, & nullius juris sunt, quocunque etiam prætextu excusentur. Non sunt juris naturæ prioris, quia non sunt amoris: nec juris civilis, quia non expediuntur per civilia media, sed potius invitis & contradicentibus legibus: nec sunt juris gentium, quia essentialia defensionis

sionis necessariæ requisita hîc desiderantur. Ubicunq; magistratus auxilium expectari potest ac debet; ibi privato non licet armis cernere.

Bella sequuntur servitutes, quas ex jure gentium esse dicit l. 4. *D. de iust. & jure*. Nec est contra jus naturæ, eos qui libertate suâ abutuntur, & nobis pericula creant, sub potestate dominicâ habere, ut & ipsi vivere possint & nos tuti esse queamus. Nam tales servitutes, quæ ex justo & necessario bello nascuntur, jus nostrum tantum probat, qui verò sine justa causa à latronibus detinentur, pro servis non agnoscuntur. Appellamus autem etiam illos latrones, qui injustam habent belli causam. l. *hostes*. 24. *D. de capt. & postlim.* l. *hostes*. 118. *D. de verb. sign.* l. *qui à latronib.* 13. *D. qui testam. fac. poss.* l. 1. in pr. *D. de legat. lib.* 3. Servitutem ex jure gentium esse agnoscit etiam Halicarn. lib. 1. cum ait: *Hæc lex naturæ apud omnes gentes est recepta, quam nullum tempus delebit, ut superiores inferioribus imperent.* Videtur interdum servitus iniqua & contra jus naturæ esse, ut si vir strenuus capiatur & dominio ignavi civis subjiciatur. Sed sciendum non omnes captivos in servitutem redigi, verum illos tantum, qui capiuntur à barbaris & incultis populis, inter quos pauci vel potius nulli sunt viri virtute politi, qui libertate digni censeri possint, cum robur corporis solum non efficiat ut quis libertate dignus judicari queat v. *Covar. ad l. peccatum. de reg. jur. in 6. part. 2. §. 11. n. 6.* Dein-

*Servitus est  
jure gen-  
tium.*

de, licet forte vir liberalis ingenii & cultissimi animi captus sit, non tamen iniqua est servitus, quia injustam belli causam juxta contra eos à quibus justè captus est. Præterea non ille privati alicujus, sed reipub. victricis factus fuit servus, apud privatum verò nutritur tantum, custoditur, & armis exutus laboribus mitigatur, vide *Augustin. lib. 19. de civ. Dei. cap. 21.*

*Dominica  
potestatis  
limitatio.*

Cum tamen jus dominatus aliquanto durius esset, jus gentium duobus id molliuit remediis. Primò, circumscriptâ domini potestate: nam ubi jus gentium verè observatur, ibi non licet dominis iniquè in servos sævire, l. 2. *D. de his qui sui.* & qui veram juris gentium mentem intelligunt, sciunt servitutem tantum eo fine introductam, ut in potestate nostra habeamus qui sibi ipsi consulere suâq; libertate uti nesciunt, & à quibus, si liberi sint, tuti esse nequeamus. Et hæc potestatis dominicæ circumscriptio non est ex legibus civilibus tantum, sed statim cum jure servitutis à jure gentium introducta. Unde videmus in Hebræorum & Romanorum repub. multos suam libertatem ultrò vendidisse, quod jura servitutum tam humana & tolerabilia esse viderent. Exosum fecit jus servitutis quorundam dominorum inhumanitas: at illa juris non est. Si jus gentium juberet servos crudeliter tractare, aut si eo fine servitutem introduxisset ut inhumanitatem exerceret, rectè diceretur contra jus naturæ egisse, nunc id tantum spectavit ut servarentur qui alias à militibus

bus fuissent occisi, quod humanum fuit & utile consilium. Quomodo servi tractandi sint, vide Senec. lib. 1. de clem. cap. 18. & epist. 47. & l. 2, D. de his qui sui.

Alterum remedium quod jus gentium contra servitutem duritiem de dit, est manumissio, <sup>Manumissio</sup> l. 4. D. de iust. & jure, cuius sanè permulta causæ jure sunt approbatæ, ut satis appareat jus gentium ubiq; captivorum saluti & dominorum humanitati consuluisse. Si verò quis dominica sua potestate nimis avare in captivos & eorum posteros utitur, id ipsius domini iniquitati imputandum, non juri, quia jus gentium servitutes approbavit ob humanitatem exercendam, non ob avaritiam & crudelitatem l. 4. D. de statu hom. Dixere quidem Romani, servos inter pecora vel instrumenta numerari & pro nullis haberi, sed in civilibus tantum, in naturalibus verò juribus considerarunt eos ut homines, & punierunt dominos si iniquè in eos saviissent, ut alibi explicari solet.



## Præcepta juris gentium circa bona & res hominum.

### CAP. XII.

**D**Ocuit præterea ratio & experientia, bonorum communionem & hominum avaritiam esse perpetuas litium & injuriarum cau- <sup>Dominorum diffin- ctio</sup>

sas, visum ergò fuit dominia distinguere ut jus  
 naturæ inviolatum servaretur. *l. ex hoc jure. §. D.  
 de iust. & jure. §. sed jus. 2. Inst. de jure nat. l. 1. D. de  
 acq. rer. dom.* Naturalem liberalitatem per jus  
 gentium non tollimus, sed dominia rerum di-  
 stinguendo efficimus ut quisque liberalis esse  
 possit. Nec jus naturæ talem communionem  
 bonorum, quæ in totali mei actui abolitione  
 omniumq; rerum confusione consistat, requi-  
 rit, sed liberalem communicationem earum  
 rerum, quæ piè & honestè communicari pos-  
 sunt. Hanc jus gentium non retardat, sed pro-  
 movet per varios alienandi & contrahendi mo-  
 dos. Si dominia rerum distincta non essent,  
 malitiosorum hominum avaritia, rapinæ &  
 fraudes bonis nihil relinquerent, unde seip-  
 sos sustentare & aliis benefacere possent. Errant  
 itaque qui putant nos juri naturali vim facere  
 quod communionem bonorum improbamus,  
 nec quærunt jus naturale, quod in amore, bene-  
 ficentia & liberalitate consistit, sed jus peccati.  
 Beluina vita non patitur omnium rerum con-  
 fusionem, & dominia fovearum indistincta,  
 nedum ut ratio humana tali ἀναρχία & ἀταξία  
 delectari possit. Multò rectius Paulus 1. Cor. 7.  
 v. 31. jus naturæ & gentium explicat, qui jubet  
 possidere, sed ita quasi non possideas, hoc est  
 ut liberalitate tuâ egentibus succurras. Cic. 3.  
 de finib. inquit: *Quemadmodum theatrum, cum com-  
 mune sit, rectè tamen dici potest ejus esse eum locum, quem  
 quisq; occupavit, sic in urbe, mundoque communi non ad-  
 versa-*



*versatur jus, quò minus suum quidq; cuiusq; sit.* Ac ne quis miretur, quomodo distinctionem mei & tui aliquo modo ad jus naturæ pertinere *lib. 3. cap. 6.* statuerimus, & tamen dominia juris gentium esse dicamus, sciendum est omnia juris gentium præcepta in intimo recessu suo habere vim & mentem legum naturalium, distingui autem à naturalibus per modos externos, quibus naturale jus conservatur & defenditur. Refertur itaq; illa mei & tui differentia ad jus gentium quæ externâ dominiorum distinctione introducta est, ut amor ordinis & ratio quæ personarum ac rerum distinctionem suadet, maneat juris naturæ, at distinctionis forma sit juris gentium.

Dominiorum distinctionem obtinuit jus gentium per modos acquirendi & alienandi *Modi acquirendi & alienandi.* varios, ergò & illi ad jus gentium referendi, ut occupatio, donatio, inventio & similes, de quibus *Instit. de rer. divis. D. de acquir. rer. dom.* agitur. Pauci quidam ad jus civile pertinent, de quibus in d. titulorum explicatione monent interpretes. Omnes autem tam acquirendi quàm alienandi modi humanitatis & æquitatis pleni sunt: si quis iis iniquè abutitur, non facit voluntatem juris, sed suæ injustitiæ.

Obligationes quoque sunt ex jure gentium *Obligatio- nes.* I. naturaliter. *13. D. de conduct. indeb.* Veritatis amor, ingenua fides, & mendacii averfatio sunt juris naturæ, ut si frater à fratre, cum uterq; in ejusdem potestate esset, aliquid accipiat, vel si pater

De s      à filio

à filio quem sua in potestate habet, aut maritus ab uxore rem suam at uxoris usui concessam sumat, licet nec civili nec gentium jure obligetur ut reddat, quia inter tales personas dominiorum distinctio nulla est, reddet tamen, ob naturalem veritatis & ingenuitatis amorem, ne ob proprium commodum aliquid simulasse, aut juris gentium potestatem naturali amoris præposuisse videatur. Ita sæpe mariti uxoribus, fratres fratribus & parentes liberis rem ab ipsis acceptam reddendam putant, tantum ne rubore perfundantur, cum tamen recipiens nihil juris specialis in re reddita haberet, & restituens nec civili nec gentium jure illi esset obligatus. Tales itaq; obligationes quæ solo amore & naturali inhonesti aversatione constant, sunt purè juris naturalis primi, quia ex puro honesti amore proficiuntur, at quæ etiam coactionem in se habent, sunt juris gentium. Sed quæ nullam in se externam coactionem habent verius vocantur officia charitatis & fidei, eaq; etiam in communione rerum manent, quæ verò nos ligant & invitos obstringunt, rectius vocantur obligationes. Nec putandum quod omnis fidei servandæ & rei promissæ tradendæ coactio sit ex jure civili, sed quod illa tantum, quæ fit per prætoria vel alia civiliter constituta remedia. Ita fides est juris naturæ, cujus servandæ necessitas prima (spontanea est ex jure naturali, (quæ verius spontanea voluntas quam aliunde imposita necessitas dicitur)

nempe

nempe ex amore veritatis, gratitudinis & beneficentiæ: altera ex jure gentium, nempe per dominiorum distinctiones & privatas exactio-  
nes: tertia ex jure civili, quæ nascitur ex legi-  
bus & præceptis civilibus. Sunt & quædam  
obligationes purè civiles, quas jus civile reci-  
pere coactum fuit ob evitacionem mali mayo-  
ris, & ob defectum probationis melioris, ut li-  
terarum obligatio, *Instit. de liter. oblig.* quibus  
cautè utendum, ne dolus succurrat. De stipu-  
lationibus, & aliis civilibus solennitatibus, quæ  
naturalibus obligationibus superadditæ sunt,  
ut sint certa obligationis factæ *et ex lege*, alibi di-  
cetur.

Ad obligationes pertinent pacta & contra-  
ctus. Pactorum quædam publica sunt, quæ-  
dam privata. Ad publica pacta pertinent fœ-  
dera, sunt itaq; etiam fœdera juris gentium,  
*l. 5. D. de pact.* Fiunt quidem fœdera plerumq;  
per magistratus & leges civiles, *ut Ulp. d. l. innuit*,  
sed quia etiam sine his fieri possunt, & sæpius  
fiunt, *ut Gen. 31. v. 44.* rectè dicuntur nasci ex  
jure gentium. Si juris civilis tantum essent, ex-  
traneos non obligarent, quia civilibus cives  
tantum obligantur, & ita majestas reipub. fœ-  
dera publica cum aliena reipub. nulla facere  
posset, quod falsum esse nemo ignorat. Non  
impedit itaq; quod pacta publica ubique ferè  
per personas publicas fiunt, quo minus sint ju-  
ris gentium.

*Pacta pu-  
blica ex  
fœdera.*

Privata pacta juris gentium esse non dubita-  
tur.

*Pacta pri-  
vata.*

tur. l. 1. §. 5. & 7. in pr. D. de pact. quanquam & illa ceremoniis quibusdam civilibus sunt vestita, de quibus alibi.

**Contractus.** Extra controversiam est, pertinere hūc plurimos contractus, l. 7. §. 1. D. de pact. l. ex hoc jure. D. de Iust. & jure: paucos ex jure civili esse constat: quot verò, & quinam illi sint, apud interpretes nondū expeditum est, sed illud in loco de contractib. esset explicandum. Interim monemus, ne quis omnes contractus purè civilis juris esse putet, quibus civile quid est admixtum, neve omnes putet esse juris gentium, quorum usus etiam extra rempub. Romanam est. Civile est quod ex civili ordine nascitur & sine politica societate esse nequit, erunt itaq; illi contractus purè civiles qui sine positivo civili jure existere non possent. Cum itaq; per tot alienationum, conventionum & contractuum modos, jus gentium omnes portas humanæ beneficentiæ aperuerit, satis appareat nullam juri naturali per distinctionem dominiorum factam fuisse injuriā.

**Contractuum ceremonie.** Monemus autem hoc etiam non omnes pactorum & contractuum externas ceremonias juris civilis esse, sed illas tantum, quas leges civiles necessarias fecere. Ea est conditio negotiorum humanorum, ut ipsa gestio & actio ceremonias aliquas externas requirat: easq; non semper ex legibus, sed interdum ex consuetudine & exemplo aliorum esse, interdum ab ipsa natura suggeri, & in manus tradi videmus. Ex-  
empli

empli loco sit porrectio dextræ manus : quando eacivilibus legibus requiritur ut necessaria & essentialis solennitas contractus, tùm est civilis ceremonia contractus : cui si solennia quædam verba accedant, accipit nomen stipulationis. Verùm prehensio dextræ apud omnes ferè populos & apud rusticos nostros, qui de stipulationibus Romanis nihil norunt, usitata est, & eâdem mente usurpatur, nempe ut firmet promissionem. Ideò adhiberi solet in matrimonii promissionibus, in pactis, in contractibus, & ubi quid geritur quod ratum esse debet. Omnes enim externæ ceremoniæ ideò adhibentur, ut per sensus nos instituunt & doceant quid agatur. Et quia omnis plenæ fiduciæ appetitio ac sensuum doctrina naturalis est, etiam ceremoniæ quædam sunt naturales. Habent etiam ceremoniæ magnum & necessarium usum, quia informant & certiores nos reddunt de præsentî negotio, & sæpè hebetiores per externas ceremonias & sensus melius informantur, quàm per acutas ratiocinationes: multi etiam quid ageretur, omninò non intelligerent, nisi per sensus & signa externa erudirentur. Ut si quis virgini alicui, quarum dux ejusdem nominis præsentibus essent, promitteret matrimonium, dicens, ducam te Sophia; quamvis sponso & sponsæ constare posset de vero ac determinato horum verborum intellectu, tamen astantium quidam poterant dubitare, cui ex præsentibus puellis matrimonio-

nium

nium promississet. Ut ergò illi informentur & sponsaliorum honestè contractorum testes esse possint, natura postulat & necessitas exigit ceremonias aliquas externas in sensus incurrentes. Tales sunt, ex jure naturæ priori ad spectus, nutus, manus porrectio, vel amplexus, ex jure gentium arrha communicandorum bonorum, ut anulus vel aliud munus quod alter alteri de suo largitur. Simili modo, si quis equum nigrum ab alio emeret, quorum ille plures haberet, ad minimum necessaria esset demonstratio individui, ut contrahentes sese mutuo rectè intelligerent. Hæ & plures ceremoniæ de essentia contractus non sunt, (quia si una puella vel unicus niger equus tantum adesset, æquè posset contrahi sine istis ceremoniis) & tamen sunt naturales, sæpè etiam pro re nata necessariae. Videmus itaq; nimium sapere eos, qui omnes ceremonias externas ut inania & superstitiosa hominum figmenta explodunt, cum ceremoniæ omnes civiles non sint & suum evidentem habeant usum. Sed quia illi civiles potissimum cavillantur ceremonias, in libro sequenti paulo fufius eos refutabimus.

*Actiones  
& accusa-  
tiones.*

Rectè annumerantur juris gentium inventis actiones & accusationes quædam, nempe quæ coram parentibus, senioribus, amicis vel arbitris expediuntur, ut cum Ioseph fratres suos coram patre accusat *Gen. 37.* vel Laban repetit Deos sibi furto ablatos *Gen. 31.* Hæc sine civilibus legibus & iudicibus expediri possunt, & ex-

& extra civilem societatem subsistere queunt; sunt ergò juris gentium. Et quidem aliter fieri non poterat; cum contractus & obligationes, quibus inviti obstringuntur, juris gentium essent, quin etiam actiones & accusationes, quæ ex contractibus & delictis nascuntur eodem pertinerent. Id verò, quod leges nostræ cognitionem litium controversarum & accusationum criminalium privatis ademerunt & publicis personis commiserunt; quodq; ferè in omnibus regionibus publici judices constituti sunt; multos decepit; ut putarent actiones & accusationes esse juris civilis. *v. l. 14. & 15. D. de cond. indeb.* Si verò per actiones intelligamus formulas solennes civiliter compositas, ut *l. 2. §. deinde ex his legib. 6. D. de orig. jur.* accipitur, aut processum in publico judicio exercendum *l. nihil aliud 51. D. de oblig. & act.* tum actiones quidem ipsæ sunt juris civilis mixti, & formulæ solennes juris positivi puri; ipsa tamen sue rei repetitio per se semper est juris gentium. Quibusdam in locis nulli peregrini in foro & judiciis audiuntur, sed cives tantum; peregrini autem, si quid volunt, coguntur se civi alicui in clientelam dare & rem per patronum suum expedire; & tum jura actionum in civiles leges coarctata, non tamen omninò civilia facta sunt. Quando verò peregrinis juris communio omninò denegatur, ut interdum fit iis quos hostes nostros declaramus, tum omnia jura peregrinis denegata pro civilibus habentur.

Quæ-

*Executiones quædam juris gentium.*

Quædam præterea executiones civilium & criminalium sententiarum juris gentium in censum veniunt, quando videlicet vel ipsi vel cum amicis nostris quod æquū visum fuit exequimur, ut filii Iacob, *Gen. 34.* & Iuda, *Gen. 38. v. 24.* quod ex cap. 9. & 10. sup. intelligi potest. Quomodo verò executiones fiant civiles, & quatenus, ex prædictis facile judicari poterit.

*Et alia multa.*

Tandem ut nos hisce exsolvamus, dicimus ferè nihil esse in jure positivo, quod non aliquo modo pertineat ad jus gentium, utrumq; enim ex ratione nascitur, & utrumq; eum sibi finem habet propositum, ut serviat juri naturali. Sed tamen civile etiam societatem civilem respicit, & habet nonnulla juribus naturalibus ex positivis legibus superaddita, ut libro sequenti apparebit.

Sufficiunt hæc pro nostro instituto, ut intelligatur, quæ sint juris gentium inventa, quomodo ea naturalibus serviant, & quomodo hinc à naturalibus, illinc à civilibus differant: nunc ad alia progrediamur.



*Jura gentium immutabilia Et ubique eadem esse, ipsamq; majestatem ius obligari.*

### CAP. XIII.

*Jus gentium est immutabile.*

**Q**Vis usus jura gentium introduxerit, quæve necessitas ea sanxerit, superius diximus

*cap. 1.*



cap. 1. & 2. ipsi etiam juris gentium fructus suâ utilitate & necessitate sese ita commendant, ut dubitari non possit, quamdiu hæc manebunt, etiam jura gentium immutabilia fore. Non eo modo immutabilia sunt gentium jura, ut naturalia priora, nam & sine bello & servitutibus, sine dominiorum proprietate & contractibus homines vivere poterant, ut videmus inter veros amicos, conjuges, parentes & liberos, jura gentium conticescere, & ea in altera vita credimus sublata fore: at sunt tamen immutabilia respectu hujus vitæ, in qua facilius sexcentos hostes quam unum verum amicum invenias. Quapropter Imper. §. penult. Instit. de jure nat. affirmat etiam gentium jura immutabilia esse. Quod enim ibi de utroq; jure naturali loquatur, ex eo colligimus, quod duas tantum facit juris species, & de naturalibus loquitur in plurali. Manifestè etiam designatur jus gentium, quando ait: *Naturalia jura, quæ apud omnes gentes peræquè observantur.*

Non tamen hæc ita accipienda sunt, quasi non liceret à jure gentium ad naturale regredi, servum manumittere, bona cum amico vel conjuge communia facere &c. qui enim hæc facit, jus gentium non mutat sed egregiè observat, siquidem hæc est voluntas ejus, ut jus naturæ conservetur: & quando id fit, tum libenter acquiescit, quia obtinuit suum finem. Qui injuriam sibi factam remittit, ut juris gentium remediis opus non sit, jus gentium non

*Observatione juris naturalis jus gentium non mutatur.*

Ee

mutat,

## 434 DE PRINCIPIIS JURIS

*Quomodo  
mutetur jus  
gentium.*

mutat, sed illo tantum non utitur, & tamen voluntatem ejus implet, quæ hæc erat ut per rationabilia media hominum amicitiam tueretur. Et qui bona sua cum amicis communia facit, jus gentium non offendit, modo id faciat rationabiliter, hoc est honeste; & sine injuria aliorum quorum interest. Ille verò mutat & offendit jus gentium, qui remediis ejus calumniosè & alio, quam data sunt, sine abutitur, ut si quis sub prætextu juris per modos acquirendi furetur, dominatum vel tyrannidem exerceat, & latrocinetur sub specie justî belli. Et si quis sanciret non licere justâ defensione injustam vim prohibere, aut ab iis quos capitales hostes esse scias sibi cavere, præsidia contra illos parare vel bello se defendere; ille jus gentium offenderet & mutare conaretur. Tales quidem leges ferri non possunt; ob impossibilitatem rationabilem humanam, nempe quod sint contra rationem naturalem, contra bonos mores, contra salutem civitatis, & contra Deum: & tamen non obstante hac physicâ, ethicâ, politicâ & theologicâ impossibilitate sæpè ab impiis tentantur. Ut enim nonnunquam improbi juri naturæ contumaciter resistunt, ita etiam potentiores se interdum juri gentium opponunt, quod fit cum opinantur sibi in imbecillos impunè sævire licere contumeliosis dictis & verberibus. Item cum ex causa purè civili, ut ex sola ambitione & dominandi cupiditate, vel ex alia levicula & futile causa bellum concipi-

conci-

concitant, & quos ad necessariam defensionem compulerunt ultrò accusant quod iniusti sint, sibiq; intolerabilem injuriam faciant, quia potentiori morem in omnibus non gerant. Sic apud Terent. in *Adelph.* Sannio, cum atrocissimam injuriam passus & colaphis ferè occisus esset, accusabatur tamen quod juveni morem non gessisset, & parum aberat, quin naufragium omnium bonorum suorum fecisset, nisi acceptas injurias tacitè devorasset. Simile est illud quod Cic. pro *Rosc. Am.* memorat, *Hominem*, inquit, longè audacissimum nuper habuimus in civitate C. Fimbriam, & quod inter omnes constat, nisi inter eos qui ipsi quoq; insaniunt, insanissimum. Is cum curasset in funere C. Marij, ut Q. Scavola vulneraretur, vir sanctissimus atq; ornatussimus nostra civitatis: de cujus laude neque hic locus est ut multa dicantur, neq; plura tamen dici possunt, quam populus Rom. memoria retinet, diem Scavole dixit, postquam comperit eum posse vivere. cum ab eo quæreretur quid tandem accusaturus esset eum, quem pro dignitate ne laudare quidem quisquam satis commodè posset: ajunt hominem (ut erat furiosus) respondisse, quod non totum telum corpore recepisset. Nihilò meliores sunt qui excusationes nullas audiunt & inauditos damnant, item qui vetant veritatem & justitiam contra errores potentibrum defendere, ut nemo dicere audeat quare tu facis sic? In hisce vera consistit tyrannis: nam jura naturalia & civilia benè gubernare est boni principis; civilia sola tollere, est domini; at naturalibus etiam vim facere, est tyranni. Quamvis itaque jura

Differen-  
tia tyranni  
nuda & do-  
minatus.

Ee 2

genti-

gentium hoc modo interdum premantur, tamen non supprimuntur, sed paulò post iterum emergunt, magno cum tyrannorum damno & pudore. Id verò juris gentium immutabilitati nihil detrahit, ut nec bonitati divinæ quod quidam eum crudelem homicidam esse nugantur, nec candori nivis, quod Anaxagoras eam atram esse affirmabat. Non enim hinc ipsæ res mutantur, sed tantum falsa de rebus prædicantur ac statuuntur.

*Ius gentium immutabile respectu formæ internæ.*

Rectè etiam jura gentium immutabilia esse dicuntur respectu formæ internæ, hoc est, quod alia, quam nunc sunt (videlicet rationabilia & pro defensione juris naturalis concepta) esse non possint. Omnem rationem, voluntatem & appetitum in bonum ferri docuit Aristot. nos verò jus naturæ ipsum bonum esse libris superioribus ostendimus, non potest ergò ratio humana jus aliquod excogitare, nisi quod sit pro jure naturali.

*Jura gentium a Deo re nat. constituta.*

Probè etiam Imperator d. §. penult. *Insistit de jure nat.* dixit, jura gentium divinâ quadam providentiâ constituta esse: nam quis dubitet à Deo esse rationes tam salutares, quæ pro Deo & salute hominum militant? Atq; adeò videtur Deus ipse hoc jure primus omnium usus esse, ille enim primus suam justitiam à diabolo defendit, eumq; magno prælio victum cum suis affectis cælo præcipitavit: ille primus dominia cæli & tenebrarum distinxit, *Apoc. 12.* & statim post lapsum primi hominis potestatem mariti

in

in uxorem constituit, *Gen. 3. v. 16.* & dominiorum distinctionem monstravit, *v. 19.* quod videret ita utile fore, & sine personarum rerumq; discrimine de moribus hominum actum iri. Proxima tamen causa juris gentium est humana ratio, ut ex prioribus liquet.

Nec læditur aut mutatur jus gentium, cum minus malum majori præferretur, ut si in incendiis, eluvionibus, aut incursionibus hostium bona alicujus diripiantur, aut si quidam ingenui hostibus obsides dentur, hæc non sunt contra jus gentium, quia omnia jura suadent è duobus malis eligere minus. Hoc est quod *l. jus civile 6. D. de Just. & jure* dicitur, interdum à jure naturali recedi, cum tamen ipsa recessio maxime pro conservatione juris naturalis fiat. Et hoc omnibus speciebus juris commune est, ut sæpè è duobus & pluribus rebus propositis unam eligere cogantur, quapropter id Cicero rectè tam ad jus naturæ quàm ad civile refert, *3. de finib.* Naturâ, inquit, sumus apti ad cætus, concilia, civitates. Mundum autem censent regi numine deorum, eumq; esse quasi communem urbem, & civitatem hominum & deorum: & unumquemq; nostram ejus mundi esse partem: ex quo illud naturâ consequitur, ut communem utilitatem nostram anteponamus. Ut enim leges omnium salutem singulorum salutem anteponunt: sic vir bonus, & sapiens, & legibus parens, & civilis officij non ignarus utilitati omnium plus quam unius alicujus aut suæ consulit. Nec magis vituperandus est proditor patriæ, quam communis utilitatis aut salutis desertor.

Ecce 3 propter

propter suam utilitatem aut salutem. Ex quo fit, ut laudandus sit is qui mortem oppetat pro repub. qui doceat cariorē esse patriam nobis quam nosmet ipsos. Quoniamq; illa vox inhumana & scelerata ducitur eorum, quē negant se recusare, quo mirus ipsis mortuus terrarum dominium deflagratio consequatur, (quod vulgari quodam versu Græco pronanciari solet) certē verum est etiam iis qui aliquando futuri sunt, esse propter ipsos consulendum.

*Naturalia  
à civilibus  
distinguen-  
da.*

Videat præterea, qui de mutabilitate jurium naturalium locuturus est, ne commixtione civilium decipiatur, quæ naturalibus plerumque ita agglutinata sunt, ut ianata esse videantur. Inferuntur enim naturalibus per eandem rationem, ex qua naturalia præcepta fluunt, ut in una rationis radice omnia jura conveniant. Et quibusdam in locis error iste proclivis est, quando ob verborum inopiam civilia iisdem verbis appellantur, quibus naturalia ad quæ applicantur. Observavit Donel. 1. com. 12. talem errorem à quibusdam commissum esse in 6. pen. Instit. de cap. dim. nam ibi dicuntur jura cognationis, quæ alias 6. ult. Instit. de legit. agn. tut. vocantur naturalia, capitis diminutione perimi posse, quod accipiendum est de juribus quæ civiliter propter jus sanguinis tribui & naturalibus addi solent.

*Jus genti-  
um ubiq;  
æquum.*

Cum autem quæritur, cur jus gentium, si immutabile sit, non sit ubiq; unum? iterum monendi sumus civilia à naturalibus exactè esse distinguenda, ut primò liquido constet, quæ de re quærat, sæpè enim eadem quæstionis verba

verba tam ad naturalia quam ad civilia referri possunt, vel ad jura civilia mixta respiciunt, ad quæ sine prævia distinctione responderi non potest. Deinde, si de naturalibus puris quaeratur, observandum est an de simplicis, an verò de mixtæ actionis naturalis jure dubitetur? & meminisse oportet in omnibus actionibus mixtis, (sic enim vocant philosophi, ut *sup. lib. 1. cap. 13.* docuimus) jura naturalia aliquantulum flecti, sine injuria tamen & sine voluntatis ejus mutatione, ut superius modo diximus. Hæc variatio, & plurium collatarum rerum electiva discretio, quâ alius hoc probat, alius aliud quid eligit, jus gentium mutabile non reddit, cujus constantissima mens ubique est eligere quod optimum, convenientissimum, & imperrabile esse videatur.

Distinguendi sunt tandem externi ritus & modi applicationum ab ipso jure: ut quod alibi pugnatur fudibus, alibi sagittis, gladiis, fundis & lapidibus, id ad mutabilitatem juris gentium nihil facit, quia hi sunt tantum externi modi quibus jus applicatur, qui veniunt ex cujusque habilitate, ratione & potentiâ. Sic contractuum non sunt ubique iidem ritus, & pænæ alibi aliæ infliguntur, & manet tamen ipsum jus interim idem, nempe quod liceat de rebus contrahere, & delicta punire. Qui hæc probe distinxerit, vix quicquam invenerit in quo jus naturalium mutabilitatem ostendere possit. Ad illos verò quod attinet, qui jure ac

*Ritus externi non faciunt ipsum jus mutabile*

ratione uti nolunt; illorum Cyclopum judicia & exempla nihilo magis curamus, quam beluarum, jus quod reverâ in natura certum est opinionibus errantium non mutatur.

*Majestatem jure gentium obligari.*

Cum itaq; jura gentium naturalia & immutabilia sint, sequitur etiam majestatem ipsam iis obligari, nec posse humanis legibus defensiones veritatis, religionis, justitiæ, famæ, vitæ, corporis, bonorumve prohiberi; contractus omnes perpetuò tolli, dominia misceri, repetitiones rerum debitarum interdici, dolos & furta probari &c. quia tales leges absurdæ sunt & contra jus naturæ. Iuris hostes, Dei & hominum inimici sunt, qui tales leges ferunt, quos Græci tyrannos, latini grassatores & vastatores indigetare solent. Malè faciunt potentiores qui in juribus naturalibus privilegia quærun, fatentur enim se hominibus deteriores esse cupere, ut sibi plus liceat contra jus naturæ peccare quam aliis. Privilegia dare ejus est qui potest & leges ferre, at jura naturalia homines non constituerunt, sed à Deo data sunt, solius ergo Dei est in iis privilegia largiri. An autem Deus alicui plus licentiæ in jus naturale dare possit & velit quam alteri, & an hominis ratione prædicti sit illud postulare, cuivis superiora consideranti facile est judicare. In positivis legibus rationabilem aliquem personarum & statuum civilium respectum libenter ferimus, non etiam in naturalibus. Sed multi ignorantia, multi dolo & potentia suâ etiam naturalibus

*Jus gentium nulla fert privilegia.*



bus vim faciunt, ut in pœnis delictorum aper-  
tissimè videmus, quando divitum & potentio-  
rum injuriæ, rapinæ, furta, adulteria & latroci-  
nia excusantur, pauperum puniuntur. Hac  
confidentia multi cum magnâ aviditate pec-  
cant, ut Verres dicebat *illis metuendum esse qui quod  
ipsis solis satis esset surripuissent, se tantum rapuisse, ut id  
multis satis esse possit. Cic. act. 1. in Verr. putabat se,*  
quia etiam judices ditare posset, ab illis da-  
mnatum non iri: at si viderent etiam à poten-  
tioribus pœnas dignas exigi, haud dubiè minus  
injuriarum perpetrarent. Utuntur nonnulli  
æquitatis prætextu, eoq; decipiunt eos qui quid  
æquitas sit ignorant: an autem, cum factum  
directo in jus æquissimè constitutum incidit,  
æquitatis aliquis locus contra leges esse possit;  
& an sit quædam æquitas contra jus; an verò  
potius æquitas sit rationabilis delicti & pœnæ,  
seu facti & juris, ex mente communium legum  
æquatio, omnibus in factis observanda & ex  
circumstantiis rei gestæ sumenda? de eo fortè  
alibi, si de æquitate aliquando agemus, dispi-  
ciemus. Interim illi, qui ad æquitatem provo-  
cant, ne sub specie æquitatis non scriptæ (quæ  
propriè æquitas vocatur) æquitatem scri-  
ptam (quæ jus dicitur, *vide sup. lib.*

2. cap. 3.) lædant, cave-  
bunt.



Ecce

Quando

*Quando & quomodo utendum  
sit jure gentium.*

CAP. XIV.

*Jura gen-  
tium verum  
usus consi-  
stis in ne-  
cessitate.*

**R**Estat ut verum juris gentium usum ostendamus, quem ex prædictis deducemus. Juris gentium remediis non cupide utendum, sed ex necessitate, prout supra cap. 2. diximus, necessitatem parere totum hoc jus quod gentium vocatur. Qui naturalia jura facile deserunt, haud dubie ea non faciunt magni: at illi Christo Mat. 5. 6. 7. & juri nostro l. 1. §. 1. D. de Just. & jure. l. nulla. 25. l. contra. l. fraud. D. de legib. non placent, & placere non possunt, cum à toto juris sine aberrant. Seneca lib. 1. de benef. cap. 1. 2. 3. docet non intermittenda esse beneficia quod multi sint ingrati, sed potius operam dandam, ut etiam ingratisimos nostris beneficiis vincamus. Non statim exandescendum esse & humanitatem abjiciendam, sed debere nos longanimitatem Dei imitari & in bono proposito pergere. Et lib. 7. cap. 31. quomodo juri naturæ inhærendum & Deus imitandus sit breviter repetit, cum ait: *Quanta illa melior via, quâ servatur illa species amicitia, & si reverti ad sanitatem velis, etiam amicitia? Vincit malos pertinax bonitas: nec quisquam tam duri infestiq; adversus diligenda animi est, ut eum vi tractus bonos non amet, quibus hoc quoq;*

*capit.*

cœpit debere, quod impune non solvit. Ad illa itaq; cogitationes tuas flecte. Non est mihi telata gratia: quid faciam? quod Dii omnium rerum optimi autores, qui beneficia ignorantibus dare incipiunt, ingratis perseverant. Alius illis objicit negligentiam nostri, alius iniquitatem: alius illos extra mundum suum projicit, & ignavos hebetesq; siue luce, siue ullo opere destituit. Alius solem, cui debemus quod inter laborem quietemq; tempus divisimus, quod non tenebris immersi confusionem æterna noctis effugimus, quod annum cursu suo temperat, & corpora alit, sata evocat, percoquit fructus: saxum aliquod aut fortuitorum ignium globum, & quidvis potius quam Deum appellat. Nihilominus tamen more optimorum parentum, qui maledictis suorum insanium arident, non cessant Dii beneficia congerere de beneficiorum autore dubitantibus: sed aequali tenore bona sua per gentes populosq; distribuunt, unam potentiam sortiti, prodesse. Spargunt oportunis imbribus terras, maria flatu movent, siderum cursu notant tempora, biemes æstatesq; intervenient lenioris spiritus molliunt, errorem labentium animarum placidi ac propitij ferunt: imitemur illos: demus etiamsi multa in irritum data sint, demus nihilominus alius, demus ipsis apud quos jactura facta est. Ita etiam homo ethnicus luce rationis vidit à jure naturali non esse cupide recedendum, sed tentanda potius omnia humanitatis officia, ut liceat jurium duriorum remediis non uti. Consistit ergo verus juris gentium usus in necessitate. Est autem necessitas, non quando nos ira, cupiditas & affectus irritant, sed quando nos ratio urget & conscientia, ut jus naturæ defendamus, hic enim

*In tempore  
defensionis.*

enim est unicus & verus finis juris gentium, ex quo usus ejus necessitas æstimanda. Deinde ad necessitatem remediorum juris gentium pertinet civilium defectus, cum civilia remedia non adsunt, vel quia nulla sunt constituta, vel quia non possunt expectari. Civilia hîc intelligo mera & mixta, ut omninò, quando jus nostrum per leges & personas publicas assequi possumus, illis utamur. Quia etiam jus gentium totum in defensione juris naturæ consistit, sequitur ejus usum verum tantum in vero defensionis tempore esse: quicquid post delictum perpetratum fit, non est defensio sed vindicta privata. Quando publica vindicta expectari potest, privata semper improba est; sed interdum publica haberi nequit, interdum res tanti momenti non est ut propter eam imploranda sit, & tamen delictum poscit pœnam: illis ergo in casibus etiam privata vindicta concessa est, quia tum non tam est vindicta quàm pœna; & quia rationabiliter fit, putatur fieri non invito magistratu. Ita Abraham eripit Loth. *Gen. 14.* & bellum jure gentium gerit, quia civilia media nulla aderant, nec potuerant expectari. Sic & Sara punit ancillam suam *Gen. 16.* & patres hodiè eodem jure corrigunt delicta liberorum, quod fit jure gentium, non invito jure civili. Alioquin juri publico pœnas reservare, & civilia auxilia ubicunque ratio id postulat præstolari, pium, modestum, reipub. utile & ipsi læso tutius est, qua tamen in re ferè circa omnia

omnia juris gentium præcepta quotidie peccantur. Quisq; sibi actor, judex & executor esse cupit, quisq; clamat suas injurias moram publici judicii pati non potuisse : & sæpè publicæ justitiæ procrastinatio tales excusationes efficit esse veras.

Omninò jure gentium utendum est ut jure, *Et in ratione.* non ut injuriâ, hoc est, rationabiliter, honestè, sine scandalo, per humanissima, lenissima & optima media, quæ ratio & natura suppeditat, quæq; ad defensionem juris naturalis in præsentia sufficiunt. Defensionis juris naturæ neglectus impietatis est, excessus improbæ vindictæ.





# PRINCIPIORUM JURIS

LIBER QUINTVS

In quo agitur de jure posi-  
tivo seu civili.

*An sit aliquod jus positivum, quo-  
modo id fiat civile, & quid sit  
civile?*

## CAP. I.

*Jus civile  
an sit?*



Naturalibus absolutis accedi-  
mus ad jus positivum, de quo pri-  
mò, *an sit?* investigandum vide-  
batur. Sed quia hæc quæstio non  
obscura est, & seipsam in sequen-  
tibus exsolvet, eam consultò præterimus. Nec  
opinamur quèquam ignorare, multa à legisla-  
toribus civiliter constituta esse, quæ naturaliter  
innata non sùnt, suamque essentiam accipiant  
ex mente legislatoris. Qui tamen omnia hu-  
mana necessariò fieri autumant, & voluntatis  
humanæ libertatem penitus extinguunt, ut na-  
turalia, ita inprimis etiam civilia jura abne-  
gant,

gant, quia purè civilia ex mera hominis voluntate, fluunt, quo fonte obstructo, nasci omnino non possunt. Sed cum errorem, toti juri exitialem, libro primo refutavimus.

Uti sumus aliquoties promiscuâ juris positivi & civilis appellatione, ut meminisset lector eadem scita, quæ à philosophis autore Aristotele *positiva* vocantur, à Iureconsultis *civilia* dici: quia tamen non omnia positiva nobis civilia sunt nec omnia, quæ civilia vocantur sunt positiva, explicandum est, quid propriè positivum aut civile appelletur.

Positivum jus describit Aristot. 5. *Eth.* 7. *al.* 10. Quod à principio, utrum hoc an illo modo fiat, nihil refert, postquam verò constitutum est, refert. Iureconsulti nostri aliis quidem verbis utuntur, at in eadem sunt sententia, l. 6. & 9. D. de *Inst.* & jure §. 1. *Instit. de jure nat.* relinquunt enim civilia arbitrio ejus, qui summam in repub. habeat auctoritatem, & cum naturalia jura mutari posse negent, civilia pro statu reipub. sæpius mutari posse concedunt. Eodem ferè modo Cato apud Cic. 3. de *finib.* officium describit, quod sua natura nec malum sit nec bonum, sed medium quid & indifferens, non negligendum tamen, quia sit utile, & posse ejus, quoties factum sit, rationem probabilem reddi. Ut rem exemplis declaremus, res venales pecunia aestimari nullam in natura habet necessitatem, possemus enim numorum loco uti cochleis & testudinibus marinis, ut in India quidam faciunt, vel

vel etiam permutationibus potueramus esse contenti: sed quia numerorum usus receptus est, jus est res venales numis aestimari, & debita numerorum præstationibus exsolvi. Hoc jus vocatur positivum, quia ab hominibus positum est, cum alias in natura non esset. Sic multæ juris gentium ceremoniæ juris positivi sunt, ductu rationis à diversis gentibus, ad certitudinem & probationem rei gestæ, modis non omninò dissimilibus positæ & receptæ. Ita etiam positiva quædam juris gentium esse possunt, cum & in gentium jure nonnulla sint, de quibus priusquam invalescant nihil refert, utrum hoc an illo modo fiant, postquam vero recepta & in usu posita sunt, refert. Verum philosophi positiva intelligere solent, quæ publicè & per civilem ordinationem posita sunt, ideòque per positiva significant civiliter constituta. Ea secundum prædictum modum, paucis verbis adjectis describere possumus, quod civilia positiva sint ea, de quibus ab initio nihil referebat, utrum hoc an illo modo fierent, postquam autem publicè & civiliter constituta sunt, refert. Talis est modus civiliter exequendæ sententiæ publicè constitutus, ut cum quæritur quomodo necandus sit latro? & constituitur eum per judicem publicum damnandum, deinde per carnificem occidendum esse gladio, vel feri, lapidibus, igni, membrorum contusio-  
 hi modi executionum sunt juris positivi-  
 natura hominum arbitrio indetermini-  
 quit, ut nihil referat quis eligatur.

Eli-

*Positiva  
civilia.*



Eligunt autem viri prudentes deliberato consilio, ponuntque eum qui moribus hominum convenientissimus, & ad aliorum terrorem sufficiens esse videtur. Posito ergo certo aliquo vitæ eripiendæ modo, refert cum observari, quia haud dubiè viri prudentes quod suæ reipub. optimum erat elegerunt, & variationes sunt periculosa.


Positiva quæ nostris legibus approbantur & *Quomodo* in civitate nostra observanda constituuntur, *positiva nobis sunt* & vocantur civilia: ut ita positiva à civilibus differant, quod non omnia naturâ indifferencia sunt civiliter posita, nec omnia civiliter posita *nobis sunt civilia*, sed illa tantum, quæ nostræ civitatis jure donata & legibus nostris sunt inserta. *bis fiant civilia.*

Civile est quod civitas posuit, & sibi proprium fecit, & ad cujus participationem extraneos non admittit. Talis est magistratuum creatio, ea nobis civilis est, & quamvis apud omnes vel plurimas gentes peræquè observetur, tamen manet civilis, cum ratione originis seu efficientis, quia est purè civile inventum, tum ratione formæ, quia nos ad eam neminem admittimus nisi nostrum concivem. Emptio venditio est contractus juris gentium, ideo eum cum peregrinis communem habemus: at si in nostra repub. lex quædam sanciret, licere tantum à civibus emere iisq; solis vendere, licet contractui nulla adderetur solennitas, tamen

eo ipso nobis haberetur pro civili, quod cum tantum cum civibus celebrare liceret.

*Juris civilis  
definitiones  
generales.*

Id indicare voluit Cajus l. 9. D. de iust. & jure; cum jus civile definit, quod sit *jus proprium alicujus civitatis, quod quisq; populus sibi constituit*. Sibi, inquit, hoc est, in quo se una civitas ab alia separavit. Cic. in top. ait *Ius civile est æquitas constituta iis qui ejusdem civitatis sunt, ad res suas obtinendas*. Ita ergo positiva nobis fiunt civilia: at quando indefinite de jure civili loquimur, tum *nat. & nat. nostrum jus civile intelligimus, §. 2. v. sed quoties. Instit. de jure nat.* Positiva ubique sunt positiva, hoc est, ab hominibus posita, at non sunt ubiq; civilia. Describi posset jus civile, quod sit *preceptum rationabile, pro conservatione naturalis æquitatis & civilis societatis ab hominibus liberis sancitum*.



## *Jus civile dupliciter distinguitur.*

### CAP. II.

*Civilia  
quædam  
propria,  
quædam  
communis.*

**D**upliciter accipitur civitas: in latiore significatione omnes, qui sub una reipub. majestate sunt, unam civitatem habere & concives esse dicuntur: in angustiore significatione civitas aut respublica dicitur societas civium, quæ proprio suo regitur magistratu, & jura quædam specialia habet præ aliis. Tales civitates respectu imperii vel majestatis vocantur **muni-**

municipia, vel civitates municipales: prout etiam respublica distingui potest in remp. majestatis & remp. municipalem, vel in propriam & communem l. i. in pr. & §. i. l. Roma 33. D. *adminicip. l. si duas. 6. §. Roma. D. de excusat. tut.* Ex quibus nascitur prima civilis juris distinctio, quod quædam civilia sint communia, quædam municipalia, quæ observanda est, ut perpetuò constet de quibus civilibus loquamur. Lubecenses & Noribergenses nobis dicuntur concives, respectu majestatis Imperii, quam utrique eandem agnoscunt, at non respectu municipiorum propriorum: sunt ergo concives imperii, at non concives municipales, & jura civilia Imperatoria inter eos sunt communia, at non jura civilia municipalia, quæ statuta vel privilegia specialia vocantur.

Altera civilium distinctio est, quod quædam *Civilia sunt* sint mera, quædam mixta, quod superiori libro *vel mera* in explicatione præceptorum juris gentium *vel mixta.* satis apparuit. Ut rem unico exemplo repetamus, matrimonia dicuntur esse juris civilis; *Instit. de nupt. in pr.* quæ tamen etiam juris naturalis esse lib. 3. cap. 5. & juris gentium lib. 4. cap. 9. probavimus. Et quia in jure matrimoniali sunt quædam, de quibus antequam politicè constituantur refert, ut ne vir viro nubat, l. 31. C. ad l. *Iul. de adult.* quædam de quibus sine civili lege nihil refert, ut ne quis adoptivam sororem ducat §. 1. *Instit. de nupt.* sequitur jura matrimonialia purè civilia non esse. Inde nobis pedit dicta

eo ipso nobis haberetur pro civili, quod cum tantum cum civibus celebrare liceret.

*Juris civilis  
definitiones  
generales.*

Id indicare voluit Cajus l. 9. D. de iust. & jure, cum jus civile definit, quod sit *jus proprium alicujus civitatis, quod quisq. populus sibi constituit*. Sibi, inquit, hoc est, in quo se una civitas ab alia separavit: Cic. in top. ait *Ius civile est aequitas constituta iis qui ejusdem civitatis sunt, ad res suas obtinendas*. Ita ergo positiva nobis fiunt civilia: at quando indefinitè de jure civili loquimur, tum *κατ' ἐξοχὴν* nostrum jus civile intelligimus, §. 2. v. *sed quoties. Instit. de jure nat.* Positiva ubique sunt positiva, hoc est, ab hominibus posita, at non sunt ubiq. civilia. Describi posset jus civile, quod sit *præceptum rationabile, pro conservatione naturalis æquitatis & civilis societatis ab hominibus liberis sancitum*.



## *Jus civile dupliciter distinguitur.*

### CAP. II.

*Civilia  
quedam  
propria,  
quedam  
communia.*

**D**upliciter accipitur civitas: in latiore significatione omnes, qui sub una reipub. majestate sunt, unam civitatem habere & concives esse dicuntur: in angustiore significatione civitas aut respublica dicitur societas civium, quæ proprio suo regitur magistratu, & jura quædam specialia habet præ aliis. Tales civitates respectu imperii vel majestatis vocantur *muni-*

municipia, vel civitates municipales: prout etiam respublica distingui potest in remp. majestatis & remp. municipalem, vel in propriam & communem l. 1. in pr. & §. 1. l. Roma 33. D. ad municip. l. si duas. 6. §. Roma. D. de excusat. tut. Ex quibus nascitur prima civilis juris distinctio, quod quædam civilia sint communia, quædam municipalia, quæ observanda est, ut perpetuò constet de quibus civilibus loquamur. Lubecenses & Noribergenses nobis dicuntur concives, respectu majestatis Imperii, quam utrique eandem agnoscunt, at non respectu municipiorum propriorum: sunt ergo concives imperii, at non concives municipales, & jura civilia Imperatoria inter eos sunt communia, at non jura civilia municipalia, quæ statuta vel privilegia specialia vocantur.

Altera civilium distinctio est, quod quædam *Civilia sunt* sint mera, quædam mixta, quod superiori libro *vel mera* in explicatione præceptorum juris gentium *vel mixta.* satis apparuit. Ut rem unico exemplo repetamus, matrimonia dicuntur esse juris civilis; *Instit. de nupt. in pr.* quæ tamen etiam juris naturalis esse lib. 3. cap. 5. & juris gentium lib. 4. cap. 9. probavimus. Et quia in jure matrimoniali sunt quædam, de quibus antequam politicè constituantur refert, ut ne vir viro nubat, l. 31. C. ad l. Iul. de adult. quædam de quibus sine civili lege nihil refert, ut ne quis adoptivam sororem ducat §. 1. Instit. de nupt. sequitur jura matrimonialia purè civilia non esse. Inde nobis prædit dicta

altera juris civilis distinctio, nempe quod quædam sint merè civilia, quædam mixta.

*Civilia  
merè.*

Merè civile est, cui nihil juris naturalis vel gentium est admixtum, quod verò è naturali & civili jure compositum est, civile mixtum vocatur. Quia vero nostræ leges, quoties de jure civili loquuntur, non solent addere, utrum de mero an de mixto verba faciant, oportet lectorem attendere quomodo verba legis sint accipienda, quod spero quemque facile facere posse, qui observaverit quæ sit naturalium aut civilium natura. Verbi causa, cum jus humanum dividitur in naturale & civile, vel in naturale, gentium & civile, quivis intelligit hic per civile intelligi purè civile, quia alias à naturali & gentium jure non distingueretur. Si quis dicat homicidas gladio puniri esse juris civilis, quisque intelligit esse juris civilis mixti, nihil enim in hac propositione est civile, nisi quod aliter esse poterat sine civili lege. At homicidia illicita & punienda esse lex civilis non effecit, nec pœnam mortis sola civilis ratio invenit: sequitur ergo, in dicta propositione nihil esse civile, nisi vocem *gladii*, quæ modum pœnæ demonstrat. A judice inferiori ad superiorem intra decem dies provocari posse, est juris civilis puri, quia sine civili judiciorum constitutione non datur judex publicus inferior aut superior, nec sine civili determinatione numerus decem dierum potuit præfigi. Et quanquam hæc suam probabilem rationem habeant, sunt tamen  
ipsa

ipsa natura sua ita indifferentia, ut sine absurditate aliter constitui potuissent. Nam quid impediēbat natura, quo minus idem iudex de eadem re bis compellaretur? ut Machabæa à Philippo damnatus provocabat à rege dormiente ad vigilantem *Plut. in Apophr. Philippi*. & ut interdum nostris in judiciis sententiæ declaratio vel actorum revisio postulatur? Hæc in effectu vera est appellatio, & non obstabat natura, quo minus id ubiq; ita observaretur, sed civilis ratio meliorem ordinem vidit eumq; probavit, ut ab inferiore iudice ad superiorem provocaretur. Quod autem numerus decem dierum sine absurditate mutari potuerit, ut etiam biduo aut triduo concluderetur quemadmodum olim erat *l. 1. §. ult. D. Quando appell. l. qui suspectum. 20. §. 1. D. de appellat.* persuasione non eget. Imperatoribus verò placuit numerus decem dierum, ut si fortè duo vel tres feriati dies inciderent, appellaturus tamen totos septem dies ad deliberandum & consultandum haberet. Ita juris civilis est captivum redimimā *Arist. lib. 5. Eth. cap. 7.* censeri siclo, *Exod. 30. v. 12.* vel denario *Luc. 20. 24.* actionis formulam præscribi à prætore: à præfecto prætorio non posse appellari; & similia, quæ cuiq; non socordi lectori ratio ipsa monstrat.





*Jura civilia quando nata, quo fine,  
à quo, & qua vera eorum ratio?*

## CAP. III.

*Civilia  
quando  
nata.*

*Civilis so-  
cietas quo-  
modo nasci-  
tur.*

Civilia jura naturalibus posteriora sunt, & cum demum prodire, cum civiles societates condi, magistratus creari & leges scribi ceperunt, ut Imp. §. *singulorum*. Instit. de rer. divis. testatur. Quandiu enim pauci homines existunt, vel plures sub unius patria vel dominica potestate vivunt, nulla potest existere civilis societas, siquidem ad eam constituendam requiritur quædam familiarum & hominum sui juris multitudo; qui verò sub unius patria vel dominica potestate sunt, constituunt tantum unam familiam, non civitatem. Cum autem plures patres iam, adsunt, itaque ut commodè cohabitare possint, sibi ordinationes & consuetudines quasdam proprias usurpant, tum incipit nasci civilis societas. Omnes ferè respub. ab initio manu regiæ & consuetudinibus quibusdam sine lege certa, sine jure certo, ut Pompon. l. 2. §. 1. & 3. D. de orig. jur. inquit, gubernantur, quod & Aristot. 1. polit. & Trogius lib. 1. confirmant. De Romana republ. testes habemus Halicarn. lib. 10. Liv. lib. 1. 2. & 3. Tacit. 3. annal. & alios plures, quod itaque ad promulgationem decem tabularum nullas certas leges habuerint,



sint, sed tantum regum ac magistratum sententiis pro legibus usi sint. Et cum omnes ferè respubl. ab initio vel consuetudinibus vel sententiis regum ac gubernatorum administratæ sint, sequitur civiles societates & jura civilia non ex legibus tantum civilibus nasci, sed etiam ex consuetudine & sententiis illorum qui gubernationem capessunt. Quamprimum itaq; multitudo quædam hominum liberorum qui sui juris sint sese consociat, & communi bono ordinem ac gubernationem quandam societatis suæ introducit, nascuntur civiles societates & civilia jura.

Leges verò civiles seriùs in usum venerunt. *Civiles leges quando natae.* Plato in *Minoe* & 1. de legib. ait Creteneses ex omnibus Græcis primò usos esse constitutis legibus: Strabo lib. 6. *Geograph.* putat Locros primò habuisse leges scriptas: Plin. lib. 2. cap. 56. Cere rem aut Rhadamantum primas leges tulisse autumat, cum tamen Plato Rhadamantum regis Minois judicem fuisse testetur: alij alios legum inventores laudant, vide Polyd. Virg. 2. de invent. cap. 1. Al. ab Alex. gen. diex. lib. 6. cap. 19. Ant. August. de legib. cap. 2. Coras. de juris arte lib. 1. cap. 16. & ad tit. de orig. jur. in princ. Iosephus lib. 2. cont. Appion. putat ante Homerì tempora civiles leges nullas latas fuisse, sed omnes respubl. regiâ manu esse gubernatas, cum vocabulum *τὸ νόμον* apud eum non inveniatur. Quisquis ille sit, qui leges civiles primas tulerit, illud certum est, jura civilia scriptis & constitutis publicè

legibus antiquiora esse : ideò diximus non ex legibus tantum civilibus nasci jura civilia , sed ex omni ordinatione vel consuetudine civili. Ac credibile est civilia jura in posteritate Caini primò nata : nam pia Adami posteritas quasi una in familia & domo cohabitabat , religioni & agriculturæ dedita, Cainitæ verò condita urbe sese statim ad varia studia & opificia contulere, *Gen. 4. v. 17. & ff.* Ibi ergo necessitas efflagitavit ordinationes & consuetudines politicas, ut commercia & consuetudines inter concives possent servari, cum sine ordine nulla societas vel communio subsistere possit, ne ipsa quidem Philippi Macedonis poneropolis, cujus Aristoph. meminit *in nebula.* & Plutarch. *de curiositate.*

*Finis juris  
civilis.*

Finis juris civilis est , ut naturali famuletur, quod uno atq; altero exemplo , propter eos qui civilia cum naturalibus arietare putant, erit probandum. Loquebamur modò, *cap. 2. de modo poenæ homicidis civiliter constituto*, ex quo primò apparet quomodo civile jus tantum suggerat modum, quo voluntas juris naturalis executioni mandetur. Naturalis ratio docet, testatorum voluntates non iniquas conservari utile esse & honestum : sed experientia docuit civibus sæpè falsas tabulas subjectas, testatores dolo, persuasione, metu, morbi vehementiâ & defectu judicii deceptos, aliud quam vellent scripsisse vel mandasse, inde familias iniquis exheredationibus vel aliarum dispositio-  
num

*Finis solennitatum civilium in testamentis ostensus.*

num gravibus præjudiciis exasperatas, decipientibus vindictam, reipubl. verò seditiones ac tumultus minitatas esse. Fraudum circa testamenta commissarum frequentiam leges nostræ, eo ipso quod prohibent, indicant, & lex Cornelia de falsis, quæ haud sine causa testamentaria appellata fuit §. 7. *Instit. de publ. jud. vide Iul. Paul. lib. 5. sentent. tit. 25. Cujac. 1. obs. 2.* quam confirmant etiam exempla, quæ sparsim apud autores inveniuntur plurima, ut apud Plin. lib. 2. *epist. ult.* Tacit. 14. *annal.* ubi de Domitij Balbi testamento loquitur. Cicer. *pro A. Cluent.* ubi de Ajulio & Asinio agit, & 3. *offic.* ubi d. L. Minurij Basilij tabulis mentionem facit. Seneca lib. 6. *de benef. cap. 38.* dicit Arruntium, Aterium & alios quosdam captandorum testamentorum artem professos esse. De testamento Iulii Cæsaris vide Sueton. *in Cæsare*, & quiseo recitato tumultus extiterit Plut. *in vita Cæsaris*, item quomodo Antonius & Augustus super eo collisi sint, Plut. *in Apophth. Augusti.* De testamentis Augusti & Tiberii, vide Sueton. lib. 2. & 3. *in fin.* Tacit. 1. *annal.* & de aliorum quorundam principum testamentis Hotom. *ill. qu. 1.* item quomodo sub Augusto & Nerone leges testamentariæ auctæ & correctæ sint apud Sueton. vide item Valer. Max. lib. 7. *cap. 7. & 8.* & faciliè apparebit cur tot leges civiles testamentariæ fuerint introductæ? Voluit nempe jus civile hominum fraudibus occurrere & talia pericula à repub. avertere. Introduxit itaque, & juri testandi essentielles fecit multas solenni-

## 456 DE PRINCIPIIS JURIS

legibus antiquiora esse : ideo diximus non ex legibus tantum civilibus nasci jura civilia , sed ex omni ordinatione vel consuetudine civili. Ac credibile est civilia jura in posteritate Caini primò nata : nam pia Adami posteritas quasi una in familia & domo cohabitabat , religioni & agriculturæ dedita , Cainitæ verò condita urbe sese statim ad varia studia & opificia contulere, *Gen. 4. v. 17. & ff.* Ibi ergo necessitas efflagitavit ordinationes & consuetudines politicas, ut commercia & consuetudines inter concives possent servari , cum sine ordine nulla societas vel communio subsistere possit, ne ipsa quidem Philippi Mæcedonis poneropolis , cujus Aristoph. meminit *in nebulis.* & Plutarch. *de curiositate.*

*Finis juris  
civilis.*

Finis juris civilis est , ut naturali famuletur, quod uno atq; altero exemplo , propter eos qui civilia cum naturalibus arietare putant , erit probandum. Loquebamur modò, *cap. 2.* de modo poenæ homicidis civiliter constituto , ex quo primò apparet quomodo civile jus tantum suggerat modum, quo voluntas juris naturalis executioni mandetur. Naturalis ratio

*Finis solennitatum civilium in testamentis ostensus.*

docet, testatorum voluntates non iniquas conservari utile esse & honestum : sed experientia docuit civibus sæpè falsas tabulas subjectas, testatores dolo , persuasione , metu , morbi vehementiâ & defectu judicii deceptos, aliud quam vellent scripsisse vel mandasse, inde familias iniquis exheredationibus vel aliarum dispositio-

num

num gravibus præjudiciis exasperatas, decipientibus vindictam, reipubl. verò seditiones ac tumultus minitatas esse. Fraudum circa testamenta commissarum frequentiam leges nostræ, eo ipso quod prohibent, indicant, & lex Cornelia de falsis, quæ haud sine causa *testamentaria* appellata fuit §. 7. *Instit. de publ. jud. vide Iul. Paul. lib. 5. sentent. tit. 25. Cujac. 1. obs. 2.* quam confirmant etiam exempla, quæ sparsim apud autores inveniuntur plurima, ut apud Plin. *lib. 2. epist. ult. Tacit. 14. annal. ubi de Domitij Balbi testamento loquitur. Cicer. pro A. Cluent. ubi de Ajulio & Asinio agit. & 3. offic. ubi d. L. Mmurij Basilij tabulis mentionem facit. Seneca lib. 6. de benef. cap. 38. dicit Arruntium, Aterium & alios quosdam captandorum testamentorum artem profectos esse. De testamento Iulii Cæsaris vide Sueton. in Cæsare, & quis eo recitato tumultus extiterit Plut. in vita Cæsaris, item quomodo Antonius & Augustus super eo collisi sint, Plut. in Apophth. Augusti. De testamentis Augusti & Tiberii, vide Sueton. lib. 2. & 3. in fin. Tacit. 1. annal. & de aliorum quorundam principum testamentis Hotom. *ill. qu. 1.* item quomodo sub Augusto & Nerone leges testamentariæ auctæ & correctæ sint apud Sueton. vide item Valer. Max. *lib. 7. cap. 7. & 8.* & faciliè apparebit cur tot leges civiles testamentariæ fuerint introductæ? Voluit nempe jus civile hominum fraudibus occurrere & talia pericula à repub. avertere. Introduxit itaque, & juri testandi essentielles fecit multas solenni-*

tates, easq; tales quæ clām adhiberi non possent & fraudum suspensiones excluderent, non ut jus naturæ inericaret, quemadmodum iniqui & negotiorum civilium imperiti judicare solent, sed ut illud à corruptionibus conserva-

*Juris civilis  
abusus non  
pertinet ad  
ejus finem.*

ret. Non negaverim interdum ob defectum leviculæ alicujus solennitatis testamenta subverti, sed hoc juris calumniatorum est, non legis civilis. Leges civiles fraudes prohibere voluerunt, non promovere. Quapropter si aliàs de voluntate testatoris constat, & periculum nullum est, ne hoc præjudicio publicæ leges graventur, non oportet civilibus legibus ad calumniam abuti, nec judex id debet concedere, *l. nulla. 25. D. de legib. l. questionem. 32. C. de fideicom. l. omne. 2. C. Commun. de legat. & fid.* quia est calumniosus abusus legum *l. fraus. l. contra. D. de legib. contra mentem & voluntatem legislatoris.* Multa testamenta omni jure rata, nullo jure & tamen sub specie juris per acutias legum civilium calumnias tolli credo, nec excusabo eorum qui id faciunt inscitiam aut malitiam, sed mirabor potius an jus naturæ & legum civilium mentem intelligere nequeant, an verò nolint? At ipsum jus civile propterea accusandū nego, quia id eo fine solennitates testamentarias non sancivit, ut tali abusui servirent, nec quicquam in tali judicio sit ex mente juris civilis, sed omnia contra. Verū non in testamentariis legibus tantum, sed in omnibus juris articulis improbi quidam legibus civilibus abuti solent,

solent, ut Cic. 1. offic. inquit *Existunt etiam sæpe injuria calumniâ quâdam & nimis callida & malitiosa juris interpretatione, ex quo illud, summum jus summa injuria factum est jam tritum sermone proverbium. Quo in genere etiam multa in repub. peccantur &c.* ostendit ibi aliquot exemplis malitiosam juris depravationem, eamque fugiendam docet. Qui legibus civilibus tanquam hamis & plagis utuntur, quibus jus naturæ decipiant, nullo utuntur jure, & longè aberrant si putant, se civilibus legibus vel consuetudinibus posse excusari. Jus naturæ plenum est amore, humanitate, æquitate, honesto, veritate & candore: huic servire debet jus civile, quod est quasi umbra & imago juris nativi, ut Cic. loquitur, qui contra facit, nullo jure nititur. Audiamus ipsa verba Ciceronis ex 3. offic. ubi inquit: *Quorsum hæc? ut intelligas non placuisse majoribus nostris astus. Sed aliter leges, aliter philosophi tollunt astutias: leges quatenus tenere manus res possunt: philosophi quatenus ratione & intelligentia. Ratio igitur hoc postulat ne quid insidiosè, ne quid simulatè, ne quid fallaciter. Suntne igitur insidiæ, tendere plagas, etiam si excitaturus non sis, nec agiturus? ipsæ enim sæpe nullo insequente sæpe incidunt: sic cum tu ades proscribas, tabulam tanquam plagam ponas, domum propter vitia vendas, in eam aliquis incurrat imprudens? Hoc quamquam video propter depravationem consuetudinis, neque more turpe haberi, neque aut lege sanciri aut jure civili, naturæ tamen lege sancitum est. Societas enim est, (quod eisdem sæpe dictum est, dicendum tamen est sæpius) latissimè quidem quæ pateat, hominum inter homines: interior eo-*

tum

rum qui ejusdem gentis sunt : propior eorum quæ ejusdem civitatis. Itaq; majores aliud jus gentium, aliud jus civile esse voluerunt, quod enim civile non idem continuò gentium : quod autem gentium, idem civile esse debet. Sed nos veri juris germanaq; justitiæ solidam & expressam effigiem nullam tenemus : umbra & imaginibus utimur : easq; ipsas utinam sequeremur, seruntur enim ex optimis naturæ principijs & veritatis exemplis. Ipsas leges nostras qui inspexerit, sexcenta loca invenerit, ubi juris naturæ iniquæ cavillationes improbentur, nullum ubi laudentur.

*Fini juris  
civilis in  
usucapio-  
nibus.*

Solent Iureconsultis exprobari usucapiones & præscriptiones, quasi illic Juri naturæ vim faciant injustam, cum tamen & hæc jura solo hoc fine sancita sint, ut jus naturæ tueantur. Ut rem summam proponamus, & jus civile etiam hac in parte naturali servire voluisse ostendamus, leges nostræ hoc volunt : Si quis rem non furtivam, cujus de jure possit esse commercium, bonâ fide, sine dolo vel suspitione injuriæ, legitimo titulo & modo acquirendi honesto, ab homine cum quo alias contrahere licet, acquisierit, & per legitimum tempus ( quod pro ratione durationis & usus rerum mobilium vel immobilium rationabiliter circa pleraque specialiter expressum est ) quietè, sine interpellatione ejus qui rem suam repetere potuit ac debuit, possederit : tum possessor, elapso legitimo tempore, si rem petitam spontè restituere nolit, vi legum civilium eam reddere non cogatur, sed retineat tanquam suam, longo usu captam, & actori



actori actio temporis lapsu præscripta vel extincta denegetur. Rationes hujus legis sunt gravissimæ: Nam quid fieret si lites in rebus publicis essent immortales? quæ commercia forent, si nullo unquam tempore tutò possidere possemus honestè & legitimè acquisita? quænam solis cautionibus & dominiorum probationibus, quæ in alienationibus rerum mobilium & immobilium requirerentur, sufficerent judicia? nonne aliàs satis durum est, virum bonum rem legitimè acquisitam intra viginti annos vel amplius, interdum per omne tempus vitæ suæ. (ut faciliè evenire potest si fortè de re immobili cōtraxerit senior) non posse tutò & plenè suam appellare, nisi tanta sublatis actionum præscriptionibus malitiæ fenestra patefacta, omnes cives & res civium periculis litium exponamus? ea certè ratione nequissimi homines possent viris bonis & seræ posteritati illorum insidiari, & aliquando, deficientibus probationibus illorum qui juri suo tutò confidentes talem malitiam nō suspicantur, obsoletis quibusdam probationum instrumentis prorere, & aliorum bona sibi vindicare. Actum esset omninò de tranquillitate & honestate politica si hæc concederentur. Quapropter jura præscriptionum reipub. tam salutaria sunt, ut nulla magis, & maxime pro naturali honestate & æquitate pugnant; probantur etiam expressè in jure Moisaico *Levit. 25. v. 29.* Qui requisita usucapionum ignorant, aut ex mente nostrarum legum summum

mum jus æquitati præferri autumant, & civilia  
 negotia non tractant, putant usucapionum  
 jura semper esse iniqua: & evenire potest ut a-  
 licubi duriora videantur: sed hic monendi su-  
 mus æquitatem rectè considerandam. Qui-  
 dam petitoris jus tantum exaggerant & posses-  
 soris iniquitatem detestantur, nec cogitant ini-  
 què agi cum possessoribus, si res suas justo titulo  
 & bona fide acquisitas non usurpare, vel denuò  
 acquirere, & tamen etsi eandem rem aliquoties  
 acquisierint, de suo dominio nunquam certi es-  
 se jubeantur. Tali jure nostris in rebus haud  
 dubiè uti nollemus, ergo nec ab aliis id postu-  
 lemus. Præterea, etsi fieri possit ut usucapio  
 privato alicui durior occurrat, consideranda  
 est publica æquitas, an etiam reipub. & juri cõ-  
 munium commerciorum utile sit, rescissionem  
 contractus hoc in casu concedere? Posset enim  
 & illud evchire, ut judex possessorem summo  
 præscriptionum jure uti juberet, si videret pe-  
 riculosus quorundam privatorum præjudiciis  
 jus publicum tentari, ut introductis pravis con-  
 suetudinibus labefacteretur. Nam & jura civi-  
 lia ad bonum majus spectare debent, ut supe-  
 rius naturalia facere diximus, & quidem eò ma-  
 gis, quod tota illorum essentia in conservatio-  
 ne civilis boni subsistit. Si verò eveniat ut peti-  
 toris actio æqua, rei exceptio iniqua sit, & rei  
 repetitæ restituto sine publico damno fieri  
 possit, tum nostræ leges usucapionibus non pa-  
 trocinantur, & faciliè inveniunt exceptionem  
 ali-

aliquam, quâ eam annihilent, si non aliam, hæc certe generalem quod summum jus summa sit injuria, & quod in omnibus judiciis æquitas stricto juri ex mente omnium legum sit præferenda. *l. placuit. C. de judic. l. in omnibus. 90. D. de reg. jur. l. benignius. l. nulla jura. D. de legib. & succurrunt auctori, tum per æquitatem, tum per restitutionem in integrum & per imperium, tum etiam per admonitionem debitoris, ne summo jure contra æquum & bonum uti velit. Si qui judices vel rei id non faciunt & usucapione iniquè utuntur, illi non jure & legibus agunt, sed calumniâ legum: ea autem ipsis juris depravatoribus imputanda est, non legi civili. Ita videmus jus civile in usucapionibus nihil iniqui statuisse, sed tantum exhibuisse modum, quo viri boni in possessionibus suis justè acquisitis à rapinis iniquis defenderentur.*

Solent etiam usuræ malè audire, cum tamen jus civile scænerari non jubeat, sed tantum hominum avaritiæ & invidiæ modum statuatur, ut dimidiâ lucri parte contenti malint aliis suâ pecuniâ prodesse, quàm eam defodere. Qui verò usurarum jure iniquè utuntur, nullo jure utuntur & contra mentem civilium legum faciunt.

Nihil est tandem, quo improbi abuti non possint: si omnia bona propter eorum abulum abjicere volumus, etiam naturalia jura erunt delenda: Sed mens legum spectanda, & abusus legum bonarum ipsis legibus non imputandus.

*Finis juris  
civilis in  
usurâ.*

*Omnium  
rarium usum  
spectan-  
dum.*

dus. Multi de civilibus legibus judicare conan-  
 tur omnium rerum imperiti, & nihil minus  
 quam mentem legum intelligentes: quorun-  
 dam etiam judicium obfuscat privati lucri cu-  
 piditas; ut non cogitent rationem publici boni  
 semper majorem absorbere rationes minores  
 privatorum. Interim manet id quod diximus;  
 jura civilia eo fine constitui ut naturalibus fa-  
 mulentur.

*Leges ci-  
 viles rogat  
 usus & ne-  
 cessitas.*

Communis rogator omnium civilium le-  
 gum, idem est qui ab hominibus jus gentium  
 impetravit, nempe *usus & necessitas*, lib. 4. cap. 2.  
 Usus multa docuit, multa in solennitatibus cō-  
 tractuum, in forma judiciorum & publicorum  
 officiorum monstravit. Necessitas multò plu-  
 ra expressit, adeò ut quibusdam in legibus ne-  
 cessitas politica ferè æquet naturalem, quod  
 in constitutione ordinum politicorum vide-  
 mus.

*Vnus sum-  
 mus finis o-  
 mnium spe-  
 cierum ju-  
 ris.*

Atque ut juris civilis finem, usum & necessi-  
 tatem circa jus naturale & gentium eò apertius  
 ostendamus, omnium specierum juris finem  
 & usum breviter sic componimus. Ius naturæ  
 prius est ipsum æquum & bonum quod omnes  
 optamus & volumus per se, quia continet in  
 se imaginem Dei, & nos Deo similes reddit in  
 beatitudine & perfectione summa, quæ homini  
 competere potest. Quomodo id ratione & ar-  
 mis illatum conservemus, docet jus gentium,  
 quemadmodum unicum hunc finem & usum  
 juris gentium supra demonstravimus. Sed quia  
 hisce

hisce defensionum modis sine intermissione opus est, nos verò omnes iis semper adesse volumus aut non possumus, (quia ætas, morbus animi vel corporis, suspicio, vel alia negotia nos impediunt, vel etiam rei vilitas communi concursu non eget) opus est aliquo ordine, ut siue jure siue armis quid expediendum sit, habeamus personas idoneas, & media per quæ omnia tam pace quam bello, concinno ordine fiant sine periculoso tumultu. Ita necessitas efflagitat personas publicas, huic fini & usui quem modo ostendimus. Ad has personas totum jus defensionis rejicimus, ut illi vigilent pro salute communi nosque jure & armis ab injuriis aliorum defendant. Ita jus civile suum in sinum suscipit jus gentium & naturale; & hic est ejus usus ac finis. In quibus verò negotiis auxilium officialium publicorum expectari nequit, (ut in necessaria vitæ defensione) aut ob rei exiguitatem implorari non est opus, (ut in emendationibus paternis liberorum) ibi defensio naturalis juris expeditur jure gentium, per eos qui id rationabiliter & comthodissimè facere possunt. Ius civile verò, ut munere suo rectè fungi possit, præparat se legibus, armis & officialibus publicis, ad omnem necessitatem: ordinat & componit cives, ut semper pro salute civium suorum defendenda possit esse paratum. Hæc est illa necessitas, hic finis & usus juris civilis præstantissimus, de quo loquimur.

*Politica fi-  
nit ac usque  
in iure.*

Et hic observabit benevolus lector obiter studii politici necessitatem, ejusque cum Iurisprudencia cognitionem. Nam sine illo ex solis legibus civilibus sciri nequit, cur in civili societate hæc vel illa constitui ac conservari utile sit, quia leges civiles rationum politicarum & humanarum rerum cognitionem præsupponunt. Qui vero quomodo cives in societates simplices & compositas coalescant, & formæ alicui civili subjiciantur, intelligit, facile videt quo legislator in suis sanctionibus respexerit. Nam ut politicæ ordinationes nil sunt nisi præparationes modorum & expeditiones mediorum quibus jus naturale applicare volumus: ita etiam politicæ rationes sunt prælatæ faces, explicationes & commendationes nostrarum legum,

*Ratio ci-  
viliū ci-  
viliū.*

Ratio civilium est beneplacitum legislatoris: ut si quis de purè civilibus quærat, cur hoc potius placuerit quam illud? cur decem dies appellationum constituti sint, non undecim? respondendo legislatori ita placuisse. Præsumendum verò est, cum semper prudentissimi viri publicis deliberationibus adhiberi soleant, illos quod optimum est investigasse atque probasse, ideo leges civiles esse consulta virorum prudentium & mentem totius civitatis *l. 1. D. de legib.* Quia etiam quæstiones illæ de quibus civili lege statuitur naturæ sunt indifferentes, & majestas potestatem eligendi alterutram opinionem habeat à Deo, tanto libentius & modestius i.

eo quod majestas elegit est acquiescendum. Atque hac in re licet mirari quorundam incogitantiam, qui in merè civilibus rationem naturaliter immutabilem quærunt, immemores ubi versentur. Quibus si civili ratione occurras, vel legislatori hoc placuisse respondeas, nam sum suspendunt, dicunt responsionem esse divinatoriam, à posse ad esse nihil inferri. At multo melius erat ex forma reipub. ex historiis & aliis circumstantiis ostendere, hanc rationem legis civilis illo tempore à legislatore considerari non potuisse, aut si id non posset, in ea acquiescere. Si fatalia appellationum tam diu irridere placet, usque dum ad naturalem alicujus temporis necessitatem perveniamus, nullum tempus præfiniri poterit. Si ergo quærat quis, cur olim intra biduum aut triduum appellandum fuerit, *l. à sententia. §. §. §. D. de appell. l. 1. §. biduum. §. D. Quando appell.* hodiè dati sint dies decem? *Nov. de appellat. 23. cap. 1.* Respondeo causas partim indicari *d. Nov.* nempe quia observatum est judicia defatigari multis inanibus appellationibus primò in fervore factis, à quibus appellantes fortè destitissent, si plus temporis ad deliberandum & consultandum habuissent. *d. cap. 1.* deinde, quia judicis superioris copia intra biduum aut triduum semper haberi non potuerit. *ibid. cap. 2.* & quia nonnulli juris ignorantia lapsi nimisq; citò jure suo privati sint. *ibid. in prefat.* Addo hisce rationibus alias ex historia petitas, nempe quod olim in statu

reipub. democratico, cum omnia magistratuum officia brevi tempore finirentur, causæ omnes sine scriptis ab oratoribus & advocatis proponerentur, & bellica negocia, quibus respubl. continuò jactabatur, longam judiciorum moram non ferrent, necessum fuerit litem semel motam brevi tempore finire. Sed cum postea sub imperatoribus civitas paulò esset tranquillior, & causæ per literas agi cœptæ essent. *C. de sentent. ex peric. recit.* aliq; esset forma judiciorum, & judices inferiores superioresq; aliter essent constituti quàm olim; cum officia quædam facta essent perpetua, & jus civitatis Romanæ in omnes provincias esset diffusum, ut eo uterentur omnes qui imperio subiecti essent, *l. in orbe. 17. D. de statu homin.* multique juris Romani ignorantia suo jure nimis citò exciderent. *d. nov. 23. in præf.* nec ubique viri eruditi qui de jure consulerentur haberi possent, & præterea multi dies feriati essent recepti; tum datum fuit tempus deliberandi & de jure suo consultandi longius. Has & similes rationes nobis leges nostræ quæ in *Nov. Cod. & Dig. de appellationibus* loquuntur, suggerunt & historie probant, quapropter in iis oportet acquiescere. Quæris, cur in testamentis solennibus requirantur testes septem, in codicillis quinque; in causis capitalibus tantum duo? Respondet testamenta valere ex tempore mortis testatoris, cum ille de sua voluntate amplius loqui, de scripto aut facto suo testari, aut in judicio prætoris



toris ad causam dicendam comparere non potest : cum ergo quidam tantò impudentius de mortuis mentirentur , quò minus illorum refutationes pertimescebant , & sæpè ex testamentis potentiorum seditiones natæ essent, usus & necessitas docuit hisce fraudibus quædam impedimenta objicere. Successu temporis , cum jam in pacatiore repub. minus fraudum esset , remissum est aliquid de solennitatibus , & recepti sunt codicilli , ut quisque , pro ut utile videretur & occasio sese offerret , codicillo aut testamento solenni de bonis suis disponere posset. In causis capitalibus longè aliter se res habet, ibi reus statuitur coràm , & nullæ contra eum probationes valent nisi manifestissimæ & inexpugnabiles, cum in testamentis ipse testator non adsit , & omnia pro testamento accipiantur, ut valeant potius, quàm pereant dispositiones testatorum. Negamus præterea causas capitales semper esse periculosiores actionibus hæreditariis, quod exemplis probare nunc non est necesse. Item, si roget quis , cur qui Romæ jus reddebat vocatus fuerit Prætor, & non Præses ? cur ea fuerit magistratuum Romanorum ratio, quæ lib. 2. D. de orig. jur. describitur, & non alia ? dico usum ita postulasse & viris prudentibus tum ita placuisse. Qui in mercè civilibus talibus responsionibus & rationibus non acquiescit, fateatur se nescire quid civilia differant à naturalibus. Si civilia naturalem necessitatem haberent, non essent civilia, sed naturalia :

nunc autem ideo civilia vel positiva vocantur, quod in arbitrio civitatis sunt posita. Sunt quædam certa & immutabilia rationabiliter ex fundamentis ethicis aut politicis, quædam præterea etiam naturaliter. Naturali necessitate nullam habemus vestem nisi cutim, nec cogimur hoc edere, hoc loco esse, hoc loqui, nunc ambulare &c. sed relicta sunt hæc nostræ rationi ac voluntati, quâ si uti noluerimus, propterea quod naturâ ad hoc vel ad illud non compellimur, vides quid sit eventurum? Quod observandum, primò propter temerarios quosdam juris consultorum censores, qui sibi talibus in argutiis vehementer placent, & jus civile propterea ratione carere solisq; opinionibus constare opinantur, quod civilium nulla naturalis necessitas demonstrari potest. Hi certè indicant se nec quid ratio ab opinione, nec quid naturale à politico differat, intelligere. Deinde id in disputationibus juridicis observandum, ut in civilibus ratione civili simus contenti, nec præpostero studio naturalia civilibus misceamus, aut calumnias legum civilium meditemur. Peccant ea in re nonnunquam ipsi interpretes, statim enim ubi quid minus delectat palatum, aut si alicubi probabile quoddam argumentum arripuere, priusquam totam reip. formam & quid tum temporis in deliberationem venire potnerit considerent, aut alios historicos diligenter evolvant, leges ipsas confidenter derident & corrigunt,

respon-

responsiones aliorum dicunt esse divinatorias, errasse Tribonianum vel amanuensem &c. quam corrigendarum legum promptitudinem nunquam potui probare. Iurisconsultus inquit, non posse omnium legum rationes reddi, neq; tamen propterea leges subvertendas esse quod nobis de earum ratione non constet. *l. non omnium. l. & ideo. D. de legib.* quod de civilium legum rationibus accipiendum est, cum naturalium rationes ignorari non possint. Non improbat inquisitio rationum legalium, sed præpostera illa curiositas damnatur quod multi in nulla civili ratione acquiescere, sed omnium rerum demonstrationes inevitabiles habere desiderant. Hæc est nimia illa subtilitas quæ improbat in civilibus ut ridicula *l. 12. C. de legib. supervacua. l. 47. D. de negot. gest. impia, l. 14. in pr. C. de legit. hered. & litigiosa. l. 13. C. de cont. stipulat.* Quod igitur glossator ad *l. non omnium. D. de legib.* putat, rationem legis semper generalem & necessariam esse, de legib. naturalibus accipiendum est; civiles enim leges, cum cujusque civitatis propriæ, contingentes, & mutabiles sint, rationem naturæ generalem & immutabilem non habent. At nobis hæc dicta sufficiant, ut civilia civiliter, naturalia naturaliter certa esse cogitemus.





*Leges civiles esse à reipub. majesta-  
te, majestatem subesse Deo.*

## CAP. IV.

*Quomodo  
mascantur  
civitates.*

**N**ON inutile fuerit exemplo Cic. in pr. 3. de legib. in commendationem juris nostri, in honorem magistratuum & jurisconsultorum, quædam de origine juris civilis altius repetita explicare, & politicæ cum jurisprudentia affinitatem ostendere.

*Homo ap-  
petit con-  
servatio-  
nem & con-  
versationem.*

Cum homo naturâ sit animal sociale, appetens conservationem sui & conversationem sui similium, inprimis eorum, cum quibus se propagare & mutua beneficia exercere potest, fieri aliter non potest quin ipsâ naturæ ac rationis vi masculus delectetur societate fœminæ, fœmina maris, & parentes consortio gaudeant liberorum.

*Societates  
simplices  
tres.*

Simili modo, qui sibi consulere nequeunt, appetunt consuetudinem illorum quorum consiliis juvantur, & qui corpore infirmiori sunt auxiliis robustiorum se sublevare cupiunt. Ita societas mariti & uxoris, parentum & liberorum, parentis & imperantis jucunda ac

*Familia seu  
domum.*

secundum naturam est. At hæ tres societates primæ simplices civitatem nondum constituunt, sed familiam tantum seu domum unam, nec multitudo uxorum, liberorum aut servorum quicquam officit, quò minus una sit fami-

lia

lia quæ unius privati autoritate regitur. Qui familia præest vocatur *familia pater*, quo nomine sui officii admonetur; nempe quod paternè erga omnes affectus esse, iisque ut charissimis liberis suis consulere debeat. Officium patris est imitari patrem cœlestem, quod sit si omnes ex se genitos vel in tutelam suam receptos amet, foveat, defendat, ad pietatem & virtutem instituat, omnibusque modis illorum commodis prospiciat. Huic vicissim ob amorem & beneficia plurima debetur honor & gratitudo, quasi vita & omnibus quæ in ea sunt, Dei & hujus beneficio fruamur, ut supra in jure naturali priori explicuimus. Si nobis Adam aut Noah superesset, & cum illo habitarem, omnes in una illius essemus familia: & si homo lapsus non esset, mors nobis patres nostros genuinos non eriperet. Nunc verò tam angustus est vitæ nostræ terminus, ut nulla paulò major societas naturalem patrem habere possit, cujus consilio regatur. Extinctis itaque communibus patribus, cum multi ætate, sapientiâ & autoritate pares existunt, multæ nascuntur familiae, & quisque paternam cum sua uxore, liberis & ministris sibi vivit, suæque peculiari familiæ gubernatione utitur. Sed si aliquot familiae cohabitare & vicinitatis quædam singularia jura observare incipiant, nascitur pagus, & qui vicinitatis jura specialia inter se exercent, vocantur pagani. Familiarum multitudo ad pagum nihil facit, volunt tamen ad minimum tres fa-

*Familia*  
*jura.*

*Ex nunc  
non suffi-  
cere.*

*Ex familiis  
componitur  
pagus.*

miliæ ad pagum & viciniam constituendam requiri, arg. l. *Neratius* 185. R. de verb. sign. quod de vicinitate plena accipiendū, nempe quod nulla vicinitas perfecta existere possit nisi ad minimum tres sint vicini, alioquin imperfecta vicinitas etiam inter duos esse potest. Quemadmodum enim Aristot. in *polit.* docuit, perfectam domum seu familiam constare ex patrefam. uxore, liberis, & servis; sed quasdam familias imperfectas esse, & sæpè liberos deesse, sæpè patrefam. uxore pro servo uti, vel officia servi ipsum subire: ita etiam pagi quidam sunt imperfecti, & vicinitates ex duabus incompletis familiis constitui possunt. Et ut non officit quominus una sit familia quæ ab uno patrefam. regitur etsi quis uxores habeat mille, ut Salomon 1. Reg. 11. v. 3. filios septuaginta, ut Gideon. Iud. 8. v. 30. vel plures, ut verisimile est patres ante diluvium habuisse, Gen. 5. servorum exercitum, ut Abraham Gen. 14. v. 14. & Pedianus, qui quadringentos, Tacit 14. annal. & alii quidam, qui mille, imò decem vel viginti millia & plures adhuc habuerunt, Athen. lib. 6. deipnos. cap. 20. Ita etiam nihilo minus pagus est ubi nulla est civilis ordinatio, etsi mille vel plures familiæ cohabitent. Quapropter Cæsar lib. 1. de bello Gall. totas regiones Helvetiorum vocat pagos, & L. Cæsius consulem Rom. cum toto exercitu ab uno Helvetiorum pago victum ac sub jugum missum esse dicit: quo verbo ideo usus est. quod Helvetios civiles ordinationes paucas habere & bella

& bella potissimum ex jure gentium gerere videret. Quamprimum autem vel consuetudine, vel comuni electione, vel etiam prevalente unius potentia uni ex paganis major quædam autoritas & potestas in alios conceditur, ut interponat arbitria sua, utq; ordinet & consulat toti communioni, tum pagus incipit inclinare in formam civilem. Familiæ plures sine ordine diu cohabitare vix possunt, nam ubi plures sunt familiæ, quæque ad suum commodum respicit, & cum par in parem non habeat imperium, nullus paterfam. alterum prohibere potest. Cum vero privata lucra plurimis tam sint dulcia ut communis boni obliviscantur, & magna sit humanorum ingeniorum dissimilitudo, necessum est pagos erroribus ac injuriis plenos fieri, iisque celeriter discerpi nisi aliqua ratione conserventur. Putant tres ad minimum pagos sufficere ad civitatem qualemcunq; concipiendam. Et quidem ita est: vix novem familias sine ordine aliquo, qui pagano paulo perfectior sit, cohabitare posse videmus. Sed sunt etiam civitates quædam imperfectæ, cum pagani quædam tantum habent officia publica, quædam vero ipsi pro ut possunt, expediunt. Sed quando pagani sibi ad omnia vel ad majora & maxime necessaria communia negotia, constituunt officiales publicos, & jura quædam ad societatis hujus conservationem spectantia recipiunt, tum nascitur civitas. Si historias & vitam communem hominum inspexerimus, appa-

apparebit omnes societates humanas, & inprimis compositas, magis latenter crescere & emergere quam uno actu semel constitui. Et sic etiam civiles societates, quamvis reliquis omnibus perfectiores sint, ita e pagis emergere solent, ut ab initio à pagis vix possint distingui. Semper inferioris societatis perfectio, superioris est inchoatio. Personæ publicè constitutæ & officiis publicis oneratæ vocantur *publici patres* vel *patria patres*, quia succedunt in locum patrum naturalium; vocantur etiam *magistratus*, quia magis gravantur quam alii *l. 57. D. de verb. signif.* Officium illorum in genere quod sit, & quo fine constituentur ex prædictis intelligitur, nempe ut sint patres, ut paternè nobis prospiciant & faciant ea quæ pios patres suis liberis facere par est. Cum enim naturales patres nullos habeamus quorum autoritate per aliquot secula regamur, naturam arte imitamur & in locum defunctorum patrum naturalium adoptamus nobis patres publicos civiles ex iis, quos honore & amore nostro maxime dignos, & ad societatem nostram piè prudenterq; gubernandam quam aptissimos esse arbitramur. Ideo etiam Deus in *decalogo* appellatione patris omnes qui aliis præsunt, officii sui admonuit: & ut parentes jubentur liberis suis secundum legem Dei præesse, *Deut. 6. v. 6.* ita etiam magistratibus lex Dei traditur, norma & regula gubernationis *Deut. 17. v. 18. 19. 20.* in bonum illorum quibus præsunt, *Rom. 13. v. 4.* Non una tantum

tabu-

*Officiales  
publici &  
magistra-  
tus.*

*Eorum of-  
ficium.*



tabula Mosaica traditur parentibus & magistratibus, ut quidam putant tabulam priorem nihil ad officium patrum naturalium aut civilium pertinere, sed utraque; & ea est juris naturalis essentia ac unitas, ut tabulae Mosaicae ab invicem divelli non possint, quemadmodum supra lib. 3. docuimus. Auctis deinde civilibus negotiis ac familiis, necessum fuit etiam plures patres publicos eligere, & officia publica inter hos distribuere: ita officia majora & minora, superiora & inferiora extitere. Necessum verò *Majestas respub.* est, ut processus in infinitum evitetur, dari summam aliquam in civitate potestatem, sub qua reliquae contineantur: ea vel deferretur ad unum, vel ad aliquot pauciores, vel reservatur toti civitati; unde nascuntur formae gubernandae rei- *Formae respub.* pub. simplices, monarchia, aristocratia & democratia, quae interdum miscentur aut corrumpuntur, & tum alia nomina accipiunt, ut politici docent. At summa legitima potestas vocatur majestas, quia omnibus aliis potestatibus privatis publicisque est major. Haec ea est quae neminem superiorem agnoscit nisi Deum; & quae absolutam in omnibus putè civilibus habet potestatem. Majestas fert leges civiles, *Majestas fert leges civiles.* disponit de officiis & personis publicis, ordinat cives privatos, regit contractus & negotia civilia; punit delicta, dirimit lites, indulget privilegia, & omnia civilia vel immediate vel mediantibus magistratibus gubernat. Majestas non est magistratus, sed supra magistratus: ma-  
gistra-

## 478. DE PRINCIPIIS JURIS

gistratus autem est cui majestas publicum aliquod officium cum parte imperii vel jurisdictionis commisit, quod ex politicis discendum. Leges civiles ferre nulli potestati magis convenire potest quam majestati, nam in legibus civilibus de omnibus officiis publicis, de potestate magistratuum, de negotiis & contractibus civium præsentibus atque futuris disponitur, quod non potest nisi summæ potestatis esse. Qui dicunt leges civiles à principe ferri, nomine principis abutuntur, regem significaturi, & in exemplo monarchiæ ostendunt quod itidem fit in aliis rerum. formis. Convenientius ad omnes rerum. formas dicimus leges civiles ferri à majestate: nam in democratiis populus, in aristocratiis optimates eandem habent potestatem quam reges in monarchiis. Majestas vero jure proprio, hoc est, non alieno indultu sed ex sese eo ipso quod majestas est, fert leges civiles toti civitati: usurpat enim majestas omnem potestatem suam jure proprio, quia superiorem non agnoscit, cujus beneficio potestatem aliquam exercere dici possit. Committitur quidem interdum munus concipiendarum legum magistratibus inferioribus, aut personis specialiter ad hoc selectis, ut in Romana repub. decemviri XII. tabulas conscribebant, prætores, ædiles & senatus jura faciebant: conceditur etiam magistratui provinciali aut municipali interdum, ut pro modo jurisdictionis sibi commissæ legem ferat, sed hæc omnia præcario

cario & indultu majestatis, non jure proprio.

Quænam interior legum civilium forma sit, *Finis legum civilium.* seu quis finis earum esse debeat, apparet ex prædictis: nempe si majestas, & omnis qui sub ea est magistratus eo fine constituitur, ut sit custos legis divinæ & minister Dei, sequitur leges civiles decalogo servire debere. Quemadmodum ergo decalogus spectat ad pietatem, honestatem, æquitatem, & ad commune bonum; ita etiam civilia jura debent pia, honesta, æqua, rationabilia, primo publicè toti civitati, & quantum sine hujus laesione possunt etiam privatim cuique utilia esse. Ex quibus id quoque *Majestas imperat omnibus.* manifestum est, majestati omnes homines, cujuscunq; conditionis sint, subesse, & legibus civilibus parère debere: nam qui se id facturos negant, profitentur se hostes legis divinæ, civilis societatis, & publici boni. Christus, apostoli & prophetæ nunquam subdixerunt se magistratui, sed legibus civilibus libenter paruerunt, idq; nos imitari jussierunt *Rom. 13. v. 1. 1. Pet. 2. v. 13. 1oh. 19. v. 10. 11. Act. 25. v. 10.* civilibus dico, *Non tamen* hoc est naturâ indifferentibus, attamen piis, *juri naturali.* honestis & rationabilibus scitis: nam quando magistratus suis legibus aliquid admiscet quod est contra jus naturæ, tum nec veram nec purè civilem fert legem, sed impugnat naturalem. Et quia talis abusus potestatis non est de majestatis essentia, cessat etiam hac in parte obedientia, & humanæ majestatis impio abusu prævalent mandata Dei. *Act. 4. v. 19. & 5. v. 29.*  
Exod.

Exod. 1. v. 17. 20. Num. 22. 1. Reg. 22. v. 14. Dan. 6.  
v. 10. Mat. 10. v. 37 & 15. v. 3.

*Majestas  
& à Deo.*

Quando verò magistratus officium suum rectè gerit, nullum est dubium quin loco Dei nobis loquatur, quia non potest munus tam præclarum ab alio quàm Deo autore esse, quapropter etiam Deus laudatur autor & conservator ordinationum politicarum; Gen. 9. v. 6. Deut. 1. v. 17. Ps. 82. v. 6. Ioh. 19. v. 10. 11. 1. Pet. 2. v. 13. Rom. 13. v. 1. Eligitur quidem magistratus ab hominibus, & majestas formaq; reipub. ab hominibus constituitur, ut 1. Pet. 2. v. 13. magistratus non malè vocetur *ordinatio humana*: sed primà causa hujus ordinis Deus est, qui nobis omnibus jus naturæ indidit, & rationem quæ id defendere possimus est largitus, quò respiciens Paulus dixit omnem magistratum esse à

*Magistra-  
tum gerere  
pium est.*

Deo Rom. 13. Quærunt nonnulli an liceat magistratum gerere pio homini? at nemo aptior est custos legis divinæ quam homo pius, qui verum legis intellectum in ecclesia didicit. Dubitare audent alii, an magistratus in ecclesia sit retinendus, an ne potius lex tota cum omnibus ejus protectoribus, magistratibus, jurisconsultis & iudicibus è medio tollenda? illi certè fatentur se nondū intelligere quid sit lex aut magistratus, perinde enim est ac si quærant, an liceat in societate humanâ piè ac honestè vivere? Boni & qui rationabiliter vivere volunt magistratum non timent, & in eos cessat imperium magistratus, cum ipsi id spontaneâ executione præ-

præveniant, ideò apostolus inquit iusto legem non poni 1. Tim. 1. v. 9. & bonos à magistratu nil nisi laudem & protectionem habere, Rom. 13.

Tanta cum sit magistratum dignitas & utilitas, rectè vocantur patres, ut *(sup. tutores, Rom. 13. v. 6. pastores, 1. Pet. 5. v. 2. Ezech. 34. v. 2. vindices* *Magistra- tum ma- gna auto- ritas.* *malorum, Rom 13. v. 3. 1. Pet. 2. v. 14. ministri Dei, Rom. 13. v. 4. filii Dei, Psal. 82. v. 6. & Dii, Exod. 22. v. 28. Ps. 82. v. 6. & à nobis debent honorari, Exod. 20. v. 12. Rom. 13. v. 7. 1. Pet. 2. v. 17. 1. Timoth. 2. v. 2. ac diligì, Exod. 22. v. 28. Act. 23. v. 5. & non dubitan- dum est Deum graviter puniturum contem- ptos magistratum & bonarum legum Exod. 20 v. 12. Rom. 13. v. 2. Solebant Ethnici legumla- toribus suis divinos honores tribuere: Lycur- gus ab Apolline institutus dicebatur, Herod. lib. 1. Halic. lib. 2. Zaleucus à Minerva Val. Max. lib. 1. c. 2. Numa ab Fgeria Liv. lib. 1. Halic. lib. 2. Plut. in Numa. Minos à Iove, Halic. d. loco. Plato in Minoe laudat Minoen primum legum civilium inventorem, Cretesium regem iustissimum, Iovis filium ac discipulum, cumque audiret eum à quibusdam sperni, tanquam virum agrestem, durum & in- justum, obtreccionem illam redarguit, Ne tu, inquit, ut alii multi, impia loquaris, nihil enim hoc ma- gis impium est. Etenim primò cavendum ne quid in Deum aut verbo aut opere aliquando peccemus: deinde, ne quid adversus divinos homines. Quin diligenter cavere decet, quoties virum aliquem laudaturus aut vituperaturus es, ne aberres. Atque hujus gratia imprimis curandum est, ut*

H b

bonos

*bonos ac malos homines dignoscamus. Deus quippe nimium indignatur, quoties quispiam illius similem improbat, aut probat dissimilem. Dei vero similis est vir bonus. Neque lapides ac ligna, avesq, ac serpentes sacra existimes, homines vero nequaquam. Imò sacratissimum omnium est vir bonus, profanissimum contra vir malus. Si ethnici tantis honoribus suos legumlatores affecerunt, quantò magis nos magistratum observare & honorificè colere oportebit, qui sciinus à quo, & quo fine sit institutus? Hæc in commendationem juris civilis, & ad demonstrandam politicæ cum Iurisprudencia cognitionem, dixisse sufficiat, quibus addi possunt quæ à doctissimo theologo Martino Chemnitio, (cujus lectionem, in primis in loco de lege, studiosis juris commendatam esse cupio) in d. loco de lege pro autoritate magistratuum & juris civilis eruditè sunt tractata,*



*Confutantur præcipua argumenta  
illorum, qui putant magistratum & jura  
civilia in ecclesia ferenda non  
esse.*

## CAP. V.

**Q**uemadmodum jus naturæ prius figmento fatalis raptus oppugnaretur, vel à Deo lædi tollive posse putaretur, superius vidimus: diximus etiam quomodo jura gentium, tanquam

quam inutilia & odiosa à quibusdam accusarentur : & speramus ita responsum esse adversariis ut naturalia jura utraq; nobis ab illorum injuriis tuta promittere audeamus. Ne verò quid intentatum relinquant juris hostes, civilia quoq; infestant, & quidem tantò audacius, quod sibi persuaferunt Deo & naturæ injuriam nullam fieri, etiamsi civiles leges conculcentur, tantoq; vehementius quod dolent sibi pro jure obtrudi aliquid, quod ipsi nec excogitarint, nec approbarint, & quo præsens gladius in inobedientes stringatur. Et quanquam hisce in superioribus non nihil sit responsum, quia tamen adversariorum tela quibus jura naturalia impugnabant confregimus, non inutile fuerit inanes illorum argutias, quibus contra civilia jura maximè confidunt, in medium producere & conterere.

Principio ergo, ut nos à consideratione rerum præsentium quasi extra hunc mundum rapiant, & magna expectatione dementent, fingunt plurima de aureo quodam seculo, quod olim fuerit & rediturum denuò ad nos sit, si abjecto jure civili nos ad jura naturalia recipeamus. Præclara quidem & aurea promissio, modò id quod pollicentur præstare possint : at nos, ut Cic. in *Lel.* inquit, *ea quæ sunt in usu & vita communi, non ea quæ finguntur aut optantur sperare debemus*; nobis verisimile non sit homines sublato pœnæ metu meliores fore quam nunc sunt. Nihil officiunt leges civiles hominibus ex jure

*Jura civilia  
naturalibus  
non officere.*

## 484 DE PRINCIPIS JURIS

*An primi-  
tiva ec-  
clesia jus  
civile spre-  
verit.*

naturæ vivere cupientibus, nisi quis per jus natura-  
turæ legem peccati & jus beluinum intelligat:  
vivat ergo ex jure naturæ qui volet, & jus civile  
non reprehendat, nisi ostendere possit ubi id  
naturali juri adversetur. Secundò dicunt, in  
primitiva veteris & novi Testamenti ecclesia  
pios semper in communione omnium bono-  
rum tanquam in una familia vixisse, & nulla ci-  
vilia officia vel jura habuisse. Monendi hîc  
sunt adversarii, ut distinguant tempora & mo-  
res hominum. Non poterant primis mundi  
seculis politiæ nostris similes existere, cum quia  
civitates ut cætera ex infimo nascuntur, tum  
propter patrum longævitatē. Vivo Adamo  
omnes in ejus erant familia: at eo defuncto pii  
colebant seniores, qui vel naturā vel auctoritate  
patres erant omnium: & quoniam rari erant,  
cohabitabant tanquam fratres. Pauci erant  
patresfam. ante diluvium, iiq; jure familiari pa-  
terno suos regebant, inter se mutuò autem jure  
naturæ & gentium ut vicini & pagani uteban-  
tur. Nondum invaluerant commercia, avari-  
tia, injuriæ & alia mala, quæ civile remedium  
requirerent, si verò quid emerisset dissidii, id  
auctoritate patrum, quorum ob ætatis inæqua-  
litatem, pietatem, justiciam & agnationem  
magna erat veneratio, componebatur. Post  
diluvium pietas vix in una peregrinante fami-  
lia fuit usq; ad Iacobum, cujus posterì quamdiu  
sub iugo Ægyptiorum erant, jus civile pro-  
prium habere non poterant. Quamprimum  
verò



verò ex Ægypto sunt educti, Moses illis civiles  
 leges tulit & officia quædam publica constituit:  
 ante hæc tempora ecclesia se in civilem quan-  
 dam societatem colligere non potuit. In novo  
 verò Testamento pii erant sub imperio Roma-  
 no, & fruebantur eo æquissimo & prudentissi-  
 mo civili jure, de quo nobis adhuc præ omni-  
 bus populis gratulamur, ut non opus haberent  
 seditione concitata sibi novum jus civile consti-  
 tuere. Sed quis affirmaverit ecclesiam usq; ad  
 tempora Moïsis omnibus civilibus legibus &  
 officiis penitus caruisse? Nam quod tertio in-  
 ferunt adversarii, magistratum & leges civiles  
 in maledicta Caini posteritate primò cœpisse  
*An jura civilia ab impiis nata.*  
 Gen. 4. v. 17. & magistratum ab impiis primò  
 gestum esse Gen. 6. v. 4. & 10. v. 8. si ita accipia-  
 tur, quasi homines impii rationem illam quæ  
 jus civile peperit primò excogitarint, simplici-  
 ter verum esse negamus. Dilectio ordinis, &  
 potestas hominis in hominem, quæ sunt semi-  
 na civitatum, primò fuerunt in ecclesia Gen. 2.  
 vers. 24. & 3. vers. 16. ut & distinctio domi-  
 niorum Gen. 4. v. 2, nam ratio naturaliter insita  
 hæc ab initio omnibus hominibus monstravit.  
 Vindictam publicam & magistratum officia  
 jam olim ante Moïsem in ecclesia fuisse intelli-  
 gitur ex Gen. 4. v. 15. & 9. v. 6. 25. Noah & pii ejus  
 posterii distinxerunt inter liberos & servos; re-  
 ges gentium honore suo dignati sunt; cum illis  
 commercia quædam habuerunt, & fœdera per-  
 cusserunt; quæ certè nullum sapiunt juris civilis

contemptum : & Ioseph summum magistratum gessit *Gen. 41.* & ff. vir nemini pietate secundus. Id facile concesserim remedia civilia propter delicta pravorum hominum inter impios citius expedita & frequentata esse, nam crescente hominum malitia & avaritia, civilia quoque remedia sese pro defensione publicæ pacis & disciplinæ plura erexerunt, ideò crediderim officiales publicos civiles, publica judicia, lites, accusationes & pœnas in posteritate Caini prius extitisse. Quamvis enim Cain cum suis posteris à facie Dei recessisse dicatur, non tamen statim in beluas degenerârunt, sed jure aliquo rationabiliter usi sunt. Suspicebam supra, *cap. 2.* civiles leges fortè à posteris Caini primò latas esse, quod eodem modo accipiendum, nempe quod illi videantur civilibus legibus prius opus habuisse quàm pii. Iura civilia necessitas quidem & usus expressit, at ratio humana peperit, ratio verò prius fuit in ecclesia quam extra. Quod verò ethnicorum ratio ad quædam inveniendâ citius excitata & coacta sit, auctoritati rerû bonarum non detrahit, nam bonum quod rationabiliter invenerunt impij, non est ex impietate sed ex bona ratione omnibus hominibus communi. Non omnia quæ ab impiis proficiscuntur impia sunt, sed quæ ab impietate, nec omnia quæ à piis proveniunt pia sunt, sed quæ à pietate. Possunt impij ratione suâ benè uti, quamvis impii sint, & pii interdum ratione suâ impiè abuti, licet alias pij & in gremio ecclesiæ positi esse dicantur.

tur. Parùm ergo refert à quo homine civile jus primum sit usurpatum, efficiens ejus, nempe recta ratio, & finis verus, quo nos civili jure utimur, qui est publica disciplina & defensio juris naturæ, non possunt improbari. Ecclesia certè, Deo docente ac adjuvante, jus civile probavit: nam Deus constituit magistratus publicos, armavit illos potestate gladii, tulit leges civiles, ordinavit & gubernavit respub. per viros pios, sacerdotes, judices & reges: Christus ipse censum (qui merè civilis est, & tum ab ethnico magistratu requirebatur) dedit, & jussit Cæsari dare quæ sint Cæsaris, ergo jus civile non improbavit. Illud mirandum non est, quod in primis seculis homines tot civiles leges & magistratus non habuerint, atq; nobis Roma suo in flore numeravit & in descriptione juris sui reliquit, nam hæc omnia cum tempore & moribus hominum crescunt ac decrescunt, prout usus ac necessitas id requirunt. Id poëtæ, Hesiod. in operib. & Ovid. 3. Metam. in descriptione degenerantium semper ætatum indicant, & Fabius Pictor in libello de aureo seculo inquit: *Eâ ætate nulla erat monarchia, quia mortalibus pectoribus nondum hæserat ulla regnandi cupiditas. Principes, quia iusti erant & religionibus dediti, jure habiti Dii atq; dicti. Non enim arbitria illorum ab æquo, vel populus à jure innato discedebant: nullo tunc vindice aut metu sed sua sponte retinebant fidem & rectum. Pudor ipse regebat populos, & jus principes. Agnoscit Fabius jus civile in aureo seculo, quia principes in eo reliquit,*

*Cur in primis seculis jura civilia fuerint pauciora.*

quit, sed paucis civilibus legibus opus fuisse innuit, quamdiu homines jure naturali essent contenti. Idem confirmat Tacit. 3. annal. cum inquit: *Vetustissimi mortalium nullâ adhuc malâ libidine, sine probro, scelere, eoque, sine pœna aut coercitionibus agebant, neque prœmiis opus erat, cum honesta suopte ingenio peterentur, & ubi nihil contra morem cuperent, nihil per metum vetabantur. At postquam exui aequalitas & pro modestia ac pudore ambitio & vis incedebat, proveniêre dominationes, multosque apud populos æternum mansêre. Quidam statim, aut postquam regum pertœsum, leges maluerunt. Ha primò rudibus hominum animis simplices erant, maximeque fama celebravit Cretensium quas Miro; Spartanorum, quas Lycurgus; ac mox Atheniensibus quasitiores jam & plures Solon perscripsit. Nobis Romulus, ut libitum, imperitaverat: dein Numa religionibus ac divino jure populum devinxit: repertaque quadam à Tullo & ab Anco: sed præcipuus Servius Tullius sanctior legum fuit, quis etiam reges obtemperarent, &c. Sic & de priscis Romanis Salust. in conjur. Catil. Domi militiaque boni mores colebantur. concordia maxima, minima avaritia erat. jus, bonumque apud eos non legibus magis quam naturâ valebat. jurgia, discordias, iras, similitates cum hostibus exercebant, cives cum civibus de virtute certabant. Lucretii opinionem de primorum hominum vita vide in lib. ejus 5. rer. nat. vide etiam Senec. epist. 90. De Scythiis galactophagis Stob. serm. 3. refert quod paucissimas leges habuerint, & tamen fuerint justissimi, sed rationem simul indicat, nempe quod fuerint pauperrimi, & nihil habuerint in quo fraudes*

exer-

exercere possent. Nam quid in locupletibus civitatibus tot legum civilium remedia expresserit, indicat Poëta 1. *Metam. fab. 5.* nempe

— *fraudesq; dolq;*

*Insidia, & vis, & amor sceleratus habendi.*

Locus perelegans est apud Senec. *epist. 95.* huc faciens, sed quia paulò est prolixior, lector cum inde petet. Ita ergo paulatim prodierunt leges civiles, ita auctæ & cumulatae sunt, ut tanquam vallum perrupturæ semper malitiæ resistenterent.

At obijciunt quartò, Deum irasci populo suo 1. *Sam. 8.* quod sibi regem posceret, ergo politias non probare. Respondeo Israelitas à tempore Moïsis politiam & leges civiles habuisse, easque à Deo probatas esse: temporibus Samuelis mutatam tantum esse reip. formam, idque idèò ægrè tulisse Deum, quia nullam ejus mutationis habebant causam præter ambitionem, quâ sibi splendidum regem, & quidem virum militarem, more omnium gentium constitui poscebant, ne viderentur à sacrificulo regi. Quod autè illi filios Samuelis accusabant, erat tantum prætextus & occasio mutationis, non necessaria causa, quia & antea evenerant similia, & populus ad filios Samuelis non fuerat adstrictus. At leges civiles, dicunt adversarii, sunt mandata hominum: scriptum est autem *Esa. 29. v. 13, Matth. 15. v. 9.* frustra colunt me mandatis hominum, & *Deut. 4. v. 2.* non addes neque detrahes legi divinæ. Respondeo ibi re-

*Deum politias non improbare.*

*An civilia improbanda quia mandata hominum sint.*

pudiari mandata hominum quæ religioni, tanquam pars necessarii cultus divini asluuntur, præcepta verò politica, pro tranquillitate civili & defensione juris naturæ inventa, ibi non improbari. Nam si Deus ea ferre non posset, magistratum eo loco quem *sup. cap. prox.* ostendimus, non collocasset, & præceptum de honorandis parentibus sustulisset. Verba scripturæ sacræ inter se mutuò conferenda, & ita explicanda sunt ne quæ statuatur in Deo contradictio. Tapdem, quod nonnulli magistratus vel litigatores civilibus abutuntur, nihil ad rem facit: vitia hominū legibus ipsis imputari nō debent, ut jā sæpi⁹ diximus. Videmus itaq; quàm frivola & inania sint commenta, quæ à juris civilis & politiciarum calumniatoribus proferuntur, quæ ulteriori refutatione non dignabimur.

*Civilia obmetum abusus non abicienda.*

*Jura civilia esse duplicia, ritualia  
& forensia: utraque naturalibus  
servire.*

## CAP. VI.

*Jura civilia duplicia esse.*

**T**Abulas Mosaiticas duplices esse, earumque in prima de jure divino seu amore & cultu Deo exhibendo, in altera de amore hominum mutuò agi, nemo ignorat. Dictum est etiam magistratum esse custodem utriusque tabulæ, & servire juri naturæ per leges civiles. Sequitur ergo, ut jura civilia utriq; tabulæ accommodemus,

demus, eaq; duplicia esse statuamus, perinde ut & superius jura gentium circa utramq; tabulam defendendam occupari diximus. Sint itaque nobis civilia jura vel ritualia, vel forensia, *Ritualia forensia.* possent etiam humana jura dividi in naturalia & positiva: naturalia in priora & posteriora: positiva in sacra & profana: sacra in ritualia & ceremonialia: profana vero manerent ea quæ forensia vocantur. Sed ceremonialia quando a ritualibus distinguuntur non sunt positiva; & ritualia, quando alicubi in civili societate observantur, sunt civilia. Licet enim nobis omnia *Ritualia esse civilia.* ritualia non sint civilia, quia tamen hic per ritualia intelligimus ea jura, quæ publicè ad ritus sacrorum constituta sunt, necessum est ea origine sua civilia esse. Eadem est præterea ritualium natura quæ positivorum civilium, nèpe quòd ab initio & ex natura nihil refert qualia constituantur, postquam verò semel rationabiliter constituta sunt, ea observari refert, ut propterea rectè inter positiva & civilia numerari possint. Sed distinguamus leges Mosai-  
*Legum Mosai-  
 rum distin-*  
 cas, ut manifestius appareat earum discrimen. Leges Mosaicæ non sunt naturales tantum, sed quædam etiam sunt ceremoniales, quædam forenses. Naturales leges quæ sint apud Mosen & in universa natura hominum, ex supradictis liquet. De Mosaicis forensibus nullà est controversia, quin sint politicæ: at de ceremonialibus quæritur, quò sint referendæ, utrùm ad naturales, an vero ad positivas & civiles? Si de  
 eo cer-

*Leges ceremoniales  
sunt duplices.*

*Typica.*

eo certi erimus, constabit etiam quò nostras ceremoniales leges, quas in locum antiquarum substituimus referre debeamus, an ad naturales immutabiles, an verò ad positivas arbitrio civitatis relictas? Distinguendæ sunt leges Moisaicae quæ communiter uno nomine ceremoniales vocantur: aliæ enim sunt typicæ, aliæ rituales. Typicæ erant, quæ venturum Messiam docebant & in memoriam revocabant: hæc gustum aliquem seu odorem habebant evangelii, quapropter hæc ceremoniæ magis erant evangelii prænunciæ, quàm applicationes vel ritus legis. Possunt tamen ad legem referri, eo sensu quo etiam evangelium nonnunquam sub nomine legis complectimur, vel quia ipsa etiam lex loquitur de cultu divino, cujus pars est evangelium. Sed nos leges ceremoniales typicas inter positivas civiles numerare nolumus, & credimus eas rectius dici ceremonias juris naturæ vel evangelicas, quam positivas civiles: quia docebant populum de essentia Dei, quod esset sanctus, castus, summus, magna veneratione colendus; docebant item de pluribus personis divinitatis, & de opere redemptionis, nempe quod Deus esset misericors, qui peccata populi sui in summo sacerdote, Christo suo, expiaturus, & per os illius magis quam per alios prophetas ex sancto sanctorum, seu ex pectore suo per Spiritum sanctum locuturus esset. Hæc & similia multa quæ à theologis explicantur, non sunt positiva aut civilia humana, qua-



quapropter nos quoque totam legem ceremonialem ad classem positivarum referre non debuimus. Præterea leges typicæ ad studium Iurisconsultorum non pertinent, & olim nostro in jure nullæ fuerunt, hodiè etiam, postquam Christus illas impletione consumpsit, nullæ in ecclesia restant, quapropter antiquorum typorum explicationem theologis relinquimus.

Rituales leges vocamus, quæ tantum de ritibus externis divini cultus publicè in ecclesia Dei observandis, non de ipsis essentialibus cultus aut religionis loquuntur. *Rituales sunt positivæ.* Has positivas seu civiles esse probamus, quia Deus omnes externos ritus naturæ non implantavit, nec unquam de cælo omnibus hominibus æqualiter & perpetuò servandos præcepit, sed piorum hominum arbitrio & ordinationi reliquit 1. Cor. 11. v. 34. & 14. v. 40. Si naturales essent, extitissent omnes cum natura, & Adamo insitæ fuissent, & forent perpetuæ ac immutabiles: sed illæ diu in ecclesia non fuerunt, & sæpè in veteri ac novo testamento sunt mutata. In veteri testamento observare licet ritus quosdam à piis viris inventos ac constitutos, deinde alio tempore intermissos, mutatos, tandemq; planè abolitos esse, quod exemplo Salomonis probamus, qui multa sacro usui instrumenta ærea & aurea confecit, eorumque ritum & usum per sacerdotes introduxit, cum ante ejus tempora non essent & paucis annis iterum immutarentur.

Tales

*Rituales  
leges ferunt  
majestatem.*

*Eæ sint  
piæ.*

*Quomodo  
sint piæ.*

Tales itaque leges juris civilis esse, & primò à majestate jure proprio ferri dicimus. Duo autem hîc, ut in omnibus civilibus, præstabit legislator, pietatem & prudentiam. Pietatem, quia leges rituales accedunt præceptis primæ tabulæ, quæ de cultu Dei loquuntur: cavendum ergo ne ritibus inhonestis aut ineptis pietatem nostram suspectam faciamus, neve rituum infinitâ multitudine spectatorum attentionem & animos avertamus. Observandum etiam, ne ritus quorum usus aliquis esse potest deleamus, sed ut relinquamus ceremonias quasdam externas propter imperitos, quorum animi sæpè per sensus excitantur ad attentionem, venerationem, & perceptionem ipsius doctrinæ plenioris. Quamvis enim externus ille splendor, & divina pompa tabernaculi Moisaici & templi Salomonis ad essentiam religionis nihil faceret, tamen multos admiratione sua pellexit, ut videre & audire cuperent, quidnam ibi rerum ageretur, quidve hæc omnia significarent? Videmus nostram plebem confluere & comprimere se in templis quando novi quid ibi audiendum est aut videndum, & interim etiam concioni & precibus, quæ hisce rebus intermiscuntur, auscultare, cum aliàs nullo magistratuum edicto, nullis concionatorum minis aut precibus eum in locum cõpingi potuissent. Ritus ergo huic fini rationabiliter servientes omnes abrogare, & ingeniis languidioribus se applicare nolle, impium est & contra humani-

humanu  
rigidi ce  
cavilland  
religios  
superstit  
calumnii  
ad capier  
inertes.  
murando  
illis legib  
catur, q  
ne cui sca  
& scandal  
nos potius  
& ritus ad  
sione con  
am, etsi n  
melius qu  
scandalo d  
super tace  
vel singul  
tum excita  
boli, in pri  
dit inter e  
nas, quas a  
nas esse do  
scandalum  
trosos rec  
inter ritua  
quit disting  
re volunt, &

humanum amorem. Sæpius hîc impingunt rigidi ceremoniarum censores, atque ut alios cavillando sese viros omnium sapientissimos & religiosissimos jactent, omnes externos ritus superstitionis damnant, eosque vi derubant & calumniis conspuunt, licet fateri cogantur eos ad capiendos simpliciorum animos non fuisse inutiles. Nullibi in toto jure civili sanciendo vel mutando majori prudentiâ opus est, quàm in illis legibus quæ primæ tabulæ Mosaicæ applicantur, quapropter hîc anxie vigilare oportet, ne cui scandalo simus, neve aliis superstitiones & scandala affingamus ubi nulla sunt, sed ut nos potius applicemus ad captum hebetiorum & ritus adiaphoros feramus quamdiu sine læsione conscientiæ id facere possumus. Quin etiam, etsi nos de talibus adiaphoris rectius & melius quid sciamus, id tamen sine communi scandalo docere non possumus, præstat aliquantisper tacere & tempus conveniens expectare, vel singulos erudire, quam publicum tumultum excitare. Ita Christus, Prophetæ & Apostoli, imprimis verò Paulus, qui multa prava vidit inter ethniceos, plurimas ceremonias externas, quas ab impiis excogitatas & vanitatis plenas esse docere potuissent, dissimularunt, ne scandalum excitarent, neve se cum sua doctrina exosos redderent. Imperita multitudo plebis inter ritualia & essentialia doctrinæ exactè nequit distinguere, sæpè etiam ipsi qui alios docere volunt, & receptas ceremonias tanquam superstiti-

*Quomodo  
impie abru-  
gentur.*

perstitiosas abrogandas, suas verò ut necessarias & meliores recipiendas esse contendunt, superstitiosi & imperiti sunt, inde facillimè nascuntur contentiones, tumultus, seditiones & intestina bella. Qui ritus veteres abrogare & novos instituere vult, consideret primò utrùm id pietas jubeat? an necessitas id flagitet? an præsens tempus mutationem illam ferat? an sine scandalo id fieri possit? anne seditio sit metuenda? hæc qui non considerat, desinat jactare pietatem & prudentiam suam, & legum lationem aliis relinquat, qui admonitiones Pauli *Rom 14. i. Cor. 8. 10. 12. 13. & 14.* rectius intelligunt, & quomodo in civili societate leges sine scandalo & sanguine sanciri possint, didicerunt. Non sunt meliores ritus qui cum periculo & scandalo introducuntur, nec pii aut prudentes viri sunt qui id faciunt. Inveterati ritus etsi ineptiores sint novis, si tamen tutiores & minùs scandalosæ sint, eo ipso etiam sunt meliores. Cæterùm ut in repub. Romanâ sæpe furiosus Tribunus, auram popularem captans & patriciis odium quarens, intempestivâ & perniciosissimâ lege tempub. ad arma concitavit, clamitans interim omnesque Deos testes citans de summa legis necessitate suaque erga cives vigili benevolentia: ita etiam nostris temporibus, sæpè sub speciosissimo religionis aut publicæ utilitatis prætextu, respublicæ ab audacissimis & amentissimis novatoribus conquas-

quassantur & evertuntur, qua de re queri, quid prodest?

Alterum ergo, nempe prudentiam, præstabit legislator, si in consilium adhibeat viros prudentes, non qui vulgò prudentes audiunt, sed qui re verâ sunt prudentes & modesti viri. Ut autem in forensibus consulere solemus magistratus & procures, ita par est in sanciendo legibus ceremonialibus theologorum, episcoporum & publicè docentium consilia audire, quia illis notiora sunt auditorum ingenia, & leges rituales illorum consilio latæ plus habent autoritatis.

Romani, quemadmodum edicta prætorum, ædilium, & consulta senatus in honorem magistratuum & ordinis senatorii rata esse sinebant *g. prætorum. 7. Instit. de jure nat. ita etiam auguribus, auspiciis & pontificibus indulgebant ut leges quasdam rituales ferrent: & soletis honor etiam nostris episcopis & concionatoribus deferri, ut interdum aliquid ordinent in ecclesia.*

Sed ausi sunt nonnulli precarium honorem in legitimam potestatem mutare, & novam potestatem ecclesiasticam fingere, sub cujus prætextu sese magistratui legitimo opponerent, obedientiam denegarent, omnia ad forum ecclesiasticum traherent, & majestatem sibi in majestatem arrogarent, quod erroneum & minime ferendum est. Non possunt una in repub. duæ majestates esse, nec tabulæ Mosaicæ ita possunt divelli, ut magistratui una tantum re-

*Leges rituales quomodo prudentes ferantur.*

*Rituales leges etiam ab inferioribus ferri.*

*An ritualia aliam maiestatem desiderant.*

linquatur. Una est in quavis repub. majestas; cui cura totius legis est commissa. Indulget quidem aliquando majestas principibus & episcopis provincialibus, ut pro modo officii sui leges ferant; at salvo semper jure majestatis, non ut seipsam supremam potestate & inspectione privet. Proprie ergo majestatis est leges civiles ferre, tam rituales quam forenses, episcoporum autem & magistratum est consilia salutaria suppeditare. Et ita Romani tolerunt leges rituales, ut fragmenta XII. tab. docent, & Plut. in *Nimia* testatur, Numam multas leges sacras tulisse; quod confirmat Liv. lib. i. Ipsa etiam sacerdotum constitutio juris civilis est: & Romæ creatio sacerdotum modò à populo ad collegium pontificum fuit translata, modò ab hoc iterum ad populum revocata, latis legibus Antonia, Cornelia, Domitia & aliis plurimis; de quibus Anton. Augustin. & alii consuli possunt. In religione ipsa vero nihil unquam mutare licuit, nisi totius populi consensu & omnium sacerdotum consilio.

*Finis ritualium.*

Finis legum ritualium hic est, ut præceptis primæ tabulæ Mosaicæ serviant, quò in ecclesia Dei omnia decenter, ordine, honestè & piè gerantur: ut hisce externis rebus auditorum attentio excitetur, & veneratio supplex divinæ doctrinæ promoveatur. Si id non faciunt, repudiantur à Deo ut inanes gesticulationes & hypocritica ostentationes, ut *Amos. 5. v. 21. Esai. 58. v. 3. & seq. Mat. 6. v. 5. 16.* Qui verò hæc documenta

menta sensuum omittunt, cum tardiora ingenia iis excitare & erudire possent, æquè reprehenduntur à Paulo ut impii fraticidæ *Rom. 14. v. 15. 20.*

Forenses leges civiles esse nemo ambigit, *Leges forenses sunt civiles.* quapropter non est opus eam in probationem descendere. Constat etiam ex supradictis, quod hic sit finis legum forensium ut serviant juri naturæ. Si verò id non faciunt, non sunt veræ *Quomodo leges civiles sed calumniæ & fraudes juris naturalis, serviant juri naturali.* *l. contra l. frau. D. de legib.* Ut autem leges rituales principaliter ad primam accedunt tabulam, ita forenses secundam magis spectant. Quod non ita accipiendum; quasi civiles leges unitatem decalogi & communionem legum naturalium quam inter se habent tollant, sed quod alterutram in partem magis inclinent. Alioquin forenses leges se etiam primæ tabulæ associant, ut in pœnis impiorum, perjurorum, blasphematorum, &c. & rituales nonnunquam ad tabulam secundam expaciantur, ut in benedictione sacerdotali conjugum, & quando jus juraturi ad aram adducuntur, ibique per tristes quasdam cetermonias salutis æternæ admonentur.

Verùm si civilia juri naturali semper servant, quid est quod *in l. 6. D. de iust. & jure* dicitur jus civile interdum à jure naturali recedere? *Quomodo civilia à naturalibus recedere dicuntur.* Civile jus nunquam recedit à jure naturali, sed interdum ab eo recedere videtur, cùm è duobus malis eligit minus & publicum bonum præfert

## 500 DE PRINCÍPIIS JURIS

privato, ut supra *capite 3.* indicavimus, quod cum contra mentem juris naturalis non sit, dici non potest civilia jura à juribus naturalibus verè recedere. Si quæ verò sint tales leges à tyrannis latæ, quibus jura naturalia infestentur, eas negamus esse veras leges. Sed ad nonnullas leges, in quibus jus civile à naturali recedere putabatur, jam superiùs respondimus, quædam etiam in sequentibus explicabuntur.



*Jura civilia mutabilia & in potestate majestatis esse.*

### CAP. VII.

*Jura civilia esse mutabilia.*

**I**ura naturalia immutabilia, civilia verò in potestate legislatoris esse superiùs diximus. Sed ne quis in civilibus respectu majestatis humanæ eam immutabilitatem, quam in naturali priori respectu divinæ ac humanæ majestatis esse diximus, statuendam putet, vel nos inordinatam & irrationabilem civilium conturbationem probare opinetur, paulò fusiùs explicabimus, quomodo civilia mutabilia esse dicamus.

*Cur nequeant immutabilia esse.*

Ac videbantur quidem civilia jura majestatem humanam perinde obligare debere, ut majestatem divinam suis se legibus obstrinxisse audivimus: verum si eadem esset ratio civilium & naturalium, civilia non essent civilia sed naturalia. Naturales leges ideò immutabiles sunt, quia



quia Deus & natura non mutantur : at civilia negotia omnia sunt mutabilia, ergo etiam civilia jura, quæ de talibus negotiis loquuntur, mutabilia esse necessum est. Dictum est supra quæ sit civilium natura & forma, nempe quod positivæ leges sint tales de quibus ab initio in natura nihil refert hoc an illo modo constituantur, sed postquam constituta sunt refert. Refert autem, ut supra indicavimus, civiliter, nempe propter obedientiam legibus præstandam, non naturaliter, quia ratio civilium semper est civilis, nec unquam fit naturalis. Quamdiu ergo legislator obedientiam requirit, tamdiu refert eam præstari, at quando eam remittit vel novâ lege alio modo præstandam docet, tum refert etiam hac in parte ejus voluntati obtemperare. Sed sunt quædam hujus mutationis requisita essentialia consideranda, quarum explicatione intelligi poterit qualem civilium mutationem probemus, eaq; partim civilia sunt, partim etiam naturalia, quemadmodum civilia jura dictum est naturalibus semper servire & se ad placitum eorum componere.

Principio id iterum repetendum nos loqui de merè civilibus seu positivis puris, non de civilibus mixtis, de quibus infra agetur : ut cum nuptiæ dicantur esse juris civilis, & sint juris civilis mixti, quando jura matrimoniorum mutabilia esse dicimus, ea intelligimus quæ sunt purè positiva. Et cum pauca sint in jure nostro leges purè civiles, raræ etiam sunt quæ totaliter

*Civilia  
quomodo  
sint muta-  
bilia.*

*Purè posi-  
tiva mutari  
possunt.*

abrogari possint, plurimæ verò in quibus aliquid sine absurditate posset mutari.

*Cum ratione & necessitate.*

Secundò civilia debent cum ratione mutari, quia ratio est de essentia omnium juris specierum, & majestatis officium finisq; est reipub. saluti rationabiliter consulere. Est autem cum ratione mutare, cum major necessitas urget & suadet legem novam vel abrogationem antiquæ, ita ut rationes quæ pro lege antiqua militent majoribus cedere cogantur. Qui leges civiles sine ulla causa, vel etiam sine sufficiente & necessaria causa mutat, auctoritatem juris civilis minuit & civitatem in periculum seditionis adducit, quia vix ulla tam vilis est legis civilis ceremonia; cujus mutatione in populosa civitate non possint aliquot contractus labefactari. Quod vulgò dicitur, cessante causa cessare legem ipsam, huc pertinet, (nam de naturalibus, quarum causa non cessat, accipi nequit) ut majestas tum mutet legem, cum alia ratio emergit quæ id flagitat, vel etiam omninò tollat, si eam conservari non sit consultum.

*In tempore.*

Tertiò mutatio instituenda est convenienti tempore, cum bona & commoda se offert occasio, & civium animi in mutationem jam inclinant. Rationis pars est tempus opportunum expectare, ut lex abroganda seipsam negotiis humanis extricet & exsolvat, non vi eripiat.

*Modestè, sine tumultu.*

Observandum quartò, ut mutetur modestè, non vi, non impetu, ut furiosi Tribuni Romæ plebis leges armatâ manu per seditiones & tumultus

tumultus ferre solebant. Exempla sunt apud *Halic. lib. 6. & sequentib.* quomodo Tribuni, ipsi in secessione plebis constituti, rogationes suas intempestivè in maximo belli metu proposuerint, & per vim agitarint. Non est ea recta ratio ferendi leges civiles, quamvis enim ipsæ quæ rogantur leges, sint optimæ, tamen modus quo feruntur pessimo exemplo & violentâ concussione civitati plus nocet, quam ei lex possit prodesse. Accusanda est etiam hac in parte eorum pertinacia, qui nulla in re cedere volunt nisi vi coacti, & putant sibi ad posteros id laudi fore, quod ne minimam quidem in rem consenserint, nisi vi & seditione compulsi. Et tales Romæ erant Appii, qui ne latum unguem celsissent tempori, nisi strictus capiti immineret ensis. Laudet eam pertinaciam qui defendendam viderit, apud me malè audiet, quia video nimiam obstinatione plebem exasperari, & si id bis vel ter fiat, eam seditionibus ita adsuescere ut in posterum nulli magistratui velit obedire. Id T. Romilius magno suo damno & periculo expertus erat, quapropter tandem senatui suavit ut plebi cederent, ni mallent rempub. prius seditionibus perire. *Halic. lib. 10.* In hunc scopulum plurimæ civitates impingunt, cum aut magistratus aut subditi vitia quædam politica emendare tentant, idq; nec oportune nec modeste faciunt, neque etiam una pars alteri cedere & modestiâ suâ oportunitatem præstare vult, ut interim respub. graviter affligantur. Et quam-

vis tandem (quod tamen rarò fit) medicina non mala adhibeatur, & leges novæ ferantur bonæ, tamen ipsæ etiam hæc medicina optanda non est, propter pessimam methodum mendi. Sit ergo hoc quartum & essentiale requisitum mutationis legum civilium, ut fiat quàm modestissimè, sine commotione periculosa.

*Mutentur  
honestè.*

Quintum est ut fiat honestè, sine subsannatione legum antiquarum, & sine irrisione majorum nostrorum. Honestas est de essentia juris & omnium legum, & ab Ulpiano inter summa juris præcepta refertur, l. 10. D. de iust. & jure. & quicquid inhonestè fit, committitur contra jus naturæ. Laudo Platonis sententiam, qui putabat legislatorem non omnia vi imperare sed quædam etiam persuasionè impetrare debere lib. 1. & 9. de legib. valdè enim commendant & insinuant se leges, si rationem suam populo probent. Et si leges novæ rationem ostendant, cur olim antiquæ observatæ, nunc verò publica utilitas eas mutare suadeat, auctoritatem suam majori cum gratia impetrant. Quando verò jam persuasæ & approbatæ sunt proceribus, tum valet eorum opinio qui dicunt leges brevibus, perspicuis & imperiosis verbis esse concipiendas.

*Sine scan-  
dalo.*

Pertinet eodem sextum, ut civilia mutentur sine scandalo, quod imprimis cavendum est in legibus ritualibus quemadmodum supra diximus. Qui scandalum præbet jus naturæ offendit, &

dit, & qui fert leges novas cum scandalo, licet leges ipsæ in se sint meliores, tamen antiquis fiunt deteriores propter ad hærentem illis qualitatē juri naturæ contrariam. Summum enim requisitum legis civilis, in quo finis ejus consistit, ibi desideratur, nempe quod juri naturali debeat servire & prodesse, non obesse. Hic nonnulli elabi volunt distinguendo inter scandalum datum & acceptum, quasi acceptum tantum & non datum sit scandalum si quid agas, de quo tu non dubites, alii verò hebetiores eo offendatur. Non arripienda est tam cupidè hæc distinctio, nec putandum nos tam facile posse excusari quàm hanc distinctionem licet commemorare. Scandalum datur etiam in rebus civilibus naturâ indifferentibus, & in vilissimis, quoties importune & sine summa necessitate aliquid fit contra amorem. Qui facit aliquid suam tantum opinionem & conscientiam considerans, aliorum verò vilipendens, cum illos prius erudire, & tantisper abstinere posset dum factum bona aliorum gratiâ fieri posset; qui suam scientiam pluris facit quam humanitatem ac amorem, ille dat scandalum, judice Paulo, 1. Cor. 8. 13. Rom. 14. Gal. 5. 6. Phil. 2. & alibi. Nam qui humanitatem & amorem non facit maximi, Deum & jus naturæ offendit, nec ullis distinctionum argutiis potest excusari.

Requirimus septimò ut mutantur sine dolo; *Sine dolo*  
non debet legislator potestate sua dolosè abu- *malo.*  
ti, ut mutet leges quando alios vult decipere.

Dolosè agere est etiam inhonestè & scandalosè contra jus naturæ agere, quod est contra essentiam & finem juris civilis. Ejusmodi artifex erat Tiberius, qui cum Seiani liberos interficere vellet, & filiola ejus omnis periculi ignara in carcerem portaretur, essetq; inauditum ac legibus prohibitum puellulam nondum viri potentem capitali supplicio afficere, præcepit carnifici ut eam juxta laqueum comprimeret deinde illi fauces elideret. *Tacit. 5. annal.* Sic Caligula legibus non publicatis utebatur, ut delinquentes haberet plures quos multare posset. *Suet. in Calig. cap. 41.*

*Forma externa civilium sola est mutabilis.*

Octavò sciendum, jura civilia tantum ratione formæ externæ mutabilia esse, non etiam ratione finis. Hoc est, jura civilia non possunt esse alia quam quæ juri naturæ & salutis reipub. serviant, hic finis legum civilium immutabilis est, at forma seu modus externus, quo eum ad finem contendimus, rationabiliter potest mutari.

*Civilia non posse omnia simul mutari.*

Tandem majestas suæ reipub. jus civile intotum & simul abolere non potest, aliàs enim ipsa quoque civitas tolleretur, & existeret dominatus, tyrannis, vel anarchia, quod iterum contra majestatis naturam & officium est. Nec potest ulla in reipub. talis existere ratio, quæ suadeat omne civile jus simul abjicere, verum ut tempora, rerump. status & civium mores successivè ac sensim mutari solent, ita quoque causæ mutandarum legum civilium sese offerunt & appre-


apprehenduntur. Quando verò una civitas ab alia vi belli tollitur & in servitutem redigitur, tum quidem omne jus civile devictæ civitatis perit, sed ipsa civitas interit simul, idque vi majestatis victricis; ideò diximus majestatem *sue reipub.* jus civile in totum abolere non posse. Apparet ex hisce, cum jus civile mutabile, vel majestatem civilibus legibus solutam esse dicimus, non probari irrationabilem juris disturbance- nem, sed prudentem civilium gubernationem & in melius mutationem, l. 2. §. *post originem.* 13. *D. de orig. jur.* Hæc ergo omnia in memoriam re- vocare volunt jureconsulti, cum dicunt civilia mutari debere *cum ratione.*

Prudenter verò facit majestas, si leges civiles *Leges non* raro mutet aut prætereat, cum ob periculum *facile mu-* quod civitati ex legum mutatione imminet, *tanda.* tum ob auctoritatem legum conservandam. Nam frequentia mutationum turbat contra- ctus, & quas ipsa majestas facile tollit leges, ne- mo custodire studet. Imitanda est hac in parte majestas divina: licet enim Deus causis secun- dis se non alligavit, & igni ne urat, aquæ ne flu- at, solo nutu imperare possit, rarissimè tamen & non sine gravi causa id facit, ut naturæ quam optimam creavit, conservet auctoritatem, ne di- scant homines Deum in causis secundis tenta- re. Ita etiam legislator fatalia appellationum & usucapionum, licet merè civilia sint, crebrò mutare non debet, nec facile concedenda est restitutio in integrum, nisi evidentissima utili-  
tas &c

tas & æquitas possit probari, alioquin jura appellationum & præscriptionum labefacta collabentur, executiones sententiarum suspendentur, dominia rerum iterum incerta fient, & querentur cives se juris inconstantia circumveniri & legislatoris levitate decipi. At gubernator reipub. prudens id unice cavebit, ne in suspicionem imprudentiæ, inconstantia, levitatis aut doli incurrat, neve civilibus discordiis semina spargat, alioquin actum erit de omni jure. Videndum ab altera parte, ne civilia, quando illa cum ratione mutari possunt, nimis pertinaciter defendamus, & aliis calumniandi occasionem præbeamus. Quantum mali prætextus mutandorum rituum ecclesiasticorum religioni fecerit, experientia docet, si hæc anfa reformatoribus istis præcisa fuisset, & nos prævia populi instructione sufficienti ipsi ultrò nonnulla adiaphora mutassemus, reliquæ disputationes inter eruditos mansissent, & illis speciosissima argumenta, quibus nunc incautos decipiunt, erepta fuissent. Non tulere priora tempora mutationem tam repentinam, idèò laudanda est prudentia & modestia eorum qui etiam hebetioris plebeculæ rationem habuerunt; hæc dies alios mores postulare videtur. Sacra & profana historia docent, pios & prudentes viros sapissimè magna mala avertisse, & adversariis calumniandi occasionem subtraxisse, cedendo in iis quæ alii coram populo erant cavillaturi. Sed de ritibus ecclesiasticis



ficis deliberent theologi, quorum consilia hac in parte non sunt negligenda. Possemus hoc loco ostendere quomodo sæpè imperiti vel doli gubernatores, dum mutationem civilium rituum & modorum præ se ferunt, juri naturæ manifestam injuriam faciant, quia vel civilia à naturalibus distinguere nesciunt, vel sub civilium prætextu fallere cupiunt: Sed quæ sit nostra de illis sententia, ex prædictis intelligi potest, ipsi verò qui id faciunt, quomodo se coram latore legum naturalium excusent, videbunt.



*Exemplo pœnarum publicarum ostenditur, quomodo jus civile rationabiliter & licitè possit mutari.*

## CAP. VIII.

**C**Ogimur interdum prolixiores esse, propter eos qui quæ in genere dicta sufficiant, in specie controversiæ quæstionis intelligere nolunt vel nequeunt, nisi generalia ad speciem applicentur & inculcentur. Nec est minima in applicatione difficultas, cujus superandæ rationem docentis est ostendere.

Agitari nuper cœpit quæstio an liceat fures capitali pœnâ afficere, cum *Exod. 22. Num. 5. v. 7. de pœna furti.* *Dubitatur* *Levit. 6. v. 2. nulla capitalis pœna in fures constituitur, sed tantum quintupli restitutio, quæ proba-*

## 510 DE PRINCIPIIS JURIS

probatur etiam §. *pœna*. §. *Instit. de obligat. que ex del. nasc.* Dubitationis causam principalem hanc esse reor, quod pœnæ capitales, quia naturalem vitam extinguunt, non videantur ad leges civiles pertinere posse. Nonnulli itaque, ne jura civilia contra naturam armasse arguantur, statim manus dant, & dicunt capitalem furtorum pœnam injustam atque illegitimam esse, servari tamen ex consuetudine & legibus Caroli V. posterioribus. At hoc nihil aliud est, nisi suam impietatem fateri, & Imperii majestatem & leges injustitiæ accusare. Si sciunt pœnam esse injustam, cur pravas consuetudines & leges observant? jus nostrum non jubet impiis errores fovere, sed eos detegere & abrogare; *l. quod non. 39. D. de legib.* & ut supra docuimus, leges vel consuetudines contra jus morale introductæ pro legibus non sunt agnoscendæ. Quidam aliis vel bis, at eadem sententiâ respondent, capitalem furtorum pœnam justam esse in foro soli, at non in foro poli: de qua duplicis justitiæ fi-

*Quæstio de pœnis generaliter proponitur.*

sione quid sentiamus, inferius dicemus. Est autem hæc quæstio generalis, & ad omnes pœnas spectat, nempe an modus pœnarum sit civilis an verò naturalis? seu, an liceat pœnas jure Mosaico constitutas mutare? vel etiam, an liceat delictum in rem commissum capitali pœnâ plectere? quocunque enim modo quæstionem formemus nihil interest, si modo sciamus utrum modus puniendi delicta sit civilis an non? nam si civilis erit, sequetur illum in potestate

# LIBRI V. CAPUT VIII. 511

testate majestatis esse positum, & ex eo ipso justum esse quod legislatori placuerit. De hac ergo quæstione, quia utilem explicationem sanctionum legalium habet, aliquid in genere dicendum est, ut si quis forrè de aliis pœnis juris Mosæici à nobis mutatis quærere incipiat, illi respondere possimus: postea etiam in specie de pœna furti ostendemus, quid in constituendis aut mutandis pœnarum generibus sit considerandum.

Ab initio, ne quis in quæstione aberrèt, mō- *Quid qua-*  
nendus est lector, non agi hic de natura pœna- *natur.*  
rum ipsa, sed tantum de pœnarum modo: non enim quærimus an liceat delicta punire, quodve jus efficiat ut delicta sint mala, juri contraria, reprobanda & punienda? hanc enim mentem & sanctionem omnium jurium esse non ignoramus: sed quo pœnæ modo quodq; delictum punire justum sit? Juris naturæ est, quod *Pœnæ omnes*  
malum & à Deo alienum esse debeat quicquid *jure probantur.*  
est contra voluntatem Dei, & quod Deus gratiâ suâ fovere nolit, quæ contra se sunt, quapropter etiam decalogus indicat pœnas contra delinquentes paratas. Eamque juris naturæ sanctionem jus gentium & civile imitantur; pœnis temporalibus in delicta constitutis. Modus puniendi in omnibus juris speciebus duplex est; *Pœnarum forma.*  
primò, ut delinquenti auferatur jus illud quo abutitur: deinde, ut adimatur illi potestas ulterius delinquendi. Quod fit in jure naturæ *Ex jure naturæ.*  
priori, cum Deus eos qui contra jus suum de-  
lin-

*Ex jure  
gentium.*

linquunt, privat commodis juris illius, nempe gratiâ Dei, veritatis cognitione, pace, amore mutuo, libertate & similibus donis, jubetq; eos abire in locum, ubi malis juri suo contrariis cum sui similibus sine aliorum læsione fruantur. Homines verò, eo tantum jure in totum

*Ex jure  
civili.*

privare possunt quod ipsi contulerunt, nempe bonorum proprietate, consortio aliorum hominum, & vitâ temporali: nec punit jus gentium alia delicta, nisi cum quis malo exemplo aut facto in res vel personas humanas delinquit. Cogitationis pœnam jus gentium nullam habet, quia sola cogitatio prava est tantum contra jus naturæ, nec lædit res aut personas nostras nisi cum in actum erumpit. Omnes verò executiones quæ ab hominibus jure, sine civili remedio vel processu fiunt, sunt juris gentium ut superiori libro docuimus. At jus civile privat præterea iis commodis quæ civiliter sunt collata, ut statu, dignitate, jure civitatis & vira civili, & ejicit delinquentes ex civili conversatione ne amplius lædere possint.

*Executionis  
forma.*

Ex hisce sequitur ut si homo propter sua peccata tantum excidat gratia Dei & bonorum hominum, & efficiatur perversus, litigiosus, exosus, impudens, inhumanus &c. pœna sit ex jure naturæ priori tantum: ea est gravissima, quia adimit fruitionem summi boni & detrudit in miserias summi mali. Observare licet nonnullos ab omnibus ferè hominibus accusari & pœna dignos judicari, nec tamen ab ullo iudice posse

## LIBRI V. CAPUT VIII. 513

posse damnari, sed in judiciis semper superiores esse: hi sunt illi qui jus externum & civile tantum observant, ne ab aliquo convinci & à iudice puniri possint, & tamen interim occultè violant jus naturæ ejusq; in pœnas omnium bonorum iudicio incidunt. Omnes qui jure civili magis utuntur quam naturali, quive civili jure libenter utuntur, & non interdum propter amorem juris naturæ de civili cedunt, licet nullâ civili lege accusari possint, tamen exosi fiunt. Et hi sunt illi, quos dicimus contra jus naturæ tantum peccare, & ab eo solo puniri, seu potius ab ejus fructibus excludi. Si cui eripitur bonorum proprietas, jus defendendi & vita temporalis, idq; sine civili auxilio, pœna ex solo jure gentium est. Et fieri potest ut delinquens cum jure naturæ jam in gratiam redierit, & tamen jus gentium suas pœnas exequatur, quia sibi nondum est satisfactum. Quando verò adimitur dignitas status aut civilis æstimatio tantum & conversatio cum civibus, idq; civili cognitione & executione, tum pœna est purè civilis. In omnibus hæc pœnis interdum ob pœnitentiam, deprecationem & spem vitæ melioris datur restitutio in integrum, at quandiu non cessatur malè agere, non potest justa pœna cessare: qui enim non desinunt contra jus agere, non possunt cum eo in gratiam redire. Miscetur interdum delicta, ut non tantum contra jus naturæ (contra quod omnia sunt quæ malè fieri possunt) committantur, sed etiam contra

Pœna datur.  
ratio.  
Peccata mixta.  
jus

*Pœna mi-  
sta.*

jus gentium, sæpè etiam contra jus civile :  
 miscentur ergo etiam pœnæ, & omnia jura  
 consurgunt in vindictam, ut prius abjudicet vi-  
 tam æternam & gratiam Dei, secundum vitam  
 temporalem & gratiam hominum, tertium vi-  
 tam civilem & gratiam civilis societatis, ut ita  
 pœnæ ut plurimum sint juris civilis mixti. Ex-  
 empli causa, latrones, fures & adulteri contra  
 omnia jura peccant, eos Deus æternâ, & jus  
 gentium temporali morte damnat, civile jus  
 aufert illis civilem vitam, quia efficit illos in-  
 fames & societate honestorum civium indi-  
 gnos. Redeunt illi interdum in gratiam cum  
 Deo, & tamen jure gentium nihilo minus pu-  
 niantur: interdum etiam cum jure gentium  
 reconciliantur, cum ablata bona restituunt, &  
 illi fidem faciunt vitæ melioris: & tamen à jure  
 civili nullam remissionem obtinere possunt, ni-  
 si illi persuadeant suum exemplum nemini ci-  
 vium fraudi & scandalo futurum. Apparet ex  
 hisce, omnia delicta esse contra jus morale di-  
 vinum, quædam directò, quædam consequen-  
 ter: ideoq; peccata omnia sua naturâ, non mo-  
 dò capitalia, sed æterno etiam supplicio digna  
 esse. Idq; satis luculenter docet Christus *Mat. 5.*  
*v. 22.* ex quo loco tota hæc controversia illustra-  
 tur ac dirimitur. Atque id voluit Draco, qui o-  
 mnia delicta, etiam si quis otii convictus aut  
 surrepti pomi damnatus esset, capitaliter pu-  
 nivit, dicens se minima peccata morte digna  
 judicare, ad majora verò non habere pœnas  
 leve-

*Naturâ o-  
mnia deli-  
cta capita-  
lia.*

severiores. *Plut. in Solone.* Verùm perpendere debuerat Draco, homines omnium peccatorum vindices à Deo constitutos non esse, sed eorum tantùm quorum remotionem necessitas requirit ad societatem humanam & civilem conservandam. Deus magistratùm idè non instituit ut omnes delinquentes arguat & occidat, sed tantùm ut externam disciplinam conservet, quapropter oportet magistratùm iis in pœnis, quæ ad politicam disciplinam tuendam sufficiunt, acquiescere, & si sublato digito cives regere posset, non liceret illi ad verbera procedere, quia finem suum esset assecutus, in quo subsistendum. Si finem suum pœnis mitioribus non possit adipisci, ad officium majestatis pertinet pœnas augere & exasperare, etiam usque ad mortem : & si nec sola mors sufficiat, ad mortis genus tam acerbum & ignominiosum, quod tandem peccaturos abstertere possit. Hæc verò consideratio, quænam pœna ad politicam tranquillitatem sufficiat, pertinet ad eum qui de civili conversatione leges fert, quia est pars legis quæ contra contumaces armatur. Examinat ergo majestas naturam cujusq; peccati, & civilibus puris pœnam merè civilem, mixtis mixtam imponit. Commissum merè civile est, si quis ignorantia lapsus legem purè civilem non observet, cui statuitur pœna, ut jure quo non usus est non fruatur : ut si quis intra decem dies non provocet, jus appellandi amittit ; si quis matrimonium contrahat non

*Nec tamen omnia à nobis capitaliter punienda.*

*De genere pœne statuit majestas.*

*De civilibus civiliter, de mixtis mixte.*

secundum jus civile, perdit civilia matrimonii jura; si quis testetur non observatis civilibus legibus, habet quidem testamentum, sed civiliter nullum, & sic in aliis purè civilibus. Hanc pœnam jus civile remittere potest, si vult: vult autem, si id civili societati non erit mali exempli. Placato jure civili tota lis erit sopita, quia jus gentium & naturale nullam exigit pœnam nisi sit læsum, alienæ verò jurisdictioni se non immiscet. At si dolus concurrat, jam delictum non amplius purè civile est, sed mixtum, idè duplici jure punitur, civiliter propter inobedientiam, & naturaliter propter dolum. Cum autem malitia suos habeat gradus, & non omnis injuria æquè mordeat offensum, expendit majestas quantum pœnæ satis sit ad vindicandam injuriam privato & reipub. factam. Vitanda est nimia lenitas, ne delicta frequententur, magistratus & leges spernantur, privati ipsi ad vindictam profiliant, & querantur magistratui suas injurias cordi non esse sibiq; justitiam denegari, quæ causæ plurimas seditiones & periculosissimas rerump. mutationes peperere. Cavenda est etiam nimia asperitas, ne plebs conqueratur magistratum in sanguinem civium grassari & miserorum morte delectari: nam vulgus mobile est & præceps in iram, at quando illa deferbuit, & reus jam ad supplicium rapitur, ad commiserationem. Quapropter magna adhibenda est cautio, ut ea seligantur pœnæ, quæ communi plurimum civi-

*Pœnarum  
certi gradus  
unde con-  
sistuntur.*



civium calculo æquæ & delicto pares æstimentur. Possemus interdum mitius punire, interdum pœnas exasperare, nisi id periculosum & mali exempli esset, sed ratio publici boni semper prævalet privatæ. Quanti referat in pœnis publicis ad mores & judicia privatorum civium respicere, & quam faciliè si pœnam plurimum opinione improbatam infligamus plebs insanire occipiat, docent quotidiana exempla. Sæpè reus omnium hominum consensu pœnâ dignus judicatur, & tamen in concursu populi, si manus carnificis paululùm aberret, ingens tumultus excitatur, & furibunda plebs in eum irruit tanquam singulis acerbissima facta fuisset injuria: quid non metuendum foret si uteremur pœnis improbatis, inprimis si quis amicis potens esset plectendus? Quapropter ne-

mo miretur quod leges Mosaicas pœnales non observamus, quia nostris moribus & temporibus non conveniunt. Quædam habentur nimis lenes, quædam nimis acerbæ, aliæ propter modum executionis essent periculosæ, meritò ergo mutatæ sunt & constitutæ aliæ nostris rerum pub. formis & moribus congruæ. Proferam pauca exempla pœnarum publicarum nostris moribus non convenientium: *Exod. 35. v. 2.* Qui opus fecerit in Sabbatho, morietur: modus puniendi postea adjectus est, *Num. 15. v. 34.* nempe quod à toto populo lapidibus debeat obrui. *Deut. 21. v. 20.* filius prodigus si accusetur à parentibus, conjectis lapidibus occidatur. *Exod. 21.*

*Pœnæ Mo-  
saici juris  
cui non no-  
tamur.*

## 518 DE PRINCIPIIS JURIS

v. 24. talionis pœna probatur, ut auferatur oculus pro oculo, dens pro dente, manus pro manu. *Deut. 25. v. 3.* quadragenæ plagæ conceduntur infligendæ, non plures. *Levit. 21. v. 9.* filia sacerdotis, si fornicata fuerit, jubetur comburi. *Exod. 22. v. 16.* stuprum pecuniariâ pœnâ punitur. *Deut. 22. v. 21.* jubetur compressa, quæ pro virgine nupsit, occidi. *Num. 5. v. 12.* mulieri ob adulterium suspectæ poculum maledictionis porrigitur. *Deut. 25. v. 5. & seqq.* præcipitur Israelitis ut defunctorum fratrum viduas ducant, sub pœna infamiæ. *Deut. 24. v. 1.* libelli divortiorum conceduntur. Hæc & talia multa sunt quæ nostris moribus non conveniunt, & in quibus pœnas exasperavimus vel mitigavimus ob publicum bonum. Sunt etiam delicta quædam in jure Mosaico quibus nulla pœna certa est constituta, ut si quis iniqua habeat pondera, *Levit. 19. v. 35.* moveat terminos *Deut. 19. v. 14. & 27. v. 17.* corrumpat judicem, *Exod. 23. v. 3. Levit. 19. v. 15. Deut. 16. v. 19.* De contractibus *Exod. 21. & 22.* agitur, at pœna transgressorum certa non exprimitur. Iam de monetæ adulteratoribus, de his qui eunuchos faciunt, item de pœna læsæ majestatis, nihil est apud Mosen. Scriptum est quidem principi populi non esse maledicendum, at quâ pœna afficiendus sit qui contra majestatem reip. aliquid egerit, à Mose non declaratur. Videant ergo quid sibi velint, qui nobis juris Mosaici pœnas in usum revocant.

*Legumini. re student.* Grave est leges cavillari, majestatem

tem imprudentiæ vel injustitiæ accusare, & de- *les recen-*  
 lictis patrocinari : popularem verò auram ca- *tores non*  
 ptare, novam suam venditare sapientiam, ho- *canillanda.*  
 minibus novitatis & nimix licentiæ cupidis le-  
 gum ac magistratus odium instillare exigux  
 laudis est. Sed probandum prius erat, electio-  
 nem pœnæ in delictis purè civilibus aut mixtis  
 non esse majestatis, nec licere majestati nostræ  
 civitatis à legibus civilibus Mosaicis recedere  
 & se suo tempori accommodare, & potestatem  
 gladii nostro magistratui à Deo datam non esse,  
 ut à pœnismitioribus, si ex non sufficiant, ad  
 majores audeat procedere. Id quidem non in-  
 juriâ postulamus, ut pœnas receptas injustas &  
 reipub. noxias esse probet, qui reprobat, offe-  
 ratque nobis remedia meliora. Meminerint  
 & præstent hæc juris obrectatores, vel discant  
 circumspectius de rebus judicare. Non hic de  
 pœna furum tantum agitur, sed periculosissi-  
 ma omnium sanctionum civilium mutatio ten-  
 tatur, cum accusatione & despectu nostrorum  
 legislatorum. Quemadmodum majestati con-  
 cessum est leges civiles ipsas rationabiliter pro  
 salute civitatis & defensione juris naturæ cum  
 humanas tum severas & acres ferre, sic etiam  
 legislator potest sanctionem legis, quæ pars e-  
 jus est, ita concipere prout ratio & experientia  
 id monstrant esse necessarium. Salus populi  
 suprema lex est : nihil est iniquum quod rei-  
 pub. est salutare. Majestas sibi ipsi nihil mali  
 eligit; ea in legibus sancientiis utitur consilio &

mente totius civitatis, *l. 1. D. de legib.* non ergo credendum est pœnas Mosaicas sine ratione mutatas, exasperatas, vel mitigatas esse. Et si Deus piis hominibus potestatem dedit ut hominem impium æternò supplicio devoverent, *Matth. 18.* quidni liceat pio magistratui hominem contumacem, perjurum legum contemptorem, ob salutem reipub, è medio tollere? Si morte dignus est filius prodigus & inobediens, *Exod. 21. v. 17. Levit. 20. v. 9. Deut. .21. vers. 20.* quidni morte dignus judicari possit, qui patri publico & legibus ad salutem totius reip. latis parere recusat? Calvinus ipse negare non potuit modos pœnarum esse civiles, *Instit. lib. 4. cap. 20. n. 16.* cujstamen discipuli nobis hanc controversiam movere audent.

*De pœna  
furti.*

Ad furtum in specie quod adinet, dico delictum non esse purè civile, sed mixtum, ergo sola civilis pœna, ut fur tantum infamis fiat & civiliter capite minuatur, non sufficit, satisfaciendum est etiam juri naturali & gentium quæ furtis æquè & multo magis læduntur quam civile. Si ergo ad jus naturæ respiciamus, furtum etiam æternâ morte dignum erit, ut minimè contra naturam sit fures morte puniri. Si jus gentium consideraverimus, apparebit jure gentium iniquum non esse, ut hominum societate eximatur qui eâ malitiosè abutitur. Unde sequitur pœnam furum capitalem per se nec impiam nec absurdam esse, hoc tantum quæri, an ea civiliter sit necessaria, seu an eam magistratus

# LIBRI V. CAPUT VIII. 521

tus infligere debeat? Nam si magistratus furta aliâ civili & mitiori pœnâ æquè benè prohibere, & civilem disciplinam sine capitali supplicio conservare potest, potestate sua tantò acerbius abutitur, quantò humaniori remedio finem suum assequi poterat. Quznam ergò mitior & reip. nostræ melior pœna in fures constitui potest? Vendi oportuit, inquis, & in servitutem addici, ut læso ex precio & operis satisfiat: Probè, si modò emptores adessent, qui probarent se non ex collusione redimere fures, & nobis cautionem de non vindicando profuribus præstarent: & si uxores, liberi & cognati furum nunquam considerandi essent. Quæro præterea, an jura dominatus in nostras respub. reduci sit consultum? nam major quædam potestas in emptos fures dominis danda esset, quam hodiè patresfam. habent in ministros, alioquin nemo hominem palam improbum emeret. Imperium domini acerbum inviteret eos ad vindictam, lene verò ad pœnæ contemptum. Brevi tempore opulentæ civitates plenæ essent furibus & hostibus. Nec poterat melius agi cum sciosis nebulonibus, quam si propter delicta (quæ haud dubiè contra illum perpetrarent cujus in domo ali vellent) accusatoribus addicerentur, & ita in divitum domos ac culinas pœnæ causa reciperentur. Apud Terent. Phormio conqueritur, se cum tot injuriis atrocissimis cives afficiat, tamen à nemine in jus vocari aut damnatum domum du-

ci, quia, inquit, *alere nolunt hominem edacem, & sapiunt mea sententia, pro maleficio si beneficium summum nolunt reddere.* Possent in lapidicinas vel ergastula publica detrudi si ea ubique essent, & respub. operâ furum egeret. Nam in nostris rebuspub. quisque suâ ad negotia operarios probos vili precio conducere potest, ut non videam quis paterfam. malit suæ domi furem perpetuò alere quam ministrum probum ad tempus conducere? Nam quod quis putet servos minori sumptu ali posse quam ministros conductos, nihil est; nostri operarii hodie vix panem lucrantur, ut servi minori sumptu ali non possint; & si possint, quæro an ea furti pœna esset mitior & reipub. utilior pœnâ mortis? quis nō præligat mori quam ita excarnificari? Non tamen omninò inusitata est hæc pœna in nostris rebuspub. nam interdum magistratus delinquentes in ergastula detrudit, & sæpè in nostris judiciis furti civiliter agitur ut res furtivæ tantum vindicentur, aut reus actoris debitor esse declaretur, Rarò furti criminaliter agitur: qui dolosis contractibus alios decipiunt ut plurimum civilibus actionibus conveniuntur, *l. falsus 43. §. si quis nihil. D. de furt.* Qui autem furti criminaliter accusantur, non solent statim interfici, sed cum constat illos aliquoties admonitos & correctos non destitisse, aut delicta nimium frequentasse. Quod autem illi ex legibus Imperii Rom. gladio non feriantur, causa est quod semper genus pœnæ quod honestissi-

mum

mum putatur reservandum est, ut si quos honestiori morte perire velimus, respectum personæ & mitigationem sententiæ habere possimus. Videt lector, quam multa in mutatione unius particulæ legis sint considerata: ne simus ergo tam prompti ad leges corrigendas, sed credamus hæc & alia plurima à viris prudentibus prævisa & ponderata esse. Non Iustiniæ tantum & antecessorum ejus, sed & Caroli V. Imp. leges sunt leges, quas majestas Imperii in comitiis probavit & jussit: non decet nos tam arrogantes esse, ut Imperatores nostros semper ad corpus juris revocemus, scimus enim majestatis potestatem in civilibus semper liberam esse, & posteriores leges prioribus prævalere. Præterea furti pœna capitalis jure civili Israëlítico omnino ignota non est, nam *Exod. 22. v. 2.* conceditur furem nocturnum in ipso delicto deprehensum occidere, David *2. Sam. 12.* diviti propter ovem ereptam (sic enim opinabatur factum) pœnam mortis & quadrupli minuitur. *Exod. 21. v. 16.* plagarii, morte puniuntur, quod delictum furti similitudinem habet, *Ios. 7. v. 10.* punitur totus populus propter unius hominis furtum. *Act. 5.* Ananias furtum & mendacium suum morte luit. *2. Reg. 5.* Gehasi furtivus animus perpetuâ leprâ punitur: & jure Mosaico non modò fur, *Exod. 22. v. 4.* sed & alius debitor qui solvendo non erat *Levit. 25. Matth. 18. v. 25.* cum uxore & liberis vendi poterat, quam pœnam multis ipsa morte graviore fuisse

fuisse opinor: Salomonis tempore furta septu-  
plo punita fuisse *Prov. 6. v. 30.* apparet, ut ita mu-  
tatio & exasperatio pœnæ in furto jure divino  
non sit inusitata. At dices fortè, Deo plus lice-  
re quam homini, ergo Deum justè posse occi-  
dere vel damnare fures, homines non posse:  
respondeo Deum tantò minus agere contra ju-  
stitiam suam & jus naturæ, quantò homine est  
justior. Quapropter rectè argumentamur, si  
Deus qui summè justus, sapiens & misericors  
est, potest delicta contra jus naturæ commissa  
morte punire, idem sinè injustitia poterit imi-  
tari homo à Deo legis custos constitutus, si le-  
gem divinam aliâ meliori ratione nequeat tueri.  
Sed de his satis: ostendere volumus quæ-  
nam omnium juris specierum essent sanctiones  
& quomodo ex miscerentur, ac justè executio-  
ni mandarentur. De aliis lector facilè judica-  
bit, si modò civilia pura & mixta probè distin-  
guet, nam mixta fœcundi judici facilè impo-  
nunt.



*Cur legibus Mosaicis civilibus  
non utamur.*

C A P. I X.

**I**mperator noster pœnam falsi minitatur o-  
mnibus, qui aliis civilibus legibus quam Ro-  
manis utuntur. *§. 3. constit. de Justin. Cod. confirm.*  
*§. hac*



*§. hac igitur. 19. constit. de confirm. Dig. l. 25. l. ult. D. de fals.* Sed videamus an in Deum peccemus, si jura civilia Mosaica nobis ita è manibus extorqueri patiamur. Fecimus autem duplices leges civiles, rituales & forenses, de utrisque an abrogari potuerint vel debuerint breviter agemus, quia enim nobis theologi in hac questione facem præferunt, & plurima ex prædictis jam manifesta sunt, poterimus nos paucis expedire.

Quod itaque ad leges veteris testamenti typicas attinet, eas inter civiles nō numeravimus, & tamen in nostris rebus pub. docentibus ita & præmonstrantibus theologis, rectè omittuntur ac prohibentur. Nam ludæorum sacrificia, Pascha, summi sacerdotes, propitiatorium, circumcisio & quæ hisce adhærebant, erant typicæ figuræ quibus de futuro Messia, ex semine Abrahamæ promisso, & summo pontifice nostro IESU CHRISTO, qui pro nobis coram patre suo cœlesti intercedere & certo tempore ac modo in ceremoniis præfigurato ut agnus immolari deberet, docerentur: at figuras futuri Messia in novo testamento retinere, nihil aliud est nisi Christum abnegare. Ideò apostolus Gal. 5. inquit, *amissisti Christum si circumcidamini*, & sacramenta ceremoniasq; veteris testamenti intrepidè abrogat, quia ita constitutæ erant ut essent umbra futuræ redemptionis in Christo faciendæ, quibus testarentur utentes non posse se suâ iustitiâ nativâ coram Deo subsistere, suisve operibus aut sanguine expiari, sed opus esse alio ponti-

*Leges typicæ Mosaicæ sunt figuræ.*

pontifice à Deo initiato & uncto, qui pro omnibus in sanctum sanctorum semel intraret & chirographum mortis sanguine suo deleret. Hæ umbræ futuræ redemptionis, quia in Christo adimpletæ, *Coloss. 2. v. 17.* & deletæ sunt, *ibid. v. 14.* rectè à nobis non observantur. Imperator Iustinianus impia ethnicorum sacrificia abiecit, & de religione Christiana titulos quosdam *in lib. 1. Cod.* reposuit, & quamvis non ignarus esset sacrificiorum veteris testamenti, nihil tamen de legibus typicis observandum præcepit, quia illæ ad essentiam juris nostri nihil faciunt, & ab utraque tabula hodiè sunt alienæ.


*Leges rituales cur mutata.*

Eadem ferè est ritualium ratio; nam in veteri testamento ratio & usus efflagitabant tales ritus qui sacris typicis convenirent, hunc oportet nos alios ritus ecclesiasticos habere, doctrinæ evangelicæ & nostris moribus congruos. Non tamen propriâ autoritate mutavimus ritus ecclesiasticos veteris testamenti, sed docentibus & initium facientibus Christo & apostolis, quapropter tantò magis possumus excusari.

*Leges forenses cur mutata.*

Forenses verò leges Mosaicæ magnâ quidem ex parte, attamen non peritus sunt sublata, nam civilia jura Romana cum Mosaicis in multis consentiunt, quod faciliè probari posset si esset controversum. Sed ostendimus supra leges civiles usuarias & temporales esse, & à majestate semper ex bono publico gubernari; si itaque leges Romanas nostris temporibus & rebus-

rebus pub. aptiores esse deprehendamus, contra officium suum fecerit majestas, si neglectis melioribus amplecteretur difficiliore. Usus & necessitas, ut supra diximus, peperere leges civiles, his cessantibus aut mutatis, etiam civilia jura cessare vel mutari oportet. Nulla hinc Deo aut Mose fit injuria, quia leges civiles eo sine latae non sunt à Mose, ut cum publico damno aeternae essent. Habemus praeterea doctrinam & exempla Christi & apostolorum, qui se eo juri quo nunc utimur libenter subjecerunt, & nos nullam causam habemus, cur id spernamus. Quod enim dicitur jus Romanum ab ethnicis inventum esse, in omnibus verum non est: naturalia nobis innata, non à Romanis tradita sunt: civilia magna ex parte consonant cum forensibus Mosaicis; at ceremonialia gentilium rejecimus, ut ita nihil videam in jure nostro, quod ecclesiam offendere possit. Non omnia gentilium inventa mala sunt, nam quae rationis & ex ratione sunt, Deus etiam gentibus non denegavit. Reliqua de abrogatione legum Mosaicarum à theologis peti possunt.



*An violatio legum civilium la-  
dat conscientiam?*

#### CAP. X.

**V**T eò major sit autoritas legum civilium hanc etiam quaestionem breviter excutere placuit.

placuit. Loquimur autem de puris civilibus, nam legum naturalium violatio, cum à Deo constitutæ sint, haud dubiè à Deo improbatur, positiva humanam habent originem & rationem indifferentem, de his quaritur an hominis conscientiam obligare possint?

*Delictum  
pure civile  
conscien-  
tiam non  
obligat.*

Distinguendum opinor inter errorem & dolum: Sunt enim leges civiles suâ naturâ tales ut ignorari possint: ergo non tantum peregrinis, advenis, incolis, novitiis, mulieribus, rusticis & minoribus, sed etiam eruditioribus & genuinis civibus interdum ignoscendum est, si in purè civilibus hallucinarint. Ignoratio purè civilium sapit quandam ignorationem facti, quia civilia ex jussu & facto legislatoris essentiam accipiunt. At ignorantia affectata, contumacia & dolus, quin conscientiam lædant nullum est dubium. Quapropter cum leges civiles ex proposito violantur delictum non est simplex, & læditur conscientia circa legem civilem propter malevolum animi propositum, quod est contra jus naturæ. Feruntur leges civiles communi totius civitatis consilio ad naturalium defensionem & reip. salutem, & qui illas doloso animo violat, rempub. offendit & salutem concivium suorum vili æstimat. Obstringimur etiam reipub. nostræ juramento, & quamvis fortè speciale juramentum non præstitissemus, ipso tamen jure magistratui obedire & publicum bonum privato anteferre jubemur. Ut omnis dolus contra veritatem & jus naturæ est,

sic

*Delicta  
mixta obli-  
gant con-  
scientiam.*

sic omnis spontanea contumacia peccat naturaliter, & ita per accidens fieri potest ut etiam civilium violatio conscientiam lædat. Chemnit. in loco de lege cap. 4. hanc quæstionem breviter decidit, *Humanae leges, inquit, vel sunt ordinationes politicae, à magistratu qui potestatem habet condenda legum probabili ratione instituta ad finem politicum: illis Petrus 1. cap. 2. v. 13. dicit obediendum esse propter dominum, Paulus Rom. 13. v. 5. propter conscientiam: vel traditiones instituta ab hominibus, ut sint cultus Dei: Christus vocat praecepta hominum Matth. 15. v. 9. & addit, frustra colunt me* Paulus inquit Coloss. 2. v. 15. *nemo vos judicet. Hæc 2. vide Vasq. lib. 1. cont. cap. 7. D. Thom. in 1. Sec. qu. 96. art. 4. Sic etiam ipsos legum latores, si per civilium frequentem mutationem reip. damnum machinentur, contra conscientiam agere statuimus, quia omnis qui insidiosè agit peccat contra jus naturæ. Atq; ex hisce tria concludere licet, 1. leges civiles non spernendas, sed observandas esse propter conscientiam. 2. legum civilium contemptores à magistratu, si leniora remedia non sufficiant, etiam capitaliter puniri posse, cum quia contumacia est contra jus naturæ, tum quia salutem totius civitatis unius refractarii civis sanguine emergere licet. 3. Totum jus nostrum esse conscientia, & malè à quibusdam certos conscientia casus seligi. Inprimis verò hic apparet, quid judicandum sit de vulgari illo axioma quod plurimis tanquam tritum proverbium in ore est, *in casibus conscientia sequendum esse**

*jus canonicum, non civile.* Canonicum jus necessario eadem habet jura naturalia quæ sunt in jure Imperatorio: civilia verò quæ naturalibus adduntur suâ naturâ indifferentia sunt, & conscientias non obligant, nisi eo ipso tantum quod postquam constituta sunt cogimur obedire nostro magistratui. Si nostra positiva jura contra naturalia sunt, non sunt jura, & in totum abjicienda erunt: si verò jura positiva Imperatoria contra jus naturæ non sunt, contra conscientiam faciunt & falsum committunt qui magistratui suo debitam obedientiam subtrahunt, auctoritatem majestatis minuunt, & alienis legibus utuntur. Aut legibus civilibus nostrorum magistratuum uti, aut pugnam quandam in iis cum jure naturæ ostendere oportebit, si inobedientiæ & falsi suspensionem evitare volumus. Est verò id quoque erroneum certos quosdam casus conscientię seligere, ut causas matrimoniales, juramentorum, usucapionum & usurarum, reliqua verò jura, quasi nihil ad conscientiam attinerent, præterire. Quæro enim an furta (quò pertinet tota contractuum materia) rapinæ, homicidia, inobedientiæ contra parentes & magistratus, (quò pertinent omnia personarum & jurisdictionum jura) dolosæ circumventiones in judiciis, & si quid est præterea in quo contra jus delinqui potest, non sint casus conscientię? parum abest quin Imperatores nostros nec rationem nec conscientiam habuisse dicant, & jus civile totum abjiciant.

Mihi

Mihi videntur jura nostra Imperatoria multò propius accedere ad jura Mosaica & sacras litteras, multò etiam meliores rationes politicas habere quam Canonica, quapropter in casibus conscientiae, hoc est, in omni justitiae administratione facilius abjecerim Canonicum jus quam civile.



## *De jure civili mixto seu composito.*

### CAP. XI.

**S**ufficiant prædicta de speciebus juris simplicibus, nunc de mixto jure paucula adjiciemus. Mixta jura sunt quæ ex duabus aut tribus speciebus juris simplicibus sunt composita. Jus naturale & gentium sæpè miscentur: sæpè etiam jus gentium & positivum in modis defensionum: at multò frequentius naturalia, gentium & civilia jura simul in unam legem confluent, adeò ut vix in toto juris corpore inveneris legem ex pluribus juris speciebus simplicibus non compositam. Naturales leges per se subsistere possunt; jura gentium eo ipso quod naturalibus accedunt, se commiscunt: utrisque, tam naturalibus quam juris gentium præceptis admiscentur civiles observationum, defensionum, solennitatum vel executionum modi, cum in civitate publicè proponuntur: civilium verò ea natura est ut sine naturalibus,

*Jus compositum seu mixtum quod.*

*Quomodo leges miscantur.*

tanquam accidens sine substantia subsistere non possint. Sunt quædam leges primâ fronte purè civiles, ut de officio consulis, quæstoris, præfecti, &c. sed ex tamen nihilo minus in recessu habent rationem naturalem, nempe appetitum boni & salutis conservandæ desiderium quod est naturale, ut ita etiam in hisce legibus tantum modus externæ ordinationis sit purè positivus. Exemplum juris civilis mixti proponit Imp. *instit. de nupt. in princ.* cum inquit, *hoc fieri debere*, (nempe ut liberi consensu parentum, in quorum potestate sunt, nuptias contrahant) & *civilis & naturalis ratio suadet*: Reverentia parentum est naturalis, coactio est juris gentium, at potestatis eorum publicus effectus, nempe ut sine illorum consensu contractæ nuptiæ non sint justæ, est civilis. Eodem modo in *l. scientiam. 45. §. 4. D. ad l. Aquil.* dicitur *vim atque injuriam propulsare omnes leges omniaque jura permittunt*, cum tamen jus naturæ prius vim & injuriam ignoret, & jus civile publicis defensionum remediis utatur, non privatis: sed defensio est juris mixti, & sensus horum verborum est, quod ex mente omnium juris specierum justum sit vitam suam amare, defendere, injustitiam prohibere & depellere, licet quæq; juris species suo utatur peculiari executionis modo. Ita dicimus parentes colere, uxorem ducere, veritatem loqui, omnes leges omniaque jura permittunt, nam quod jure naturæ justum est, etiam à jure gentium & civili probatur. Rectè etiam



etiam dicitur, leges civiles rogare & abrogare, privatum habere carcerem, magistratus creare & exautorare, judicia publica exercere, homini privato nulla lex nec ulla juris species concedit. Atque hæc nos moneant non esse sibi contradictoriè invicem opponendas juris species, quia se mutuò confirmant, non destruunt: ut si fortè in lege positiva occurrat ratio, quam jura naturalia non probent sed simpliciter respuant, certissimum signum est legem civilem esse falsam aut aliam habere rationem quâ fulciatur. Recedunt quidem à se juris species, sed non recedunt in totum l. 6. D. de iust. & jure, semper uno in genere & summo fine conveniunt.

Quod autem jura composita potius civilia appellamus quam naturalia, causa hæc est, quia cum naturalia sine civilibus esse possint, civilia verò sine naturali rationis fundamento subsistere nequeant, appellatio civilium semper involvit & præsupponit jus naturale, cui civiliter aliquid sit adjectum. Matrimonia sunt juris mixti, & naturalia in iis prævalent, dicimus tamen ea esse juris civilis, quia etiam naturalia & gentium jura sunt in civitate nostra, & civilium appellatio complectitur omnes species juris, quod appellatio juris naturalis non facit. Ita jus nostrum vocamus civile, quia mixtum est & constat ex præceptis naturalibus, gentium ac positivis. Cum verò dicimus Adamum in statu innocentiae usum esse jure naturali, id volumus eum tum temporis nulla gentium aut ci-

*Jura composita cum vocentur civilia.*

vilis jura usurpasse. Communiter, quotiescunque aliquid juris civilis esse dicimus, jus mixtum seu compositum significamus.



*An detur jus quod nec sit naturale, nec gentium, nec civile, nec ex hisce compositum?*

### C A P. XII.

**S**I juris summas species, quæ sunt vel esse possunt, consideraverimus omnes, deprehendemus jura vel esse simplicia vel mixta: & simplicia talia, ut de iis antequam à magistratu promulgentur referat qualia habeantur, vel ut non referat. De quibus naturâ refert qualia sint, ea naturalia vocavimus & duplicia esse ostendimus: de quibus vero naturâ non refert qualia sint, ea positiva esse docuimus: quæ ex utrisque constant, ea composita esse modò probavimus. Non video quomodo alia juris species simplex vel ex hisce non composita nasci possit: consuetudines enim, statuta, plebiscita & privilegia, species juris civilis mixti sunt, quæ ad summam juris divisionem non faciunt. Et tamen Franc. Connanus *lib. 5. comment. jur. civ. cap. 1.* putat dari jus aliquod, quod nec sit naturale, nec gentium, nec civile: ut si quis pactum publicum cum hoste faciat, id, dicit, non est juris naturalis.

turalis, quia id jus bella & contractus non agnoscit: nec juris gentium, quia si non fiat secundum leges civiles, non observatur, ut populus Rom. sponsionem consulis Posthumii, quam in furculis Caudinis cum Samnitibus fecit, id eò improbavit quod non esset legitima Liv. lib.

*Pacta publica  
cujus  
juris sint.*

9. nec est juris civilis, quia obligat hostem qui civilia nostrarum legum vincula non agnoscit. Verum fallitur Connanus, quia talia pacta fundantur in jure naturali, cujus est fidem servare, & formaliter sunt juris gentium, cujus sunt bella & contractus, id eò etiam apud omnes gentes servantur. Posthumii verò sponsio à Romanis reprobata fuit, quia potestas alios obligandi, quæ vel ex jure civili vel ex jure gentium est, utraque deerat. Romani consules majestatem non habebant, sed erant tantum magistratus, non habuit itaque Posthumius civilem potestatem obligandi majestatem populi Romani. Est etiam contra jus gentium, ut liber homo invitatus obligetur ab alio, qui nec mandatum obligandi habet nec superiorem potestatem. Putat Connanus opinionem suam confirmari posse l. 5. D. de pact. ubi pacta privata constituuntur duplicia, juris gentium & legitima: publica verò ab his id eò distinguuntur, quia nec juris gentium sunt, nec legitima seu civilia. Respondet illi Alb. Bologni. d. l. 5. ejusdem Ulpiani esse, cujus sit l. 1. & 6. D. de Just. & jure, nec verisimile esse eum plures juris species in d. l. 5. tradere voluisse quam in d. l. 1. & 6.

posuerat: esse autem publica pacta origine juris gentium, at virtute juris civilis. Nos dicimus talia pacta esse juris mixti, nam fidem servari est juris naturæ, pacisci & contrahere est juris gentium, at nomine totius reipub. pactum fieri ab illo qui absolutam potestatem paciscendi habet, id est juris civilis. Obligant ergo pacta, quæ facta sunt nomine reipub. à persona mandatum vel potestatem à civitate habente, civitatem mandantem ex jure naturæ, ob consensum vel mandatum datum: ex jure gentium ob modum obligandi, qui fit per pactum: & ex jure civili, quia civitas se arbitrio paciscentis submitit: adversam verò partem obligant tantum ex jure naturæ ad fidem servandam, & ex jure gentium quod habet pactorum vincula omnibus hominibus communia. Sic cum Tullus Rex Romanorum cum Metio Suffetio paciscitur, tres utrinque ad pugnam seligendos, & rempub. vincentium pro victrice habendam, *Liv. lib. 1. Halic. lib. 3.* quisque habet potestatem obligandi suos cives naturalem ob consensum, juris gentium ob pactorum communionem, & civilem ob majestatem: sed adversarios quisque sibi & suæ reipub. obstringit tantum iure naturæ & gentium, non etiam jure civili. Fortè etiam dici posset in talibus pactis alterum in alterius jura civilia consentire. Sed omnes contractus obligant externos ex jure naturali & gentium eâ qua diximus ratione, ex jure civili regulariter neminem nisi nostrum concivem, vel qui

qui se legibus nostris subjecit. Interdum alicui jus consentiendi quod habet naturaliter, vel paciscendi quod habet jure gentium, adimitur civiliter, ut prodigis: interdum datur idipsum civiliter, ut tutoribus & curatoribus: nonnunquam etiam jus quod quis civiliter habet, adimitur impedimento naturali, ut furore aut morbo: vel etiam jure gentium, ut captivitate: pro ut semper miscentur negotia humana. Hæc & similia non constituunt novas species juris, & dirimi poterunt, si modo naturam cujusque articuli juris attentè consideraverimus, nam in commixtione plurium naturalium & civilium jurium turbatur interdum conceptus humanus. Universaliter statuere licet omnibus istis in quæstionibus, quæ aliquot argumentis inclinant ad jura naturalia, aliis ad jura positiva, mixtum jus esse, nec posse ad eas nisi per distinctionem & separationem jurium responderi.



*Quomodo jus sit unum & trinum?*

CAP. XIII.

**V** Num jus, unam jurisprudentiam & unum habemus juris studium, nempe idipsum quod una lex humana seu ratio in homine jubet, lib. 2. cap. 2. Et quamvis jus nostrum tres

Ll 5      habe-

## 538. DE PRINCIPIIS JURIS

habeat primas species ut diximus, illæ tamen, unius sunt generis, & in uno efficiente, nempe in ratione, item in uno fine summo, in bono videlicet conveniunt. Causâ verò efficiente proximâ & fine inferiori, item formâ constituendi & modo applicandi differunt, quemadmodum ex supradictis liquet. *Vnum jus est*, inquit Cic. i. de legib. *quæ de vincula est hominum societas, & quod lex constituit una.* De jure naturæ nulla est controversia, quin ubique & semper unum sit & in idem bonum tendat: nec opinor de jure gentium dubitari, quia & illud ubique unum est & in eundem finem conservationis juris naturalis tendit, licet modi ejus applicandi ubique non sint iidem. Ius civile, quia de rebus naturâ indifferentibus statuit, varium est, prout tempora & mores hominum magnam varietatem habent. Sed hoc non officit quò minus in eundem summum finem boni tendat, quò spectant jus naturæ & gentium: media enim applicationum & forma gubernationis externa tantum mutantur, finis verò, qui est salus reipub. & justitiæ conservatio publica, semper manet idem: & superior finis non potest esse alius quam appetitus ejusdem boni, ad quod anhelat jus naturæ. Si species juris civilis mixti consideraverimus, nempe leges civiles, constitutiones Principum, senatusconsulta, statuta, & similia, quia hæ sunt species iis ex juribus simplicibus compositæ quas jam diximus in unum tendere summum finem, non possunt alium quam eundem

sum-

## LIBRI V. CAPUT XIV. 539

summum finem habere. Ita juris mixti species unum jus civile, species verò simplices unum jus Deo placens & hominibus salutare constituunt.



*An rectè constituatur duplex jus  
& forum, aliud soli, aliud poli?*

### CAP. XIV.

**Q**uandoquidem ergo, ut audivimus, o- *De foro sol  
& poli.*  
mnia gentium & positiva jura naturali  
juri quod æterna Dei voluntas & justitia ipsa in  
Deo est serviunt, unumq; in finem summum u-  
nanimiter contendunt, nec aliud jus dari po-  
test quod verè jus, & tamen nec naturale nec  
gentium nec positivum sit: sequitur malè con-  
stitui duplex forum seu duplicem justitiam. Id  
quidem extra controversiam est, non modo  
homines in hisce terris de negotiis humanis  
judicare, sed Deum quoq; justum suum de iis  
habere judicium: nec dubitatur posse aliquem  
coram judice humano in foro soli, propter ex-  
ternam disciplinam & defectum probationis e-  
videntioris, vel etiam respectu ejus finis quo  
humana judicia constituta sunt, justum pro-  
nunciari, qui tamen coram Deo in foro poli,  
propter internam legis inobedientiam & re-  
spectu ejus finis, quem Deus sibi propositum,  
habet justus non sit, ut Phariseus ille *Luc. 18. &  
si hoc*

si hoc sensu duplex forum facerent nostri homines, ut dicerent opera legis externa in foro soli sufficere & hominem judicem decipere posse, sed in foro poli esse insufficientia, laudaremus eam fori & judicii distinctionem, ut verissimam: sed plurimi eâ fori duplicitate nimium abutuntur, & alio sensu duplex jus constituunt. Nempe, si quærat quis an usucapiones, servitutes & usuræ justæ sint? respondent justas esse in foro soli, at non in foro poli. Quæritur ergo, utrum id quod in foro poli injustum esse scimus & fatemur, in foro soli ullo modo justum pronuntiare aut facere possimus? Hic vapulare solent, qui de jure & rationibus legum differere audent, & principia juris non perceperunt, ut naturalia à civilibus, pura à mixtis distinguere possent, Et merito: quia qui duplicem justitiam faciunt, juris species sibi contradictoriè opponunt: pugnam inter jura naturalia & civilia statuunt: unicum omnis juris finem esse ignorant: jus naturæ, propter quod & circa quod omnia jura soli sunt, esse idem illud jus quod divinum jus poli vocatur, nesciunt: & majus damnum minori merâ civili ratione postponi arbitrantur. Deinde in juribus & rationibus legum mixtis confunduntur, ut nihil habeant quo se extricent, nisi falsam hanc juris & fori distinctionem. Sed præstabat tacere, quam eam impietatis maculam juri nostro aspergere. Si quid in foro poli injustum esse scimus, quâ humanâ lege vel ratione id in foro soli justum




justum efficiemus ? hoc non est ministerium Dei esse: nec hæc est vera illa philosophia justitiæ cultrix, divinarum humanarumque rerum notitia, de qua *in l. 1. & 10. D. de just. & jure* gloriamur. Apage distinctionem istam, quæ nihil continet nisi confessionem inscitæ & injustitiæ turpissimam, & summum juris civilis contemptum. Aut afferenda est ratio melior, quàm istiusmodi jura etiam Deo placere probemus, aut si id non possumus, omne quicquid contra Deum & jus naturæ est, è civili jure exturbandum. Opinor autem rationes usucapionum, usurarum & similium jurium civiliter constitutorum nos facile probaturos pias & bonas, si modo veras inquiramus & afferamus. Et spero nos id supra *cap. 3.* fecisse, ubi de rationibus & fine civilium legum in genere locuti sumus, & specialiter etiam de usucapionibus & usuris aliquid adjecimus. Ex duobus malis propositis, quando alterutrum necessariò eligendum est, eligere minus, non est civilis rationis sed mixtæ: omnia jura in bonum tendunt, & jubent eligi id quod melius est, etiam illud jus quod in Deo est. Possemus multis rationibus & sententiis sacrarum literarum, item exemplis divinis Christi & sanctissimorum virorum probare, debere nos jussu & voluntate Dei semper eligere id quod melius est, & naturalem appetitum semper in melius ferri: sed non opinamur quenquam de eo ambigere. Quodnam ergo piaculum commisimus, aut quomodo

modo jus aliquod soli contra jus poli constitui-  
 mus in usucapionibus ? an præstabat lites im-  
 mortales & fomitem seditionum in civitate  
 nutrire, quam tranquillam vitam & certa re-  
 rum dominia conservare ? an melius erat usu-  
 ras pro dimidia acquisiti lucri parte concedere,  
 quam hominum invidiam ferre, argenti defos-  
 sionem probare, & quomodo plurimi mutui  
 auxilii defectu ad mendicantem malitiæ ple-  
 nam redacti perirent, languidis oculis specta-  
 re ? Juris nostri mens fuit hominum avaritiæ  
 cancellos circumdare, & mala toti civitati im-  
 minentia talibus legibus avertere ut *d. cap. 3.*  
 copiosius explicavimus. Nihil ergo hic contra  
 Deum aut jus naturæ peccatum est, nec quic-  
 quam constituimus hic in foro soli justum,  
 quod in foro poli injustum esset. Si verò nostris  
 legibus positivis quis abutitur, & alio fine  
 quam latæ sunt, eas usurpat, is utroque in foro  
 est injustus, tam in foro soli quam in foro poli.  
 Et licet fieri possit ut judicem in foro soli deci-  
 piat & ab eo justus pronuncietur, reverâ tamen  
 justus non est, ne in foro soli quidem, sed puta-  
 tur tantum justus esse, quia probationes inju-  
 stitiæ ejus deficiunt, Deus autem, quem nemo  
 fallit suo tempore illi justam sententiam feret.  
 Interim judex humanus suo officio functus est,  
 si rationabiliter judicavit de iis quæ noverat.  
 Jure humano cogitationis poenam nemo pati-  
 tur. *l. 18. D. de poen.* & tamen pravi cogitationes  
 nostro jure non pronunciantur justæ. Alia enim  
 est

## LIBRI V. CAPUT XIV. 543

est quæstio an jus nostrum omnem occultam cordis malitiam punire possit vel debeat? quod d. l. 18. negatur; alia, an eam injustam & juri contrariam pronunciet? quod affirmatur: quia jus nostrum jubet colere justitiam, l. 1. §. 1. D. de just. & jure. religionem, l. 2. & honestatem, l. 10. D. eod. idq; puro corde, animi proposito constanti ac perpetuo, d. l. 10. sine dolo & fraude. l. 29. 30. D. de legib. Et quidem id sedulò cavendum est, ne periculosissima illa opinio radices agat, quæ statuit aliquid in foro soli justum pronunciare licere, quod in foro populi sit injustum: hoc enim dato actum esset de toto jure nostro, & potentiores quicquid in mentem veniret justum pronunciare juberent; ejus erroris uberior refutatio erit in capite sequenti.



*Sitne jus & quod de jure hactenus  
tradidimus re verâ, an opinione  
tantum?*

## CAP. XV.

**Q**Uod Cicero quodam in loco inquit, nul- *An jus sit,*  
lam unquam tam absurdam existisse opinionem *rurpiter*  
quæ neminem philosophorum patronum habuerit, id ve- *dubitari*  
rùm esse vel unica quam hoc capite tractan-  
dam suscipimus quæstio evincere poterit. Quid  
enim absurdius fingi potest, quam homines  
dubitasse, an discrimen veri & falsi, boni & mali,  
li, ho-

*Quidam  
negarunt  
esse.*

li, honestorum & turpium, quod etiam beluis innatum conspiciamus, sit commune omnium hominum somnium, an verò aliquid re verà in natura existens? nonne Dei, rationis & sensuum obliqui fuere, qui dubitare ausi sunt, an quæ rectè sunt ex opinione rectè fierent, an verò naturâ & ratione? Prodiere tamen, & quidem quod mirandum est, ex numero eorum qui inter philosophos censerì vellent, qui jus opinionem esse defenderent. Apud Platon. i. *de repub.* Thrasimachus putabat, jus esse quicquid potentiori placuisset: Archelaus dixit honestum & utile non naturâ constare, sed lege, *Laert. in Archel.* quod idem autor etiam de Pyrrhone testatur. Euripides putavit usum legum & deorum metum esse callidum commentum ad gubernandas respub. à vasfro quodam viro inventum. *Plut. de placit. phil. lib. 1. cap. 2.* Lucret. lib. 5 *rer. nat.* dicit jura ab hominibus excogitata esse, cum prius aliquot seculis ferarum more vixissent: religionem verò ortam putat ex somniis, quod homines omnia vera opinarentur quæ per quietem vidissent. Referimus eò Academicos dubitatores, & dignostali causa patronos Protagoram ac Epicurum, quorum ille dubitabat an essent Dii, an non essent? *Laert. in vita Protag.* hic omnia suis voluptatibus & doloribus ponderans, Deos humana non respicere arbitrabatur. In Aristotelis quoque peripato hanc quæstionem ventilatam esse ex 5. *eth.* 7. al. 10. colligitur. Nec dubium est Academicos & Epicureos,

reos, contra quos Cic. 1. de legib. hanc disputationem specialiter dirigit, pro ea tuenda naviter pugnasse, illi ut omnia incerta affirmando nihil tamen certi affirmare, hi ne Deum justorum & injustorum vindicem fateri cogeren-  
tur. Fuit in ea opinione etiam Lysander, de quo Plut. in apophth. Lacon. Hic homo versutus & plerumque fraudibus miscens, jamque in sola ponens utilitate, veritatem aiebat nihilo meliorem esse mendacio, sed utrumque dignitatem & precium usu definiri. Et videntur hujus erroris non omnino puri esse, qui negant jus esse de essentiali veritate Dei, quive opinantur Deum ita supra omnem legem esse velle ac posse, ut ei furta, latrocinia, mendacia, & alia quae ipso volente ac operante ab hominibus peccari statuantur, placere, eoque ipso statim iusta esse possint. Item illi qui communes opiniones inveteratasque consuetudines vulgi, auctoritate & numero errantium tantum confisi, etiam tum audent defendere, cum legibus & rationibus evidentissimis erroris sunt convicti.

Magni autem refert pravam istam opinionem radicitus extirpasse, ut Cic. 1. de legib. inquit, *omnium quae in hominum doctorum disputatione versantur, nihil est profecto prestabilius quam plane intelligi nos ad justitiam esse natos, neque opinione sed natura constitutum esse jus*, quia hic non tantum humana justitia & ratio, verum etiam Dei veritas, justitia, & omnis divinarum humanarumque rerum certitudo in dubium vocatur, quapropter eam profligare sedulo annitemur.

*illi necessaria  
rè refu-  
tandi.*

*Si iustitia  
est opinio  
etiam Deus  
& omnes  
virtutes  
sunt opi-  
niones,*

Et quidem, si jus reverâ in natura nullum est, sed merâ opinione consistit, tollitur Iustitia ipsa cum autore suo, & cum omnibus quas in se continet virtutibus: nullus erit Deus qui iusta velit, injusta vetet, quia sine iustitia & virtutibus nullus est Deus, vel si quis est, opiniones & nihil velle non potest. Ita religio, temperantia, gratitudo, pudor, & quicquid ad iustitiam universalem referre solemus, erunt meræ opiniones & inania hominum somnia. Nam si iustitia non est naturâ, solâque opinione constant quæ recta & prava, vera & falsa dicuntur, etiam nulla veritas est in natura, sed vana opinione constant omnia. Si hæc vera, & virtutes nihil aliud nisi inania hominum superstitiosorum terribilissima sunt, quid restat nisi ut sine Deo vivamus? Cic. 1. de legib. inquit, *Si natura confirmatum jus non erit, virtutes omnes tollentur, ubi enim liberalitas? ubi patria charitas? ubi pietas? ubi aut bene merendi de altero, aut referenda gratia voluntas poterit existere? nam hæc nascuntur ex eo quod natura propensi sumus ad diligendos homines, quod fundamentum juris est. Neque solum in homines obsequia, sed etiam in Deos ceremonia religionesque tolluntur, quas non metu, sed ea conjunctione quæ est homini cum Deo conservandas puto.*

*Iustus est  
Deus, &  
iustitia in  
operibus  
suis.*

Est autem omnibus naturâ notum esse Deum aliquem: at sine iustitia & voluntate iusti Deus esse non potest, unde sequitur jus & iustitiam primo realiter in Deo esse, non opinativè. Cum verò Deus citra iustitiam suam nihil agat & ab omnibus creaturis iustus prædicari velit, necessario

fatidè indidit naturæ discrimen honestorum & turpium, justorum & injustorum; alioquin si hæc susq; deq; habuisset, contra seipsum egisset. Ut verò nihil sine veritate egit, nihil simulavit aut prastigiis mentitus est Deus in iis quæ corpori dedit, sed carnem & ossa, virtutesq; quas in corpore esse affirmat, ut calorem sanguinis, nervorum robur & similia, re ipsâ exhibuit: Ita etiam nihil falso finxit aut jactavit de animabus nostris, sed eas re verâ constituit quales esse affirmavit, nempe iustitiâ & omnibus virtutibus ad imaginem suam decoratas. Et quidem omnes creaturæ, quatenus capaces erant, participes factæ sunt bonitatis & virtutum divinarum. Hinc illa turpium aversatio quam in beluis conspici *lib. 2. cap. 8.* docuimus, quæ non est imaginatio vel assuefactio quædam, sed reale quid naturæ à Deo insculptum. Cic. 1. de legib. ait *nec arboris nec equi virtus quæ dicitur, in quo adest nomen, in opinione sita est, sed in natura.* Ut omnibus in rebus ab infimo

ad summum datur progressus, & unius rei per varia genera quasi continuata quædam est ad perfectionem elevatio: ita Deus terræ, mineralibus & gemmis virtutem quandam abstrusam; deinde plantis & arborum fructibus paulò apertiolem & sensibus perceptibilem indidit, incitantem ad lætitiâ, amorem vel ad alias corporis & animi suo in usu bonas passiones. Hæ virtutes, etsi à quibusdam non percipiuntur, ab aliis vix acumine ingenii investi-

*Omnium  
creatura-  
rum virtutes in ho-  
mine per-  
fectæ.*

gentur, tamen non sunt opinativæ, sed reales; quæ quando incidunt in corpus sensu præditum, sunt perfectiores, absolventur autem & virtutum perfectarum nomen induunt beneficio rationis, si creaturæ rationabili immergantur, & in ea ratione regantur. Hinc Cicero rectè colligit, si virtutes arborum & brutorum animalium non sunt opiniones, cum tamen ibi sint imperfectæ, multò minus in nobilissima anima hominis opinionib<sup>9</sup> constabunt, ubi sunt perfectissimæ. Hanc esse Ciceronis argumentationem ipsa verba evincunt: & ideo virtutem i. de legib. definit, *virtus nihil aliud est, quam in se perfecta & ad summum perducta natura.* & 4. de finib. *rationis perfectio est virtus.* quas definitiones etiam Sen. probat, *epist. 66.* Et quidem ea consideratio hominem maximè decet, & digna esset quæ quam pulcherrimè exornata proponeretur, ut videremus quomodo homo totus ad justitiam factus, & à Deo omnibus naturalibus ad virtutum cultum unicè instructus sit; & quomodo omnia quæ naturaliter in homine sunt, in virtutum perfectionem nitantur. Sed nos particula delibabimus, saltè ut pro instituto nostro confirmemus id quod superius statuimus, nihil in homine & universa natura esse quod naturaliter in malum inclinet & nos malè agere doceat; & ut lectorem invitemus ad eam considerationem, quomodo justitia & reliquæ virtutes altissimis in natura hæcant radicibus, nihilq; omninò boni in homine opinione tantum sit,



sit, sed omnia realiter & re verâ. Iuvat enim in fine hujus opusculi nostri paulisper in considerationem naturalium virtutum humanarum exspaciari, si fortè, cum omnia naturalia grata & dulcia, naturæ repugnantia verò exosa & invisâ sint, eò majorem sitim ac venerationem virtutum excitare possimus, quo magis vitia contra naturam esse apparebunt.

Admiranda quidem & præclara sunt omnia quæ Deus creavit, adeò ut nulla ætas, nulla humana ratio contemplationi operum divinarum sufficiat; sed homo supra omnia. Ille enim *μνησκόμος* & totius universi epitome esse debuit, qui creatoris sui omnipotentiam, sapientiam & bonitatem cum in omnibus, tum in sui ipsius structura & divinis animi sui virtutibus agnosceret, sibiq; de sua præstantia in Deo cum exultatione & gratiarum actione gratularetur. Hunc enim sibi Deus peculiariter selegerat & exornaverat, ut esset omnium terrestrium creaturarum arbiter dignissimus, & magnificentissima regia spiritus Dei. Quapropter nullum est dubium quin homo ante lapsum & corpore & animo ita exornatus fuerit, ut omnium creaturarum Dei sub cœlo viventium virtutes evidentissimè superâret. Quæ virtutes, etsi corrupto per lapsum corpore & animo unâ profligatæ sint, non tamen ita penitus perierunt quin adhuc aliquo modo in naturalibus bonis, & maximè in regeneratis qui peccati qualitates suffocare student, appareant. Quod ad palpabili

*Homo est  
epitome to-  
tius uni-  
versi.*

*Dena cor-*

*per hūma-  
ni præstant  
omnibus  
corporibus.*

lia corporis dona attinet, ut cupis levitatem jucundissimam, quā omnium florum & sericorum filorum contactui præstat; membrorum pulcherrimam harmoniam ad infinita humana negotia mirandā agilitateabilem, cui nemo-ra & colles & omnia ab homine fabricata cedunt; item, calorem sanguinis, & spiritum se in eo moventem; hæc quidem nemo negaverit.

*Idq. non o-  
pinione, sed  
re vera.*

Quis verò tam inhumanus sui ipsius hostis & contemptor esse possit, ut hæc omnia opinione tantum grata esse assermet? quis fragrantiam florum, gemmarum conspectum, saltuum amoenitates, rivulorum susurros & avium cantus amicæ conversationi gratiosi hominis præferret? quisve eas quas inde percipimus recreationes opinione solâ constare diceret? Est omnino aliquid in natura hominis, quod nobis hominem per se, & propter eum omnia mundana commendat, quod inde manifestò evincitur, quia omnia alioquin nobis exoptatissima sine homine tristia sunt, & ipsa jucunditas absente amico injucunda est, *Senec. epist. 6.* ut è contra propter eum quem diligimus etiā acerbissima mors exoptata fieri potest. Quanta vis sit amoris & humanitatis, ab amicis, parentibus & conjugibus est discendum. Tanto nos naturali vinculo colligavit Deus, ut etiam inhumanissimæ immanitati possibile non sit omnem humanitatem odisse. Nempe ignobiliorum creaturarum virtutes vel unum tantum ex sensibus externis demulcent, vel paucos im-

*Homine  
nihil cha-  
ritatis.*

per-

perfectè; at homo gratioſus omnes corporis & animi ſenſus jucunditati ſimul imbuere, & animum gaudio, corpus delectatione perfundere poteſt, quod nulli alteri creaturæ eſt poſſibile. Sunt verò hæc dona non animi aut corporis tantum, ſed totius compoſiti, ita ut hæc ſine præſentia corporis, illa ſine præſentia animi, nulla vel imperfecta ſint, & ea tantum pro perfectis habeantur, quæ à corpore & anima ſimul proficiſcuntur. Amamus quidem abſentes etiam, & eorum dona miramur, at ſi donis animi præſentia corporis accedat, ut etiam ſenſus noſtri amoris ſiant participes, tum verò inflammamur & exardeſcimus duplicata amoris cauſa. Et videas interdum non homines tantum ſed & animalia ob familiarium amicorum ſuorum præſentiam & adventum commoveri, licet animo ſuo aliud jam agant, & de adventu amici ſui non cogitarant. Quod cum ex opinione & imaginatione eſſe non poſſit, certiſſimò evincit, eſſe etiam in corporibus humanis occultas quaſdam virtutes, ad commotionem alterius plurimum facientes, nec eſſe nos ea in parte inferiores floribus aut aliis rebus ignobilioribus, quarum præſentia in habili ſubjecto ex longo intervallo operari ac ſentiri ſolet. Scribunt eruditi, & teſte experientiâ evincunt, homines ſæpè rei alicujus viliffimæ præſentiâ & naturali virtute ita affici, ut deliquium animi patiantur, vel ut omninò demententur; ut ſi quis ſub taxo vel ſambuco quieſcat, ſi quis odor

*Homine  
tota  
est ama-  
bilis.*

*Humanâ  
corporis  
virtutes.*

*Virtutes  
magna in  
plantis &  
floribus.*

retur anhelitum ejus qui ceras vel allium comederit, quod Aegyptii propterea pro sancto Deo qui à nemine morderi vellet habebant Juven. Sat. 15. & Horat. lib. Epod. 3. parricidis ut pessimum venenum precatur. Plutarch. lib. 3. Sympos. qu. 1. inquit : Mirum nemini videri debet, si exhalationes seriorum vim tantam habeant : cum memoria proditum sit umbram simulacrum interficere homines in ea dormientes, quo tempore planta maxime turget & florem suum parit : & spiritum à papavere defluentem, non cautè observatum ab eis qui succum colligunt, subvertere homines. herbam autem alyssum, si duntaxat in manum sumatur, imò nonnullos si modò intueantur eam, singulum liberare. Quomodo nonnulli angantur, si felis vel caseus, vel aliud quid quod eorum natura averfatur sit in conclavi, nemini ignotum est. Nec quisquam ignorat quomodo aceto, floribus, aromatibus, aliisq; rebus naturalibus plurimis cor refocilletur & recreetur. Hæc quæ in creaturis ignobilioribus efficit anima vegetativa, æquè manifesta sunt in homine, modò quis animum attendat, & peccatis suis non obftet quò minus natura per se in homine operari possit. Non enim animæ vegetativæ virtutes propter peccatum omninò è nobis evanuerunt. Plut lib. 1. Sympos. qu. 6. scribit : Alexandri corpus propter siccitatem tam suaviter oluisse, ut etiam tunicula replerentur fragrantia aromatum odorem amulante. & lib. 5. qu. 7. docet quorundam hominum odore, spiritu & obtutu alios infici & enecari. P. Plin. lib. 7. cap. 2. lib. 11. cap. 53. quo pertinet etiam grave-

*Est æquè  
esse in ho-  
mine, ex  
anima ve-  
getativa.*

graveolentia quorundam corporum quæ sola experientiâ tam certa est ut nulla egeat probatione. Confirmant id sacræ literæ, in quibus videmus nunquam virtute caruisse corporalem contrectationem sanctorum vicorû. Quoties Christus rogatus fuerit ægrotis manum imponere, & quoties imposita manu morbos depulerit, non potest hic recenseri, Lucas *cap. 6. v. 19.* expressè testatur exiisse virtutem quandam de corpore ejus, quâ sanati fuerint malè habentes : & Ioh. testatur non potuisse omnia ejus miracula describi, ne multitudine opprimeremur, quapropter & alii sæpè compendio dicunt sanatos esse omnes qui eum tetigerint quive opem ejus implorârint. Ita etiam Elias corpori suo admovet defunctum puerum, *1. Reg. 17. v. 21.* quod item Elisa facit *2. Reg. 4. v. 34.* Nec putandum est homines ejus seculi tam insipientes fuisse, ut frustra optarint licere sibi sanctissimos viros tangere & ab iis tangi : multò minus credendum, pios viros vanis opinionibus dementatos, quid coram hominibus gesticulari voluerint ignorasse. Notabile exemplum est *Mat. 8. v. 23.* ubi Christus cæci oculis salivam (quæ alias, si infecta non sit, hominum oculis mederi dicitur) illinit, quæ tamen prima vice pterygium, sive quid aliud mali fuit, non deterfit. Quin imò, ut physici aridis floribus, ita sacræ literæ etiam cadaveribus mortuorum. *2. 13. v. 21.* & piorum vestibus *Mat. 9. v. 20. & 14. v. 36. Act. 19. v. 12.* & umbris, *Act. 5. v. 15.* aliquam virtu-

*Eas nisi in  
bonum,*

tem tribuunt: quæ si quis omnia merâ opinione esse dixerit, & physicorum probationes & historiam sacram erroris convincat oportebit. Et hæc de virtutum animæ vegetativæ perfecti-  
one in homine dicta sunt, quæ tamen in homi-  
ne solæ non operantur, sed auctæ reliquis ani-  
mæ facultatibus ut jam dicetur. Hoc prius  
monemus omnes hæc virtutes, ut re verâ in  
homine sunt, ita etiam efficaciter in bonum  
tendere, & in vero suo usu efficaciter quantum  
possunt ita operari, ut hominem præparent ac  
disponant ad temperantiæ, sobrietatis, huma-  
nitatis, aliarumq; semivirtutum & perfectarum  
virtutum moralium acquisitionem & usurpa-  
tionem. Tam profunde in naturam demersus  
est boni appetitus ut planè nihil tam vile & exi-  
guum in tota hac rerum universitate invenire  
liceat, quod non quatenus naturale est, eate-  
nus omnibus viribus suis in bonum nitatur,  
quorum nihil credere oportet eos, qui omnia  
opinionibus constare, vel Deum & naturam  
mali quid operari somniant. Consideret autem  
homo, cum ex voluntate Dei & naturæ corpora  
nostra usq; adeò omnium corporum nobilissi-  
ma sint, ut non modò omnium creaturarum  
virtutes in iis confluant, sed & superentur; &  
creator in hac epitome omne, quicquid in  
mundo mirandum ac jucundum, absolvere vo-  
luerit; quantum sacrilegium sit humanum cor-  
pus corrumpere, & quot nominibus coram  
Deo rei fiant qui dona illa præstantissima in se  
& in

& in aliis non amant, magnificiunt & custodiunt, sed iis ad omnia flagitia abutuntur, vel etiam Deum ipsum in sese, quasi ab illo ex puris vitiis compositi & ab ipsa materia prima ad omnia scelera excitati sint, calumniantur. Cum Paulus *Acl. 17. v. 27. 28.* ait Deum vivere & palpari in nobis, & *1. Cor. 6. v. 15.* docet nos esse membra Christi, haud dubiè id vult, omnem injuriam quæ dictis, factis & cogitationibus contra corpus hominis committitur, Deo fieri, *1. Theß. 4. v. 8.* eumq: ultorem habere.

Id verò nos nihil movet quod stupidi quidam homines eas corporum humanorum virtutes nec credunt nec percipiunt, ut nec odori florum quid detrahit, quod ejus nullus usus est in piscibus, nec lusciniæ officit judicium muli, aut Apollini sententia Midæ. *Ovid. 11. metam. 5.* qua de re paulò post plura dicemus.

Anima sensitiva non modo vegetativam in se continet, sed & peculiaribus quibusdam facultatibus ea est perfectior, idèò & in brutis & in hominibus deprehendimus virtutes quasdam nec ad vegetativam nec ad rationalem animam pertinentes, quas in bruta animi nostri parte esse, ibique virtutum moralium nomen induere docent ethici. Ut autem Plin. *lib. 13. c. 3.* docuit, eum non sentire odorem à quo spirat, & ut animæ vegetativæ virtutes à seipsis non percipiuntur, sed animæ sensitivæ facultatibus primo apprehenduntur, ita etiam animæ sensitivæ virtutes & facultates solo intellectu rectè perci-

*Cur non idamque operentur.*

*Anima sensitiva dona & virtutes.*

*Quomodo percipiuntur.*

*Quod sint  
re vera.*

percipiuntur & dijudicantur, non colore aut sapore, vel odore & tactu. Non enim valent aut frigent virtutes morales, ut in sensum aliquem externum ita incurrere possint, quemadmodum ea quæ ab anima vegetativa esse diximus, sed sunt subtiliores & minus corporeæ, quapropter etiam externis corporeis sensibus percipi non possunt. Ut verò odor florum propterea opinione non est quod ipsi flores non olfaciunt, ita nec virtutes morales propterea opinione sunt, quod sensibus externis non apprehenduntur: & animæ sensitivæ dona peculiariora idcirco non sunt nulla, quod bruta nullum de iis habeant iudicium. Deus semper inferiora in superioribus perfecit, & naturam non opinionibus sed veris naturalibus constituit, & cum nihil aliud sit anima nisi partes ejus seu virtutes (omnes enim animæ partes sunt activæ) simul sumptæ, sequeretur animam ipsam tantum opinione esse, si ejus facultates & operationes tantum opinione esse ponerentur. Sunt verò etiam sensuum organa, sensus ipsi, & virtutes animæ sensitivæ nullibi in tanta perfectione quam in homine, quia ille in corpore absolutissimo plus vitæ ac animæ habet quam ullum corporeum vivens, atque idcirco etiam eò magis accusandus, si animæ sensitivæ virtutibus non ut oportuit utitur. Quod enim

*Sensus in  
homine sunt  
perfectissimi.*

homo à quibusdam animalibus in facultate sentiendi naturaliter superari creditur, ego ne-  
mini



mini concesserim, sed puto hominem, si naturalia sua donz ex utero materno perfecta habeat, eaque ipse nulla intemperantia corrumpat, etiam in hisce rebus omnibus beluis tantum præstare, quantum par est animam sensitivam in optimo & maximè animato corpore cum ratione conjunctam plus posse, quam sine hisce adjumentis. Quis enim probaverit apros vel cervos acutius audire quam attentos homines? fallacia causæ quibusdam imponit hominibus: nam tum illa animalia aures metu arri-guunt, & vel ob conspectum hominem, vel ob susurrum venti in aridis foliis ludentis, vel ex simili aliqua inani causa, quam homo propter imaginationis vanitatem non attendit, se sine judicio in pedes conjiciunt, tum nobis alii persuadere volunt, id fieri auditu acutiore. Atque ut id eò citius persuadeant, seque contra experientiam opinioni suæ contrariarum muniant, addunt, easdem feras demissis auriculis ferè nihil audire, quod mihi idem videtur ac si dicant, apros nisi metum pro auditu habeamus, multò minùs audire quam homines. Idq; ratio perfectionis humanæ evincit & experientia docet, cum feræ illæ sæpè à venatoribus in cunabulis suis deprehendantur, & cicuratae deposito hominum metu multo obtusiores habeant sensus quam homo. Fieri etiam posset periculum, si homo & aper sese invicem non vidissent aut audissent, quis rem utriusque æquè formidabilem ex æquo spacio priùs animadversurus esset.

set. Mihi omnia sensuum organa in homine subtiliora & perfectiora esse apparent, ideò crediderim eum in æqua animi intentione etiam sensibus suis multo acutius & rectius uti posse: persuadere enim mihi non possum organa sensuum in homine frustra nitidiora & subtiliora esse. Quod autem toties & tam facile non commoveatur, id constantiæ & iudicio ejus adscripserim, vel animi remissioni, non sensuum imperfectioni. Fertur etiam lynx hominem visu superare, quod nescio unde homines resciverint: si enim illi non vident quod lynx hominem amplius videre putatur, qui sciunt quòd ille plus videat, & quid? Aquila de sublimi videt prædam suam in terra: sed cogitemus hominem de altra turri animal sese in terra movens longiori intervallo prospectare, quam ulla aquila de terra elevari possit: quid mirum ergo, si avis sub nubibus hærens tandem mobilia ab immobilibus discernere possit? Et qui scimus an prædam in sublimi viderit, an verò postquam se propius demisit? Araneæ quid tangere possint quod hominis tactum effugiat, non video: nec dum indagare possum unde constare possit simias hominibus in gustu prævalere? Canum odoratum refero ad assuetudinem, & ad propiorem organi admotionem. Et opinor hominem, si exerceat se ut omnia sensibus externis explorare possit, quemadmodum bruta animalia suis in sensibus se quotidie exercere coguntur, nulla in re sentienda ulli animali natura-

turaliter inferiorem fore, nec in corporis nec in animæ agilitate & habilitate, de quo nunc non est opus copiosius disserere. Legantur Plin. lib. 7. nat. hist. & alii, consideretur item historia sacra & incertitudo earum quæ de brutis affirmantur, & facile apparebit hominem non ratione tantum sed omnibus omninò corporis & animæ virtutibus omnia animantia superare. Statuamus itaque etiam animæ sensitivæ virtutes in homine esse perfectas, & hominem præ omnibus animalibus etiam hac in parte ita à Deo compositum, ut hisce naturalibus donis bonum à malo distinguere, sibi à malo cavere, & ea quæ ornant ac decent eligere & agere possit. vide Solin. in polyh. cap. 6. Alex. gen. dier. lib. 7. cap. 21. Plin. lib. 7. cap. 20. & seq. In virtutibus intellectua-  
libus eadem ratio est, quia anima rationalis non est ignobilior corpore & animabus inferioribus, sed ratione, intellectu, sapientiâ & similibus virtutibus pulcherrimis dotata est. Et quamvis ejus virtutes nec odore nec gustu percipiantur, sunt tamen re verâ in natura. Ostendunt quidem virtutes intellectuales operationes suas per sensus externos; ita ut ex vultu & gestu mens hominis conjici & præsumi possit, sed hæc operatio est à posteriori, quâ sensus & externa hominis serviunt imperio animæ interno: ipsam autem operationem suam propriè exercent per verbum internum & externum, quo à Deo & homine egrediuntur vel recipiuntur. Externum verbum interdum abest, & tunc

*Virtutes intellectuales sunt reales.*

*Et operantur per verbum.*

& tūc internum solum operatur, vel externo obtutu & nutu adjuvatur, sed internum verbum si absit, nihilo plus potest externum solum, quam corpus sine anima. Ubi verò utrumque & utrinque, tam in loquente quam in audiente, est conjunctum, & voluntas dandi accipiendique traditionem juvat, ibi est plena & efficax operatio virtutum rationabilium. Quicquid iustitia, pietas, amor aut veritas volunt, id verbo mentali decernunt & vocali applicant. Mens hominis est unica & vera officina intellectualium virtutum, à qua illæ perficiuntur, egressiuntur & reguntur, quemadmodum & libro 1. diximus, actionum humanarum arbitrum & moderatorem esse ipsum iudicium seu rationem. Quod verò operatio mentis re verâ & efficaciter sit in natura, id maximè probatur ab effectibus, qui re verâ in naturaprehenduntur. Multa enim agimus & loquimur, quæ non nisi ab intellectu proficisci potuerunt, & quæ virtutem verbi interni ejusq; gubernationem ubique præ se ferunt. Nec desunt nobis probationes quod virtus verbi interni verbo externo realiter & verè applicetur, v. Cael. Rhodig. lib. 16. lect. antiq. cap. 14. Ac ut de magorum carminibus & formulis nihil dicamus, quas superstitionum plenas libenter missas facimus, consideremus modò sacram historiam, quomodo verba Dei & piorum hominum penetrarint & perruperint per omnia, secundum voluntatem verbi mentalis interni. Quicquid Deus, prophetæ

*Cognoscuntur ex effectibus.*

*Effectus verborum.*

pheta ac apostoli aliiq̃ue pii viri seriò sine facto nostro existere voluerunt, ac in Spiritu imperarunt, quodve iis in rebus, in quibus voluntas & consensus accipientis requiritur, hominibus accipere volentibus verbo externo tradiderunt, id præstò fuit. Ratio est, quia in talibus verbis non est tantum sonus ille & uxor, sed mens votum, imperium ac vis divini illius spiritus, cui tum nihil resistere potest. Ille spiritus ex intellectu, anima & pectore loquentis proficiscitur, ibiq; veritate voluntatis divinæ acuitur, ideò semper conformis est verbis prolatis, in quibus tanquam anima in corpore vehitur, blandus in blandis, iratus in iracundis. Non percipitur ille sensibus primò, quia sensus, etsi sonum audiant & vultum loquentis videant, tamen de verborum mente & de animo loquentis judicare nequeunt, sed mens de mente & verbis alterius judicat. Eo modo virtutes intellectuales à verbo intellectus interno egrediuntur per verbum externum, & vicissim per externum recipiuntur in internum, ibiq; tum applicantur & operantur. Hæc naturalia media quatenus absunt, eatenus operationem nullam faciunt: cum verò adsunt & usurpantur, effectui carere non possunt. Nulla tamen ratio satis indagare potest, quomodo tanta vis in verbis esse possit, quam effectus verè adesse testantur. Sed unaquæque res agit vel patitur instrumento actioni & fini suo adæquato, quod item verum est in virtutibus & facultatibus

*Virtutes intellectus non percipiuntur sensibus.*

Nn animæ

animæ *Piccol. gr. mor. 5. cap. 29.* Odores & colores non percipiuntur intellectu, nisi per sensus; sensus externi quid ipsum audire & videre sit nesciunt, sed de iis judicat ratio: ea verò quæ rationis sunt, sensus & vegetat o non apprehendunt: & tamen unius facultatis operatio ad

*Et tamen  
sunt in toto  
homine.*

totum hominem descendit. Quæ superiori-  
bus animæ facultatibus percipiuntur, persuasione & imperio operantur in inferiora, ut nihilominus fructus ad totum hominem perveniat, at quæ inferior animæ facultas capit, de iis superior cognoscere potest. Nam quod homini competit, toti competit, licet non primò & æqualiter; ita tamen ut bona & mala unius partis alteri fiant communia. Colore, odore & sapore totus homo recreatur, licet illi

*Intellectus  
se se intelli-  
git.*

sensibus primò percipiuntur: gustus virtutem veneni nō præsentit, sed ratio, cujus imperio & persuasione homo à veneno abstinet & totus servatur: quod idem evenit in aliis. Intellectus jam incipit se se intelligere, *Plotin. en. 5. lib. 3.*

*Zabar. de Ord. intell. cap. 3.* nec tamen omnia intelligibilia exhaurit, quod indicant inextricabiles illæ de anima disputationes, & quæstionum inexplicabilium numerus infinitus. Ubi ergo intellectus deficit, ibi incipit fides, nam ratio ibi

*Eum superat  
fides.*

præsupponit notitiam vel autorem de cujus fide putat dubitare non licere, aut si id non facit, errore decipitur. Fides ergo superat rationem, ratio sensus, sensus vegetationem. Quod autem animæ facultates non ubique operantur

*Cur virtu-  
tes anima*

inde

inde evenit, quod sunt potentia finitæ, & ob- <sup>non ope-</sup>  
 jecta quædam nimis sunt inepta, vel etiam o- <sup>rentur ubi-</sup>  
 mnino contraria. Ideo odor & color non ubi- <sup>que.</sup>  
 que & ab omnibus percipitur, sed tantum in in-  
 strumento suo adæquato & rectè constituto: &  
 sensus ac ratio ideo non percipiunt omnia, quia  
 non omnia sunt sensuum ac rationis apprehen-  
 sioni apta: interim tamen rerum veritas ma-  
 net. Unaquæque res, qualis à Deo condita &  
 esse pronunciata est, talis est re verâ, & taliter  
 agit pro essentia sua naturali. In vero suo usu  
 operatur ad bonum ex mente & voluntate Dei:  
 extra usum suum nihil operatur, quia cum po-  
 tentiæ finitæ sit, destituitur eâ virtute quâ tale  
 objectum moveri potest: in abusu verò & pravâ  
 applicatione operatur quidem virtute suâ na-  
 turali, sed per accidens, propter pravam quali-  
 tatem abusu semper inhaerentem & totam  
 actionem inficientem, existit malum, quod ag-  
 gravatur & deprimitur corruptione mediorum  
 bonorum, pœnam in se continente, & indigna-  
 tione Dei, qui omnem rerum bonarum abu-  
 sum seriò detestatur. Et quò cujusque rei usus  
 efficacior est ad bonum, eò ejus abusus pericu-  
 losior est ad malum, naturalibus ejusdem rei  
 interim iisdem manentibus. In finitis exemplis  
 naturalibus id posset demonstrari: calor alicu-  
 bi salutaris, alibi exitialis est: scientia, pro ut  
 applicatur, prodest vel obest: venenum quod  
 omnibus ferè viventibus exitiale est, quædam  
 tamen animalia non offendit, nonnulla etiam

## 564 DE PRINCIPIIS JURIS

saginat. v. Plin. lib. 21. cap. 13. lib. 10. cap. 23. 72. lib. 11. cap. 53. vide etiam Plut. lib. 2. Sympos. qu. 7. & 9. Ita sanctorum virorum contactus quibusdam tantum salutaris fuit, aliis nihil profuit, nonnullis etiam obsuit, propter malitiam vel superstitionem. Simili modo virtutes animi, per se bonæ & ad bonum datæ, tantum in vero suo usu bonæ sunt, in abusu sunt pessimæ, in subiecto verò usui & abusui æquè inhabili nihil operantur, ut in furiosis & mente captis. Omnino virtutes similes sunt gladio, cujus acies contra malos usum habet bonum; quia eo sine factus est; contra bonos usum habet pessimum; contra ignem & aërem nullum. Non oportet verò concludere omnia illa tantum opinione bona ac verà esse, quarum usus & abusus non sit in omnibus semper & ubiq; æqualis, eā enim ratione creator ipse cum omnibus creaturis abnegaretur. Nisi verò ratio, pietas, fides, amor Dei & similes virtutes idè piorum hominum opiniones sunt, quia lapides nihil sentiunt, & quia quidam omnibus de rebus dubitant, alii omnia calumniantur. An propterea Deus non est primus motor, sed otiosus omnium rerum spectator, quia Epicurei ita delirant? An Deus idè omnium scelerum auctor est, quod ex Stoico fato id sequitur? Academici de omnibus rebus dubitabant, an propterea hic mundus opinione est? Hæc quidem philosophia effecerit ut ipsi toti nisi opinio simus: ut opinione habeamus oculos, quia non odorantur;

*Non sunt  
opinione  
bona quæ  
deficiunt  
vel offici-  
unt in ab-  
usu.*



rantur; aures, quia non vident; pedes, quia non audiunt. Quin præterea, si omnia opinione sunt, nec Deus, nec religio, nec quicquam rerum humanarum est, & ipsa etiam opinio reverâ non est. Sic tandem nihil erit, quicquid est, & ipsum etiam nihil reverâ neque aliquid neque etiam nihil erit, quia tantum opinione alicujus, qui reverâ nullibi & nihil erit, erit nihil, ut Lucret. lib. 4. tot. nat. inquit:

*Deniq, nil sciri si quis putat, id quoq, nescit.*

*An sciri possit, quum se nil scire fatetur.*

Multas me absurdas nugas audire & legere memini, sed nihil absurdius hoc commento, quo omnis veritas simul abnegatur, quæ sensibus ac ratione percipi potest. Defendere licet nivem atram, & mundum ex atomis concretum, & mundos infinitos in vacuo inani volitantes, & quicquid de Diis hominibusque otiosi lusere poetæ, præ ea opinione quæ nec ipsam opinionem nobis verè opinionem relinquit. Et tamen olim fuere atque adhuc sunt homines (si modò secundum suam opinionem verè sunt) qui in futilibus suis argutationibus præsupponant, vel etiam expressè persuadere contentur rationem, justitiam, fidem & similes virtutes animi, non secus ac vim herbarum corporumq; viventium, & efficaciam divinorum verborum, in rebus à Deo huic usui cum affirmativa promissione traditis, communi errantium opinione fingi, reverâ autem non adesse. Hoc enim volunt qui justitiam & veritatem non reverâ & realiter in

## 566 DE PRINCIPIIS JURIS

natura esse, sed opinione hominum tantum constare dicunt. Etingi plurima, & opinionum somnia pro veritate sapè haberi, nemo dubitat: sed propterea omnia invisibilia & occultiora, etiam quæ Deus & spiritus Dei per homines locutus affirmavit, quæve ratio & conscientia in homine evincit ac docet, opinione esse statuere, id verò est grande nefas & mortepiandum. Si videmus quasdam virtutes quas Deus in terræ glebis, gemmis, metallis perfectis ac imperfectis, herbis, leguminibus, arboribus & earum fructibus, item in sensibus & facultate animæ rationali, tandem in fide ac verbo suo esse dixit, & si negare non possumus virtute verborum humanorum nos efficaciter multis modis commoveri; quâ ratione omnia bona & mala, iusta & injusta, vera & falsa, omnesque rerum corporalium & spiritualium virtutes solis opinionibus constare, ipsamque naturam non reverâ sed opinione tantum esse dicemus? sed pergamus ad alia argumenta.

*Id natura  
persuadetur  
omnibus,  
opinio non.*

Naturales justitiæ noticias non ex opinione esse, sed justitiæ reverâ alicubi subsistenti inniti, inde porro probari potest, quod in omnibus hominibus sunt similes. Nulla opinio omnibus persuaderi, multò minus omnes ad posteros propagari potest, sed statim ut fumus radiis solaribus conficitur: sunt autem primæ notiæ juris ab initio mundi omnibus gentibus certæ & confirmatæ, ut esse Deum, Deum esse adorandum, parentes honorandos, amicos amandos,

dos, turpia esse vitanda, delicta pœnâ digna esse : hæc si naturâ non sunt certa, dicendum est quifnam fuerit ille rhetor, qui omnibus terræ incolis ad cōmitia mundi convocatis, omnium populorum linguis locutus sit, cunctisque opinionem posteris ingenerandam infuderit?

Præterea conscientia nostra angitur ob errores & delicta, quæ nemine conscio commissa sunt, & Tyranni qui neminem timent, tamen conscientia punguntur : quid ergo hic metuimus animus ubi opiniones hominum metuere nequit, nisi naturalem justitiæ regulam? si homicidia tantum opinione sunt injusta, & ex Dei voluntate fieri possunt, cur homicidarum conscientia semper trepidat? quid timet? cur sese accusat & fugit? cur non exultat & delectat se, quia voluntatem Dei fecerit? cur sibi pœnam præstat, & non potius præmium? sunt etiam plura in verbis, moribus & gestu, de quibus leges nullæ scriptæ sunt, quæ tamen facere veremur, ne offendamus id, quod inviolatum & sanctum esse jubet interior iudex. Epicurei, quamvis Deum humana respicere negarent, tamen non ausi sunt omnes voluptates æquè probare, ut ap. Cic. lib. i. de finib. Torquatus inquit : Eos accusamus & justo odio dignissimos ducimus, qui blanditiis præsentium voluptatum delinunt atq; corrupti, quos dolores quas molestias excepturi sint, occurrat cupiditate non provident : similiq; sunt in culpa qui officia deserunt molliori animi. & ibid. clamat Epicurus, is quem vos nimis voluptatibus esse deditum dicitis, non

*Conscientia  
metuit ali-  
quid natura-  
liter.*

posse jucundè vivi, nisi sapienter, honestè, justeq; vivatur: nec sapienter, honestè, justè, nisi jucundè. Et Apost. Rom. 2. v. 14. docet conscientia nos ad justitiam incitari, cum ait: ἔθνη τὰ μὴ νόμον ἔχοντα, φύσει τὰ τῷ νόμῳ ποιῶν, ἑτοίμοι μὴ ἔχοντες ἑαυτοῖς εἰσι νόμοι· οἳ τινες ἐνδείκνυνται τὸ ἔργον τῷ νόμῳ ῥαπιδῶν ἐν ταῖς καρδίαις αὐτῶν, συμπεριτρέφουσιν αὐτῶν τῆς συνειδήσεως, καὶ μεταξὺ ἀλλήλων τῶν λογισμῶν κατηγοροῦνται, ἢ καὶ ἀπολογούμενων ὡς ἡμέτεροι ὅτι κενῶν ὁ θεὸς τὰ κενῶν τῶν ἀνθρώπων. Cic. 1. de legib. hoc argumentum sic infert: At vetè scelèrum in homine atque impietatum nulla expiatio est, itaq; pœnas luunt non tam judicium, (quæ quondam nunquam erant, hodie multisariam nulla sunt; uti sint tamen, persæpe falsa sunt) ut eos agitent insectenturq; furia: non ardentibus tædiis, sicut in fabulis: sed angore conscientie, fraudisq; cruciati. Quod si homines ab injuria pœna, non natura atterere deberet, quenam sollicitudo vexaret impios sublato suppliciorum metu? quorum tamen nemo tam audax unquam fuit, quin aut abnueret à se commissum esse facinus, aut justì sui doloris causam aliquam fingeret, defensionemq; facinoris à natura jure aliquo quaereret. Quæ si appellare audent impij, quo tandem studio colentur à bonis? Quod si pœna, si metus supplicij, non ipsa turpitudine deterret ab injuriosa facinorosaq; vita, nemo est injustus, sed incauti potiùs habendi sunt improbi. Tum autem, qui non ipso honesto movemur, ut boni viri simus, sed utilitate aliquâ atque fructu, callidi sumus, non boni. Nam quid faciet is homo in tenebris qui nihil timet nisi testem vel judicem? quid in deserto loco nactus, quem multo auro spoliare possit, imbecillam atque solum? noster quidem hic naturâ justus vir ac bonus etiam colloquetur,

JURA-

Si ius non  
est, nemo  
est justus  
aut bonus.

jurabit, in viam deduces : is verò qui nihil alterius causa facit, & meretur suis commodis omnia, videtis credo quid sit acturus. Quod si negabit se illi vitam ablaturum, nunquam ob eam causam negabit, quod id natura turpe iudicet, sed quod metuat ne emanet, id est, ne malum habeat. O rem dignam in qua non modo docti, verum etiam agrestes erubescant.

Præterea, si opinione jus constaret, posset nobis etiam contrarium ejus quod nunc probamus persuaderi, & possibile esset ut quis aliquando omnibus hominibus persuaderet, Deo maledicendum, parentes occidendos, amicos contumeliâ afficiendos esse ; at nullius rhetoris eloquentia, nullius tyranni potentia nos ea imbuet opinione. Non enim patimur nobis persuaderi, omnia quæ tyrannis placent justa esse, quia videmus regulam aliquam justitiae in natura, cui potentioris jussus conformis esse debet. Cic. 1. de legib. stultissimum est existimare omnia justa esse quæ scita sunt in populorum institutis aut legibus. & paulo post: quod si justitia est obtemperatio scriptis legibus institutisq; populorum, & si, ut iidem dicunt utilitate omnia metienda sunt, negliget leges easq; perumpet si poterit is, qui sibi eam rem fructuosam putabit fore. Ita fit ut nulla omnino sit justitia, si neq; natura est, & ea quæ propter utilitatem constituitur, utilitate aliâ convellitur. & iterum post pauca : Quod si populorum jussu, si principum decretis, si sententiis judicum jura constituerentur, jus esset latrocinari, jus adulterare, jus testamentis falsa supponere, si hæc suffragiis aut scitis multitudinis probarentur, Quod si tanta potentia est stultorum sen-

si jus opinione est, etiam scelera possunt jura fieri.

sentis atque iussu, ut eorum suffragiis rerum natura ver-  
tatur, cur non sanciant ut quæ mala perniciosaq; sunt ba-  
beantur pro bonis ac salutaribus? aut cur, cum jus ex in-  
juria lex facere possit, bonum eadem non facere possit ex  
malo? Atqui nos legem bonam à mala nulla alia nisi  
naturali norma dividere possumus. In eandem sen-  
tentiam loquitur Plato in *Minoe*. Epicuri ante-  
cessor Theodorus eò impudentiæ tandem de-  
venit, ut putaret omne quod placuisset, jus fieri  
posse. Cum enim primò Deos fuisse & jus  
naturâ constare negasset, affirmavit deinde, sa-  
pientis etiam esse in tempore furtis, adulteris  
& sacrilegis operam dare, nihil enim horum  
naturâ turpe esse, si auferatur de hisce vulgaris  
opinio, stultæ ac imperitæ plebeculæ erroribus  
constata: imò non alienum esse à sapiente pu-  
blicè sine pudore scortis congregari, talem enim  
ad usum nasci mulieres. *Laert. in vita Aristippæ*.  
En impudentiam hominis! ecquis dubitat  
hunc Philosophum beluis impudentiorem esse?  
*Augustin. lib. 14. de civ. Dei cap. 20. idem de Dioge-  
ne testatur. Quasi forma & modus agendi, ex  
quo tota actionis qualitas dependet, nihil ad  
actionem attineret. Si Ciceroni fidem habe-  
mus, etiam severi nostri Stoici in ea opinione  
fuerunt, nihil esse turpe nec in rebus nec in  
verbis, epist. fam. 22. lib. 9. Præclara, si diis placet,  
sententia, quæ haud dubiè manavit ex eò prin-  
cipio, quod putabant Deo quidvis libère atque  
id statim justum esse posse, quod supra lib. 1. cap.  
16. & lib. 3. cap. 8. refutavimus: sublata enim hoc  
modo*

modo iustitia Dei, conclusere porro, ergo etiam homini furari & scortari iustum esse posse, si id legislatori vel communi consuetudini placeat: Deo enim hæc indifferentia esse arbitrabantur. Haud alia mens fuit Agrippinæ, quæ cum filio suo Neroni incestum offerret, putabat licere si liberet. Tacit. 14. *annal.* & consiliariorum Cambyſis, qui consulti an sororem liceret uxorem ducere? responderunt *Perſarum, Regi, licere quicquid libeat Herodo. lib. 3.* Ad quid ergo Theologia & Iurisprudencia profunt? quid iuvant ethica & politica præcepta? quid sacrarum literarum minæ, & descripta ab ethnicis, quoque Plutonis regna sibi volunt, si jus esse potest quicquid libuerit? Et quid de exemplis pœnarum atrocissimis, quæ Deus in injustis exhibuit, dicemus? an Sodomitæ opinione tantum peccarunt & puniti sunt? ergone etiam Deus ipse de iustitia sua præter opinionem, nihil certi habet? Cello reliqua: pudet enim me istorum hominum, Deum & rationem abnegantium.

Sed & illud Ciceronis ex d. lib. 1. de legib. argumentum observandum est, quod, dicit eadem ratione etiam bonum & beatitudinem tantum opinione fore. *Ipsam bonum, inquit, non est in opinione sed in natura, nam si ita esset, beati quoque opinione ne essent, quo quid dici potest stultum? quare cum bonum & malum naturâ judicetur & ea sint principia nature, certè honesta quoque & turpia simili ratione judicanda & ad naturam referenda sunt. Plura pro veritate*

## 572 DE PRINCIPIIS JURIS

ritate juris argumenta lector ex Ciceronis *lib. 1. de legib.* petere poterit: urget autem imprimis hoc argumentum, quod jus sit ipsum bonum, & justitia exspectatur per se ut omnes aliæ virtutes, esse ergo necessario essentiale & reale quid in natura.

*An positum  
rum jus o-  
pinione  
constet.*

Atque hæc non de jure naturali tantum, sed etiam de civili intelligi volumus, quia jus civile est pars ejus rationis, quam opinionem non esse huc usque disputamus. Nam quis dixerit ea quæ ex civilibus legibus percipimus bona, quæque ob civilem societatem honestè & utiliter ordinantur, meras opiniones esse: nisi quis rationem cum opinione confundere, & se loco rationalis animæ opinionem habere affirmare velit? Officia publica distinguere, actiones certo ordine institui, certis solennitatibus corruptelas legum arceri, non ex opinione bona sunt, sed utilitatem suam maximam realiter exhibent. Videmus civilium officiorum simulacra in natura: apes tam benè disposita habent officia sua, ut nec meliorem politiam homines fingere possint, habent reges & subditos, puniunt furta, & judicia quasi exercent, bella etiam gerunt, & omnes quæ ad societatis salutem pertinent leges, naturâ observant: nec possent etiam sine his uno in alveo cohabitare. Formicæ apibus persimiles sunt, & putantur similem politiam exercere in cavernis terræ. Grues, quia gregatim volant, daces suos habent ac vigiles. *Plin. lib. 10. cap. 23.* Hæc non possunt humanâ persuasio.



suasione & opinione in brutis ac infectis esse, sed quia societas secundum naturam est, ea autem sine ordine consistere nequit, ergo etiam quæ ad salutem societatis ordinantur, simulacra sua & nisus habent in natura. Nec quicquam naturæ veritati officit civilium mutabilitas, quia tantum externi applicationum modi in civilibus mutantur, pro ut ratio & usus id postulant, quemadmodum superius diximus, ipsa interior forma & finis civilium legum semper manent. Ut quisque sibi vestem comparat, suæ staturæ aptam, suo statui & officio convenientem : & ut quisque sibi domum ædificat, & disponit res suas, pro ut suæ negotiationi & commoditati id utile est. Ita etiam publicus paterfam. in sua civitate disponit prout ipsi utile esse videtur. Non omnis vestis omnibus apta est; nec quævis domus cuivis utilis; nec omnis lex civilis ubique est proficua. In hisce ergo se tempori & rerum usui accommodare non est opinio, sed optima & constantissima ratio. Constantissimam dico, quia vera forma, ratio & finis civilium non sunt in externa applicationis forma, sed in eo fine quod semper utilia, convenientia, & usui rationabili commoda esse velint. Ergo nec in puris civilibus id statim rationabile, justum & reipub. utile est, quod legislatori in mentem venit, sed & ipsa pure positiva fundantur in veritate rationis, non in vanitate opinionis, aut in quavis temeraria voluntate hominis.

Ut au-

*Argumenta  
adversario-  
riorum.*

Ut autem plerumq; homines, quando à veritatis tramite semel declinarunt, malunt argutias quasdam, quibus errorem suum pallient, comminisci, quam hallucinationem fateri: ita hic quoque juris calumniatores ratiunculas quasdam, quibus imperitiæ plebi imponderent, excogitavere. Et quia barbarum vulgus cupiditate licentiæ in contemptum juris pronum est, non inutile fuerit tela adversariorum, quibus maximè confidunt, confringere.

*I. Jus natura  
non esse  
notum.*

Primò putant, si jus naturâ sit, cuius innatum & notum fore, ut ipsa natura omnibus est innata. At jus quidem natura omnibus innatum est, sed usus ejus est in arbitrio hominis. Deinde etiam ea quæ sine ullius contradictione naturâ sunt, non sunt in omnibus æqualiter, idque multis de causis potest contingere. Interdum enim natura vitio corporis impedita perfectionem suam non attingit, & ita quidam sunt planè cæci, alii cæcutiunt: an propterea visus videntium est opinio? quidam prodeunt ex utero altero pede destituti, *Solin. in Polyhist. cap. 65.* an propterea omnes homines sunt unipedes? Interdum natura vitio animi finem suum assequi nequit, quemadmodum in ebriis & ignavis videmus, qui vix beluas superant intellectu. Imputet quisque suæ socordix quod minus intelligit: jus certe naturâ ita comparatum est ut ab omnibus sciri possit. Est verò id impudentis arrogantix, tantam suæ socordix tribuere sapientiam, ut quæ ipse resupinâ negligentia

gentiā oscitans non intelligas, pures à nemine intelligi, & erroneā opinione omnes deludi, nisi te ad stipulatorem veritatis habeant. Multa sunt omnibus in artibus verissima & naturā certissima, quæ soli artifices cognoscunt, ac imperito tyroni verbis indicare nequeunt, quia intellectus & iudicium de rebus non modo ex verbis docentis, sed etiam ex ingenio audientis & ex usu tractantis est, quapropter nihil refert quid insciji iudicent, standum est iudicio intelligentium. Idem etiam de civilibus seu positivis iuris nemo recte iudicare potest, nisi objectum iuris civilis, civilem societatem cognoverit, ad quod usu & experientia opus est.

Secundò dicunt adversarii, ipsos iuris auctores sibi non constare: Lyncurgum furta eduliorum concessisse, Draconem capite plectendum statuisse qui alienum florem decerpisset: Moſen Gen. 2. & Iureconsultos, D. de ritu nupt. nuptias ita describere, quod sint *conjunctio unius viri cum una femina, quæ individuum vitæ consuetudinem contineat*: eosdem alibi divortia concedere; polygamiam alibi per mitteri, alibi capitali poenâ prohiberi; quin unum eundemque legislatorem modo affirmare quæ nuper negarat, & infinitam esse in iure varietatem, cum ea quæ natura sint, semper firma, certa & finita deprehendantur. Respondemus, distinguenda hic esse naturalia à positivis, & ea quæ simpliciter per se considerantur aliter aspicienda, quàm quæ conferantur cum rationibus, majorum aut

2. Auctores  
iuris sibi  
non constare.

minoro-

## 376 DE PRINCIPIIS JURIS

minorum bonorum : deinde distinguenda esse tempora & objecta, circa quæ jus redditur : & tandem, externos applicationum juris modos cum jure ipso non esse confundendos. Nam qui juris autores inconstantia arguere vult, primò videre debet an de naturali, an de purè civili, an verò de mixta lege & ratione loquatur, & an facta quæ sibi invicem opponit, omnibus modis eadem sint, nullamque temporis, loci, personarum, formæ reipub. vel alterius circumstantiæ habeant varietatem, an item legislatoris ratio ubique sit spontanea, an verò mixta & præ malis majoribus approbata. Qui hæc non consideraverit, rationem ab aliis sine ratione postulabit : qui verò id fecerit, haud facitè aliquid invenerit, in quo juris autores inconstantia arguere possit. Rationes autem quæ legistatores movere potuerint non semper extant in legibus, sæpius petendæ sunt ex historiis & ex formâ reipub. Quia autem hæc sunt facti, & quia prudentissimos latere potest, quæ necessitas coegerit, quæve ratio persuaserit hoc potius quam illud eligere, ergo etiam in rationibus legum antiquarum interdum probabiles conjecturæ suum locum obtinent. Quâ de causa Moses divortia tolerasset, forte valde controversa esset quæstio, nisi nobis causam indicasset Christus *Matth. 19. v. 8.* nempe *propter duritiam cordis*. Erant Israelitæ tam duræ cervicis ut cum uxoribus exosis nullo modo vellent in gratiam redire, sed lædebant se conjuges mutuo & ca-

& capitalia odia exercebant : divortia verò jam sensim invaluerant ut sine scandalo fieri possent, aut si Moses ea primus concessit, minus mali habebant quàm illa familiaria jurgia. Postquam verò homines iis libidinose abuti cœperunt, potestate gladii & terrore mortis prohibita sunt, exceptis certis causis magistratui probandis. Eadem est ratio polygamiae; invaluerat ea ante Moysen, & apud paucos erat in usu, ut nemini esset scandalo, nec poterat publicâ lege damnari, sine gravi præjudicio sanctissimorum patrum Abraham & Iacobi, quod valdè scandalosum fuisset : nostro verò tempore cur ea concedi non possit alibi diximus. Alia erant tum tempora, alia reip. forma, alii mores populi Israelitici, nostris longè dissimiliori. Lycurgus omnia furta non probavit ut Xenoph. *de repub. Laced.* testatur : ediliorum furta sola pueris impunita esse voluit, optimâ ratione. Non poterant pueri in sobria illa Lacedaemoniorum vita semper contenti esse ordinaria cibi portione, si quid ergo fame coacti surripuissent, id condonabatur ætati & necessitati, & excusabatur quod non posset in hæc delicta inquireri : pueros fame coactos esse : nemini vitio vertendum si famem solari voluisset : inprimis pueris eam culpam condonandam, cum non dolo sed puerili lusu vel calliditate aliis surripuerint : sibi imputare debere qui panem suum non custodierint : ingenia puerorum servilibus plagis non esse obtundenda.

denda. Ita excusabantur qui in ipso furto eduliorum non essent deprehensi, & quidem pueri tantum, in quos poena furti cadere non poterat propter defectum dolosi consilii, sine quo furtum non committitur. Si tamen ipso in facto deprehensi fuissent, vapulabant. Si edulia jam comedissent, impunè erat factum fateri & aliorum negligentiam irridere, quia aliàs pueri didicissent mentiri, & inquisitio publica, personæ ac rei vilitati non conveniens, foret instituenda. Has rationes nobis suggerunt Plut. *in instit. Laton. in Lycurgo.* & Xenoph. *de repub. Laced.* Cur eas Lycurgi rationes improbemus, causam nullam video, cum idem jus nostris legibus obtineat §. penult. *Instit. de oblig. qua ex del. nasc. l. impuberem 23. D. de furt. Covarruv. in reg. peccatum. part. 2. §. 1. n. 3.* & optimam habeat rationem. De Dionysio Syracusanorum tyranno Plut. *in apoph.* inquit, cum reliqua maleficia acerbè vindicaret, vestium furibus solis pepercit, ut Syracusani cogerentur aliquando finem convivendi & sese invicem inebriandi facere: nisi nobis Plutarchus indicasset, id factum in odium & poenam heluonum, ut non inquireretur si quid per ebrietatem amisissent, miraremur omnes cur sola vestium furta non punisset Dionysius? Eadem ratione Prætor negavit se aleatorum susceptori judicium daturum, si verberatus fuerit aut damnum fecerit ab aleatoribus. *l. i. D. de aleator.* miraremur cur Prætor furtis & injuriis atrocibus impunitatem promitteret, nisi ipsa lex rationem

tionem afferret, id factum in odium eorum qui aleatores suscipiunt. Quod autem Draco tam severus fuerit in pœnis, causam hanc esse suspicor, quia haud dubiè vidit agrestem & ferum populum suum (olim enim Græci ut latrones ex rapto vivebant *Thucid. lib. 1. Plur. in Theseo*) non posse nisi severissimis pœnis in officio contineri, & nisi ipse publicè tam severe plecteretur, privatos iterum arma arrepturos & suas injurias multò crudelius vindicaturos: has pœnas Solon postea, mutatis Græcorum moribus, mutavit. Omnibus in locis & regionibus, quo barbariores populi, eo pœnæ sunt rigidiores, quia effera barbaries pœnas mitiores despicit: quo cultiores populi, eò etiam humaniores pœnæ. Iureconsulti dicunt ex facto jus sumi. *l. si ex plagis. §. 2. D. ad l. Aquil.* & jus ex re constitui. *l. 1. §. 3. D. ad l. Corn. de Sicar.* quo indicant circumstantias temporum & factorum considerandas esse, quod si nos fecerimus, Lycurgum, Draconem & alios legislatores pro suorum temporum & rerump. statu non absurdas leges tulisse deprehendimus. Fatendum etià est Iurisconsultos & legumlatores interdum aberrare posse, quia homines sunt: at inde nequaquam sequitur, totum jus erroribus ac opinionibus constare: quin potius eo ipso probamus jus altissimis in natura hæere radicibus, quia tot erroribus petatum, tot arietibus fassarum opinionum percussum, tamen nec everti nec labefactari potest. Quo magis jus infestatur ab er-

rantibus, eò magis confirmatur & defenditur à sapientibus: si opinione constaret, à sapientibus jam dudum desertum, & à vulgo contritum esset. Sic oculus hominis in videndo, manus in apprehendendo sæpè fallitur, nec tamen visus & tactus opinionibus constant. Si ipsi sensus externi sæpè falluntur, mirandum non est judicià quoque, quæ pluribus & subtilioribus objectis obvia sunt, sæpè variare. Si omnes disciplinæ, quæ dissentientium opinionibus vellicantur, falsæ sunt, nihil erit veri in universa natura, quia nihil est de quo non disputetur. Cicero lib. 1. de legib. hanc objectionem ita diluit: *Sed perturbat nos, inquit, opinionum varietas hominumq; dissensio: & quia non idem contingit in sensibus, hos naturæ certos putamus, illa quæ aliis sic, aliis secus, nec iudem semper uno modo videntur, ficta esse dicimus. Quod est longe aliter. Nam sensus nostros non parens, non nutrix, non magister, non poëta, non scienā deperat, non multitudinis consensus abducit à vero: animis omnes tenduntur insitiæ, vel ab iis quos modò enumeravi, qui tenent vos & iudex cum acceperunt inficiunt & flectunt ut volunt, vel ab ea quæ penitus in omni sensu implicata insidet imitatrix boni voluptas, malorum autem mater omnium, cujus blanditiis corrupti quæ naturæ bona sunt, quia dulcedine hac & scabie carent, non ternimus satis. Et paulò superius dixerat: tanta est corruptela malæ consuetudinis, ut ab ea tanquam igniculi extinguantur à natura dati, exorianturq; & confirmantur vitia contraria. Quod si, quo modo est natura, sic iudicio homines humani (ut ait Poëta) nihil à se alienam putarent, coleretur jus æquè ab omni-*



ἢ omnibus. Et ita etiam Stoici statuebant διακρί-  
 νει τὸ λογικὸν ζῷον ποτὲ μὲν διὰ τὰς τῶν ἔξωθεν πραγμά-  
 των περιουσίας: ποτὲ δὲ διὰ τὴν κατὰ φύσιν τῶν σκεύ-  
 των: ἢ καὶ ἡ φύσις ἀφορμὰς δίδωσιν ἀδιακρίτους. Depra-  
 vari animal rationis particeps interdum negotiorum ex-  
 ternorum impulsione, & inductione, interdum eorum  
 qui una sunt doctrina & magisterio, natura enim prin-  
 cipia tribuit non depravata. Lact. in Zenone. Iuris  
 auctores ergo, quando civilibus legibus suo  
 tempori & reip. aptissimis utuntur, vel quan-  
 do majus damnum anteponunt minori, nul-  
 lam veræ juris essentia mutationem introdu-  
 cunt, nec errore sed optimâ ratione agunt. Si  
 tamen interdum (quod rarò & ad breve tem-  
 pus fit) error aliquis subintrat, is humanæ im-  
 perfectioni condonandus, juri autem ipso non  
 est imputandus.

Sed ulterius instant adversarii & dicunt, ser- 3. *Jurecon-*  
 vari illas quoq; leges quarum ratio nulla reddi *sultos pro*  
 possit, l. non omnium, cum 2. seq. D. de legib. l. omnis *errore com-*  
*definitio 202. D. de reg. jur. & jureconsultos ipsos* *stare fatore.*  
 fateri nonnulla contra rationem juris consti-  
 tui, l. quod verè, 14. & 2. seq. D. de legib. & errores  
 jus facere. l. supellethili. 3. §. ult. D. de supell. leg. vi-  
 dentur itaq; juris compositores errores & opi-  
 niones consultò defendere, & jus magna sui  
 parte erroribus constare ultrò fateri. Verum  
 Iureconsultus in d. l. non omnium. non dicit leges  
 sine ratione constitui & opinionibus constare,  
 sed nos rationes legislatoris interdum ignorare.  
 Multæ leges Romæ promulgatae sunt, de quibus

## 582 DE PRINCIPIIS JURIS

diu & studiosissimè deliberatum fuit, quarum tamen rationes nos ignoramus & non nisi ex verisimilibus conjecturis reddere possumus, at eas propterea despiciere nimis esset fastidiosum. In l. 14. 15. & 16. D. de legib. dicitur nonnunquam ex speciali ratione constitui aliquid contra rationem juris generalem, ut in privilegiis & remunerationibus bonè meritorum: nam in distributione præmiorum aliquem respectum factorum & personarum habere non error est, sed optima ratio. Quando autem errorem jus facere dicunt Iureconsulti, hoc volunt, errorem levem potius dissimulandum, quam ut rescissione eorum quæ acta sunt antiqua vulnera rescificemus, lites immortales semperq; redivivas faciamus, & cives nostros magistratuum ac juris contemptui assuefaciamus. Ea mens est Pauli in d. l. 3. §. ult. D. de supell. legata. Priscis enim temporibus non concessum erat civibus Rom. argenteam supellectilem habere ut ex d. §. intelligimus, ergo lex eo tempore de supellectile lata non poterat de argentea supellectili intelligi, quæ nondum erat. Aucto postea luxu, Romani vasa, crateres, candelabra & omnis generis instrumenta domestica, non ad ornatum tantum, sed etiam ad quotidianum usum ex argento conficiebant, quapropter non immeritò inter supellectilem numerari cœperant, l. supellectilia. 6. l. 7. §. 1. D. eod. legata itaq; supellectile putabant vulgus ex lege etiam candelabra & vasa argentea deberi, de quibus tamen legis-

*Quomodo  
error ius  
faciat.*

legislator non erat locutus. Quia tamen à mente legislatoris & definitione suppellectilis alienum non erat, etiam argentea vasa, si testator ea in quotidiano usu habuisset, suppellectili annumerari, nonnunquam in suppellectile præstabantur, teste Paulo *d. §. ult. & Papin l. legata. 9. §. 1. D. eod.* Quærebatur à Paulo, an vasa argentea, per errorem ex legato suppellectilis præstita, repeti possent? negat ille posse heredem tanquam non suppellectilem repetere quod ipse tanquam suppellectilem præstitisset, & hunc errorem jus facere ait. Et hoc sæpius in jure evenit ut quis quod civiliter non debuit, si solverit, repetere non possit, si modò naturalis quædam ratio debendi affuerit: quia error civilis non debet infecta reddere quæ naturali jure adimpleta sunt, & in pari causa, quando rationes possidentis æquè firmæ sunt atque repetentis, melior est ratio possidentis. Sic & in aliis casibus error aliquando jus facit, ut si quis aliquem per errorem ex falsa causa manumisisset *l. 9. D. de manum. vind. §. semel. 6. Instit. quib. ex ca. man. non lic.* si servus in testamento testis adhibitus fuisset, cum putaretur esse liber. *§. sed cum aliquis. Instit. de testam. ordin.* si mandatarius ignorans mortem mandantis aliquid egisset. *§. item si adhuc. 10. Instit. de mandato.* In his & similibus casibus valet quod actum est, ob errorem facti, qui hominem facile decipere potest. Si consultò id factum esset, non valeret, quia dolo & in fraudem legum esset actum: at humanus error fa-

cit ut valeat & jus sit quod aliàs non valeret. Est enim reipub. & contractibus periculosum, rescindere omnia quæ alicubi humanus attigit error. Non tamen, quia aliquando error facit ut jus sit & probetur quod alias reprobaretur, inde efficitur totum jus erroribus conflari, quin imò eo ipso, quod in jure error committi potest, probamus jus naturâ & ratione constare, alioquin nemo in jure malè opinari & errare posset. Omnis error opponitur veritati, ergo si in jure error deprehendi potest, præsupponitur veritas à qua errans deviavit: veritas autem est naturale quid & reale. Lex penult. vers. Prætor quoque *D. de just. & jure*, seipsam satis explicat. Objici etiam posset lex prospexit *l. 2. §. 1. D. qui & à quib. manum.* sed ea nihil iniqui erroris habet, si modò consideremus bonum publicum privato præferendum. Nam cum legislator videret mulierem, priusquam divortium faceret, posse servum adulterii reum aut conscium rus ablegare & ita legi fraudem facere, expressis verbis vetuit etiam illos manumitti servos, qui extra ministerium mulieris fuissent. Duram hanc legem putat Iureconsultus servis innocentibus, at publicæ honestati tuendæ est utilissima, ut manumissio tali in casu tantillum suspendatur, dum quæstio de adulterio potuerit haberi. Ad *l. libertatem 28. C. de nupt.* in qua lex Papia crudelissima sanctio vocatur, respondeo distinguenda esse tempora. Lata est lex Papia illo tempore quo Romani Senatores Regi-

Regium splendorem præ se ferebant, ut Cincas regis Pyrrhi legatus putabat, se tot reges vidisse Romæ quot senatores, *Eutrop. lib. 2.* & eo tempore non erat absurdum tanti ordinis auctoritatem tueri & libertinarum connubiis non maculare: at cum sub Imperatoribus auctoritas senatus esset imminuta, & tandem libertinarum mariti in senatum cooptarentur, tum non opus erat priscam severitatem legis Papiæ observare. Nec debet iudicium nostrum statim corrumpere vacula aliqua legi inserta, nam lex Papiæ *crudelis* non fuit, etsi Iustinianus eam ita vocet: fortè respectu illarum personarum, quarum gratia lex Papiæ abrogata fuit, durior visa est, quæ tamen olim rationabiliter & utiliter observabatur.

Sed non est hujus loci omnia specialiter explicare, & puto hæc sufficere ut jus nostrum non opinionibus constatum esse, sed naturæ & prudentum rationibus constare obtineamus, temerariosq; censores honestius de jure sentire, ac consideratius judicare moneamus. Idem Plato facere voluit *lib. 1. & 2. de republ.* ubi docet jus naturæ constare, non opinione, & Aristor. *5. eth. 7. al. 10.* Cicero *2. de legib.* inquit: Hanc video sapientissimorum fuisse sententiam, legem neque hominum ingenii excogitaram, neque scitum aliquod esse populorum sed æternum quiddam, quod universum mundum regeret, imperandi prohibendiq; sapientiâ. Stoici quoque non omnes tam absurdi fuerunt ut putarent jus opinione esse, idcō Laërt. in

## 586 DE PRINCIPIIS JURIS

Zenone docet eos statuisse φύσει τὸ δίκαιον εἶναι καὶ μὴ θέσει, ὡς καὶ τὸν νόμον καὶ τὸν ὁρθὸν λόγον, *natura esse jus, non positione! sicuti & legem & rectam rationem.* Subscribamus ergo nos quoque sapientissimorum sententiæ, & contrariam opinionem, quæ totius juris everisionem molitur, abjiciamus, hoc enim dato, quod iustâ opinione tantum sint, vel quod injusta Deo ullo modo placere possint, omnia pietatis & honestatis fundamenta tollerentur.

Atque hæc in præsentia de principiis juris dicta sufficiant, in quibus nos juris, à veritate iustissimi Dei & rectâ ratione hominis oriundi, principia ostendisse spero, tam certa & nobilia, ut cum principiis aliarum artium facile possint contendere. Quibus omnibus conclusionis loco hanc admonitionem subijcimus, ut perpendat homo, quam pulchra, quam admiranda, & quam planè divina sint omnia quæ à Deo habet naturalia! Sive enim corporis dona consideres, sive animi, nihil est in toto homine quod pro dignitate sua satis prædicari possit. Humanum corpus totum mundum cum omnibus suis ornamentis vincit, cum gratiâ tum artificio, Quis verò virtutes facultatum animæ, in naturali sua bonitate consideratas, satis digne prædicaverit? quis unquam virtutem minimam verbis satis celebrare potuit? Ut compendio dicam, totus homo ex mera bonitate & virtute naturaliter compositus est, ita ut nihil liceat invenire in homine quod in sua essen-

tia

## LIBRI V. CAPUT XV. 587

tia non sit ineffabiliter bonum. Si igitur omnia à Deo creata bona sunt, & homo supra illa omnia est optimus mundi incolà, quanto nos studio par est virtutes colere? quanto odio & quam dira execratione digni sunt iustitiæ hostes? Impossibile est Deum aut hominem posse benè velle iis, qui seipsos & Deum in naturalibus suis donis abnegant. Tanto ergo studio colamus iusticiam & Deum iustitiæ autorem, quam seriò volumus gratia Dei & pulcherrimarum virtutum fructibus cum exultatione frui.

*FINIS.*



INDEX



# INDEX IN LIBROS V. DE PRIN- CIPIS IURIS.

Prior numerus librum indicat,  
alter caput.

## A.

- A**quisitio dominij est juris gentium. lib. 4. cap. 12.  
Actiones ejus juris. lib. 4. c. 12.  
Actiones divinae quae. lib. 1. c. 16.  
Actiones humanae quae. lib. 1. c. 16.  
Actiones existunt in particularibus. lib. 1. c. 13.  
Actiones humanae omnes existunt ex voluntate hominis  
lib. 1. cap. 13.  
Actiones mixtae quae. lib. 1. c. 13.  
Aequum & bonum sunt idem. lib. 2. c. 3.  
Aequitas est materia juris. lib. 2. c. 3.  
Aequalitas omnium hominum est juris natura. lib. 3.  
cap. 5.  
Agnitio sui est juris natura. lib. 3. c. 4.  
Alienatio dominij est juris gentium. lib. 4. c. 12.  
Amore impletur jus natura. lib. 3. c. 1.  
Amor est finis omnis juris. lib. 3. c. 1.  
Amor mutuum est juris natura. lib. 3. c. 4.  
Angelorum ignoratio genuit falsos Deos. lib. 1. c. 5.  
Anima est principium motus. lib. 1. c. 7.



# I N D E X.

*Animam rationalem propagari.* lib. 1. c. 9.

*Animalia bruta naturā ad bonum ducuntur.* L. 2. c. 4.

*Animi candor est juris natura.* L. 3. c. 3.

*Appetitus, vite principium, in omnibus creaturis est.* L. 1. cap. 12.

*Arbitrium liberum in homine non est.* L. 1. c. 14.

*Auxilia mutua sunt juris gentium.* L. 4. c. 8. 9.

## B.

*Bella sunt juris gentium.* lib. 4. cap. 11.

*Bonum est Deo essentiale.* l. 1. c. 3.

*Bonum est materia juris.* L. 2. c. 3.

*Bonum est jus ipsum.* L. 2. c. 3.

*Boni partes, honestum & utile.* l. 2. c. 3.

*Bonum volunt omnes leges & omnia jura.* l. 2. c. 3. 4.

*Bonum publicum privato praefertur.* L. 2. c. 4.

*Boni appetitus est naturalis.* l. 3. c. 4.

*Bonorum verus usus est juris natura.* L. 3. c. 6.

*Bonum summum est jus natura.* L. 3. c. 12.

*Brutorum natura inclinatur in virtutes & in bonum.* lib. 2. cap. 4. 8.

*Brutis jus non competit.* L. 2. c. 8.

*Bruta non faciunt injuriam.* L. 2. c. 8.

## C.

*Candor animi est juris natura.* lib. 3. cap. 3.

*Castitas est juris natura.* L. 3. c. 5.

*Casus conscientiae qui.* L. 3. c. 9. L. 5. c. 10.

*Casu an fiunt omnia.* l. 1. c. 12.

*Ceremonia externa cuius juris.* L. 4. c. 9. 12.

*Civitas mari collata.* l. 1. c. 1.

Civilis

# I N D E X.

- Civilis vita regula. lib. 1. c. 10.  
 Civile quid. L. 5. c. 1.  
 Civitas duplex. L. 5. c. 2.  
 Civilia jura duplicia. L. 5. c. 2. 6.  
 Civilia mera quæ. L. 5. c. 2.  
 Civiles leges quando primum lata. l. 5. c. 5.  
 Civilis juris finis. l. 5. c. 3.  
 Civilium ratio civilis. L. 5. c. 3.  
 Civitas quomodo nascatur. l. 5. c. 4.  
 Civiles leges fert majestas. L. 5. c. 4.  
 Civilia jura an ferenda in ecclesia. L. 5. c. 5.  
 Civilia jura quomodo sint mutabilia. L. 5. c. 7.  
 Cælestis lex, pro divina. L. 1. c. 4.  
 Cæli lex. l. 1. c. 5.  
 Cælum an vivat. l. 1. c. 5.  
 Cælestis musica philosophorum quid. L. 1. c. 5.  
 Cæli virtus est fatum. l. 1. c. 15.  
 Communio bonorum est juris natura. L. 3. c. 6.  
 Communio uxorum est contra naturam. L. 3. c. 5.  
 Conjugium est juris natura. L. 3. c. 5.  
 Consensus parentum in nuptiis liberorum, cujus juris sit.  
L. 4. c. 9.  
 Contractus sunt juris gentium. L. 4. c. 12.  
 Creatura Dei omnes vivunt vel vitæ principium habent.  
L. 1. c. 5.  
 Cupiditas non efficit actionem violentam. l. 1. c. 13.

## D.

- Debitorum sectio quid. lib. 2. c. 4.  
 Defensionis omnes species juris gentium sunt. L. 4. c. 8.  
 Defensionis requisita. L. 4. c. 10.

Despe-

# I N D E X.

- Desperatio est contra jus natura. L. 4. c. 19.  
 Deum esse. L. 1. c. 3.  
 Deus proprium est jurisprudentia proœmium. l. 1. c. 3.  
 Deum esse justum, bonum, &c. L. 1. c. 3.  
 Deus est lex ipsa. L. 1. c. 4. l. 3. c. 8.  
 Deus humana respicit. l. 1. c. 3.  
 Deus primum juris principium. L. 1. c. 4.  
 Deorum multitudo unde. L. 1. c. 5.  
 Dei voluntas non tollit voluntatem hominis. L. 1. c. 16.  
 Dimidium plus toro. L. 1. c. 1.  
 Divina actiones quæ. l. 1. c. 16.  
 Divortia cur concessa. L. 3. c. 10.  
 Dolus malus est spontaneus. L. 1. c. 13.  
 Dolo malo acta non valent. L. 1. c. 13.  
 Dominiarum distinctio est juris gentium. L. 4. c. 12.  
 Dominiy acquisitio & alienatio est juris gentium. L. 4. c. 12.  
 Domus quæ dicatur. L. 5. c. 4.  
 Duella provocantium se an licita. L. 4. c. 11.

## E.

- Ebrius differt ab ebrioso. L. 1. c. 13.  
 Educatio liberorum est juris natura. L. 3. c. 3.  
 Evangelij & legis consensus. L. 1. c. 8.  
 Errorum commune principium. L. 1. c. 5.  
 Errorum fructus. L. 1. c. 1.  
 Error quomodo vitari possit. l. 1. c. 8.  
 Error quomodo jus faciat. L. 5. c. 15.  
 Executiones cujus juris sint. L. 4. c. 12.  
 Exordium juris Deus l. 1. c. 3. & lex divina. l. 1. c. 4. &  
 lex natura. l. 1. c. 6.

Familia,

# I N D E X.

## F.

- Familia, & familiaria jura. lib. 5. cap. 4.  
 Fas quid sit. l. 2. c. 5.  
 Fatum est iussus cæli. l. 2. c. 5.  
 de Fato copiose. l. 1. c. 5. 15.  
 Fidei justitia ratione non cognoscitur. l. 1. c. 8.  
 Fidem servare est juris natura. l. 3. c. 3.  
 Fœdera sunt juris gentium. l. 4. c. 12.  
 Fontes juris duo. l. 1. c. 10.  
 Forma est principium motus. l. 1. c. 7.  
 Forma hominis. l. 1. c. 7.  
 Formula solennes quid profint. l. 2. c. 4.  
 Fortuna an regat humana. l. 1. c. 17.  
 Forum soli & poli quid differant. l. 5. c. 14.  
 Furta an probet Deus. l. 3. c. 9.  
 Furti pœna qua licita. l. 5. c. 8.

## G.

- Gentium jure an sit opus. l. 4. c. 1. ejus præcepta. l. 4. c. 7.  
 & seq. cur sit introductum. l. 4. c. 2. ejus differentia 2  
 jure naturali. l. 4. c. 3. ejus appellatio. l. 4. c. 4. ejus de-  
 finitio. l. 4. c. 5. quod sit duplex. l. 4. c. 5. quod sit im-  
 mutabile. l. 4. c. 13.  
 Graduum prohibitorum ratio in conjugio. l. 3. c. 10.  
 Gratitude est juris natura. l. 3. c. 5.

## H.

- Homines quomodo pro Diis haberi cæpti. l. 1. c. 5.  
 Hominis partes corpus & anima. l. 1. c. 7.  
 Homo spiritusque quis. l. 1. c. 7.

Hons-

# I N D E X.

Honestum est pars boni. l. 2. c. 3.  
 Honestum jubetur à jure. l. 2. c. 3.  
 Honestas est juris natura. l. 3. c. 5.  
 Humana lex quæ. l. 1. c. 7.  
 Humana actiones. l. 1. c. 16.  
 Humanum jus duplex. l. 2. c. 8.  
 Humanitas hominum propria. l. 3. c. 4.

## I.

Idea unde nata. l. 1. c. 5.  
 Ignoratio an faciat actionem invitam. l. 1. c. 13.  
 Ignorantia affectata quæ. l. 1. c. 13.  
 Ignorantia duplex est. l. 1. c. 13.  
 Ignorantem & ex ignorantia agere differunt. l. 1. c. 13.  
 Ingeniorum optimorum abusus pessimum. l. 1. c. 9.  
 Imago Dei in homine quid. l. 1. c. 8.  
 Intelligentiæ unde effecta. l. 1. c. 5.  
 Integritas præcipitur jure naturæ. l. 3. c. 3.  
 Invita actio quæ. l. 1. c. 13.  
 Lucunda non esse violenta. l. 1. c. 13.  
 Ius differt à lege. l. 2. c. 1. & sæpe usurpatur pro lege. ibid.  
 unde dictum. l. 2. c. 2. in prima & propria significatione  
 quid sit. l. 2. c. 1. 2. in prima significatione quadruplex.  
l. 2. c. 5. est ipsum æquum & bonum. l. 5. c. 3. an sit opi-  
 nio. l. 5. c. 13. est unum. l. 5. c. 13.  
 Juris species primæ an duæ, an tres. l. 4. c. 5.  
 Ius mixtum. l. 5. c. 11.  
 Ius humanum propriè dictum quid. l. 2. c. 6.  
 Ius divinum quid. l. 2. c. 5.  
 Ius cæli est fatum. l. 2. c. 5.  
 Ius naturæ dicitur quatuor modis. l. 2. c. 5. duplex est. l. 2.  
c. 9. an sit in brutis. l. 2. c. 8. impletur amore. l. 3. c. 1.

# I N D E X.

praestat omnibus iuris speciebus. l. 3. c. 1. 12 obligat omnes  
l. 3. c. 7. est immutabile. l. 3. c. 8. & seq. est unum & uni-  
tas. l. 3. c. 8. ejus finis. l. 3. c. 1. 12. ejus praecepta. l. 3. c. 3.  
 & seq. ejus nota generalis. l. 3. c. 2. ejus definitio. l. 3. c. 1.  
 ejus cum jure gentium confusio. l. 2. c. 9. ejus lex seu nor-  
 ma. l. 1 c. 10.

Juris civilis norma & regula. l. 1. c. 10.

Juris gentium regula. l. 1. c. 10.

Ius gentium. vide Gentium.

Jurisprudētia dignitas. l. 3. c. 12.

Jurisconsultus quid differat a theologo in explicatione juris.  
l. 2. c. 7.

Jurisconsulti finis. l. 2. c. 7.

Jurisconsultos occupari circa summum bonum. l. 3. c. 12.

Iustitia ethnicorum dea, repudiata. l. 1. c. 3.

Iustitia alia fidei, alia operum. l. 1. c. 8.

Iynges unde. l. 1. c. 5.

## L.

Lata culpa; ex qua ignorantia nascatur. l. 1. c. 13.

Legis significatio varia. l. 1. c. 4.

Legum rationes suppeditant principia juris. l. 1. c. 14.

Leges allegans quid praesupponat. l. 1. c. 2.

Leges imperant, non persuadent. l. 1. c. 2.

Lex gubernans quadruplex. l. 1. c. 4.

Lex divina quae. l. 1. c. 4.

Lex divinae voluntatis regit omnia. l. 1. c. 4.

Lex coeli quae. l. 1. c. 5.

Lex natura quae. l. 1. c. 6.

Lex humana quae. l. 1. c. 7.

Lex peccati in homine. l. 1. c. 7.

Lex rationis in homine. l. 1. c. 7.

Lex mo-



# I N D E X.

*Lex moralis Dei cognoscitur à nobis imperfectè. l. 1. c. 8.*  
*cognoscitur ratione. l. 1. c. 8.*

*Lex naturalis vitæ. l. 1. c. 10.*

*Lex vitæ omnium gentium. l. 1. c. 10.*

*Lex vitæ civilis. l. 1. c. 10.*

*Lex civilis fertur à majestate. l. 5. c. 4.*

*Lex jubet bonum. l. 2. c. 3.*

*Libertas est jura naturæ. l. 3. c. 5.*

*Liberalitas est jura naturæ. l. 3. c. 6.*

*Liberorum educatio est jura naturæ. l. 3. c. 5.*

*Liberum arbitrium in homine non esse. l. 1. c. 14.*

## M.

*Magistratus officium & dignitas. l. 5. c. 4.*

*Majestas quid. l. 5. c. 4. ejus officium. ibid. an sit subjecta  
 legib. l. 3. c. 7. l. 4. c. 13.*

*Majus bonum præfertur minori. l. 3. c. 9.*

*Mala a Deo non esse. l. 1. c. 16.*

*Manumissio est jura gentium. l. 4. c. 11.*

*Materia juris est æquum & bonum. l. 2. c. 3.*

*Matres liberos non habent in potestate. l. 3. c. 9.*

*Mixta actiones quæ. l. 1. c. 13.*

*Mixtum jus, quod. l. 5. c. 11.*

*Molesta an sint violenta. l. 1. c. 13.*

*Mores an sequantur temperamentum corporis. l. 1. c. 15.*

*Morale jus est naturale. l. 3. c. 1.*

*Mosaicarum legum distinctio. l. 5. c. 6.*

*Mosaicae leges quæ non observentur. l. 5. c. 9.*

*Motus rei ab anima & forma. l. 1. c. 7.*

*Multitudo uxorum an possit excusari. l. 3. c. 10.*

*Mundus an vivat. l. 1. c. 5.*

*Musica cæli quid. l. 1. c. 5.*

# I N D E X.

in mutationibus quid considerandum. l. 2. c. 4.

## N.

Natura varia acceptio. l. 1. c. 6.

Natura communis quæ. l. 1. c. 6.

Natura quid. l. 1. c. 7.

Naturale quid. l. 1. c. 7.

Natura humana in quo consistat. l. 1. c. 7.

Naturalis vitæ regula. l. 1. c. 10.

Naturam quam laudent philosophi. l. 1. c. 10.

secundum naturam vivere quid. l. 1. c. 10.

Natura semper ad bonum tendit. l. 2. c. 4.

Naturale jus quod. l. 2. c. 9.

Naturale jus dici quatuor modis. l. 2. c. 5.

Nefas quid. l. 2. c. 5.

Negligentia mater inscitie. l. 1. c. 5.

## O.

Obligationes cujus juris. l. 4. c. 12.

Objectum jurisconsulti homo. l. 2. c. 8.

## P.

Pacta sunt juris gentium. l. 4. c. 12. l. 5. c. 12.

Pagus quomodo constituatur. l. 5. c. 4.

Parentum amor est juris naturæ. l. 3. c. 5.

Patria naturaliter chara est. l. 3. c. 5.

Patria potestas est juris civilis. l. 3. c. 9.

Pax est juris naturæ. l. 3. c. 6.

Peccatum non est de natura. l. 1. c. 7.

Peccatum non est de essentia hominis. l. 1. c. 7.

Peccati lex in homine. l. 1. c. 7.

Philosophiæ in jure utilitas. l. 1. c. 1. 2.

Philosophia cum jure cognatio. l. 1. c. 1.

Philo-



# I N D E X.

- Philosophia exhibet juris principia. l. 1. c. 2.  
 Pœnarum modi sunt civiles. l. 5. c. 8.  
 Pœna furti quæ iusta. l. 5. c. 8.  
 Pœna quatenus sint juris gentium. l. 4. c. 9.  
 Politica & jurisprudentia cognatio. l. 1. c. 2. & l. 5. c. 3.  
 Polygamia patrum excusatur. l. 3. c. 10.  
 Positivum jus quod. l. 4. c. 4. l. 5. c. 1.  
 Potestas patria est juris gentium. l. 4. c. 9.  
 Potestas maritalis est juris gentium. l. 4. c. 9.  
 Prædestinatio Dei non tollit voluntatem hominû. l. 1. c. 16.  
 Præscientia Dei non tollit voluntatem hominû. l. 1. c. 16.  
 Præsumptiones juris unde nascantur. l. 2. c. 6.  
 Præsumptiones juris quatuorplex. l. 2. c. 6.  
 Princeps an subsit legib. vide Majestas.  
 Principia juris cur discenda. l. 1. c. 1. unde haurienda. l. 1. c. 2.  
 Principium juris primum Deus. l. 1. c. 4.  
 Privilegia omnia sunt civilia. l. 4. c. 13.  
 Proœmium legum proprium Deus. l. 1. c. 3.  
 Providentia Dei non tollit voluntatem hominû. l. 1. c. 16.  
 Provocationes ad duella cujus juris. l. 4. c. 11.  
 Pubertas an olim inspectione probata. l. 2. c. 4.  
 Pudicitiam licet defendere. l. 4. c. 10.

## R.

- Ratio humana fato non regitur. l. 1. c. 5. 15. regit hominem ut hominem. l. 1. c. 7. est summa lex humana. l. 1. c. 7. cognoscit voluntatem legis divinæ. l. 1. c. 8. non est contra evangelium. l. 1. c. 8. est in omnibus hominibus. l. 1. c. 9. est fons juris humanus. l. 1. c. 9. non est pars divinitatis. l. 1. c. 10.  
 Rationis summi apices sunt præsuppositi seu fidei. l. 1. c. 8.  
 Rationes legum suppeditant juris principia. l. 1. c. 1.

# I N D E X.

Religio est juris natura. L. 3. c. 3.

Religionis defensio est juris gentium. L. 4. c. 8.

Ritualia sunt civilia. L. 5. c. 6.

Rituum ecclesiasticorum finis & usus. L. 5. c. 6.

## S.

Sanctitas precipitur jure natura. L. 3. c. 3.

Sanctio juris naturæ ad quod pertineat. L. 3. c. 7.

Sectio debitoris quæ olim usitata. L. 2. c. 4.

Servitus est juris gentium. L. 4. c. 11.

Societas est juris natura. L. 3. c. 5. interdum juris gentium.  
L. 4. c. 9.

Sol pro Deo cultus. L. 1. c. 5.

Solennitatum civilium ratio. L. 2. c. 4. L. 5. c. 3.

Spontanea actio quæ. L. 1. c. 13.

Sui agnitio & amor est juris natura. L. 3. c. 4.

Summum bonum est finis juris natura. L. 3. c. 12.

## T.

Testamentorum solennia quid prosint. L. 2. c. 4. L. 5. c. 3.

Theologia in jure utilitas. L. 1. c. 1. 2. ejus cum jure cognatio. L. 1. c. 1. 16. L. 2. c. 7.

Theologia exhibet principia juris. L. 1. c. 2.

Theologus quid differat à Iureconsulto in explicatione juris. L. 2. c. 7.

Tutela est juris gentium. L. 4. c. 9.

## V.

Veritas precipitur jure natura. L. 3. c. 3.

Veritatis defensio est juris gentium. L. 4. c. 8.

Violenta actio quæ. L. 1. c. 13.

# I N D E X.

Vita in omnibus creaturis. L. l. c. 5. 12.

de viribus humanis inquirendum Iurisconsulto. l. 1. c. 11.

Voluntas divina pro lege. l. 1. c. 4.

Voluntatem Dei cognoscimus ratione. l. l. c. 8.

Voluntas Dei non tollit voluntatem hominis. l. l. c. 16.

Voluntas hominis in omnibus actionibus humanis est. lib. 1. cap. 13.

Voluntarium quid. l. l. c. 13.

Vsucapionum ratio. l. 2. c. 4. l. 5. c. 3.

Vsurarum ratio. l. 2. c. 4. l. 5. c. 3.

Vtile, est pars boni. l. 2. c. 3.


Vtile jubetur à jure. l. 2. c. 3.

## Z.

Zalenci pulchrum legum proœmium. l. 1. c. 3.

## F I N I S.





## Errata.

Vitia typographica pravæ distinctionis aut mutatarum literarum, quæ benevolus lector nobis tacentibus deprehendere & corrigere poterit, consulto præterimus; & cujusq; candori emendanda relinquimus, ea tantum quæ autoris mentem in dubium vocare & scripturæ sensum obscurare poterant, pro ut in transcurso observavimus, indicaturi.

Cap. 3. & 4. lib. 1. præmii aliquoties scriptum pro præmii. pag. 73. v. 10. lege humanis. p. 104 v. 28. l. perat. p. 100. v. 23. l. quid. p. 241. v. 22. l. erunt. p. 307. v. 8. l. constat. p. 310. v. 23. l. desecatio. & v. 25 recte. p. 314. v. antep. l. acquireret. p. 315. v. 25. pro agere, malim, cogere. p. 354. v. penult. pro ad l. at. p. 383. v. pen. l. ingenti. p. 466. v. ult. l. habet.



# L I P S I Æ

## LAURENTIUS COBER

*imprimebat.*

### Anno CHRISTI

## 1615.





FIN.



A. PANDIMIGLIO  
RESTAURO  
DI  
LIBRI - ROMA



